


240

20

43



In Cordo
ne Les

De Garges
1642



RESPUBLICA
BOHEMIÆ
â
M. Paulo Stranskii
descripta.

LVGD. BATAVORVM,
Ex Officina Elzeviriana. Anno 1634.

Com. P. R.

Ex Libris Corn^u de Garges
Equitis Toparchæ Alemanni
1642



RESERVA

BOHEMIA

MILANO

1870

LIBRARY OF THE
MUSEUM OF NATURAL HISTORY
OF THE CITY OF MILANO
DEPOSITED BY THE
MUSEUM OF NATURAL HISTORY
OF THE CITY OF MILANO



Sereniss. quondam Bojemie

R E G I S

F R I D E R I C I

filiis

Illustrissimis ac Celsissimis Principib.

R V P E R T O & M A V R I T I O

fratibus Germanis

COMITIBVS PALATINIS RHENI,

Bavariæ utriusque Ducibus &c.

Ddnn. Ddnn. suis gratiosissimis,

V I T A M V I V A C E M,

H O N O R I S I N C R E M E N T A,

F E L I C I T A T E M O M N E M.

Humilime ac ex animo precatur



*On modo excultarum literis,
verum & barbararum gen-
tium complurium, typis non
ita pridem descriptæ, ac in
publicum emissæ Respub. in-
vito mihi etiam obnixequereluctanti, im-
posuerunt interea dum exulo quandam
quasi necessitatem de Repub. gentis mee*

(:) 2

(in

DEDICATORIA.

(in qua vos, PRINCIPES CELSISSIMI, alter conceptus estis, quæq; nec tam obscura, nec tam ἀπολίτῳ est, ut, de quo scribi sit opera pretium, nihil domi habeat) aliquid simile meditandi, inque literas conferendi. Optabam sane (quod ne nunc quidem optare desino) ut rerum usu doctrinaque & iudicio exercitator, quin & recentioribus, juxta ac vetustis Bojemicarum rerum monumentis abundantior, atque laris certioris aliquis admove-
ret operi istî manum: verum, quia qui laboris id vellet sumere, nemo hætenus mihi est visus, differre rem diutius, atque à scribendo me continere neutiquam potui.

Et certe non sola fuerunt quæ me huc impellebant aliarum, ut dixi, gentium exempla. Tantum videlicet valuit apud me quoq; innatus in patriam amor, amantiumque patriæ Virorum bonorum, ac imprimis vetustæ nobilitatis gravisque iudicii Equitis, Stephani Gersttorfii cohortationes amica, ut nec de soli natalis mei dotibus, nec de gentis, ex qua ab atavis genus repeto, vivendi ratione consociationeq; publica, silere me amplius sint passa. Prodeò ergo in publicum, ac meum hunc factum in lucem, usq; fortasse more, emitto. In quo, prout in tumultuariis fieri assolet, quamquam non pauca mihi videor videre, quæ de magni momenti rebus
vel præ-

DEDICATORIA.

vel præterita sunt penitus, vel descripta, quam oportebat, tenuius: candidi tamen pectoris judicem neminem existimo fore, qui voluntatis conatus mea probos, virum, quas ad scribendum attuli, imbecillitate metiri, vel temeritatis propterea condemnare me velit. Feci ego hîc quantum potui, non quantum volui, non quantum debui. Voti omnis est summa, ut patria crescat honor, & ut ne opella hac mea cujusquam, accuratius Bojemiam ac plenius ornare volentis παλαῖος luminibus, ullo modo officiat. Adumbravi autem Rempub. Bojemiam, non ea facie in quam belli hætenus flagrantis iniquitate est transformata, sed qua eam cum jam olim, tum sedente adhuc ad ejus clavum patre Vestro beata memoria Rege, ornatissimam vidimus, quaque eam reflorescentem, à nobis & posteritate videri, cum lacrymis optamus.

Hanc, Illustrissimi, atque cum ob vestram ipsorum in homines nostros animi propensionem clementissimam, tum ob ἀνέπαλτος patris in primis majorumq; merita, obsequiis gentis Bojemæ fidelibus, venerationeq; & amore immortalis omnium dignissimi PRINCIPES; hanc, inquam, Reipub. Bojemæ adumbrationem qualis qualis est, supplex Vobis ac venerabun-

DEDICATORIA.

aus confecro, dedico, offero; perquam humiliter ac enixe orans, ut eam gratam habere, meque adeo ipsum, vel in ultimo clientulorum vestrorum ordine connumerare velitis. Opt. Max. Pater, probro hostium sempiterno, Vos ambos, cum matre Regina, fratribusq; ac sororibus, omnibus generi nostro in multam senectutem conservet sospites, virtutibus exsuperanter coronet, collocatosq; in excelsa maiestatis cubili, florere cum posteritate omni jubeat FELICITER. Dab. Nonis Novembr. anno Christiano cdcxcxxxi.

Deditus. patria extorris
cliens

M. Paulus Stransky.

CAP.

C A P I T V M

In hoc Reipub. Bojemæ libello

Inscriptiones.

C A P.	P A G.
I. Situ & qualitatibus Bojemæ,	1
II. Districtibus Bojemæ,	11
III. Statu Bojemæ,	112
IV. Incolis Bojemæ & eorum moribus	143
V. Regimine Politico Bojemæ,	154
VI. Religionis mutationibus & regimine Ecclesiastico in Bojemia,	247
VII. Provinciis coronæ unitis,	297
VIII. Principibus Regibusque Boj.	311
IX. Reginis Bojemæ,	370
X. Regum Bojemæ liberis,	383
XI. Ordinibus Bojemæ,	389
XII. Comitibus Bojemorum,	407
XIII. Muneribus seu officiis publicis in Bojemia,	416
XIV. Concilio seu cōsistorio regio,	435
XV. Tribunalibus juri dicundo constitutis,	445
XVI. Opulentia & potentia regni Bojemæ,	467
XVII. Re numaria & computandi ratione,	484
XVIII. Regiis redditibus,	498

Leſturo

REMPVB. BOIEMORVM.

Qua quondam noſtri ſparſim ſcripſere
Bohemi,

Hæc Paulus Stransky cuncta Magiſter
habet.

Eequid habet? patrii quæ ſunt in viſcere
Quæq; in eo ſpectas, omnia ſolus habet.

Hic Legẽ Regemq; vides, hic munia plebis,
Ac euripeas, ut ſolet eſſe, vices;

Hic Luna eclipsin, Solis radiosq; videre eſt,
Utque utrumq; Fides relligioſa refert!

Laudo tuos Stransky calamos, patriæque
labores,

Poſtera quos gratum vita vocabit opus.

Perge diu patriæ jugi prodeſſe labore,

Nam pius eſt patriæ res recitare labor.

Si nunc labenti poteris ſuccurrere, demum

Et pius & fortis, res erit illa, labor.

Aliud.

Sixtus ab Ottrsdorſſi Cocin, Cutthenus,
Adamus,

Bis duo Bojema lumina gentis erant.

Si ſpectes patriæ rerum linguaq; peritum,

Me Paulus Stransky iudice quini⁹ erit.

ſuo longe dilectiſs.

Dn. Propatri

M. Georgius Colſinius,

Bohemus.

REI.



REIPUBLICÆ
BOJEMÆ,

à

M. PAVLO STRANSKY
recens conformatae,

C A P. I.

De situ qualitatibusq; Bojemis.

I. **E**UROPAEI orbis ea regio,
quam (quemadmodum
Chorographis placet) in-
ter longitudinis gradum
trigesimum quartum &
quintum aliquanto ultra trigesimū octa-
vum, & inter latitudinis gradū quadra-
gesimū octavum & nonum ad quinquā-
gesimū primum, gens mea colit, usitato
jam nomine Bojemia, seu Bohemia, &
Boemia, itemque Czechia vocatur. Est
autem illa ab Ortū ad Occasum lapides
quadraginta longa, ab Austro ad Septen-
triones triginta quinque lata, ita ut am-
bitu suo amplectatur lapides centum vi-
ginti tres. Insignia ejus provincialia, non

A

quæ

quæ nunc sunt, olim fuerunt. Nam cum inde ab ipsis gentis incunabilis Aquilam nigram in scuto albo gestasset, Imp. Cæs. Frider. Barbarossa pro ea Leonem album bicaudem, diademate aureo caput cinctum in scuto rubeo usurpare iussit. Fabulæ id relinquimus, quod de præcingente aquilæ pectus sive aheni, sive calice quidam commentantur. Figura regio ipsa est ovali, & cingitur undiq; montibus ac sylva continua. Montes Sudeti vocantur, sylva Gabreta, vel (sicut nostri eam nonnulli idiotismo vernaculo à ventorum agitatione cognominant) *Szumavva*. Peramoeni ergo cujusdam amphitheatri formam illa repræsentat. Clauditur ab Ortus Silesia & Moravia, ab Occasu Norico sive Palatinatu Bavariae, à Meridie Austria, à Septentrione Misnia & Lusatia. Aer ejus temperatus est, purus & salubris, tametsi Thrascias Corusq; eam plerumq; soleant perflare. Aquas non nisi domesticas bibit, quæ omnes intra regionis fines ex fontibus limpidissimis, passim per montana scaturientes, in rivulos, amnes, ac fluvios coeunt. Sunt pleræque omnes piscibus fecundissimæ, quæ suis singulæ alveis longas per ambages vagatæ, minores à majoribus, diversis in locis absorbentur, donec universæ in omnium tota regione famosissimum Albim ad Vistam, vel potius

BOIEMAE CAP. I.

tias ad Dieczinum collectæ, in vicinam Misniam evolvantur.

II. Princeps in his est, qui à nobis lingua vernacula *Labe*, à Latinis vero, per literarum metathesin, *Albis* vocatur. Hic in plaga regionis, quæ Silesiam & Boream spectat, (ut Xiphilini * verbis utamur) *ῥεῖ ἐκ τῶ Οὐανδελικῶν ὄρεων*, hoc est, ex præruptis, Silesiæ confinibus montibus duobus (*Krkonoſſe, das Riesengeburg*, seu Montes gigantum vulgus appellat) modico primum fonte erumpens, mox aliis decem fontibus quasi lacunis (unde à numero fontium Germanis *Elb, q. d. Elf*, id est, undecim, dictus †) in eundem alveolum confluentibus, perpetuantiumque iis in locis nivium colliquiis utcunque auctus, versus meridiē vadit, & suis quemque rivulis paulatim excreſcentes amnes cæteros, *Vpam* nempe (ex iisdem montibus, alio tamen in loco ortum) supra, *Metugen* vero infra *Iaromierzam*; *Worlicen*, hoc est *Aquilam*, *Laucznâ Chrudimcaque* aliquanto prius auctum, ad *Hradecium-Reginæ* exhaurit. Inde converso ad *Aquilones* itinere, *Cydlinam* ad *Libicen*, *Mrlinam* ad *Nymburgam*;

A 2

Gize-

* lib. 55. *Epitomes Dion.* † *Fabricius in suis rer. Misnicar. libris.*

Gizeram itidem ex *Krkonošis* montibus profluentem, infra *Taußinium*, obvius excipit, atque ita inter compascuos lætosq; saltus, quasi exsultabundus, *Vultava*, qui ab eo dignitate est secundus, supra *Mielnicum* occurrit. Eo vero istic, ut & brevibus interstitiis illinc discluso amne *Bessovca*, recepto, *Chablovcam* ad *Nucznicias*, *Ohrzen* seu *Oegram*, à plaga Occidentali, ex quatuor fluviorum parente *Pinifero* monte longis erroribus venientem, ad *Litomierziceam*, *Bilnam* ad *Vřtām*, *Plaucznicen* denique & *Badebacham* ad *Dieczinum* combibit; indeque onustis annona, & rebus quodvis genus aliis, incolarum pariter & *Misnicorum* navibus, ut & artificiose in longam congeriem coagmentatis asferum, tignorum, oportunorumve foco lignorum, struibus dicam, an ratibus, usque & usque fatigatus, per saxis rupibusq; horridarum convallium fauces, in *Misniam* eluctatur.

III. *Vultava* seu *Multavia* similiter, cujus inter amnes proxima est ab *Albi* dignitas, in plaga flatibus *Africi* obversa, ex *Lunæ* silva *Passavio* finitima, paulo supra callem, quem aureum vocant, ebulliens, præter vicum *Zelnavam*, ad Ortum iter meditatur, sed ob obstantia *Rosenbergæ* montana ad Septentriones
 .CONVER-

BOHEMÆ CAP. I.

conversus, Crumlovum, & mox Cœnobium S. Coronæ dexter præterlabitur, receptoque Malcza, quem nostræ linguæ homines *Malice* vocant, Budiegovicium adit. Progressus inde aliquantulum, Luznicen à lixivio dictum, sinuosum retroque ab opido Tabor ad meridiem flexum amnem, paulo supra Tynam excipit. Zwicoviæ vero propugnaculo, à Germanis, voce nobis peregrina *Clingenberg* dicto, propinquans, absorbet Blanicæ mixtum Vatavam, cum quo communi, lignatoribusque Pragensibus familiariter noto alveo nonnihil viæ emensus, Sazavæ, ex Moravo limite venienti, non procul ab aurifodinis Gilovianis, Mizæ vero seu Mzæ ad cœnobium Zbraslavinum (Aulam regiam Latine vocamus) junctus, & omnis generis, frumento insuper, piscibus, caseis, sale, & cætero commeatu onustis, ædificando aptarum arborum ratibus plerumque tantum non coopertus, Pragam Urbium cæterarum matrem, medius interluit ac scindit. Inde vero ob lapideum, duodeviginti arcubus, & utrinque præaltis turribus insignem, octingentos sexaginta duos cubitos longum pontem, quo stratus ibi est, cum fremitu indignatus, per confragosâ ruit, tantisper dum (quemadmodum paulo ante

dictum est) supra Mielnicum in Albim
exoneretur.

I V. Fluminibus istis ac fontibus, ad-
didit natura, regionemque beavit, non
tantum calidis, verum & medicinalibus
aquis. Thermas valetudinariis peruti-
les, ei est largita in locis, quæ Teplicium
à calore, & à fervore *Wary* vel Caroli
balneum vulgus vocat. Illis anno Chri-
sti 762. suum volutabro, has 1335. ca-
nis venatici casu, ac pilorum *cu τῶ ἐξα-
ραζέματα* ambustione, hominibus per-
hibent fuisse detectas. Cz'erna Hora, Lã-
deccumq; similiter, & *Tepla* tepidas ha-
bent undas. Acidis quoque fontium,
Oegrani, Comorzaniani; aquis multo-
rum valetudinem esse adjutam est com-
pertissimum. Talis olim non longe à
Praga fuit fons miræ salubritatis ad Ste-
chovicium. * Lacus & stagna (exceptis
non adeo celebribus duobus vel tribus,
quorum unum prope Mostam seu Pon-
tem, Germ. *Bryx* opidum, alterum ad
Teplam, tertium vero ad Blatnam est)
vix ulla sunt. Piscinæ tamen, quarum
pleræque magnitudine lacus repræsen-
tant, permultæ passim habentur, com-
mendatisque ab exquisita bonitate cy-
prinis

* *Bohusl. Hassensl. Epist. ad Marti-
num Pollichium Med. D.*

prinis, luciis, percis, & piscibus id genus variis, abundant. Testis ejus rei est Pardubicena, Chlumecena, Trzebonæa, Rozdialovicena, Copydlana ditio, ubi, locorum dominis pecuniosa, temporibus statis solet accidere piscatio.

V. Ager Bojemus cultus est omnis, gleba pingui, & non nisi perpauca in locis arenosa; silvis, nemoribus, saltibus, pratis, lætissimus, frugum omnis generis tam ferax ac dives, ut eas cum vicinis Norici & Misniæ incolis, luculento indigenarum emolumento, quotannis communicet. Vini ea terra nequaquam est sterilis, id quod ad Pragam, Litomierziceam, Mielnicum, Launam, Vstam, Chrudimam, aliisque aliquot in locis haud infeliciter, nec palato insuave provenit, ita ut, dummodo ejus ne simus prodigi, & usibus necessariis sufficiat, & bonitate Moravico antecellat, Austriaco vero æquipolleat, quamvis ætatem ferre nequit. Nam qui post Silvium Munsterumque rei inexploratæ scriptores, de ejus austeritate nugantur, vappa ut se proluant, probe commeruerunt.

Lupuleta humulo præstanti nobilia cum alibi passim, tum præcipue ad Zatecium, Launam, Clatoviam, Vstecam, solertia singulari coluntur. Hinc est

quod & cerevisia, alba (ut vocant) seu triticea, Pragensis cognomento *popeniezni*, Brodenfis, Strzibrenfis; Acerba five hordeacea, Zatecenfis cognomento *Samecz*, Racovnicenfis, Slanenfis, Bo-reccenfis, Chomutoviensis, magnopere commendatur, & humulus in Bavariam, Voitlandiam, Misniam, Lusatiam, exportatur.

Hortorum interea pomariorumque cura neutiquam habetur neglectui. Nam quia lata hîc, ac non infructifera est plantarum hortensium & sativarum æq; ac silvestrium propagatio, lata luxuriansque omnis generis leguminum, oleum, herbarum medicinalium, odoriferarum, coronariarum, complurium etiam non ita pridem peregre allatarum germinatio, incolæ, suo quisque loco operam dant, ut pomaria, hortos, viridaria, non modo ad usus, sed & ad delicias habeant quam instructissima. Aromaticas inter herbas, crocum non est herba ignobilis. Optimum id succo, odore, colore, fert hæc regio, cultura tamen ejus, utpote operosior, non est apud quosvis promiscua. Oleastros raros, sed oleum, quod domesticum esset, nec dum ullum hîc vidimus.

Cæterum in pratis & saltibus videre est

est pascentem pecoris pecudumque multitudinem ingentem, in silvis nemoribusque permagnam ferarum ac volucrum abundantiam, ita ut nec pecuarios, nec venatores, nec aucupes, collocatæ in eam curam operæ possit pœnitere. Sane sane regioni huic natura in facili esse noluit. Quamvis enim nec is prorsus ei sit negatus, ut ætatis superioris experientia ad Reginæ Curiam, olim vero ad Slanam Bilinamque docuit; quia tamen vel fontes juges non erant, vel impensæ redditibus inveniebantur majores, disturbatæ sunt officinæ, ac cessarunt operæ, ita ut partim ad Bavarici, partim ad Saxonici salis usum reverti, satius fuerit visum. Defectus tamen hic compensatur divite fossilium cæterorum, metallorumque ubertate. Nec auri, nec argenti, nec stanni, nec cupri, nec plumbi, nec ferri, nec argenti vivi, nec sulphuris, nec aluminis, nec nitri, nec vitri nobis defunt fodinæ ac officinæ. Eruitur autem aurum ex fodinis Gílovianis & Cninenfibus, eluiturque ac eliquatur ex sabulo in aquis Tetinianis, Vatavæque amnis volutato; argentum imprimis Cutnæ, Ioachimi-vallæ, Prziseznicii, Rudolphii, & aliquot Sufficæ vicinis locis, quandoque etiam Przibramæ; stannum, Crupecæ & Slavcovi, seu

Slaccowaldi, ferrum Zdechoviceis, ComarovI, Nyzburgi, & alibi: Cuprum vero, ut & plumbum, plerunque etiam inter argenti stannique venas reperitur. Aluminis officinas Borecum, vitri Krzivoladena ditio, Heralecium, Cragevici-um, Bircosteinum habet. Habemus domi marmoris, molariumque latomias; habemus calaim, amethystum, smaragdum, sapphirum, jaspidem, qui in montibus Krkonossis, ut & alibi, inter cotes metallicas inveniuntur; habemus varias, easque raræ elegantiae gemmas, quæ ex conchis propter Horazdegovicium in annis Vatavæ profluente collectis, eximuntur; habemus flammam scintillatione imitantes carbunculos, (vulgo *Granaty*) qui exportatæ è puteis Podsedicianis ac Strzebivlicianis saburræ glareæque permisti, crebris percolationibus aqua elavantur, ac perpurgantur. Non nihil etiam referri posset de ea regionis dote, quod à venenatis, raptoque viventibus animalibus, multo quam regiones cæteræ est securior ac expurgatior. Vrsi enim ac lupi sævæq; id genus bestiae non adeo sunt in ea multæ: serpentes & scorpiones rari, dracones nulli. Quæ quoniam ad rem non magnopere faciunt, in iis percensendis, animum ad alia vertenti mihi esse prolixiori nec libet, nec expedit.

C A P. II.

*De Bojemia Districtibus, Opidis-
que & locis potioribus.*

I. **Q** Vanquam Moravia, Silesia, & Lusatia sunt provinciæ coronæ regni Bojemiae jam olim concorporēs, & quamvis non simus nescii, quod in Bavaria, ut & in Franconia ac Misnia, perquam multæ sunt ditiones quæ ad clientelam regni Bojemiae pertinent, quarum nihilominus Vsurpatores ac Infessores contra quam Vasallos decet, fidem ac reverentiam Majestati Principum Bojemiae debitam, jam dudum vel prorsus negligunt, vel parum comiter colunt: de iis tamen plene differere nec hujus loci, nec nostri instituti esse judicamus. In sola ergo Bojemia commorabimur. Ejus autem supra memoratis finibus circumscriptæ, aliam quam nunc est, apud veteres fuisse divisionē, pauci inter nostrates sunt qui nesciant. Veteres eā aliquando in Przedlabianam & Zalabianam, seu, quod idem est, in Cis-Albinam, & Trans-Albinam, & utranque in aliquot territoria, sunt partiti: aliquando in dynastias sive toparchias, Caurzimanam, Boleflaviensem, & Lucensem, seu Zatecensem

censem dividebant. Wyſſehradum tamen gentis totius principi cum imperio ſupremo reſervabatur ſemper. Carolina tandem partitiſo, quæ longo poſt tempore, Carolo Regi, Imp. eius nominis IV. placuit, publicè eſt approbata, ea quæ hætenus obtinet. Diſpertitus is eam eſt in provincias, ſeu, ut uſitato loquimur, in diſtriçtus quindecim, eoſque, ſuo quemque cognomine, maiorem partem à primariis iſtic urbibus cognominavit, videlicet

1. *Praſenſem*,
2. *Kaurzimenſem*,
3. *Hradeceſem*,
4. *Chrudimenſem*,
5. *Czaſlaviſem*,
6. *Bechynenſem*,
7. *Vultaviſem*,
8. *Podbrdſceſem*,
9. *Tracheſem*,
10. *Pilznenſem*,
11. *Racovnicenſem*,
12. *Slanenſem*,
13. *Zateceſem*,
14. *Litomierziçſem*, &
15. *Boleſlaviſem*.

His nihilominus ſuperadditi jam ante Caroli ætatem fuerunt, peculiaribus viventes inſtitutis, ab Ortu ſolſtitiali Comitatus Cladſcanus ſive Glaceniſis, ab Occaſu æquinoçtiali territorium Hebanum ſeu Egranum vel potius Oegranum, à ſolſtitiali Loçtenſe ſeu Cubitanum, ita ut diſtriçtus omnes duodeviginti ſint numero. Omnium in his (ut res humanę ſunt) urbium, arcium, caſtellorum, opidorum, vicorum, variæ, me hercle poſſent notari, nunc blandientis,

dientis, nunc sævientis fortunæ vicissitudines, varia nunc incrementa, nunc decrements, quæ tamen ego disertiori, & à re libraria instructiori inter populares meos alicui voluminis magni scriptori, relinquo post me memoranda: compendio tantum, Minervæque rudi, quæ ad manum, & in hominum ore sunt, quæque instituto huic meo conveniunt, luci committere connitar.

II. Pragensi districtu nihil amplius quam totius regionis caput Prahm, seu, quod perinde est, Pragam, ob ejus tum magnitudinem, tum prærogativas non vulgares, tum populi multitudinem, complecti placuit. (*Comit. Ann. 1569. 1579.*) Nomen Vrbi primi conditores à Slavica voce *Práh*, quod limen sonat, dederunt. Libussa enim, ut perhibent, vates ac princeps Bojemix, cum animi causa Wyssehrado egressa, celso quodam in monte consedisset, & in Valtavæ sinuosum inter rupes profluentem despectans aptum Vrbi condendæ locum circumspiceret, de mariti Przemyssli Ducis assensu, veteres Casurgis solo olim æquata Vrbi ruinas instaurare constituit; ambigensque de indendo ei nomine, nonnullos ex ministris, qui tum aderant, amandat, &, Ite, inquit, per saltus istos ad villam quam videris, cumq; veneris

ritis ad locum quo Brusca rivulus à Vultava absorbetur, lignatores quos habebitis obvios, quid agant, aut quid fabricent, interrogate, quodque responderint ad me referte. Obsequuntur principis dicto ministri, duosque sive fabros, sive lignatores securibus eo in loco arborem sternentes offendunt, quos humaniter alloquuti, ecquidnam moliantur, rogant? Respondentibus iis, limen se fabricaturos; ad Libussam revertuntur, ei; quod à fabris responsum fuit, renuntiant. Vertit in omen nuntium Libussa, &, Felix id, inquit, faustumque sit, quod de limine nuntiatis. Vrbs quam statuimus *Praba* vocator. Plerumque enim fit, ut in domum ingressuri, nisi proni caput inclinent, in limine ipso impingant. Sic si quis Urbis hujus nostræ hostis olim, quam amicus esse malit, nec eam pronus veneretur, suo ipsius malo id attentabit. Iacta ergo sunt Pragæ fundamenta (ann. 723.) in lava Vultavæ crepidine, ad pedem Petrzini Suillique montium, Przemyslo medias inter operas ad opus maturandum singulos cohortante. Et omnes quidem principi gratificaturi, certatim

— *instant operi regnisque futuris;*
sed rudis tamen ex limo maceriaque fuit ista substructio, quæ nihilominus solertibus principum commonefactionibus

tem-

tempore posteriore ab incolis & augebatur, & communiebatur, & nitidior, splendidiorque reddebatur, usque dum in eam, qua nunc conspicitur, tum amplitudinem, tum pulchritudinem paulatim assurgeret. Tres enim, quæ nunc sunt, ejus Urbes, neque uni omnes temporis, neque uni principi accepta ferunt vel originis suæ primordia vel incrementa. Nam cum prior illa, cujus conditores Przemyslum cum Libussa fuisse docuimus, quæque postea Minor vocari cœpit, capiendæ omni populi multitudini non sufficeret, nec hinc aquis, inde montibus clausus Urbis locus dilatationem ferre commode posset, Mnata princeps exstructam ab avia in Suillo monte ligneam domum amoliri, & subvecto ex Petrino monte lapide, Vxori Strzeyslavæ, ejusque gynæceo arcem per amplam pariter & nitidam erigi jussit, quam nostra adhuc ætate, sacris æque ac profanis ædificiis ornatissimam, Hradczanisque pereleganti opido locupletiolem factam, in subjectam triurbem Pragam despectantem cernimus. Magnam etiam populi partem in adversam Vultavæ ripam transtulit, & exciso nemore, condendæque Urbi majori fundamentis, ascendente (si M. Nicolai SSudi observationi credimus) Scorpionis signo in plano

plano positus, primus Vultavam ponte ligneo junxit. Modicam tamen vidit multitudinis istius in ædificando industriam, donec ab ejus excessu Vogeno filio rerum potente, accita ex Minore Vrbe major populi turba, manum operi admovit, & ductis in obliquum, inde ab æmnis crepidinibus, per millefere & ducentos passus, profundissimis ex parte meridionali fossis, eam brevi & capaciorem, & munitiorem, & populosiorrem, ac ædificiorum frequentia splendidiorem fecit. Ab eo tempore ætas hominum omnis Majorem hanc Urbem nunquam destitit excolere, ædificiisque cum publicis tum privatis, sacris & profanis, incrementa ei nitoremque majorem addere. Krzezomyslus princeps, exstructa intra ejus muros versus orientem magnifica Corte, frequens ipse quoque, ut & post eum principes plerique omnes, usque ad Vladislai II. tempora eam incolebant.

Carolus tandem rex, Imp. Romanorum ejus nominis IV. (præterquam quod eam studiorum liberalium Univerſitate exornavit) volens Wyſſehrado alteri regis palatio, propiores habere ci-ves, de assensu Senatus Pragæ Majoris, ductis prius inde ab arce versus Orientem usque ad Porzicio villæ proximam
Vultavæ

Vultavæ ripam, validis & per certa intervalla turres præaltas sustentantibus portis ac mœnibus, Urbem quæ Nova vocatur, cœpit condere, Ann. 1348. Quæ ut maturius exurgeret, multis propositis immunitatibus, potestatem publice quibuscumque fecit in Vrbe à se fundata, quam Carolinam vocari voluit, ædes novas construendi, ac eadem propemodum, qua Praga Major gauderet, libertate legibusque vivendi. Allecti ergo cum alia loci oportunitate, tum imprimis horum frequentium amœnitatem plerique, præsertim materiarii, ferrarii, & id genus vicinos pulsis assiduis inquietantes opifices, quin & non pauci quietioris vitæ homines, lares istic sibi ac domicilia figebant, ita ut non multis intra annos Novæ istius Urbis ea, quæ nunc conspicitur, facies apparuerit.

Hæc igitur fuit Minoris, Majoris sive Veteris, & Carolinæ seu Novæ, Urbium Pragensium origo ac incrementa.

Quæ vero, cum secunda, tum adversa cujusque fuerit fortuna, quoties fuerint variis bellorum motibus concussæ, flammisque & Vultavæ eluvionibus fœdata, pestis, famisque calamitatibus afflictæ, differere esset longum, neque huic instituto ac loco fortasse magnopere cōgruit. Unicum est, quod hîc libet adjicere,

B

poetæ

poetæ nostratis, Petri nempe Capellæ;
editum de Praga epigrammatium, sic ca-
nentis;

*Lignea prima fuit, posuit cum limi-
na PRAGÆ*

*Iam tum surgenti prima LIBVSSA
sua:*

*Marmorea inde stetit, postquam super
æthera turres*

*Extulit, & magnas luxuriosa do-
mos.*

*Iam non Marmorea est, non Lignea, at
aurea tota*

*Continua facta est sede RODOL-
PHE tua.*

Splendoris nihilominus istius non
parum Vrbi huic detraxit, primum Pas-
savini, (ann. 1611.) postea Bucquojia-
ni, (ann. 1620.) & nuper Saxonici mili-
tis irruptio, (ann. 1632.) quarum pri-
ma fuit Vrbs Minor per menses duos
vexata; secunda opes ditiorum expila-
tæ; tertia domus plusquam mille trecen-
tæ, intra semestrem vastatæ, armamenta-
rium regium evacuatum.

III. Praga ad Ortum tendentibus,
primus se offert districtus Curimensis,
vel potius **Caurzimanus**, ab omnium
huius regionis vetustissima Vrbe Caur-
zima sic cognominatus. A vulgo voca-
tur *Kaurzimsko*. Limes ejus ab Occi-
dente

dente est Vultava, & ab eo cognominatus districtus; à Septentrione Albis, ab Oriente districtus Czaflaviensis; ab Austro districtus Bechynensis. Sunt in eo liberæ regni Vrbes Caurzima, Colina, & Broda cognomento Bojemica. Opida quæ cum omni vicino agro in Regis patrimonio censentur, sunt Gilovia cum aurifodinis, Brandeifum, sive Brundufum, cum arce Albi imminente, Costelecium ad Albim, loco à natura communito, Schelacovicæ, Zapæ, quæ me nascentem prima vidit, vicinæ, Sadscaque. Nobilitatis autem ditioe continentur cum agro suo, Libna, Cleczanum, Chwarterubæ, Cloninum, Przerovum, Cluczovum, Caunica, Cerhenicæ, Zasmuky, Colodegæ, Aurzinovesium, Ratagæ, Sternberga, Costelecium in edito colle supra silvam quæ nigra vocatur, Pysseli, Hradecum seu Castellum ad Sazavam, Lissno, arces partim solæ, partim cum opidis, & Domassinum, Benessovumque opida: Cœnobium hîc unum est, Abbatia clarum, monachorum Ordinis Benedictini, quod ad D. Procopii supra Sazavam vulgo vocamus, Brzetislai II. Ducis opus. Sacra in eo, inde à principio, Slavica, non Latina, vel ulla peregrina lingua peragi erant solita. Tractus hic silvis abundat, ex quibus recisæ arbor-

res secundo Sazava Vultavaque Pragam,
& ultra in cæteram Vultavæ Albique ad-
jacentem viciniam subvehuntur. Est hîc
silva per quam Praga Brodam euntibus
iter habere est necesse, & quæ *Fidrolec*
vocatur, latrociniiis eo usque infamis, ut
cum locum furibus obnoxium notare
volumus, proverbio, *Gest tu co na Fidrol-*
ey, dicere soleamus. Inter regias seu re-
gni Vrbes libera est, ut dixi, Caurzima
Vrbs cæteris vetustior, quæ à voce *Kaw-*
rziti, quod Latinis est *fumare*, nomen
accepit. Lechum enim fratrem Czechi
Ducis, cui suam gens nostra originem
fert acceptam, perhibent paulo post quam
à nostratibus ora hujus regionis quæ
circa Rzipum, seu Zrztum montem est,
coli esset cœpta, propterea quod ager is
omni sociorum fratris utriusque multi-
tudini neutiquam sufficiebat, à fratre
Duce fecisse secessionem, conversumque
ad Eurum cum suis, bidui itinere perve-
nisse ad locum quem inter nemora, lari
figendo jam ante designarat. Is ut ne
frater ejus esset nescius, ex compacto,
tertio à profectione sua die, Sole necdum
orto, nemus proximum, quod in edito
fuit, succendit, tanta excitata flamma, ut
ejus fumum fratri sociisque in monte
Rzipo conspicuum esse neutiquam dubi-
tarit. In nemoris ergo flamma fumante
absumpti

absumpti solo, mox ædificari cœptam
 Urbem ex eo Caurzimam vocari vo-
 luit; quæ quia in agro sita est frumenti
 feracissimo, pomariisque aptissimo, ma-
 ture non solum domorum populique
 frequentia, sed & vallo maceriaque, ad-
 versus vim hostilem oportuna, inclaruit.
 Præfuisse illi fertur Lechus priusquam in
 Polonia consedisset; per annos plus mi-
 nus viginti. A cuius discessu Borzislauus
 Svogi filius, rerum istic de Croci princi-
 pis assensu potitus, ditionis fines quaquā
 versus prolatabat, ideoque dynasta Caur-
 zimensis audiebat. Hæredem is ac suc-
 cessorem accepit Mstibogium, decessor-
 is exemplo principum in Bojemia ami-
 citiam reverenter, dum vixit, colentem.
 Ei defuncto surrogatus est Rozhonius
 filius, vasti ac inquieti ingenii juvenis;
 Qui & Caurzimam munire, & princi-
 pum Bojemix fortunæ in occulto invi-
 dere, nunquam destitit. Nec paterna
 contentus dignitate, princeps à suis, non
 dynasta, vocari voluit. Brevi etiam post,
 mota Nezamysslo principi de finibus
 controversia, quod jure nequirit, armis
 occupare tentavit, non contemnenda ta-
 men suorum suaque clade. Captus ete-
 nim, Nezamyssi victoris mandato, na-
 so mancus domum redire, alienoq; absti-
 nere cogeatur. Cui sine prole decedenti à

Caurzimanis Slavomilus frater successor est datus, qui ditionem, Moravorum irruptionibus aliquanto jam tempore obnoxiam, parumque securam Horzeslao filio reliquit. Horzeslaus homo abjecti animi & meticulosus, cum Moravi grafatores Caurzimæ aliquando imminerent, eique excidium minarentur, missis ad eos legatis, seque suaque eorum potestati permittebat. Quem ii posttridie ad se in castra evocatum, supplicemque factum, exocularunt, vastatoque omni agro, in Wysslehradensem viciniam excurrerunt. Sed à Mnata principe magnis animis rejecti, claudibusque multiplicibus affecti, ab inquietanda Bojemia abstinere & Horzeslao excæcato ditionum ejus possessionem pacatam relinquere sunt coacti. Et longæva certe ac diuturna fuit Horzeslai, sicut vita, ita & gubernatio. Qui tandem eam ad Dolisium transmisit. Dolisio res moderante, ingens Caurzimam invenit infortunium. Exorto siquidem ex negligentia incendio domestico, tota à fundamentis, una cum factis è maceria munitionibus omnibus, conflagravit. Ope tamen ac opera Dolisii, in alium locum translata, auspiciis melioribus instaurari, & *Zlicsko* vocari cœpit. Validus sane murus circum eam tunc statim fuit inchoa-

inchoatus : verum ut ædium urbicarum
substructiones , ob civium dissidia sive
desidiam tarde aslurgebant, ita & Do-
lisii, Zliciique filii mortibus

*—pendebant opera interrupta, minaq;
Murorum ingentes.*

Vix tandem Crasnico, ab obitu Dolisii
patris rebus imposito, operæ sunt per-
fectæ , & urbs instaurata. Fuit autem
Crasnices vir supinæ temeritatis, & lin-
gua quam manupromptior, qui ratus se
jam in novis Caurzimæ suæ munitioni-
bus infortunii omnis securum, Necla-
num principem , alibi tum occupatum
armatus laceßere, & ducatum ejus præ-
dis abigendis percurfare pro ludo ha-
buit. Sed missa adversus ipsum à Nicla-
no valida militū manus, ducibus Wße-
bogio & Coldogio (quorum ab illo ple-
raque ditionis ejus loca vastata fuerunt;
ab hoc vero Caurzima ipsa expugnata ac
direpta) fortunis eum omnibus evertit,
fugaque latibulum apud Moravos quæ-
rere compulit. Venit ergo tum in Prze-
myslææ stirpis principum manus, Caur-
zimana præfectura, quæ Leslao, ex pro-
cerib⁹ uni, à Neclano fuit commendata.
Eo sine liberis post decimum præfectu-
ræ annum fatis concedente , ab Ho-
stivito principe Mstibogio fratri concessa,
ejus, Drzslai filii, ac Hostivodii ne-

potis imperiis annos fere octuaginta regebatur. Cum autem Hostivodius jam senex & improles, Moravorum grassatorum metu præfectura abiisset, vitamque, incertum quo in loco, finisset, dyastia omnis ad principes Bojemix recidit, ac cum Wysslehradensi ducatu penitus coaluit. Caurzima vero urbs semper pari cum cæteris liberis seu regiis urbibus dignatione fuit, *Ann.* 959.

Intra duos à Caurzima lapides abest urbs *Colina*, quæ à quibusdā Colonia nostra dicitur. Ædificarunt eam veteres ad sinistram Albis latus, nomenq; ei à sudibus, quæ *Koli* vocamus, indidisse videntur. Natus in ea fuit, (*Ann.* 1397.) summo quondam in Academia Pragensi magistratu functus M. Stephanus dictus de Colonia, primus Verbi Dei in templo Bethlehemitico Pragæ Minister, qui M. Ioh. Hussum aliquanto post accepit successorem. Item M. Iohannes Coloniensis, qui Evangelici Consistorii Pragæ Administrator fuit, (*Ann.* 1555.) & Matthias Borbonius Doctor Medicus. Propterea autem quod à magna Iudæorū multitudine habitaretur Colina urbs, à plerisque per ludibrium Iudæorum nidus appellatur.

Ab hac occasum versus tertio, à Praga vero quarto lapide diremita, subortoque
nuper

nuper per imprudentiam incendio, flammis tota cū tribus templi turribus, cumq; curia prorsus absumta, (*Ann.* 1627.) stat in plano *Broda* cognomento *Bojemica*. Tempus ejus conditæ est in incerto: sed nomen tamen ei ex eo datum esse ferunt, quod cū Wysshradenses Caurzimanique istis in locis armis infestis non semel inter se concurrissent, fusoque in sanguine pedes equi pariter & homines mersassent (quod vernacula nostra lingua *Broditi* dicimus) municipium istuc inter Przistaupinam, Tuhorazam, Tyclacamque vicos, ab eventu simili (nempe ab accedendo, acriter feriendo, genuflexioneque) nuncupatos, aliquanto post ædificatum, à mersatione ista seu vada-tione cruenta, Brodam vocari voluerunt. Fuit olim sub potestate Archiep. Pragensis. Cinxit eam muro Ernestus Archiepiscopus primus; cæteris urbibus regiis, diplomate singulari eam in rem dato, accensuit Rex & Imp. Sigismundus, *Ann.* 1437. In ejus vicinia propter vicum Hrzibū, commissum olim fuit memorabile illud prælium, quo haustæ ex M. Ioh. Hussi concionibus scriptisque, & indefesso studio excultæ purioris Evangelii doctrinæ sequax & tenax Taboritarum, ut vocabant, bellatorum multitudo, à Compactatorum sociis, pontificiis ac

Calixtinis popularibus suis, ultima clade est deleta. Et quia venientibus ex Moravia, inferiore Austria, Vngariaque viatoribus, assidue, ut Colina, ita & hic locus teritur, ratio ipsa dictat, non pauca memoratu digna utrobique accidisse, quæ tamen siue majorum incuria, siue fortunæ iniquitas, mihi & posteritati hactenus invidit.

IV. Digressi ex Caurzimenfi districtu ad Ortum hybernium, veniamus in per amplam situque admodum amœnam provinciam seu districtum Hradecensem, qui vulgo *Hradecsko*, à primaria similiter istic urbe Hradecio-Reginæ, cognomentum est sortitus. Circumscribitur autem is ab Occidente districtu Boleflaviensi, ab Aquilone montibus Krkonossis & silvis ad Silesiam pertinentibus, ab Ortu Comitatu Cladscano Moraviæque plaga septentrionali, ab Austro denique districtu Chrudimensi. Sitæ in eo sunt liberæ urbes, Hradecium, Iaromierza, Bydzovum, Trutnovum ad Ypam, & Dvurum seu Curia, quæ Reginarum Bojemix sunt dotales. De Regis patrimonio sunt Podiebradæ arx & opidum cum omni suo agro, vivario, multa silva ac piscinis. Has inter maxima per integrum fere milliare quaquaversum diffunditur, & *Blato* dicitur.

Albis

Albis opidum id à patte occidua alluit. In nobilitatis bonis censentur cis Cydlinam Dymocuræ, Copydlenum, Velifus, Chlumecium; ultra Cydlinam vero Gitzinum, quod nuper à recens creato Fridlandiæ Duce dilatatum & mirifice exornatum, Cumburgum, Gilemnice Schatflerzum, Adrspachum, Peczka, Costa, Smirziæ, Nachodum, Novo-Hradistium, Opocznum, Boruhradeca, arces, partim solæ, partim cum opidis: opida denique Tynecium, Zizelicium, Bohdaneczium, Horziæ, Wrchlabium, à vicinis Albis scatebris vocatum, Hostinnæum, Police, Dobrusca, Trzebochovicium, Solnice, Rychnovum, Costelecium, & Vsta seu Ostia, sub Aquilæ fonte, & si qua sunt alia.

Opulenta hîc quoque est Abbatia & Cœnobium monachorum sectæ Benedictinæ ab Abbate Brzevnoviensi Paulo Bavaro ad limitem Silesicum, Iohannis regis ævo fundatum, & Volframi cujusdam nobilis patrimonio dotatum, cui Braumovio est nomen. In ejus territorio (ut hoc obiter attingam) postremis Rudolphi II. regis temporibus, & quamdiu Matthias rex regno præfuit, glisciebant excitatæ ob Teutono-Lutheranorum, (qui Slavicam linguam prorsus jam ex ea ora exterminarunt) per Romani-

stas

stas atrocem in religione inquietationem, acerrimis Pontificiorum pariter & Euangelicorum regni procerum disceptationibus nutritæ turbæ illæ perniciosissimæ, quæ bello flebili nuperæque nec unquam satis deplorandæ, puriorem doctrinam amplectentium Bojemorum, ab Imp. Ferdinand. II. ad Pragam acceptæ cladi causam ac principia dederunt, *Ann. 1620.*

HRADECIVM, Vrbs in hoc districtu primaria ad Albis & Vorlices Aquilæ Latinè confluentem loco editiore ac perquam amœno, à Dobrosloao illustri quodam dynasta cõdita esse perhibetur, *Ann. 782.* Vrbs est ampla satis elegans ac populosa, à Praga & Cutna Pilsnaque dignitate proxima. Nomen traxit à muniendo, quod homines nostri *Hraditi* dicunt. Vocatur vero Hradecium-Reginæ, tum quia Reginarum Bojemix est dotalis, tum ut ab alio Hradecio, quod Henrici vocamus, discernatur. Destinata ac in usumfructum olim fuit data, (*Ann. 1055.*) à Brzetislao I. filiorum natu minimo Iaromiro, jam tum Episcopo Pragenfi à Duce patre designato, à Vladislao vero I. Duce, Sobieslao fratri, *Ann. 1115.* Sed posteriore tempore Reginis Bojemix dotis titulo attributa, nunquam inter Vrbes dotales connume-

numerari esseque primaria desit. Arx in ea fuit latere cocto non ineleganter ædificata, in qua Reginæ, Richsa-Elissa totos annos triginta, quibus marito Wenceslao II. Regi vidua supervixit, itemque Elisabetha Caroli Cæsaris vidua annos quindecim domicilium habuere, & vitæ finem fecere. Eam tamen arcem incendio aliquanto prius deformatam, opidani ipsi tumultu excitato, diruerunt, ita ut ad hoc usque tempus nitori pristino nequeat restitui, & nisi iudicum singulari tribunali, de quo suo loco * erit dicendum, nobilitaretur, jam dudum vasta desertaque in ruderibus jaceret. Schola in hac urbe semper frequens fuit, liberaliumque artium studiis celebris, templa similiter intra & extra mœnia assiduo verbi divini præconio personâtia, inprimisque primarium, quod Spiritui Sancto est consecratum, & ArchiDecanatu insigne. Viri docti nati hîc quoque sunt M. Marcus, & M. Petrus de Gretz, Acad. olim Professores Pragæ, Cyprianus Leovicus, & Sfindelius Mathematici, Joh. Balbinus, & Vitus Orcinus Poetæ. Inter alia commendantur à bonitate pressi in hac vicinia versicolores caseoli. Sorores urbis hujus, ut dixi, sunt, *Iaromierz* *La* in

* *Infra cap. 15.*

za in loco ubi Albis Vpam haurit, sive à Iaromiro principe, sive ab eo quod *Taro mierziti* (Ver metiri) dicimus; *Bydzovum* similiter à Bydo conditore; *Trudnovum* vel potius *Trudnovum*, ab eo quod *trudno* (ægrimoniam vel τὸ μολιγνόν) notat; *Dwvurum* denique, hoc est curia, à conventibus quos Reginae olim istic cum suis agitare consueverunt, cognominatae regni urbes liberae. Distant illae à Hradecio, Iarzemierza secundo, Bydzovum, ut & Dwvurum tertio; Trudnovum fere sexto lapide.

V. Dici de se vellet, utpote his locis contiguus Comitatus Cladscanus sive Glacensis; sed quia singulare is quippiam sibi vendicat, de eo, loco demum quindecimo placet differere: nunc aggrediemur districtum Chrudimensem, quem Hradecensis provincia à Borea attingit, quique orientali ac australi suo limite Moraviam respicit, occidentali vero districtum Czaflaviensem. Vulgo *Chrudimsko* dicitur à Chrudima urbe. Sunt in eo liberae eademque Bojemiae reginarum dotales urbes Chrudima, Paumberga vitiferis collibus decora, Alta-Myta, & Policzka.

Chrudimam à Chrudo conditore, *Altam-Mytam* lato delicatisque opportuno loco sitam, ab altis caeduae Glyae caudici-

bus;

bus, *Policzkam* denique à tendiculis vocatam nonnulli ferunt. Incola Mytæ fuisse olim putatur Cugeba quidam, homo insigniter, atque eo usque stupidus, ut proverbio vulgari locum ineptiis fecerit, quo designaturi hominem insulsum, solent dicere; *Neni nez Kugeba z Meyta*. In patrimonio Regis hîc sunt, situm in monte, subjectamque quaqua versum planitiem ex alto despectans propugnaculum *Kuneticška hora* sive Cunaci-Mons, itemque Pardubicæ arx ad Albim cum splendido egregieque munito opido, ita ut nobis in proverbio sit: *Splendet instar Pardubicii*. Ditio est cum ob saltuum venatu aucupioque, tum ob piscinarum, quæ quadringentæ præter propter numerantur, piscationi opulentæ juxta & voluptuosæ accommodatissimarum, Rege haudquaquam indigna. Regiæ etiam huic ditioni paret Przelau-
cium opidum ad Albim, jam pridem oblitam quandam sententia iniqua perinde ac ridicula, ad X V I. Calend. Mart. (*Ann. 1598.*) decisam, deridiculo vulgi obnoxium. A nobilitate tenentur arces Miestecium-Hermanni, Chraštů, Cholticium, Chraustovicium, Cossumberga, Rychumburga, Chocena, Brandeisum ad Vorlicen, Novo-Hradæ, Cruceburga, Raubovicæ, Bystrus, Ziumberga, Rosycæ,

Rosycæ, Worle, Aurzeciczæ, Svogefficæ, Morassicæ, Dobrzicovum, Zamrscus, Auherfscum, Geleninum, Przebova, Landescorona, & quæ Episcopa quondam fuit celebris, civitas etiamnum arxque non obscura, Litomyślæa. Vitri officinæ hîc quoque sunt ad Heralecium & Wrzistum. Tractus præterea hic, ut & Hradecensis totus, equorum færrura cæteris anteit.

VI. Ad occasum attingit Chrudimensem hanc provinciam districtus Czaflaviensis, cujus fines obvertuntur à Septentrione districtui Hradecensi, ab Austro Bechynensi ac Moraviæ parti, ab Occasu provinciæ Caurzimenfi. Vernacula nostra lingua *Czaflavusko* vocamus ab urbe Czaflavia. Regias hîc & liberas urbes habemus Cutnam sive Montes Cutnæos, & Czaflaviam.

Cutna nomen quæ dignitate post Pragmam prima est urbs, pleriq; volunt origine esse Germanicū; id quod alii à voce *Gutt*, quod opes, alii à voce *Kutte*, quod Cuculum notat, deducunt. Verū mihi M. Laurentii Sarcædri primariæ Cutnensiū scholæ quondam Antecessoris placet judiciū, qui innixus fidei vetustorū quorundam monumentorum nomē hoc ex nostrate voce *Kutiti*, quæ significatione ad id, quod Latini fodicando seu scalpendo vestigare

stigare dicunt, aliquo modo accedit. Nam quia Cutna est urbs metallica, * in qua ex repertis Wenceslai I I. Regis ævo fodinis argentum, cuprumque præstantissimum permultis jam hominum æratibus, ad hæc usque tempora magna copia eruitur, ita ut montis istius tricollis viscera, nunquam intermissis fossorum operis, noctes atque dies perreptentur, tundantur, fodiantur, scalpantur, ex eo *Kutna Hora*, scite admodum ac convenienter nomen invenisse est censenda. Tanta olim fodinarum istarum erant divitiæ, ut Romanorum Imp. Albertum Wenceslao regi, ex amico necessitudinibus conjuncto, hostem fecerint, ac in gloria ad arma concitarint, (*An. 1304.*) Henricum Carinthium (*Ann. 1308.*) ad expilandum regnum proritarint, à Zisca, cum eam Sigismundo Imp. præripere, eoque belli contra Hussitas gerendi nervum abscindere satageret, Anti-Christi crumenæ, à Georgio rege perasacculusque suus, cognominatæ fuerint. Hodie quamvis non æque affluant, luculento tamen nihilominus cultores suos beant lucro ac emolumento. Urbs Cutna est ab oneribus publicis immunis, & jam inde ab Iohannis regis temporibus;

C

(*Ann.*

* *Michoviens. Polon. rer. lib. 4. c. 2.*

(*Ann.* 1338.) percussio arctiori, ac ei quod Rhodios inter & Athenienses, olim vixit simili quodam fœdere, cum Majori Praga in unam quasi civitatem coit, ut nempe qui civis esset Pragensis, idem jus haberet civitatis Cutnensis, & qui esset civis Cutnensis, gauderet etiam jure & civitate Pragensi. Emendis vendendis hæreditariis seu allodialibus in regno fundis, possessionibus, ac solo cohærentibus id genus bonis, parem cum nobilitate impetravit (*Ann.* 1501.) à Vladislao & (*Ann.* 1541.) Ferdinando I. Regg. libertatem, nec urbium cæterarum more de tabulis regni inferendo contractu, Regis assensum specialem, aut, qui de eo referant, Internuntios ex nobilitate procurare habet necesse. Mercatores Cutnenses à vectigali Francofurti ad Mœnum solvendo, prorsus immunes esse iussit (*Ann.* 1359.) Imp. Cæs. Carolus IV. dato ad Aquas Granenses diplomate, pari jure ut Pragenses, Vratislavienses, & Sultzbachienses. Religionis urbs hæc, olim pontificiæ, posthac repurgatioris Evangelicæ, perquam fuit observans, Ministerio sacro scholisque bene ac sapienter constitutis, ut & quodam quasi presbyterio, longo tempore floruit. Sumtuosissimum hîc ac mirandi operis templum, quod ex sacra D.

cra D. Barbaræ ædícula foſſorum ſocietas ædificavit (*Ann.* 1390.) & quotidianis fere ſumptibus etiamnum ornatiꝝ facit, quam in rem regia liberalitate in perpetuũ donatæ unaquaq; hebdomade, ex Italica corte (ſic monetariam officinam vocant) duæ ſexagenæ groſſorum Pragenſium pēdi conſueverunt. Vno ab ea, ſed prægrandi, lapide diſtat *Czaſlavia*, urbs amœno planoque loco, à Czaſlavo conditore, viro quodam opulento, magnæque apud Wnyſlaum principem authoritatĩs, cognomentum ſortita, (*Ann.* 796. Vt autem principio adverſus inopinatas Moravorum irruptiones fuit ædificata, ita poſterioribus temporibus, quoties ex ea plaga furor militaris in nos ſeviit, prima fere ſemper infeſta vidit hoſtis ſigna. Hic nuper, extrémis Matthiæ Regis temporibus, Comes Bucquojius imperiales aquilas oſtentavit, (*Ann.* 1618.) hic aliquanto ante Matthiæ ipſe, coronam fratri extorturus, Vngarorum, Auſtriorum, Moravorumque phalanges, ad arma nobis inferenda convocavit, *Ann.* 1608. In hujus urbis templo primario, ſepulturæ honorem obtinuit victorioſus Huſſitatum belli Dux Iohannes Ziſca, cujus clava propter ejus epitaphium columnæ inſcriptum, ſuſpenſa, uſque ad nuperam, quam ab

Imp. Ferdinando II. accepimus, cladem, inviolata servabatur. Eam à victoria Pragensi in Moraviam tendens protervus Bucquojanus miles abstulit, & epitaphium abolevit, *Ann.* 1620.

Quinto ab urbe hac lapide ad Austrum euntibus occurrit non ignobile opidum *Brode Teutonice* dictum, à prædonibus Germanis ad sinistram Sazavæ amnis ripam, loco edito (*Ann.* 793.) olim fundatum, paulatimque à Bojemis meis amplificatum. Id neque libera urbs est, nec in Regis, nec in ullius ex nobilitate patrimonio. Et quamvis angustis in rebus, sicut quondam ex Maximiliani Regis liberalitate ad Comitum Turrensium; ita postea ex contractu recentiore (*Ann.* 1561.) ad Trczkæ stirpis Baronum patrocinium confugere, illisque eo nomine temporarium, sive honorarium quoddam pecuniæ vestigal, quasi ex tutelari jure pendere singulis annis soleat; sui tamen nihilominus est juris, & multis gaudet immunitatibus. In Regis patrimonio nihil his locis præter argenti fodinas jam dictas fuit, prius quam ditio Maleššoviana ab Rudolpho Rege esset comparata, *Ann.* 1586. Sub nobilitate sunt Novo-Dwory, Zehusficæ, Ronovum Lichtemberga seu Lichnicium, Krchleba, Czeštinum, Zbraslavicæ, Wyli-

Wyřimovum, Genicovum, Krzivusau-
dovum, Lipnicum, Humpolecium, Pol-
na, arces cum agris, quādam etiam cum
opidis suis, Malinum fossorum Cutnen-
sium petulantia olim vastatum, Lede-
cium, Habrum, Chotieborzum, Przibi-
slavum opida. Est prāterea in hoc di-
strictu Ordinis Cisterciensis Monacho-
rum cœnobium, qui sub Abbate vivunt.
Conditum & Sēdlicense, ex Ephippio
cognominatum id esse perhibetur ab E-
piscopō Pragenſi Daniele, Stirpe Barone
de Lippa, (*Ann.* 1149.) Et quia Cutnæ
Urbi nimis est vicinum, persape cum
ea ejus Cœnobitæ (ut sunt monachi ho-
minum genus irritabile, latifundiorum-
que helluones) de finibus ac jurisdic-
tione solent contendere.

VII. Districtum Czařlaviensem exci-
pit Bechynensis, insignis sane terræ tra-
ctus, à Bechyna propugnaculo, nomen
adeptus, qui ab Ortu æstivo districtum
Czařlaviensem, ab hyberno Moravos, à
Meridie Austriam, ab Occasu districtum
Prachensem, à Borea partim Vultavien-
sem, partim Caurzimenssem attingit.
Lingua nostra *Bechyňsko* vocamus. Urbes
in eo liberæ sunt Budiegovicium, Ta-
borum, Peldřimovum, Tyna ad Mul-
dam.

BUDIEGOVICIVM, vel potius Bu-

diegovicæ, quam Germani corrupte *Bu-
devveyß* vocant, est Vrbs non solum
splendida, sed & probe communita, ad
dextram Vultavæ amnis, loco oportuno
ædificata. Est vero non admodum ve-
tus, ut quæ demum post Przemyßli-Ot-
tacari II. Regis tempora, propter Cœ-
nobium, quod eo loco à Dominico co-
gnominatis sodalibus, idem Rex erexit,
construi cœpit, neque dum trecentos
quinquaginta annos stetit. Nomen ipsi
à vigilantia videtur esse factum. *Buditi*
enim nobis idē est quod Latinis ē somno
excitare, inde *Budiegovvice* locus ubi
dormientes excitantur. Vrbs est ponti-
ficiæ religionis cultrix rigida, & ab Euan-
gelicorum institutis vehementer abhor-
rens. Tametſi enim non pauci olim in
ea fuerunt cives, qui à Romanis ritibus
& doctrina alieni, non modo æquo cum
cæteris jure civitatis gaudebant, sed &
religionis Evangelicę exercitia libera ha-
bere permittebantur, nostra tamen fere
demum memoria mos contrarius ino-
levit, & ne quisquam qui Romanæ Ec-
clesiæ placita improbaret, civitatis jus
consequi posset, imperato eam in rem
Rudolpho Rege privilegio, est sancitum.
Etsi vero antehac quoque celebre fuit
Budiegovicium, plurimum tamen inno-
tuit, cum militis Patlavini in Bojemiam
irru-

irruptione, eo intra muros recepto, tum post excitatum sub Matthia rege bellum religiosum, diuturna, qua ab Ordinum Boemiae copiis premebatur, obsidione. Magnis est donatum privilegiis, & inter alia habet jus Stapulae, quo salis ex Austria Bavariaque vectores in ipsorum civitatem divertere, salque venum proponere tenentur, & non nisi depenso prius certo vectigali ultra progredi permittuntur.

Taborum, sive, ut cives ejus scriptitant, *Hradistrie Hory Tabor*, hoc est, Castrum Montis Tabor, ab Hussi discipulis, quinto post supplicium doctoris sui anno, fundatum fuisse ac aedificari cepisse, publice constat. Ii namq; cum ab adversariis, in templis divino cultui palam vacare prohiberentur, in abditis silvarum montiumque recessibus coetus sacros, exaedificatis eam in rem ligneis aediculis, agitare fuerant coacti. Paulo vero post à Nicolao Hussio, qui intra mensem decimum crure fracto mortem obiit, & Ioh. Zisca, viro in hac vicinia equestri loco prognato, ad religionem armis tuendam concitati, Austam, Baronis Sezymæ opidum, (ann. 1420.) post festam Bacchanalibus commestrationem, multamque in noctem extractam computationem, somno vinoque sepultum, ma-

tutini invadunt, capiunt, ac diripiunt, indeque in vicinum, prærupto cuidam monti supra Luznicen impositum ejusdem Sezymæ Baronis castellum, facta impressione, sexto id die similiter expugnant, castrisque ibi positis, eorum curam Procopio Cameniceno commendant. Quoniam vero videbant adversarios ex Sigismundi Cæsaris cohortatione acturos, & arma in suam perniciem expedituros, tuto dubiis in rebus receptui ac asylo, locum aliquem idoneum capiendum, ac muniendum decernunt. Cumque nullas eo, ubi tum castra habebant, oportunior occurreret, de diruenda vicina Austa, & materia ejus ad ædificandam pro castris Urbem transportanda, consilia conferunt. Concurritur igitur, &

—ferro circum, qua summa labantes

Iuncturas tabulata dabāt, à sedibus altis
convelluntur impellunturque, ruit Austa urbs antiqua, & ex ejus ruderibus, asurgit nova, Taboritis, recens tum à castris sic vocatis, militibus stationem tutam datura. Ædificabatur autem tum illa, interius sane opere fere tumultuario, & prout quisque fixit tentoria; exterius vero, tametsi rupibus & amne defensa, fossa nihilominus, muro, ac propugnaculis

culis ingeniose communiebatur. Datum ei nomen est (ut & Taboritis ipsis) à castris. Ridiculus enim est Silvius, qui Taboritis, viris castrensis convitium facit, & quasi complicitibus suis à Tabore Palæstinæ monte cognomentum dedissent, false eos, sed inepte perstringit. *Tabor* namque in nostra lingua est id, quod Latinis castra, *Taborzi* idem, quod homines castrenses. Urbem hanc libertate donavit, post res suas in regno confirmatas, Imp. Sigismundus, privilegiisque abunde exornavit, & inter Vrbes regias connumerari iussit. A cuius morte cum Albertum generum regem ea habere (*ann.* 1438.) recusaret, & procures regni, qui Casimiro Polono, regni coronam imponere contendebant, intra muros cum Polonis præsidioque cætero accepisset, gravem ab eodem Alberto, ejusque affectatoribus obsidionem, per dies fere quadraginta perpessâ, fortiter sustinuit, ac tricies mille bellatorum assultus frustraneos fecit, nec arma prius quam Albertus in vivis esse desisset, deposuit. Rudolphi II. Regis anno ultimo à Passavicis, ut vocabantur, militibus, stratagemate occupata, (*A.C.* 1611.) grandi in periculo fuit. Nuper (*An.* 1621.) similiter cum datam Friderico Regi fidem, contra Ferdin. II. Imp. tenaciter

observaret, ab ejus copiis Duce Balthasare de Marradas est cincta, quatum impressiones à 21. Maji, usque ad 8. Novembris viriliter retudit, & non nisi necessariorum penuria ad deditiōē compelli potuit. Imminet ipsi Pintovca saltus haud inamœnus, itemque piscina ingens Iordanis cognominata, quæ vasto permagnæque altitudinis ac crassitiei aggere coercetur, quem si quando diruperit, inundatione vulgo creditur Pragæ Veteri aliisque, ad Vultavam & Albim depressioribus locis, prægrande damnum allatura. *Luznice* flexuosus & aurifer amnis, ab occidua; alius vero quidam, ex supra memorata piscina, ignoto nomine evolutus, ab Australi eam parte lambit, pro ut hæc fere omnia plenius jam ante apud Silvium descripta cognosci possunt. *

Peldrzimovum, sive *Pelhrzimovum*, Vrbs est opibus cum quavis Vrbe Regia certare non impotens, sed quia à literarum liberalium studiis hætenus fere abhorruit, ea propter nec de ejus origine, nec de ullis rebus memorabilibus, quicquam potuimus observare. Archiepiscopos Pragenses, dominos quondam agnoscebat.

* in collatione cum Taboritis habita, & *Hist. Bojem. capp. 1.4.*

ſcebat. Nomen accepit ab Epifcopo Peregrino, quem Bojemum vulgus *Pelhrzim* vocabat. Bello ſuperiore ab Ordin. Bojemix contra tranquillitatis publicæ in Bojemia hoſtes, ſub Matthia Rege excitato, eam apud mortales frequentem in ore fuiſſe meminimus, quod Cæſareo militiæ duci Comiti Dampierrio, cum quinquies mille armatis adverſ⁹ Bojemos venienti, Septembri menſe, hoſpitiū & occupandorum in vicinia aliquot municipiorum occaſionem præbuit. Reliqua inter Regias Vrbes hîc eſt Tyna, Vrbe-cula necdum ex veteribus favillis, ut oportuit recreata, nec ita pridem inter Vrbes regias cooptata; Vocatur autem *Tyna*, à voce *tynti*, quod eſt ſepire, quaſi Sepimentum, vel Septū dicas, & Tyna ad Muldam ſeu Vultavam, ut ne cum Tyna Horeſſii cōfundatur. Vultava amnis (quod non ab re quis forte mirabitur,) abundat hoc loco Salmone piſce nobili, qui opulentioribus ſolet in deliciis eſſe. Fiſci bona ſeu regum patrimonialia, exceptis Budiegovicio vicinis argentifodinis Rudolphſtadianis, hîc non video eſſe aliqua. Quæ vero procerum nobilitatiſque ditioni ſubſunt arces, opida, vici & permulti ſunt, & nitidi, & complures bene muniti. In his principes ſunt Henrici-Hradecium, Trzebona, Be-
chynia,

chynia , Arces cum opidis adversus vim hostilem non vulgariter munitæ.

Henrici-Hradecium, alias Nova domus, seu castellum, mea opinione, ab Henrico quodam géte Vitcovecio cognomen- tum traxit. Ad nostram enim usque æta- tem hanc, gentis ejus procures qui Ro- sam auream pro insigni gerebant, & de Nova-domo vocabantur, dominos ea agnoscebat. Est Vrbs satis ampla, splen- dideque ædificata, & digna quæ liberta- tem plenior, locumque inter Vrbes regias aliquando inveniat. Erexerunt in ea, superbe à Iesu societate vocatis mona- chis, collegium luculentum loci domi- nus Adamus de Nova-domo, Baro incly- tæ ejus stirpis penultimus.

Trzebona propugnaculum est per- quam validum, in planitie inter paludes situm, Petri Woci, ex inclyta pervetu- staque procerum Rosensium stirpe ulti- mi, industria ac magnificentia, cum aliis decoribus, tum imprimis bibliotheca, ac armamétario exornatum. Nominis ejus origo videtur esse sumpta ex voce nostra *Trzeba*, quod Latini dicunt voce aptora Opus, quasi quis dicat loco isthoc sibi fore opus. Germani *Wittigenau* vo- cant. Pro porta ejus restagnat *Svviet* (quod est si interpreteris, Mundus) præ- grandis piscina, in qua ædicula stat per-
verus,

vetus, D. Agidio consecrata. Hostiles impetus semper ad hoc propugnaculum languerunt. Passavicus (*ann.* 1611.) miles non unus hîc corpore duram ex vulnere planxit humum. Bucquojius Comes (*An.* 1618. 1620.) pervalidum Matthiæ Ferdinandique Impp. exercitum ductans, necquicquam ei est insidiatus. Trzebona videlicet cæteris omnibus diutius in Friderici Regis fide perstitit, ac in hoc regno pene ultima in Imp. Ferdin. II. potestatem deditioe venit, *Ann.* 1622. 2 Martii.

Bechynia similiter est arx egregia, loco opportuno & à natura munito, à primis Regni incolis Bojemis, in ardua rupe ædificata, cui opidum subjacet jam olim in hoc tractu non ignobile. Etenim cum ab arce hac & opido totus districtus hic nomen traxerit, conjectura est Vrbes, quæ nunc sunt, liberas famæ celebritate huic tû haudquaquam fuisse pares. Nec à Taboritis ea olim, nec à Ferdinandicis nuper vi manifesta potuit expugnari: sed ab illis deditioe, ab his proditioe occupabatur, paulo tamen post, facta à regiis ex indicio pastoris cujusdam per subterraneos specus occultos, irruptione, recuperabatur. Minoris vero notæ, pleræque tamen non incelebres nobilitatis arces, castellaque, partim sola, par-

la, partim cum opidis hîc sunt: Sobeslaviam insigni à Petro-Woco ex illustri dynastarum Rosenbergiorum stirpe ultimo erecta dotataque religionis repurgata Schola celebris. Neustupovia, Horzepnicum, Lautcovia, Zelivum, Paczovia, Gistebnicium, Chauštnicæ, Nova-Bystrzicia, Lissovia, Landsteina, Novo-Hradium, Rosenberga, Rzecze, tum quæ Rubra, tum quæ Cardassii vocatur, Cerequicia, altera nova, altera (ut & Camenicia) Lescovecii cognominata, Poczatky, Czernovicium, Wesselim, Lomnicia, Suinæ, Benessovia cum Officinis vitrariis, Caplice, & quædam alia. Cænobia monachorum tria, in hoc tractu sunt, Vadum altum, Ordini Cisterciensi à Zavissio Rosenbergio dynasta erectum, ejusque familiæ monumentis insigne: Bechynense pro Franciscanis à Zdislao Sternbergio fundatum, & Millevscanum, monachis, qui Præmonstratenses vocantur, à Babona quodam Comite exstructum: Totus autem hic districtus bello paullo ante Matthiæ regis obitum accenso, (ann. 1618.) ferro ignique misere fuit vastatus, incolæ pars trucidati, pars dissipati, ita ut ad hoc usque tempus multa calamitatis istius vestigia in oculos incurrant.

VIII. In Bechynensi igitur districtu
seu

seu provincia hætenus versati, convertemus nos ad tractum omnium minimum, qui à Vltava fluvio Vltavien-
sis cognominatur. Vulgus *Wltavsko*
vocat. Est autem is figura oblonga, ad
Septentriones quasi fastigiata, cui ab Or-
tu & Borea, adjacet districtus Caurzi-
manus, à meridie triangulata, quædam
districtus Bechynensis portio, ab Occasu
partim Prachensis partim Podbrdscen-
sis provincia. Nullæ in eo sunt Vrbes
liberæ, nullum regis vel fisci patrimo-
nium, nullum Cœnobium. *Sedlczana*
sive, ut quidam scribunt, *Sedeſſa*, ha-
bentur hîc pro opido primario, quod ta-
men nobilitatis ditione tenetur, ut &
Conopistæ, Tloſcovium, Ofecznum, Me-
rulæ-mons, Obdennicium, castella &
arces, itemque Neveclovum, quod nescio
quam ob rem, proverbio apud nos fecit
locum, ut cum ingratis quid agere ali-
quem volumus significare, soleamus di-
cere, *Nechce ſe Czertu do Nevveklovva*,
quod fere est, averſatur Diabolus Neve-
clorum.

IX. Relicto hoc modicæ amplitudi-
nis tractu, in alium haud paulo ſpatioſio-
rem tranſeamus, qui Podbrdscensis nun-
cupatur à licio forte, quod noſtri *Brdo*
appellant, quaſi Sublicianum dicas. Vul-
go *Podbrdsko* ſolemus nominare. Fines
ejus

ejus attingunt ab Ortū æstivo Caurzi-
 mensē, ab hyberno Vukaviensē, à
 Meridie Prachensē, ab Occasū Pilznen-
 sē, à Septentrione partim Racovni-
 censē, partim vero Slanensē distri-
 ctum. Regia seu libera Vrbs in eo est
 unica *Berauna*, ad dextrum Misæ amnis
 latus exstructa, quæ quia in eam per-
 sæpe Vulcanus defæviit, non admodum
 splēdide reædificari potuit, sed nec pror-
 sus est inveniusta: Tertio à Praga abest
 lapide. Teritur ejus via assidue à viato-
 toribus in Imperii Germanici regiones,
 ex Vngaria, Polonia, Silesia, ac Moravia,
 per Bojemix Regnum iter facientibus.
 Condita esse fertur à Lybusiæ sorore
 Tetca, & ex Slavossii mariti nomine,
Slavvossou appellata. Postea tamen cum
 absumptis peste hominibus, aliquanto
 tempore vasta ac deserta steterisset, & la-
 trociniis infamis esse cœpisset, à vicinis
 ex nostrate voce *Berau* quod nonnun-
 quam *Rapere* significat, *Beraun* dicta
 fuit. Figulorum officinis abundat, &
 vasorum ejus opificii bonitate eleganti-
 que excellit. Quoniam vero figuli ad
 fornaces suas ignis quotidiani vehe-
 mentia plerunque rubescunt, ideo pro-
 verbum inter homines nostros invaluit,
 ut quoties alicujus faciem ex ulcusculis
 rutilam volunt notare, Beraunensem ap-
 pellent.

pellent. Quoties hostis aliquis à Meridie vel occasu Pragam armis tentavit, nunquam periculo Vrbs hæc caruit. Sic memoria nostra Passlavius miles eam (ann. 1611.) expilavit, sic Ferdinandicus nunc nuper (an. 1620. 1632.) acerbè vexavit. Vno ab ea lapide abest clarissima, à conditore Cæsare Carolo (ann. 1348.) Caroloſteina cognominata, & superiore seculo inexpugnabilis iudicata, nostra vero hac sagacissimæ solertiæ ætate, ob circumstantes montes, bello parum utilis æstimata, arx & propugnaculum. Servantur in ea hætenus singulari ac accurata diligentia Regni Corona, privilegia, & *κειμήλια* quæque reip. præstantissima. Ager vicinus cum castellis aliquot pagisq; & villis circumjacentibus, est in ejus ditione, cujus incolæ singularibus gaudent immunitatibus, quorū munus est custodiis perpetuis, pro arce excubare. Redituum ordinariorum, luculentorum sane, Burggravius est usufructuarius. Agnoscat quoq; arcis hujus dominium, pervetustū, & cum aliarum provinciæ principū sede, tū inprimis Lidmiliæ martyrio olim illustre Castellū ac opidū Tetinum, à Tetka Libuffæ sorore, & conditum & denominatū, in cujus aqua præterfluente, statimque in Misam illabēte, auri ramneta repetiri cōsuērūt. Regis ac fisci patrimonium

peramplum hîc est & eximium, Cors-regia, Tocznicum, Z'ebra cum opido, Zbirohum, Dobrzissium, cum villis, silvis, agroque omni, & Cninensibus aurifodinis: Sunt Cœnobîa, Zbraslavianum, (Latinis Aula-regia) Cisterciensibus monachis, (*ann. 1297.*) à Venceslao Rege II. ad Vultavæ Misæque confluentem amœnissimo loco exstructum: S. Ivani seu Iohannis in petra vel spelunca, à Borzivogio I. Duce (*ann. 909.*) conditum, & aliquanto post monachis, sub Abbate, Benedicti regulam observantibus traditum, quod, ad sepulchrum S. Ivani eremitæ, peregrinatione anniversaria 9. & 8. Calend. Iunias, à maxima hominum multitudine, partim religionis, partim voluptatis ergo solet frequentari: S. Dobrotivæ, hoc est Benignæ, monachis Augustinianis ab Ulrico Hasenburgo (*ann. 1262.*) ædificatum. In nobilitatis fundo bonisque, sunt Horzovicium, Lochoviciumque arces cum opidis Nyz'burgum, Comaroviumque castella cum ferrifodinis, Mnissëcum & Myta opidula, & quædam notæ obscurioris alia.

X. Perlustrandus tandem est districtus seu provincia, à vetusta, & jam in ruderibus jacente arce *Prachno*, Prachensis nuncupata, cui confines sunt, ab Ortuvulta-

Vultaviensis & Bechnensis districtus, ab Austro Austria superior, ab Occasu diœcesis Paflaviensis, & provincia Pilzenensis, ab Aquilone districtus Podbrdscensis. Peramplus quoque hic terræ tractus est, & nisi bello, Matthia regnante contra Zelotas pontificios à Bojemis Euangelicis moto, miserabiliter fuisset vastatus, cum populosus, tum opulentus. Vulgus nostrum *Trachensko* appellat. Liberæ hîc ac regiæ Vrbes sunt, Piseca, Suffice, Vodn'ana, & Prachaticium. PISECA est Vrbs in dextro Vatavæ amnis latere infra Blanices confluentem à primis auriferorum ramentorum seu arenæ istis in locis in Vatavæ amne repletoribus, condita, & *Pisek* quod arenam sonat, vocata. Ii namque cum experimento didicissent magnum se, si eluendo è glarea auro invigilarint, operæpretium facturos, conjunctis studiis Vrbi isti principia dederunt, quæ pedetentim & aucta, & munita, & populi multitudine impleta fuit. Excoluerunt ejus pomeria & agrum posteri, ita ut, & domi necessaria affatim, & foris congruam ordini suo auctoritatem haberet. Literas quoque mansuetiores semper, & sequuta est ipsa, & eos qui iis erant addicti, amavit ac magni fecit. Cladem, ut ego quidem arbitror, nunquam accepit

maiores quam ea fuit, quæ eam religio-
so, post defunctum Matthiam regem ab
Imp. Ferdin. II. nutrito, bello, gravissi-
me afflixit. Namque cum à belli Duce
Comite Bucquogio, arctissime obsessa,
ad deditiorem 19 Augusti (*ann. 1619.*)
conditionibus periculosis faciendam ef-
set compulsa, primo matronas puellasque
suas promiscue constupratas doluit, im-
manemque maleferiati militis Cæsariani
insolentiam pertulit. Recuperata postea,
& capto Martino de Huerda in præsidio
istic à Bucquogio, cum duabus cohorti-
bus relicto, Cæsarianis ad quintum De-
cembris diem, per Ernestum Comitem
Mansfeldium extorta, sanguinis sitienti
hosti truculento bilem fecit. Is anno se-
quenti reversus, vique eam maxima
adortus, undique cinxit, ac ferro & igni
à fundamentis intra dies paucos evertit,
deletis internecone ultima universis in
ea maribus. Rediit ergo (data à Cæsare
ipsi cum liber ex captivitate redisset) in
Martini de Huerda hominis Hispani po-
testatem Piseca Vrbs, vasta tum ac de-
serta, cujus superbo dominatu etiamnum
premitur. Emerfit homo iste ex sartore
vestiario in turbis istis Bojemis, & no-
men inter viros bello claros invenit, nul-
la re alia, quam religionis Evangelicæ
persequutione. Etenim ubicunque ali-
quantu-

quantulum posse sibi est visus, nihil fere aliud egit, quam quod homines à religione puriore, vel promissis mendacibus, vel tormentis exquisitis, avertebat, & ad pontificios cultus adigebat, gloriari ore blasphemò ausus, plures ab se intra breve tempus Catholicos esse factos, quam à Christo & omnibus ejus Apostolis toto prædicationis ipsorum tempore essent facti.

SYSSICE sive Suticium, Vrbs hujus tractus secunda, ex vico quodam parvulo ab auri ex glarea purgatoribus, qui à nostrorum hominum vulgo *Ryz'ovnicy* vocantur, jam olim Urbis celebritatem accepit. Cum enim ii, divitem auri ramentorum copiam, inde ab ipsis, Vata-væ vicini amnis scatebris, in aquis volutari animadvertissent, laribus figendis locum hunc, jam ante, ut dixi, nonnullis ab hominibus habitatum, accommodum esse judicarunt. Metallicas igitur operas suas in amne, fabriles vero in sicco, ea industria urserunt, ut brevi & res eorum familiaris, & Vrbs inchoata, incrementa, haudquaquam contemnenda sumferit. Probavit hæc studia Mnata Princeps, surgentemque metallicam hanc Urbem, libertate cum aliis pari gaudere voluit. Nomen ei ex voce nostra *Susiti*, hoc est à siccando, est datum, quasi Siccatorium

rium dicas. Ramenta enim ista recens ex aquis educta, crebrisque ablutionibus madentia, ad Solem ficcare hîc oportuit. Situs ejus est humilis, in valle montibus circumdata, ideoque semper ea literarum, quam armorum, fama magis excelluit. Dedit autem Patriæ non paucos Viros doctos: Dedit (ut alios præteream) Rosalios tres, M. Iohannem, poetam gravissimum, M. Adamum, domi Primatem, & M. Sophoniam Zacæ Archigrammateum, facundia & politicæ prudentiæ scientia claros. Sexto ab ea lapide dirimitur, contraria ex causâ nomen sortita, Vrbs libera *Wodn'any*. *Woda*, nobis aquam seu undam: *VVodniti*, idem quod inundare, *VVodn'any* locum in quo aqua redundat, usitate notat. Ideoque *VVodnany*, Latine loquentibus non inepte fortasse possent Aquilegia dici. Germani corrupte, ut pleraque omnia, Budnam vocant. Vrbs est, ad Blanicen amnem, mediocriter munita, pervetus illa quoque, sed cujus conditæ, nec tempus, nec authores à quoquam, quod sciam, hætenus sunt proditi. Versimile tamen, & ex nominis notatione probabile est, eodem, quo Sufficen, ævo exstructam fuisse. Bello illa ob fidem Regibus, regnum liberâ electione adeptis, servatam, ut olim sub Georgio, ab Vngari Matthiæ com.

complicibus, (*ann.* 1468.) ita nuper sub Friderico, ab Austriaci Ferdinandi aſſeſſatore Maximiliano Bavariae Duce, (*ann.* 1620.) hoſtiliter fuit exagitata, ac militi in prædam data. Dedit ſimiliter & illa nobis complures doctos, patriæ perutiles viros, quos inter fuerunt, Thomas Huſſinecius Doctör Medicus, Bartholomæus Baronides, donata Carolino collegio domo, poſteritati memorandus, Wenceſlaus à Radcova, Iuris noſtri conſultus, Iohannes Campanus, poeta argutus, Græceque doctus, ambo Philoſophiæ Magiſtri. Altero à Vodnanis lapide diſtat Prachaticium, locum & nomen inter Vrbes Regias, nobis adoleſcentulis fortita, Vrbs limiti Bavarico vicina. Nec à quo, vel quando, ſit fundata, nec unde nomen habeat, maiores noſtri ſcriptum reliquerunt. Vetuſtam tamen eſſe, non eſt dubium, videturque datum ei nomen, vel à carie, vel à pulvere. *Prachni-vve'ti* enim eſt carie corrumpi, & *Prach*, notat pulverem, quorum ad utrumque, nomenclatura iſta alludit. Fuit olim ſub Antiſtite Wyſſehradenſi, poſt Zizcianos tamen motus hypothecæ titulo tranſiit in ditionem dynaſtarum Roſenbergſium. Ducit in eam ex Bavaria per Lunæ ſilvam, locis paludoſis trabium compage conſtratus, olim anguſtus, ſed bello ſu-

periore latior aliquāto factus callis, quem aureum cognominant, quo sale onusti equi clitellarii ab agasonibus agi, & in hanc Urbem commeare, indeque frumento graves redire solent. Antiquissimum siquidem est in Vrbe hac salis emporium, quod ab Italis docti Stapulam vocant. Hanc ei invidere, ac in agrum suum pertrahere persæpe tentarunt potentes ex nobilitate vicini. Solis namque bello præclare gestis rebus, moderatoque clientulorum censu, & latifundiorum cultura, statum suum tueri olim in gente nostra soliti, celebres natalibus viri, ævo jam hoc, non putant plerique generi suo esse indecorum, non modo institoriæ, cæterisque popularibus negotiatoribus inhiare, sed non raro nec sordidis cauponationibus, ac nundinationibus abstinere, pudendo, ac viris stirpe claris probroso, exemplo. Invidia tamen ista hætenus frustra fuit, ac, regum æquitate, Prachaticio jus antiquum conservatum est. Fortunā quam Ziscano olim, eandem Ferdinandico bello nuper, est perpeßa. Septembri enim mense (*ann. 1420.*) ut Ziscæ, ita & Bucquogii gladio, vi perruptis portarum obicibus, permultos ex suis civibus sanguinem profudisse flevit. *ann. 1619.* Natales suos Vrbi huic debet M. Christmannus (*Krzishta'n* vulgo vocatur)

catur) Mathematicus celeberrimus, item-
que Doctor Wenceslaus in Academia
Carolina olim Rector. In literis tyroci-
nia sua accepta ei quoq; tulit, natus pro-
ximo in pago, religionis in nostra gente
repurgator M. Iohan. Hussus. Imminer
ei mons ex ipso cacumine fontem aquæ
dulcis effundens, Libiehonius ab incolis
vocatur à latere dextro, Blanice amnis à
sinistro. In regio patrimonio, procuran-
te Rudolpho rege esse hinc cœpit, Rose-
bergicæ domus proceribus, longa prius
serie possessa, perampla ac perquam locu-
ples ditio Crumloviana, in cujus territo-
rio visitur, re pariter & nomine obleta-
bile viridarium, ac spatiosa tempe, à
Vilhelmo ejus nominis ultimo dynasta
Rosenfi, figura quadrilatera ædificata,
topiarioque splendido eleganter exorna-
ta, *Kratochvil* nostris dicitur. Est au-
tem Crumlovía arx pariter & opidum
nitidum, probe communitum, in sinistra
Vultavæ ripa, oportuno fruticetisque &
pratis læto loco constructum. Certum
est id, ut & perinultas in hac ora arces
alias, à Vitconis cujusdam inter proceres
viri potentis, & multorum filiorum pa-
tris posteritate, ante annos plus minus
sexcentos esse ædificatum, & voce, ut
ajunt, à saltus curvatura desumpta, vel
ab eo quod vulgo *Kry* (id est glaciei ta-

bulas) & *mliti* (commolere) dicimus, quasi *Kru mlovu* nuncupatum. Collegium Iesuitarum sociis in eo erexit idem, de quo dixi Wilhelmus Rosenbergius. Qui simulac plumas nido majores habere se aliquanto post viderunt, Evangelicæ religionis cives istic, Rudolpho rege occultis, Matthia vero regnum adepto, manifestis, machinationibus, premere non ante destiterunt, quam omnes penitus extirpatos ab se esse gauderent. Iter ad hoc opidum ex Bavaria, per Lunæ filvam à Passavicis militibus ante prætentatum, & posteritati nostræ forsân periculofum, bello Ferdinandico est apertum, ac, via nova, appellatum. Ejus beneficio Cæsariani, calamitofio nobis bello illo, quasi ex improvifo, & Crumloviam nobis eripuerunt, & Comitem Mansfeldium ad Zablatium oppresserunt, & speratam nostris Budiegovicii expugnationem eluserunt. Sunt hîc non uno loco argentifodinæ, ad montem videlicet Reichensteinianum, Hradecæ, Nalzioviæ, & imprimis Przibramæ. Sunt in Vatava amne, ut diximus, perelegantes in conchyliis gemmæ, ac in glarea auri ramenta. Vicinum Crumlovix est monasterium ac Abbatia S. Coronæ Spineæ, Cisterciensis instituti monachis, ab Ottacaro Rege, aliquanto ante quam, commissa adver-

adversus Rudolphum Imp. infelici pugna, occubisset, à fundamentis (*Ann.* 1263.) * excitatum, & mox à victoribus Cæsarianis flammis absumptum, ex cujus opibus rege Matthia, pontificii Zlotæ episcopam Budiegovicii, novo exemplo, plantare cogitabant. Est & alterum, à S. Corona sexto lapide diremptum, sive cœnobium, sive Castellum cum opido Equitum D. Iohannis Melitensium, vestem alba Cruce insignem gestantium, Prioratu Magno, sive supremo nobile, à pica ave garrula *Strakonice* cognominatum, cujus Prior supremus, quoties ex indigenis optabatur, inter regni Ord. semper fuit præcipua dignatione.

Nobilitatis opes luculentæ sunt in hac provincia. Arces enim, opida, castella, prædiaque opima ab ea possidentur, qualia sunt Orticum, Zwicovia, Hluboca, tria ad sinistram Vultavæ ripam propugnacula, quorum virtus bello nupero præcipue enituit. Ante Carolosteinam conditam, Zwicoviæ, regni Coronam, cæterumque ornatum servari solitum fuerunt, in qua Ferdinando Imp. ad obsequium compellenda, à Lazanscio tribu-

no

* *Chronicon Australe apud Freherum.*

no (*ann.* 1621.) operose ac diu sudatum fuit. Situs ejus est ad Vultavam & Vata-
vam confluentes. His adde Brzeznicen,
Lnarzium, Sedlectium, Horazdie'govi-
cium, Strzelam, Rzepinum, Caroliber-
gam, Vimbergam, Helfenburgum, Vit-
covum, arces ac castella, quædam sola,
quædam cum opidis vel vicis: Mirovi-
cium, Miroticium, Baltnam, Volinam,
Bavorovum, &, à Ferdinandicis incola-
rum cæde nuper fœdatum, Netolicium,
& alia gentium minorum opida non
pauca, quorum origines, ut & pagorum,
collium, nemorum, rivorum cognomi-
nationes, & si magnam partem non sunt
ignotæ, iis tamen describendis lectoris
nec auribus nec oculis molesti esse vo-
lumus.

XI. Descriptis autem Bojemix pro-
vinciis, quæ degentibus Pragæ homini-
bus ad Ortum Meridiemque cernuntur;
describemus iam quoque, ut poterimus,
eas quæ ad Occasum & Boream sunt.
Has autem inter occurrit, prima Plznen-
sis provincia, districtus nobilitatis, po-
puli, rerumque omnium copia præcipuis
nihil inferior, præstantium vero ac
scite compactorum caseorum bonitate,
cæteris omnibus commendatior: Vulgus
Plzensko, & incolas *Plzaky* vocat, à cla-
rissima Vrbe regia quæ à limacibus, co
loco,

loco, tum cum Vrbs (*ann. 775.*) condi-
 inciperet maximo numero repertis,
Plzen' sive Pilsna dicitur. Fines ejus per-
 tingunt versus Ortum ad districtum
 Podbrdscensem, Prachensemque, versus
 Meridiem ad oram Baviaræ, versus Oc-
 casum ad Palatinatum superiorem seu
 Nortgoviam & oram Oegranam, Versus
 Boream vero ad districtum Lucensem,
 & Racovnicensem. Vrbes in eo regiæ
 sunt Pilsna, ut diximus, Glatovia, Strzi-
 bro, seu Miza, Domazlicium, Rokytša-
 na. PILSNA, est Vrbs post Cutnam mon-
 tem, toto regno celeberrima, tuto à na-
 tura loco, inter Mizam, & Bradaucæ
 aquis auctum Cadburzen amnes, splen-
 dide admodum ædificata, ac probe com-
 munita. Vhlava quartus in hoc tractu
 amnis, paulo infra eam Mizæ commisce-
 tur. In magna Vrbs hæc fuit gratia apud
 Venceslaum I. & Iohannem Reges, apud
 Sigismundum, & Ferdinandum utrum-
 que Cæsares, qui eam, & privilegiis, &
 opibus, exornarunt. Zisciano bello, mi-
 nas insultusque Hussitarum (*ann. 1421.*
1433.) bis irrisit, & fortiter contempsit,
 eisque jam tum & postea semper, cum
 hilariis uno quoq; anno solenniter actis,
 insultavit, tum, recepto inter suos con-
 vitio, propudiose illusit, gabalum seu
 furcam apud se vetustiore esse dicti-
 tans,

tans, quam esset Hussitarum irreligiosa hæresis. Verum cum Matthia rege accenso religioso bello, idem iter essent ingressi, & contra literis factam Ordd. Bojemis amicitiae contestationem, militem, Felice Dornhaino Duce, Directorum sigillis abusi, inauكتورarent, nō paucos ex nobilitate vicina captos in custodia tenerent, eruptionibusque ex Vrbe frequentibus prædas agerent, ac hostilitatis signa cætera darent, vicinos Zacenses & Racovnicenses irritarunt, Ordinibusque ad mittendum adversum se cum aliqua peditum equitumque manu Comitum Mansfeldium Ernestum, occasionem, nihil tale cogitantibus, præbuerunt. Venit igitur, comitatus Zacensibus Racovnicensibusque incolis, cum turmis ac cohortibus suis Mansfeldius in conspectum Pilznæ Urbis ad. 19 Septembris, civesque ad saniora consilia cohortatus, cum nihil moderati respondentes invenisset obsidionem inchoavit, ac contumaces ad frugem meliorem armis cogere contendit. Tulere eam obsidionem opidani fortiter, obsidentiumque conatus, armis contrariis retundere non prius destiterunt, quam hostis, post occisum aliquanto ante Dornhainum, Cadburze amne alio derivato, patefactoq; machinis muralibus, ab Ortu hyberno ad portam Pra-

Pragensē per vetus balneum, ab Austro vero per Monasterium Capucinatorum in Urbem aditu, vi maxima irruniperet, eamque ad 25. Novemb. diem, (*Ann.* 1618.) nequicquam resistantibus eriperet. Suburbia hortiue peramœni circum Urbem, ab ipsis civibus ante obsidionem fuere flammis consumpti. Furca vero, cujus vetustatem adversus Evangelicos cavillatorie jactitabant Pilznenses, ab obsefloribus est everfa, & nova, suspendendo ex ea primo omnium carnifici Urbico, (qui contra quam leges id genus nebulonibus permittunt, strenuus per hanc obsidionem Pilsnensium commilito fuit, & milites Mansfeldicos complures sclopeti ictu interemit,) lignea, loco alio erecta. Defensa autem fuit à Mansfeldicis viriliter adversus Ferdinandos, ab eo die Pilsna, etiam post cladem Pragensē, tantisper usque dum, corruptis pecunia Vrbi, à Friderico Rege impositis præfidiariis, frustra reclamante Hermanno Franco tribuno, (*Ann.* 1621.) in eorum manus deditione venit. Dedit & illa nobis viros doctos non paucos, ac inter eos Procopium de Pilsna, Venceslaum Corandiceum, Iohannem Khernerum Magistros, Iohann. Dubravium, historiæ patriæ scriptorem, Casparem Cropacium Laureatum poetam, Caspa-

Casparem-Ladislaum Stehlicum Mathematicum.

Glatovia, vel fortasse melius CLATOVIA, Vrbs regia, Czimislaò præclato cuidam dynastæ originem suam fert acceptam, (*an.* 771.) ac cū conderetur, nomen à Clavtoca Czimislai uxore accepisse fertur, sed demū sub Vldrico principe (*An.* 1000.) vallo, murisque est circumdata, ac in ordinem Urbium liberarum cooptata. Data olim fuit à Vladislao principe, (*Ann.* 1243.) paternæ hæreditatis titulo fratri Theobaldo, cum omni terræ tractu, qui inde à fonte Vultavæ, usque ad Mizæ fluvii crepidines, protenditur, fuitque in ejus ac Theobaldi filii ditione per annos septem & quadraginta. Theobaldus enim junior, accepto tandem Znoymensi Ducatu in Moravia ab agnato principe Cunrado, Urbis ac tractus hujus dominio renuntiavit. Spectata hujus Urbis civium fides erga principes fuit, cum alias, tum difficilibus Georgii regis rebus. Pro eo namque, cum, is diris pontificiis impetitus, non modo procures quosdam suos, sed & Matthiam Vngariæ regem, cruceque signatos, Pauli II. P.P. ex Bavaria emissarios, hostes experiretur, conjunctis cum Ianovskio Barone viribus, durissima quæque subire non detrectarunt, ac prælio cum iisdem
cruce

cruce signatis feliciter (*Ann.* 1467.2 *Iul.*)
 commisso ad Negirzscum, occisoque
 Nothasto quodam nobili cruce signato,
 vexillum ejus in primario Urbis suæ tem-
 plo suspenderunt. Nupero vero pro re-
 ligione & patriæ libertate sumpto bello,
 grave similiter adiere periculû, cum pu-
 gaanti pro Ferdin. Imp. adversus Frideri-
 cum Regem Bavarix Duci Maximilia-
 no, portas clausissent. Coacti tamen sunt
 & illi imperata facere, & Bavaro, quem
 dixi, Urbem dedere, quod ad 13. Octob.
 diem (*Ann.* 1620.) est actum.

STRZIBRO, sive Argentina nostra
 (*Strzibro* siquidem argentum Latinis si-
 gnificat) ad lævum Mizæ amnis latus si-
 ta, conditorem agnoscit principem So-
 beßlaum ejus nominis primum. Vocata
 autem Urbs hæc est *Strzibro*, propterea
 quod in fundamento ubi ædificanda
 erant ejus mœnia, argenti glebæ fuerunt
 inventæ. *Ann.* 1131. Commodè est &
 ædificata & munita, commendabatur-
 que hætenus non tantum nostrorum
 hominum, sed & Noribergensium mer-
 catorum præconio, à coctæ è tritico ce-
 revixiæ bonitate. Bello Hussitico (*Ann.*
 1462.) occupavit eam, ex composito,
 ut tum quidem Pilsnenses querebantur,
 Przibico Clenovius, nec ea decedere vo-
 luit, quam accepta in compensationem

ab Imp. Sigismundo Volina cum omni
ejus agro. Arma nuper per eam oram
circumferente Bavariæ Duce Maximi-
liano, in Ferdinandi Cæs. potestatem, 16.
Octob. (*Ann.* 1620.) invita venit, &
ab eo paulo post Illavio militum tribu-
no, nobili Marchico, est tradita. Nata-
les suos ei debebant Iacobi duo, artium
Magistri, viri inter doctos celebres; prior
Iacobellus vulgo vocatus, Hussi in sacel-
lo templi Bethlehemi Pragæ successor,
alter vero, Strzibrensis dictus, Acade-
miæ nostræ ante annos 138. Rector: si-
militer Iohan. Hlawfsa.

DOMAZLICAE porro est Vrbs regia
in limite Bavarico ad inhibenda hostium
Bavarorum latrocinia, tempore Boleslai
sævi principis condita, &, ut quidam
nec probabiliter, nec convenienter per-
hibent, à Germanis ex domestica cum
stomacho iracundia nuncupata. Germa-
ni enim lingua nostra nec loquuntur, nec
viros *Doma zlicemi*, (quod de fœmi-
nis diceretur,) sed *Doma zlymi*, voca-
sent. Mihi videtur verisimilius, anxios
ob crebras hostium excursiones, necessa-
riorumque suorum expilationes, loci ac-
colas, urgente domestico animi, sive do-
lóre, sive mærore, cogitasse de con-
struenda munitione, ex qua, & in ho-
stes prædam meditantes erumpere, &
quoties

quoties numero ac viribus vincerentur, perfugium habere possent, ideoque Urbem hanc condidisse, & à *Doma*, hoc est *Domi*, & dolenter quiritantibus quos voce *Zelicy*, significamus, *Domazlice*, una saltem extrita vocali, cognominasse. Vtut est, Urbem hanc semper pro muro Bojemis adversus Bavaros grassatores fuisse constat. Sunt quoque multo jam tempore sub eorum potestate hypothecario jure, homines alioqui non vulgaribus exemptionibus gaudentes, qui *Chodovve*, & vulgo *Psohlavvicy*, nuncupantur. Perhibetur, captivos eorum patres in Bojemiam cum pecoribus supellectileque rustica transportasse ex agro castri *Chodzec* sive *Gdec*, in majore Polonia propter Notecium amnem sic vocato, * Victor Brzetislaus I. princeps, eosque in *Czirzin* ejus oræ silva ingenti (*Ann.* 1039.) collocasse, ac libertate multa ipsis concessa legibusque & præfecto constituto, limitis custodię præfecisse. Domazlicium Germani Taussium vocant. Quade causa, ipsi viderint, modo ne ad tritam illam de Othone Magno fabulam confugiant. Ut autè prisco illo, & armis acri avorum nostrorum ævo, ita & Ferdinandico bello

E 2

bello

* *Cosmus lib. hist. 2. Alechariens lib. hist. 2. cap. 13.*

bello nupero, Bavarorum hostium impetrus, omnium prima Vrbs hæc sustinuit. Ab eo enim limitē, pro Ferdin. Cæsare, bellum in Bojemia gesturus Maximilianus Dux, irruptionem, (*Ann.* 1620.) Septembri mense fecit, & resistentes per triduum Domazlicenses, agro ipsorum ferro ac igni vastato, quin & castris Vrbi admotis murisque verberatis, deditio- nem facere coëgit.

ROKYTSANA, denique, quinta hujus provinciae Vrbs regia, clivosa fere & silvosa, feraci tamen in regione est sita. Nomen videtur accepisse à vimine, vel vimineto, quod apud nos *Rokyti* dicitur. Episcopi Pragenses Urbis hujus libertati non raro olim fuerunt graves. Opes Urbis sunt luculentæ. Viros doctos M. Simonem, & M. Iohannem, illum Academiae Rectorem, hunc sub Georgio rege postulatam Archiepisc. Pragensem, nec non M. Iacobum Philetum, consiliarium regium, aliosque plures, edidit. Famam quoque nuper (*Ann.* 1620.) invenit aliquam, ex positis ad eam nuper Friderici Regis castris, & inter velitares aliquot pugnas fugato in familiares silvas Bucquogiano milite; sed gaudium hoc illius non fuit diuturnum. Silva quæ inde à Myta lateribus suis ad eam fere pertingit, in longumque lapides aliquot protendi-

tenditur, *VVydraziduch*, à rapinis, vocatur. Regius fiscus nulla hîc habet bona præterquam, si forte usus postulet, opulenta aliquot Cœnobia, qualia sunt Cladrubinû à Vladislao Duce (an. 1122.) monachis Benedictinis; Chotesslovinum & Teplense à Hroznata Comite, virginibus instituti Præmonstratensis; Plassense Cisterciensi sectæ, sub Abbatibus; & Pivoncanum, à Brzetislao I. principe in monumentum maxima strage è Bojemia depulsi ab se Henrici III. Imp. Eremitis Augustinianis, sub Priore, conditum. Nobilitati subjiciuntur arces, castella, opida, prædiaque perquam multa, ut sunt Cacerovia, Suanberga, Tachovia quondam Vrbs regia, Przinda, Borum, Svihoviam, Tyna Horeffii, Ronsperga, Ryzimberga, Viridis-mons, Opalca, Hersteinum, quædam sola, quædam opidis vel pagis aucta. His adde opida sola, Planam, Radnicen, Pilzenezium, Przesticen, Stodum Bielamy, Hostaunam, Negirzscum, & quæ ejus notæ supersunt.

XII. Pilshensi provinciæ cohæret districtus, Lucensis à pratis, vel Zatecensis à Zatecio Vrbe, cognominatus. Fines ejus junguntur ad Austrum, ei, de quo diximus, tractui Pilznenfi, ad Occasum. Loctensi, ad Aquilones Misniæ montanis, ad Cæciam Litomerzicensi, ad Sub-

solanum Slanensi, & ad Eurum Račovnicensi districtui. Vernacula lingua dicitur *Lucsko*, vel *Ziatecsko*. Frugum, vini, & præcipue humuli terra ferax. Suos olim provincia hæc ex comitali populi arbitramento accepit, & aliquandiu habuit dominos de Przemyślæa domo principes peculiare, Vratislaum Placidum, & Vlastislaum ambitiosum. Zbislavus Vlastislai patris hæres, in pueritia à pædagogo Thuringo scelerate fuit obtruncatus, dynastiâ illâ ac ditione omni ad agnatum Neclanum principem revoluta. Principum istorum ævo Ducatus audiri voluit, & dividebatur in quinque territoria. Primum erat ad Ryvinam, secundum ad Vzciam, tertium ad Brusincam rivos, quartum vocabatur à silvis Podlesina ad Mizam, quintum Lausco ad Lauscam. Tendit enim è medio hoc tractu longis ambagibus per Slanensem, districtum usque ad Vultavæ crepidinẽ vallis quædam & plane modice reducta, *Lauska* vocata; de qua vulgo jactari solet, etiamsi toto regno incidat annonæ sterilitas, in solo vero Lauscæ agro seges feliciter proveniat, habituram abunde gentem totam unde fami antevertat. Incælis hujus districtus innatum fere est, ut sint superciliosi, subsannatores, & religionis publico consensu approbatæ, pertina-

rinacissimi cultores. Vrbes hîc regiæ liberæque sunt, Zatecium, Mosta, Launa, & Cadana.

ZATECIUM Vrbs præclara à præterfluentis, atque ab eo quod Latinis est, tepesieri vocati amnis *Ohrzes*, sive *Oe-græ* sinu, quem is subter Urbem facit, nomen adepta. *Teku* namque, & ex eo cum, *za* affixo, *Zatecze*, radix est vocis nostræ *Zatoka*, quæ mari fluminisve sinum ac curvaturam notat. Suachus quidam pecoribus dives, conditor ejus fuisse perhibetur, (*Ann.* 718.) cui Halacus faber, molendinum aquarium, novo tum his regionibus invento, primus sub ea fabrefecit. Excoluerunt eam posterî, & intra annos quinquaginta, non tantum privatis publicisque ædificiis multo nitidiorum reddiderunt, verum & mœnibus præaltis clauserunt. Infestabantur autem persæpe Misnensium, hominum universæ gentis Slavicæ hostium perpetuorum, validis irruptionibus, quos tamen plerunque sic excipiebant, ut præda Lucensis in ore ipsis amaresceret. Religionem Christianam cæteris diutius sunt averfati, eam tamé semel ex Græca disciplina amplexi, cōstantissime coluerunt,*
nec

* *Georg. Dux Anhaltin. in concion. de Venerab. Sacram.*

nec prius unquam quam Ferdinandica Evangelicorum per Bojemiam persecutione nupera, ut una saltem specie in usu Cœnæ sacræ essent contenti, pertrahi potuerunt. Semper quoque ordinis boni servans, & literarum humaniorū amans fuit Zatecium, ideoque Viros doctos, ac rerum peritos, & ad reipub. clavum ipsa admovebat, & patriæ formabat. Coluit videlicet Martinum Humelium, Venceslaum Arpinum, Iacobum Strabonem, Georgium Suffilium, Matthæum Mendicillum, Matthiam Gryllum, Iohannem Nepressium: edidit Paulum & Georgium publicos in Academia Professores, Nicolaum Artemisium, Iohannem & Ioannem Strialios, omnes artium Magistros, Laurentium Span Medic. Doct. Iohan. Orpheum & Vitum Trojanum poetas, itemque alios permultos. Commendationem non vulgarem habet decocta ex hordeo cerevisia præstanti, quæ vocatur *Samec*. Hussiticis motibus propius cum copiis accedentes Germanos præfules abscedere coegit inglorios. Anno 1421. A Ferdinando vero rege, cum is contra pacta hæreditaria, ac inconsultis regni Ordd. bellum Ioh. Frid. Saxonæ Electori fecisset, & Zatecenses ad invidiosam militiam istam coacturus, in Urbem, immodico stipatorum numero, ingre-

ingredi vellet, nec à Civibus admissus esset, graviter sunt multati, proscripto Primæ M. Nicolao Artemisio, solique bonis omnibus, ne impune regem offendisse viderentur, imo & portarum valvis, civitati, ne clauderetur, ademptis.

Ann. 1547. Aperta igitur nocte dieque semper stabat Vrbs hæc omni reliquo Ferdin. Regis tempore, & gratiam claudendarum portarum, factæque eam in rem alligationis, in regni Archivo disputationem, non nisi ægre demum ab ejus successore Maximiliano Rege impetravit. *Ann. 1565.* Nuper vero Fredericus Rex, cum sumendæ regni coronæ cum Elisabetha uxore liberisque Pragæ Palatinatu suo Octobri mense (*Ann. 1619.*) contenderet, in hanc Urbem omnium primam ex itinere divertit, festaue populi acclamatione est exceptus. Vnde postea victores pontificii, eo magis ejus cives habuerunt suspectos ac exosos. Universali religionis purioris, à Ferdinãdo Cæsare Quatuor-Viris annis proximis demandata persecutione, (*An. 1627.*) permulti boni, cælestisq; veritatis tenaces, ejus cives, cū uxore, familiaque omni, patria excedere, quam fidem rectam deferere, maluerunt. Ante casum tamen istum, clarissimos quosque ac meritissimos de ea Vrbe

E 5 Viros,

Viros, morte placida ad cælestem curiam evocavit DEVS. Iohan. Georg. Electoris Saxonix suscepta Novembri mense (*Ann.* 1631.) in Bojemiam expeditione bellica, accepit quidem Vrbs hæc ex ejus exercitu præsidium signorum aliquot, sub vicaria Caroli Bosii præfectura: sed cum is, tamen de periculo monitus, cuticulæ curandæ melius quam excubiis vigilanter agendis attenderet, ab Hermannno Czerninio, cum vicinis rusticis, ac quibusdam selectorum militum Cæsarianorum manipulis, aditu, occulto irrumpente ad 7. Calen. Mart. (*Ann.* 1632.) ipsis Bacchanalium hilariis, seque, & Vrbem captam, sensit.

M O S T A seu Pons (*Germ. Bruck* seu *Bryx*) Vrbs inter regias, hac in provincia, secunda, & loco quidem limoso, sub montibus, Bilinæ piscoso amni à dextris sita, populosa, ampla, & satis nitida est. Nomen ei à ponticulis, ob ebullientes è terra aquas passim in Vrbe positæ, vetustas dedit. *Mosť* videlicet lingua nostra pontem vocat. Despectat in eam nobile propugnaculum seu arx inter limitaneas numerata, ac in montis ardui vertice ædificata. Primi ejus conditores ignorantur. Vetusta tamen est ejus origo, & multa libertas. Lingua Bojemica in ea jam fere obsolevit, & id quidem

quidem non alia validiore de causâ,
 quam Misniorum connubiis cum hujus
 Urbis puellis frequentatis, & magistra-
 rus nostri, contra quam leges, ratioque
 suadent, de linguæ nostræ cultura præ-
 postera negligentia. Religio in ea varia-
 vit. Bello enim Zisciano pontificiis, Vla-
 dislai secundi regis ævo, & postea plus-
 quam continuis annis centum, repurga-
 tis ex Lutheri doctrina cultibus sacris ad-
 hæsit, perpaucis in pontificia religione
 perseverantibus. Suboriente namq; jam
 inter nos nuper bello religioso, necdum
 plures ab Evangelica fide alieni nūmerari
 poterant in ea Vrbe cives, quam qua-
 draginta septem, cum eam amplecten-
 tes, essent trecenti quadraginta quinque,
 demptis habitantibus in conducto, civi-
 tatis jura adeptis opificibus. Communi-
 ter autem cultus divini exercitio utrique,
 alii post alios uti erant soliti, in primario
 Urbis templo, toto tempore illo, quo
 firmatus Vladislao rege ad 3. Id. Mart.
 (Ann. 1485.) inter Evangelicos ac Pon-
 tificios in religione syncretismus, à Pon-
 tificiis observabatur. Observabatur au-
 tem is utcunque, tantisper dum imbutis
 Iesuvitico Zelo tranquillitatis publicæ
 turbatoribus, nec machinationes occul-
 tæ, nec vis aperta, ad eum dissuendum
 satis esset valida. Matthia enim rege de-
 mum

num præcipue eruperunt in nervū technæ Mostanorum, haud secus ac aliorum ubivis id genus farinae, pontificiorum, Rudolpho rege occultis consiliis adversus Euangelicos concives textæ ac re-textæ. Ad fisci igitur præsidem & ejus consilium, (ista in causâ fortasse judices non suos,) pertracti Mostani Euangelici, illius sententia exercitii religiosi jura, in templo, de quo diximus, penitus amiserunt; (*Ann.* 1615.) non ita pridem vero per constitutos exturbandæ è regno pietati sinceriori Quatuor-Viros, (*Ann.* 1626.) vel & ipsi cum pontificiis idem de fide loqui, vel solum vertere, sunt coacti.

Abest ab ea tertio lapide LAVNA, Urbs in dextro Ohrzes amnis latere, figura semicirculari à Vlastaco & Sobessio fratribus grassatoribus, metu latrociniis promeritæ pœnæ, adversus Vogenum principem, ex Launa vico quodam tenui ædificata, & egregie communita. Res quasque victui quotidiano necessarias, frumentum vinumque domi habet abunde, piscibus saltem exceptis, quos amnis suburbanus subministrat parcius. Cives ejus sunt jurgiosi, & conventibus quibusdam comestatoriis, qui ab illis D. Margaretæ vocantur, æquo impensius dediti, quos ad portam Urbis frequentare, di-

re, dicacitateque procaci agitare, urbanitatis loco habent. Hussitico bello Zatecensium consilia erant sequuti; sed Ferdinandico proximo, ad posteritatem parum decoro exemplo, nec ullo prius edito virilitatis documento, (*Ann.* 1620.) muliebri credulitate verba sibi dari sunt passi, ac Alberto Valdssteinio, postea Fridlandiæ Duci novo, ejusque legionibus, cum qua Cæsari militabat, portas prid. Non. Novemb. aperuerunt. Adollescente vero sensim, meditata à pontificiis longo tempore Evangelicæ veritatis persecutione, religionem quam à patribus acceperant, quamque erant hætenus sequuti omnes, momento quasi deseruerunt, ac ad pontificiorum placita transferunt universi. Cum post, prælio ad Lipsiam superato Tillium, Saxonix Elector Ioh. Georgius in Bohemiam Novembri mense, (*Ann.* 1631.) irruptionem faceret, militem ejus simili facilitate admiserunt, sed quemadmodum ante à Valdssteinio, sic & tunc à Traundorfio, militum ducibus legionariis, fortunas suas expilatas deplo-
rarunt.

Zatecio ad Occasum euntibus tertio disjuncta lapide occurrit Vrbs regia à Conditore Cadano CADANA dicta, (*Ann.* 821. Sita est in læva amnis Ohres ripa. Crebras olim accipiebat à Misniis vicinis
malis,

malis, clades, quas tamen non semper inultas est passa. Religionem Evangelicam tardius illa quidem admisit, semel tamen, (*Ann.* 1525.) Ludovico adhuc rege, admissam, Zelotarum adversariorum criminationibus ac turbationibus variis nequicquam vexata, constanter nihilominus tenuit, reddita apud Regem Ferdin. I. facti sui diligenti ratione, & causis admittæ, absque Pontificiorum concivium suorum injuria omni, religionis purioris explicatis. Cumque non ut optavit regem isto in negotio propitium experiretur, omnium Evangelicorum Ordd. commendationem ei placando adhibuit, *Ann.* 1537. Ab eo igitur tempore Regg. ad religionis apud se exercitia, quantumvis (*Ann.* 1593.) ringentibus æmulis, habuit conniventes, ad id usque tempus quo iisdem propemodum, ut Mosta artibus enervata, Pontificiorum potentia succubuit. Vrbs alioquin est situ amœna, & opibus sat felix ac beata suis. Regii fisci ditio non alia est in hac provincia, quam quæ fodinis argenti Prziseznicensibus, Sonnebergh, Platnensibus, & Bastianbergensibus, itemque stanni fodinis Slawcovianis, & Lauterbachianis, Schonfeldianisq; comprehenditur. Chomutovia quoque opidum nitidum & amplum, Georgio Baroni

roni Lobcovicio, Rudolphi regis edicto jam pridem est è potestate exempta, regioque fisco (*Ann. 1595.*) adscripta. Erat olim in usufructu Crucigerorum Pragensium, quam Sigismundus Imp. tandem Iacobo Wrzesovecio pignori dedit. Laudem ex eo habet cum paucis communem, quod cerevisia ejus non vulgaris est bonitatis. Nomen ei ex helciis videtur esse inditum. In procreatos stirpe non Bojema ejus incolas, jam olim jactari cœpit, & hætenus vulgo in ore est diverbium, *VVssudy Lide, vv Chomutovve Niecmý*; quo, toto regno homines esse significatur, solam vero Chomutoviam à Germanis incolì. Erratici siquidem Germani plerique, lares solumque in quo lucem primam aspexerunt, aspernati, pernicioso linguæ nostræ periculo, inter gentis nostræ homines sedes sibi quidem, sicut olim, ita & hoc nostro ævo, passim figere gestiunt, vernaculum tamen sermonem nostrum discere, ignominiosum putant. Qua in re quia fortunam olim Chomutoviæ primum omnium ex voto sunt periclitati, opitumque id, exturbata sensim nostra lingua, popularibus suis impleverunt, diverbio isti fecerunt locum. In nobilitatis agro sunt Catharinæ-mons, Eisenberga, Czerveno-Hradecum, hoc est rubrum

brum castellum, Boreca seu Gorcavium, cum opido saluberrima cerevisia, vicinisque aluminis officinis nobilitato, Ruvenicium, Beczovum, Postoloprta, Novo-Hradæ, Liczovum, Wintirzovum, Mastiovum, Waleczium, Bochovum, Angelicus-mons, Clafterecium, Novo-Schumburgum, Hasfensteinum, Hogenovesium arces, tam cum, quam sine opidis, cum prædiis, villisque permultis, ut & opida sola, Gessenicium, Zluti-cium, Chyslæ, Slavcovum, Ostrovum, Prziseznicium, repertis sub Imp. Rege Carolo (*Ann.* 1341.) argentifodinis clarum, & quæ accolis nota sunt cætera.

XIII. Zatecensi provincia egressi perambulabimus districtum Vultaviensi non multo maiorem, qui Racovnicensis, & vulgo *Rakovnicksko*, à Racovnico Vrbe Regia, & his in locis sola, cognominatur. Adjacet autem is, Zatecensi districtui parte sui occidua, ad Ortum vero cuspide tantum quadam mucronata inter districtum Slanensem à latere Septentrionali, & inter districtum Podbrdscensem à latere australi interjectus pertingit. Regiuncula est silvosa & montana.

RACOVNICVM, seu ut alii loquuntur, Racona, regiae Urbis ac libertatis plenioris honorem, Ordd. in comitiis regni intercesso-

tercessoribus , à Rudolpho rege, non ita pridem (*Ann.* 1588.) est consequuta : antea siquidem fisco regio accensebatur. Nomen à Cancro, quem propterea in insigni gestat, obtinuit : is enim nobis *Rak* dicitur. Est Vrbs mediocriter munita, verum non adeo magna. Ob cerevisiæ singularem bonitatem semper fuit celebris; nuper vero, (*an.* 1620.) & Ferdinandicorum & Fridericianorum castris, quæ utrique habuere ei propinqua, pluribus hoc nomine etiam apud externos innotuit. Prodiere ex ea non pauci viri egregie literati, politicisque in rebus cum laude versati, quos inter fuere M. Thomas Iavorzicius, Sixtus Ottersdorffius ob defensam sub Ferdin. I. gentis suæ libertatem, gravi atque cum multis communi infortunio irretitus, M. Georgius Ostracius, M. Matthias & Paulus Grylli, alique. Vladislaus I. ejus nominis princeps, paulo plus quam uno ab ea lapide, ædificavit in silva, trans Mizam fluvium, celebrem illam, omnis pretiosioris regni supellectilis custodia magnorumque virorum carceribus arcem, Krzivocladum nobis, Burg-Leyfam Germanis vocatam, eique agrum multum ac redditus luculentos fisci regii hæreditarios assignavit. Ex hujus ditionis silva, singulis annis ingens lignorum multitudo, Miza se-

cundo Pragam submittitur, indeque per Vultavam & Albim, in loca materia fabril destituta distribuitur. In hac arce captivi sub custodia tenebantur olim, Otho Dux (*ann.* 1110.) à Vladislao principe agnato, Henricus Ioh. regis Cancellarius (*an.* 1318.) à regni proceribus, Henr. Dux Austriæ (*Ann.* 1322.) à Ioh. Rege, Venceslaus N. Theologiæ Doctor (*Ann.* 1544.) à Ferdinan. I. & nuper nonnulli, (*Ann.* 1621.) à Ferdin. II., ut & alias alii permulti. Huic arci subest opidum novum Strassecium, (*Ann.* 1616.) ob causam religiosam, & quia Pontificii sacerdotis ministerio in sacris cultibus incolæ ejus uti detrectarunt, à Matthia rege graviter multatum. Ditione nobilitatis continentur Horosedlæ, Petersburgum, Sosna, Psovlcæ, arces, & Senomatae opidum. Cœnobium in hac ora nullum est.

XIV. Slanensis districtus Racovnicensi conjungitur à parte meridionali, versus occasum habet provinciam Zatecensem, versus Aquilones Litomierzicensem, versus Ortum Caurzimanum. Vulgariter *Zrzitsko* & *Slansko* vocamus. *Zrzitsko* à *Zrzito* monte; *Slansko* à *Slana* Vrbe regia hujus oræ similiter unica. Hofreum Urbis Pragenfis, districtum hunc quidam judicant. Est autem

SLANA

SLANA Vrbs à falsedine dicta, sub vasto monte de voluntate Nezamyss principis, à priscis nostris salis coctoribus, loco humili condita, & contra Lucensium incurfus utcunque munita. Erumpebat enim ex monte isto aquæ salæ fons, & accolis erigendarum salinarum, ac mox Urbis exstruendæ, occasionem dabat, sed qui intra paucos annos, ut & alter Bilinensis, exaruit. Etsi vero disparentibus aquæ istius scatebris, emolumentorum omnium spes salinatoribus istis videbatur perisse, nihilominus tamen ii conditam ab se Urbem neutiquam deseruerunt, sed ad agri hortorumque culturam conversi, ac cerevisiæ domi coctæ ad hæc usque tempora vulgo celebrata bonitate, in spes novas erecti, paulatim rem familiarem pariter & publicam inter suos confirmarunt, locumque ita excoluerunt, ut & ædificiis niteret, & vitæ tuendæ necessariis rebus abundaret. Iuventus Urbis parum inorate educari olim solita, similiter ut virgines Pragenfes, equique Cutnenses, iactando in petulantiam suam veteri cuidam parum fortasse conveniente dietario, non amplius relinquunt locum. Teritur enim multorum ore, virgines Pragenfes, equos Cutnenses, adolescentes Slanenses, tria esse quæ perraro sint

bona. Patrimonium fisci regii, præter Vnhofstam opidum, vicosque aliquot ditioni Krzivacladenæ adscriptos, non memini hîc esse ullum: Duo nihilominus virginum cœnobîa: Vnum Doxanæ, & rerû omnium abundantia lautissimum, & loci inter saltus amœnitate lætissimû, (*Ann.* 1144.) à Gertrude Vladislai principis uxore, Vestalibus instituti Præmonstratensis est conditum. Ohrze seu Oegra pomariis virgultisque passim cinctus amnis id alluit. Alterum Tynecianum, à Plichta Zerotinio, Vestalibus D. Claræ erectum, & honeste, non tamen ad luxum, dotatum. Est similiter hîc uno saltum lapide à Slana Vrbe disjunctum, in præpingui glarea temperato solo ab Ungaris olim (*Ann.* 956.) conditum opidum Velvaræ seu Welvarium. Nomen traxisse fertur ex Vngaricis vocibus *Bel* & *VVar*, farris opidum significantibus. Non numeratur id quidem inter Vrbes regias, verum tamen sub *περὶ τὰς πόλεις* Burggravii supremi, plerisque Urbibus regniis immunitatû amplitudine est par, in hoc etiam superior, quod ager ipsius cû magnam partem sit juris liberi adeoque emphyteusis perpetua, tabulis regni absque regi consensu internuntiis, quoties legitimus cōtractus intervenit, potest inseri, quæ alioquin nobilitatis prærogativa cense-

cenfetur. Nobilitatis dominium agnofcunt cætera, ut eft Raudnicia arx & opidum peramplum, olim etiam cum Archiepifcopi Prag. procerum Smirziciorum, ac ex Polonia Oftrorogorum, dominatione leni tenebatur, fatis fortunatum. Mercatura enim ac cæteris honeftis quærendæ rei mediis, ex Albi, quo alluitur, percommode poteft uti. Talis præterea eft Budina, arx & muris cinctum opidum, ad Ohrzes latus dextrum, Hoftiviti principis ævo, ex vetuftiore viro ædificatum, ac à tuguriis nuncupatum. His adde Bezccovicium, Bezccovicium, Hofpozinum, Nelahozevefium, Micovicium, Ocorzen, Buftehradam, Rubrum Augezdum Cladnum, Smecznum, Cornhufam, Srbecium, Dievicæum, Slavietinum, Patcum, Wranum, cum prædiis agroque perquam fertili. Eft in hac provincia mons celebris ille, ac patenti in planitie eminus confpicuus, *Zrzjt* à specula vocatus, ab aliis *Zrzjp*, hoc eft mons *гътъ ѣѣохъ* appellatur. Primi gentis noſtræ conditores ſub eo primum omnium (*Ann.* 550.) conſediſſe, noſtræque reipublicæ initia dediſſe feruntur. Vertici ejus perquam ſpacioſo impoſita, à Sobeflao principe inſtaurata potius quàm fundata ſtat ædicula D. Georgio dicata. Ab hoc monte, tertio verſus

Austrum lapide, absunt Budeczæ Urbis veteris, à divino quodam Lessino Budeco, viro alioqui nobili, in edita quadam rupe, familiaris nescio cujus spiritus monitu, olim conditæ rudera, quæ schola improbarum magiæ divinationisque disciplinarum diu celebris, & à sexus utriusque juventute nobili, ut & à Przemyslo Libuslaque, discendi causâ frequentata fuisse perhibetur.

XV. Subsequitur jam ut de Litomierzicensi provincia differamus, quam vulgus *Litomierzicko*, à primaria ejus Urbe cognominat. Ea fere tota sub Sudetis montibus protenditur, figura pyramidalis, cujus basis Zephyro, Africo, Libanoque obversa, Lucensi & Slanensi districtui incumbit, latus vero septentrionale Misniæ montanis, Australe limiti districtus Boleslaviensis adhærescit, connexus denique versus Boream Cæciamque ad Lusatiam superioris limites pertingit. Provincia vini imprimis, ac pomorum, quin & frugum feracissima, Misniæ cisterna binæ horreum. Regis seu fisci patrimonialia bona nulla hîc sunt nisi forte in stanni fodinis Crupecanis (Hrobanae enim Roztochianæque argentifodinæ, jam olim sunt exhaustæ,) urgente vero reipubl. necessitate etiam in proventibus cœnobiorum. Sunt autem in hac provincia

vincia duo saltem cœnobîa reliqua, Ofecanum sub Abbate ab Ottacaro rege Cisterciensi, & Sub Melnicanum sub Priore ab Hroznata Comite, Augustinianorum ordini datum, quamvis Ofecanum Ferdin. I. regis ætate Archiepiscopus Antonius (ut & Suetecianum quod principio Rubæ Crucis gerulis institutum tandem vero alendis D. Claræ Vestalibus datum fuit Rudolphi II. tempore Zbynecus,) ad se pertraxit. Dotalis hîc præterea est reginarum Bojemîæ ditio arcis Mielnicanæ; ditio opima ac locuples, sed quæ plerunque nostra memoria alicui ex proceribus pignoris titulo utenda fruenda concedebatur; nuper autem (*Ann.* 1627.) per Imp. Ferdin. II. inito cum Wilhelmo Slavata quodam contractu, à reginarum patrimonio penitus avulsa. Nobilitatis ager hîc similiter peramplus est & opes luculentæ. Tenentur enim ab ea arces Teplicium, Duchczovum, Bilina cum opidis muro cinctis, Libczouesum, Strzebivlicium, Podsedicæ, cum gemmarum fodinis, Libochovicium cum opido, Clopejum seu Hasenburga, Brozanæ, Lovosiciæ, Sulevicæ, Czizcovicæ, Cossalovum, Scalca, Nedviediczium, Costomlatæ, Milestovum, Vgezda, sub monte qui Acutus dicitur, Sobochlebæ, Daubravius mons propugnaculum Ra-

dislai Wchynicii industria nuper è veteribus ruinis egregie instauratum, Supius seu Vulturinus mons, Brzeznicæ Blanchensteinæ succenturiata, Schonsteina, Gilovia, Bideburga, Dieczinum propugnaculum limitaneum, Brzeznum, Sva-dovum, Strzecovum, Libochovanæ, Ziteniciæ, Zahorzanæ, Ploscovicæ, Ench-sovanæ, Gizterpæ, Aufstecum cum opido muris cincto; Radaunum, Brocenum, Conogedæ, Stolinquæ, Marquardiciæ, Libchava, Bircosteina, Nova arx, Lipa, Mlado Beneslövum, Rumburga, Sh luc-novum cū opidis itemq; Scheracovum, Hanspachumque, & alia permulta, nec inculta nec infructuosa. Opida præterea sola, Camenicea, Radauslövum, Hofsteca, Trzebenicæ, & metallifera duo, Crupca, Hrobumque monachale. Iam vero liberæ ac cultissimarum vinearum collibus longelateq; omnibus antestantes in hac provincia Vrbes, sunt Litomierzicæ, Vsta, Melnicum, ad Albim sitæ omnes. Vinosi censentur plerique omnes earum incolæ.

LITOMIERZICÆ, seu Litomierzicium, (quæ civitatem mihi non contemnendasque fortunas dedit; sed eas anno post septendecimo, Imp. Ferdin. II. toto regno Euangelicos exturbante, ob posthabitum à me religioni puriori, patriæ for-

fortunarumque amorem, nullo jure eripuit,) est Vrbs populosa à dextro Albis latere, splendide locoque oportuno ædificata. In nominis ejus origine explicanda, variant nostri homines. Alii enim à Lidomiro, quem ejus conditorem esse volunt; alii ab hominibus reconciliandis, quod vulgo *Lidi mjrziti* dicimus; alii à *Ljto*, quod idem est cum latino *Miseret*, & *Mierzice*, quod idem est cum Germanico *Maß*, eam desumunt. Etsi vero sententia prima secundaque, vero non sunt prorsus absimiles, quia tamen ab usitata Urbis nomenclatura magis quam opinio tertia discedunt, eapropter probari à me non possunt. Fateor quidem ego à Lidomiro Cossali filio (quem à conciliandis hominibus nomen habuisse linguæ nostræ natura evincit) (*ann.* 771.) eam inter Radiczium, (qui locus nunc *Hradjez* corrupte vocatur, & D. Stephani æde est celebris,) Pocrateciumque cortes, condi cepisse: nihil tamen id credo obstare, quominus tertia sententia vera credi possit, quæ ait; Molitorem quendam cum ei, Urbem condere parans, fabrisque de alimonia prospiciens Lidomirus, frumentum ex quo farinam faceret, ad modiolum esset admensus, idemque modiolus in subterlabentem Albim interea è manibus ipsi

excidisset, querula voce exclamasse, *gestit*
mi lyto te mierzice, hoc est, Dolori mihi
 est amissio hujusce modioli. Lidomirum
 ergo arrepta ista molitoris querimonia,
 Urbem suam ex eo *Litomierzice* vocari
 voluisse. Vetusta igitur sunt Urbis illius
 incunabula, quæ paulatim posterorum
 industria, ac ædificiorum amplitudine,
 & populi multitudine crevit. Mœnibus
 tamen & vallo demum (*ann. 1019.*) à pro-
 ceribus Vurſſovicensibus, quorum tum
 in ditione fuit, communibus gentis sum-
 ptibus, offensi Vldrici principis metu, an-
 te annos sexcentos, circumdata ac com-
 munita est. Cum vero damnatis à Brze-
 tislao II. ob structas principum vitæ in-
 sidias, atque in Lusatiam deportatis Vur-
 sovicensibus, bona eorum universa in
 ærarium principis essent illata, (*Ann.*
1096.) Litomierzicea libertatem, ac in-
 ter Urbes sub principum patrocinio vi-
 ventes locum, multaque posthac privile-
 gia obtinuit, quæ anno fere ducentesimo
 post, (*Ann. 1297.*) incendio, quo Urbs
 hæc fœde fuit deformata, pleraq; omnia
 perierunt. Iohannes rex Ottacarorum.*
 privilegia, quæ flammis, de quibus dixi-
 mus, erepta supererant adhuc aliqua, ei
 confirmavit, & nova aliquot addidit;
 Ejus

* *Abrahamus Hofsman Lusatius.*

Ejus vero filius Carolus Imp. mercatu annuo ab VIII. Calend. usque ad VI. Idus August. celebrando, seu nundinis solennibus, quin & jure Stapulæ, quo omnis generis Albin navigantes mercatores, non alibi naves suas, quam in hujus Urbis seu emporii portu (*Nakel* nostri vocant) sive onerare sive exonerare permittuntur, eam locupletavit. Vladislao II. rege, muri ejus plerisque locis ruinam minitantes instaurabantur, ac propugnaculis frequentibus exornabantur. Maximiliano vero & Rudolpho imperantibus, Albis impetuose præter eam ruens amnis, prælongo ac scientissime sumptuosissimeque fabrefacto ponte ligneo, ab ea fuit stratus, quem proxima Electoris Saxonix in Bojemiam expeditione, cum post eversa magnam partem suburbica Litomierzicæ ædificia, hosti propinquanti ad VIII. Id. Iunias (*Ann.* 1632.) loco cederet flammis penitus absumsit Ioh. Melchior Sualbachius, magno civium ac accolarum incommodo. In hoc, Litomierzicæ agrum lambente Albi, magno numero capiuntur vernis mensibus, longe quam alibi meliores sapidioresque murenæ & salmones; æstivis vero etiam grandes sturiones. Hic vindemiæ tempore multo quam alibi suavior conficitur murina, itemque ex sinapi trito ac vini

vini recentis decocto, fapa seu defrutum. Hac in Vrbe hospites ac amicos humaniter excepturi cives, vini tam consueverunt esse prodigi, tamque cibi præbendi immemores, ut propterea duplici scommate, vulgo meruerint notari. Dici namque solet; homines à Litomierzicianis potu fere suffocari, fame vero enecari. Item oportere esse felicem, qui non fuerit Zatecii ludibrio habitus, Launæ pulfatus, Litomierzicæ vini potu immodico gravatus. Communi consensu receptarum religionum perquam fuit tenax Litomierzicea. Etenim ut olim à pontificia ad Euangelicam, ita nuper ab Evangelica ad pontificiam, ægerrime potuit traduci. Venceslao namque IV. rege è vivis sublato, & regnicolis passim Hussi successorum ministerio, Romani pontificis placita repudiantibus, cum id ea suos quoque intra muros invalescere cerneret, cives à plurium religione dissidentes, nullo sanguinis necessitudinisve discrimine (*Ann.* 1418.) in Albim mergere, quam in numinis colendi rationibus variationem ullam permittere maluit. Sic cum imperata nuper à Cæs. Ferdin. II, sacrorum metamorphosis (*Ann.* 1626.) sæviret, viaque nulla, qua vis major posset evitari, appareret, plura quam quingenta incolarum ejus capita,
optione

optione ipsis data, bonis multari, solūq; potius vertere, quam veritatem agnitam ejurare elegerunt, qualis cōstantiæ exemplum, Praga una excepta, Vrbs alia Bojema nulla dedit. Reditus hujus Urbis publici, necessariis impensis publicis comparati, modici sane sunt, sed eos tamen bonorum principum munificentia quandoque sublevabat. Iura ejus agnoscens pomerium perangustum quoque est: Undique enim Cœnobiorum ac nobilitatis agro constringitur. Antiquitus jure Saxonico utebatur, & Scabinatus tribunali clara fuit, ita ut opida vicina, Urbesque adeo nonnullæ à domesticorum judicum subselliis, ad ejus sententiam provocare diu in more habuerint: quæ prærogativa non ita pridem ipsi, (*Ann.* 1510.) comitiorum placito est extorta. Viri docti in ea sunt nati, Matthias Vicen, Iohannes Gelinecius, Henricus Mraz, Andreas Lucinus, Andreas Mistisco, Venceslaus, & Sigismundus fratres Heniochi, omnes artium philosophiæ Magistri, itemque Daniel SStyrkolsky Doctor Medicus.

Ab ea versus Thrasciam abest altero lapide V S T A Vrbs in montium angustiis à Russisvado & Lahoborio fratribus ædificata. Mediocri est magnitudine, sed loco hostibus expugnata facili, mœnibus suis

fuis non magnopere tuta. Nomen ei plerique ab *Haußti* voce nostra, dumetum significante, factum esse contendunt, alii tamen probabiliore ratione ab Ore, quod *Ußta* vocamus formant. Sita enim, ut dixi, est in angustiis ad quas Albis flumen aquas suas per convalles quasi os vel fauces aliquas in Misniam evomere incipit; Vnde non inepte iudicio meo posset Ostia vocari. Exigitur in eà hæc tempestate multa plerunque publicanorum insolentia portorium regium, in limite à mercatoribus quibusque navibus merces portantibus, antehac pendì solitum. Vinum quod hîc ante urbanis sub rupibus nascitur, quodque ideo *Podskalske* dicitur non habet aliud in patria nostra à quo generositate superetur, nec locus fere ad Albim alius est, ubi typhlarum, seu oculatorum piscium captura sit uberior. Vernaculam nostram linguam qui calleant, paucissimi in ea jam sunt incolæ, idq; non alia urgentiore de causâ, quam ex qua simili corruptela Mostam laborare diximus. Pugnatum olim in ejus vicinia ad Przedlicen vicum fuit prælio apud nos valde memorabili, ad xvi. Calend. Iul. (*Ann.* 1426.) quo Misniorum sub Friderici Marchionis, & Catharinæ ejus uxoris signis, * multa millia ceciderunt.

Vrbſque

* *Hist. de Landgr. Thuring. cap.* 162.

Vrbsque ipsa hæc expugnata ac direpta, toto posthac triennio deserta stetit. Locus pugnae hodieque *na Beháni* vocatur, columna gesta rei teste insignis. Navata tamen tam impendiosæ Sigisf. Imp. istius adversus Hussitas operæ, Marchio Fridericus mitram Electoralem, præteritis proximis Alberti Electoris defuncti agnatis, ab eodem Imp. præmium (*Ann.* 1423.) tulit, ad hæredesque suos transmisit, Urbem Vřtām præ multis aliis amavit, Imp. Ferdin. I. ob causam illi cum Plznenſibus Budiegovicenſibusque communem nobilitati similiter in montanis illius habitanti, quoties suborta controversia coram arbitris ex compromisso disceptanda, vel componenda erat, locus hic quoque præ aliis plerunq; conventui ut commodior eligi hætenus fœvit.

MELNICVM vero Litomierzicea euntibus ad Ortum hybernum, intra lapidem quartum occurrit, Vrbs sub Albis & Vultavæ confluentibus, arduo in colle, à nescio quo ex Bessi dynastæ stirpe, ante Hostiviti principis ævum condita, mœnibus vero à Slaviboro D. Lidmilæ patre circumdata, ac nitidior facta. *Ann.* 877. Datum ei nomen est à molendo, five molitoribus. *Meli* namque idem quod molo, *Melnjk*, idem quod molitor
five

five locus in quo sunt molendina, notat. Vrbs quidem est parva, sed peramceno, ac propulsandæ hostium vi oportuno loco exstructa, à rubri vini suavitate delicatis potoribus præcipue commédata. Refertur in numerū urbium quæ Reginarum Bojemix sunt dotales. In ea (habet enim mœnibus impositam arcem) à principum maritorum mortibus vitam transigebant, cum altæ principes ac reginæ, tum inprimis Barbara Sigism. Imp., & Iohanna Georgii regis viduæ. Alluit eam à parte Aquilonari modicus amnis Břřřvřřcá à Břřřř, de quo diximus nomen habetenus servans, vulgo nunc voce jam pridem corrupta *Sřobka* vocatus, quo molæ aquatiles aliquot etiamnum aguntur. Ager Urbis est arenosus, sed neutiquam sterilis. Immunitates suas ac libertatem Urbibus regiis parem jam à vetustis temporibus semper habuit, & adversus malitiosas plerorumque arcis præfectorum machinationes defendit.

XVI. Reliqua nobis adhuc est, districtum Litomierzicensem parte sui occidua, Silesiam Septentrionali, Hradecensem tractum Orientali, Caurzimanum Meridionali, attingens provincia, quæ vulgo à Boleslavia Vrbe *Boleslavsko* vocatur, ampla satis, fertilis, ac populosa. Participat ejus fertilitatem non solum
Lusatia

Lusatia, sed & ipsa Silesia. Regis patrimonium in ea est Benatchæ, Lyssa, & Brandeisenæ ditionis pars trans Albim non modica cum Opoczino & Hlavencio voluptuariis. Benatchæ, seu Venetia nostra, arx est à dextris annis Giseræ, arduo in colle cum opido tenui, quæ ætate demum nostra à Doninæ stirpis proceribus per Rudolphum regem est redempta, fiscoque adjuncta. Lyssa vero sive Mons-Calvus arx similiter est cum opido in subjectam ingentem silvam regiam ex alto despiciens. Reditus utriusque præcipui sunt ex piscinis, quæ iis locis sunt & numerosæ, & cyprinorum delicatorum multitudine præstantes. Cœnobia in hoc districtu hac ætate nulla sunt, nisi forte si quis Boleflaviæ veteris, D. Venceslai Cenotaphio nobilem, Dd. Cyrilli & Metudii ædem, recensque insanis aliquot annorum (1613. & seqq.) laboribus sumptuosissime ac splendidissime ædificatum, & ante annos plus minus triginta, peregrinationibus anniversariis, incerta vel potius superstitiosa de causâ, frequentari cœptum, Divæ Virginis delubrum, Cœnobii nomine appellandum putet. Urbes hujus loci regię duæ sunt Nymburgum & Boleflavia.

N Y M B V R G V M est urbs in patenti
G ti pla-

ti planitie, loco propulsandis hostium infultibus valde idoneo, à Vicemilo dynasta quodam inter Albis & Mrlinæ confluentem exstructa, lateritioque muro, & profunda, amni alveum præstante fossa, probe firmata. Vicemilus quidem eam de suo nomine Vicemilovum voluit vocari; domestici tamen propter suum silvestrium familiare volutabrum, quod ab iis, ædificantium metu, ægre istic deferabatur, Suini--Brodam dici maluerunt. Nymburgum verò multo demum tempore post, à Germanis, hominibus peregrinis, voce peregrina nomen accepit. Venceslaus II. Rex unice eam dilexit, & cum amplio rem, tum privilegiis ornatior em fecit, quin & primus eam in urbium regiarum numero esse iussit. Olerum omnis generis ac leguminum abundantia pariter & succosa bonitate præ aliis excellit. Proximæ Saxonici militis in Bojemiam irruptioni, (*Ann.* 1632.) quasi obicem urbs hæc objecisse est visa, quam is quia vi expugnare non potuit, missilibus ignium artificialium machinis, totam una cum ponte quo Albis iungebatur, in cineres redegit, ac ab eo tempore nullos laude dignos progressus in Bojemia amplius fecit. Potatores inclyti, alibi sane non tam male, ut Nymburgi audiunt. Hic
namque

namque ii exorbitant persæpe, & pocula, alii aliis in oculos exinanita, capitibus impingunt; unde proverbium fœvit jactari; *Timt po Nymburgsku, i. propino mðre Nymburgico.*

Versus Aquilones lapide tertio ab eo est dirempta BOLESLAVIA urbs, non vetus illa, cujus jam ante meminimus, sed alia, à qua tota hæc provincia accepit nomen. Veterem illam ad Albim in totius (ut plerisque placet) Boemiæ umbilico, Vratislaus princeps (*Ann. 915.*) fundavit, & Boleslaus Sævus (*Ann. 937.*) excoluit; hanc juniorem vocatam, Boleslaus junior, seu ut postea frequentius vocabatur, Lenis vel Pius, in colle *Hrobka*, qua voce sepulcretum significatur, condidisse fertur. *Ann. 973.* Avorum nostrorum memoria fuit urbs hæc in ditione procerum Michaloviciorum, Cymburgiorum, tandem Cragiriorum, postea stirpis Hassilteineæ Lobcoviciorum, à quorum postremo, Bohuslao Ioachimo libertatem plenam, (*Ann. 1595.*) nobis adolescentulis ære grandi emit, ac Rudolphi Regis-Cæsaris clementia locum inter urbes regias (*Ann. 1600.*) obtinuit. Arx in hac urbe est, veteris in eam protestatis nec dum penitus oblita, quæ simul ac Comitem Hohenlochium & nuper Pappenheimium,

dominos accepit, præfectorum insolentia urbi per sæpe gravis fuit, Gifera amnis Coro obversum ejus latus lambit, & aquam intra muros, hydragogicis machinis seu siphonibus immittit. Subjectam arci vallem rigat Clenice rivus, qui ibidem mox Giferæ miscetur. Cragiorum autem, præ cæteris tum è nobilitate purioris cultus divini patronorum, pietate pariter & largitate, excitata jam olim, & paulatim ex Mœcenatum collatitiis subsidiis (*Ann.* 1500. 1511. 1544.) egregie amplificata in ea fuit alēdis repurgatæ religionis doctoribus juvenutiq; in pietate & literis formandæ, sedes vel domicilium, presbyterio etiam venerabile, quod Carmelum vocari voluerunt Majores. Carmelum autem hanc, sicut & ejusdem disciplinæ cæteras basilicas quasque, *Zbory* apud nos dici solitas, Vatiniano odio prosequuti semper sunt Hussitæ claudicantes æque ac pontificii Zelotæ in Bojemia, eamque Piccardorum spelæum ac officinam vocantes, impetratis per calumniam à Wladislao, (*Ann.* 1508.) Ferdinando I. (*Ann.* 1547.) Maximiliano, (*Ann.* 1568. 1575.) & Rudolpho (*An.* 1602.) Regg. severis interdictis stomachose oppugnarūt. Et vero aliquoties illa magnopere periclitabatur, à paucis inter spes & me-

& metus habitabatur, Rudolphi denique publicato Interdicto prorsus claudabatur, & obfignabatur; Verum nunquam gravius, quam à Ferdinandicæ *μεταμορφώσεως* administris nuper, circumscripta ac pessundata fuit. His præterea, quæ nunc gliscunt bellicis turbis, urbs hæc à Cæsarianis velitibus, (*Ann. 1631.*) ne Saxonis de ea occupanda consultantibus usui esse posset, ex improvise direpta, & igni iterum, iterumque injecto misere vastata gemuit. Ager nobilitatis multus quoque est in hac provincia, multæ arces, castella, opida, villæ, quales sunt Ronovum, Rozdialovica, & Dobrovice cum opidis, Brodecæ, Cossatecæ, Libenium, Vidimia, Hausca, Bezdiezium, Cosmonosæ, Zuuirzeticium, Costa, Trosca, Virgo & Anus, Scalæ seu Rupes, Semilæ, Waldesteinum, Rohozecium, Suiganæ, Monacho-Hradista cum opido, Zasadca, Doxa, Curzivodæ, Zacupium, Wartembergæ, Dubum, Wyfocum, ubi vacca à bubulco lapide plerumque, quam ipsa sit, pretiosiore impetitur, Reichenbergæ sive Libercum, Grabsteina & Fridlanda, partim castella, partim arces; opida denique, ut Bacovum, Misenum, Biela muro cincta originemque & nomen ab junioris Croci nepte sortita, Turnovum, Sobotca, Mimonla,

monia, Gablona, & alia numero non pauca.

XVII. Huc usque ac haftenus verfatī sumus in recensendis iis Bojemīaē provinciis, seu districtibus, qui inde à primis gentis nostrae incunabulis sub eodem magistratu summo, eadem lingua, legibus, moribus, institutis vixerunt: nunc jam accedimus ad tres reliquos describendos, qui tamen si jam olim iure clientelari, cum corpore Bojemico, vinculo indissolubili coaluerunt; actibus tamen Bojemorum panegyricis non solent, ut ceteri provinciales interesse, neque consiliis de repub. intervenire. Immunitates nihilominus, instituta, leges, ac consuetudines quasdam peculiares semper & habuerunt, & ad hæc usque tempora tenuerunt. Linguae similiter usum neutiquam nobiscum communem habere voluerunt, quales sunt Comitatus Cladscanus, seu Glacensis, provincia Hebana seu Oegrana, & districtus Loctensis seu Cubitanus. Nobilitas horum districtuum pleraque omnis ex Ordine Equestri est, paucissimis saltem exceptis, qui Barones cum sint, agrum istuc possidere jam pridem coeperunt. Principum Bojemiae vasalli sunt omnes.

XVIII. Circumdatur autem Comitatus

tatus Cladscanus, cui nomen à Cladſco primaria ejus oræ urbe ac propugnaculo munitiſſimo eſt factum, ab Aquilone & ortu Sileſiæ terminis, ab Auſtro angulo quodam Moraviæ, ac (ſicut & ab occaſu) provincia Hradecenſi. Fuit olim, nunc in Polonorum, nunc in Bojemorum manibus, donec ex fœdere, quod Ottacarus rex cum Henrico Duce (*Ann.* 1280.) percuffit, priſcorum principum Miſterbergensium ſeu Sambicensium dominio accrevit; quem tandem Iohannes rex à Boeſlao Duce (*Ann.* 1322.) redemit, ac regno Bojemæ in perpetuum conjunxit, quinquennio nihominus poſt, (*Ann.* 1327.) ex pacto, Vuratiſlaviæ Duci Henrico VI. uſufructu in eo ad vitæ dies conceſſo. Ardentibus tamen poſtea Huſſiticis motibus, venit in poſſeſſionem procerum gentis Podiebradiæ, qui longo poſt tempore Miſterbergæ Duces erant creati, tenebaturque eorum ditione totos plus minus annos octuaginta, uſque dum ab Alberto, Carolo, & Georgio fratribus, (*Ann.* 1500.) Vldrico Comiti Hardecchio, cum is paulo ante, more incolis Bojemæ uſitato, in Regis regnique fidem ſacramento eſſet receptus, venditionis titulo fuit reſignatus. Ex Hardecchiorum manu Iohanni Pernſteinio dynaſtæ con-

cessus fuit, qui eum Arnesto Archiepiscopo Salisburgensi Bavariæque Duci, oppignoravit. Arnesto è vivis sublato, succedendi agnato in ejus usufructu jus habere se contendebat Bavariæ Dux Albertus: sed quia per regni leges non licebat, ut inter provinciæ incolas locus illi esset, (alia ratio Arnesti hominis clerici fuit, alia Alberti principis politici,) Ordines Maximiliano regi authores in comitiis (*Ann.* 1567.) fuerunt, ut pignus istud seu hypothecam à Bavaro, vel ipse redimeret, vel è proceribus Bojemis cuipiam, qui vellet, redimendam cum usufructu concederet. Sed res tamen ista ac Ordinum placitum, non prius quam duodecennio post, Rudolpho jam regnante, exitum invenit, cum ex ære Ordd. collectitio, Comitatus hic (*Ann.* 1579.) onere peregrini æris liberatus, Regum usibus publico comitiorum decreto, ea lege fuit assignatus, ut nec vendi in posterum, nec in hypothecam dari, nec permutari, nec ad usumfructum cuiquam concedi, nec alio quolibet modo alienari unquam posset. Est igitur jam in regia possessione, perque præfectos, plerumque Barones, gubernatur.

Primaria, ut diximus, urbs in eo est *Cladscum* (vulgo Glacium) seu Glaciæ
cum

cum arce in colle ac loco arcendis hostibus commodo ædificata, hominumque industria probe communita. Alluit latus ejus dextrum amnis Nissa, ponte ex urbe lapideo stratus. De urbis hujus conditore silent nostri, ut & Polonici, scriptores, de pervetusta tamen ejus origine non parva sunt apud eos vestigia. Veri simile autem est, nomen ei vel ab eo, quod Cladu, pono, vel ab eo quod *Clada*, *tignum seu trabs*, nostris dicitur, esse datum, & *Kladko* dictam, quasi locus esset, in quo tignorum multitudo deponitur. A Sobieslao principe cum Polonis bellum Wladislao fratri faciente, (*Ann.* 1114.) igni fuit penitus deleta, sed quindecimo anno post splendidius, quam ante, fuit instaurata. Cœnobium quod in ea Canonici Augustiniani regulares, ab Arnesto Archiepiscopo erectum, & D. Virgini dicatum habuerunt, non ita pridem (*Ann.* 1597.) occuparunt novæ sectæ homines Iesuitarum socii, qui simulac pedem istis in locis fixerunt, nunquam à turbis respirare potuit hæc provincia. Bojemis, qui nec dum sunt consopiti, motibus bellicis, integro fere post cladem Pragensem biennio, virtute Francisci Comitis à Turri, in Friderici Regis fide fuit retentum propugnaculum nunc, ac adversus Ferdinandicos defensum,

donec commeatus penuria coactum, ob-
fidentibus ad VII. Calend. Novembr.
(*Ann. 1622.*) conditionibus non sper-
nendis dederetur; à fulmine non multo
post disturbatum, mox vero Bojemicis
Ordinum sumptibus ex ruinis vicissim
excitatum. Arces & opida in hoc Co-
mitatu sunt, Chelnava, Levinum, Ho-
molæ arx ruderibus saltem, & luculento
Regum Bojemorum patrimoniali agro
nota, Dufsnicum sive Reinhercium, Ry-
cherzina, Wunslburga, Sualdevasum,
Reichensteinum, Neudecum, Lande-
cum, Habelswerda, Mitwaldum, Schon-
feldum, & si quæ sunt alia.

XIX. Hebana seu, ut alii vocant, Oe-
grana provincia vel regiuncula, cohæret
primo ex Occidentali plaga Bojemix
aditui, ac nominatim accedit districtui
Lucensi parte sui Occidentali, quæ Cæcię
obvertitur, quæ vero Subsolanum Vul-
turnumque respicit districtui Plsnensi.
Ad Austrum contingit Palatinatus Ba-
varici fines: ad Occasum *Vliskensko* seu
Voitlandiam, & ad Aquilones partim
Voitlandiam, partim provinciam Cu-
bitanam. Regiuncula est sæcundissimis
hortis & agris, variisque pomorum ac
fructuum generibus luxurians. Scindit
eahi ac irrigat mediam erumpens è pini-
feri montis jugis fluvius, quem Latine
scriben-

scribentes Germani Oegram, nos à tepidiore ejus aqua Ohrzen, vocamus. Ademit autem illam, Baviaræ Duci Henrico, (*Ann.* 1193.) primusque belli jure regno nostro acquisivit Przemyśl-Ottacarus Dux. Quæ cum aliquandiu in Bojemotum potestate fuisset, per ambitiosum, augendisque privatis familiæ opibus sordidissimum principem Rudolphum Habsburgium, cum is ad Imperium pervenisset, Ottacaro II. Sinoniis artibus extorquebatur, verum novennio post, in prælio Marchesfeldiano cæsi patris Regis filio, (*Ann.* 1285.) & in Regno successori, Venceslao II. dotis nomine restituebatur. Et cum nescio quo jure in Baviaræ ducum manus recidisset, Ludovicus Imper. ejus nominis IV. eam Iohanni Boi: regi operæ strenue adversus Fridericum Austriam navatæ, compensandorumque sumptuum bellicorum, qui ad vicies mille marcas puri puti argenti asurgebant, præmium esse voluit, ac de principum Electorum assensu (*Ann.* 1322.) possidendam dedit. * Sortita autem est hæc regiuncula nomen ab urbe iitica primaria, quam lingua nostra ab inflexu, *Heb*, Germanica à præter labente amne *Eger* vocat.

Hebrun

* *Chron. Aula reg. & Hagecus.*

Hebium igitur vel *Oegra* urbs ipsa, alluitur ab Australi latere tepidiusculis illis *Ohrzes* fluvii aquis, tota nitida, tota culta, quæ inter alia etiam Fonte aquæ acidæ, & confectæ ex melle potionis (*Picy med vocamus*) excellentia, commendatur. Celebris quoque est aliquot, Cæsarum cum *Bojemix Regg.* olim (*Ann. 1461.*) memorabilibus conventionibus. Imp. Cæs. Ludovicus Bavarus privilegiis eam, & multa libertate ornavit. Incolæ ejus cum virtutum omnium, tum imprimis literarum humaniorum sunt amantes. Conditæ ejus tempus apud me est in incerto. Arces & opida in hoc districtu celebriora sunt, *Cunzvardum*, *Libensteinum*, *Nechanicæ*, & quædam alia, in quibus est *Chlumum cænobium* D. Virginis, annuis, Septembri mense, peregrinationibus notum.

XX. *Loctensis* denique seu *Cubiranus* terræ tractus, qui solus nobis hic restat adumbrandus, territorio suo attingit ab Ortu *Lucensem*, ab Austro partim *Lucensem*, partim *Hebanum* districtum, ab Occasu & Septentrione *Voitlandiam*. Lingua nostra vocatur *Loketsko*, à primaria istic urbe, quam *Loket*, hoc est *Cubitum*, vocamus. Germani *Elbogen* dicunt. Fuit autem jam olim, vel *Vogelni* principis, ut videtur, ævo, districtus hic

hic non tantum in Boemiae principum potestate, * sed & à gentis nostræ hominibus habitatus, qui montanum istum tractum prohibendis è Norico ac Misnia prædonum irruptionibus opportunum, nequaquam incultum, multo minus absque gravi suorum incommodo hostilibus occupandum, relinqui posse viderunt. Iohannis regis temporibus in usufructu Elisabetæ reginæ fuit, † à qua & ejus liberis, non raro animi colligendi gratia habitabatur. Sigismundus * Imp. illum suo ViceCancellario & tum Egyensi Capitaneo Caspary Schlichio dedit, cujus gentiliū ditione adhuc avorum nostrorum memoria tenebatur. Patrimoniales regum redditus hîc præcipui sunt ex argenti fodinis, quæ ad opidum Ioachimi Vallem, (Ann. 1516.) ineunte regnum Ludovico repertæ præstantes sane habentur.

Vrbs ipsa *Loctum* seu *Cubitum* una cum arce in ardua rupe edito colle, locoque inaccessio est sita, & non tam hominum industriâ, quam naturæ beneficio adversus vim hostilem adeo probe munita, ut inexpugnabilis fere semper habita

* Comit. ann. 1615. † Chron. Aulæ Reg. * Goldast. tom. Const. III. Silvius hist. B.


habita fuerit. Circumstant eam undique montes prærupti præcipientesque, in quorum medio una sola cum base sua assurgit. Hanc Orhze seu Oegra amnis infra collem alveo suo veluti profundâ ac lata fossâ contentus, rapido inter fragosa montium præcipitia delabente fluento sinister alluens, in obversa sibi collis parte angulum constituit, è quo tanquam è voragine regurgitans, sinuoso illam anfractu ambit & ceu cubiti amplexu, (unde nomen etiam sortita,) cingit, atque à dextri lateris montibus separat. Aditum illi vicinus in læva mons, qua rupi urbis basi contiguus est, quadam quasi cervice ad rupem ceu collo ad caput protenso, præstat, eumque adeo angustum ac brevem, ut hac iter curru facientes, urbem prætervehi minime possint. Sed quum per vias undequaque in compita &, ob præcipitia ac invia, in angulum ad portam, qua unâ tantum clauditur, peracutam coeuntes ad civitatem perventum est, nolentes volentes eam ingredi coguntur, & per longum vicum ad forum usq; progressi, acto ibidem in gyrum curru, iisdem, quibus paulo ante ingressi, vico ac porta exeunt, & ad montis oppositi, præruptique bivio imminentis saxi alterutrum deflectentes latus iter cœptum pergunt.

Hæc

Hæc nuper bello, quo Ferdinandus Cæsar Bojemiam occupabat, obsidione ab ejus ducibus gravi, fuit in permagnas angustias coniecta, & quum nulla auxilii spes appareret, pulvisque tormentarius jam defecisset, Nonis Maj. (*Ann.* 1621.) deditionem facere coacta. Sunt in ejus territorio multæ arces ac opida, quæ nobilium, Regibus Bojemix clientelæ juribus obnoxiorum, dominio tenentur, ut sunt *W'ary* seu *Therma Carolina*, scatebris aquæ vehementer calidæ nobiles, itemque Ostrovum ac Lichtensadium opida. His adde Konigsbergam, Neudeccam, Falconovum, Hertenbergam, Schonpachum, Cagerum, Stampachum, Globenum, Cetlicium, Przeniluvicium, Schancam, Deysam, Polomum, Delbiczum, Teleczium, Otnovicium, Lucum, Reslivicium, Machovicium, Berssteticenum, Crupam, Copecznum, & cæteras arces, castella, opida, vicos.

CAP. III.

De statu Bojemiae.

I.  Pinione nostra diutius in delineandis Bojemiae districtibus sive provinciis sumus commorati, & praeter instituti forsani nostri rationem prolixius scripsimus: nunc jam de incolarum ejus Statu memorare quædam libet. Intricata profecto est, & difficilis illa quaestio, in qua disputatur, sit, necne, Bojemia Imperio Germanico ullis feudalibus, quas vocant, legibus adstricta vel obnoxia. Permulti sunt, qui eam Germanici Imperii feudum, principes vero nostros Imperatorum vassallos seu beneficiarios faciunt. Nonnulli vicissim sunt, qui Germanis principibus nihil in eam juris concedunt, principesque Boemos rempub. populi, ut volunt, liberi, sola DEI gratia, ac mera incolarum voluntate, & capessere, & gerere asseverant. Accidit hic disceptatoribus his plerisque idem, quod de primis Philosophis observavit Iustinus Martyr, * quod nempe, *Συνέβη τοῖς πρῶτοις ἀψαμένοις τῇ παιδείας ταύτης καὶ διὰ τὴν ἐνδόξοις ἡγεμονίαις, ἀνθλῶ-*

* *In dial. cum Triphone.*

ἀνελθῆσαι τῶς ἵπτα, μηδὲν ἐξελά-
σαντας ἀληθείας περὶ. Litem profe-
cto ego istam, nolo meam facere, tan-
tum quæ à parte controvertentium utra-
que, ad sensus sui defensionem proferri
solere scio, Minerva rudi recitabo.

II. Et inter eos quidem, quos genti
Bojemæ Status controversiam movere
jam olim cæpisse constat, præcipui sunt
scriptores Germani, qui Bojemiam Im-
perii Germanici beneficium, & ejus
principes Imperatorum vassallos esse, ple-
rique omnes contendunt. Ajunt enim
quandoquidem provincia ista non alibi
quam in Germania est sita, omnino esse
necessarium, ut incolæ ejus, cum legibus
ac jure hujus Imperii communi tenean-
tur, tum summum in eo magistratum,
pro suo quoque superiore non tantum
agnoscant, verum etiam fortunas suas
omnes ei acceptas ferant. Esse autem
Germaniæ portionem Bojemiam, ex
Strabone, Ptolemæo, Mela, Plinio,
Geographisque cæteris, imo & ex Cos-
ma, Daubravioque scriptoribus nostris,
pro confesso ponunt, qui Vistula Orien-
talem, Alpibus, quæ ultra Danubium
sunt, Australem Germaniæ limitem de-
finiunt. Manifestum præterea id esse
quoque ex eo dicunt, quod inde à Caro-
li M. ætate, omnes, præcipue illi gen-
tis con-

ris conditores, ex quo regionem hanc
cæperunt incolere, armis subacti, in ju-
ra ac dominium principum Germaniæ
transierunt, ab iisque leges ac magistra-
tus accipere assueverunt.

III. Et quamvis erant duces apud Bo-
jemos nonnulli, qui rebellionem excitata
jugum istud, contra datam fidem, excu-
tere tentarunt, principum tamen Ger-
manorum armis semper fuisse coërcitos,
ac officium & imperata facere coactos.
Morigerorum ac fidem religiose servan-
tium clientum exempla esse in Mnata,
Vogenoque principibus, quorum ille
Theoderico & Meginfrido Caroli M.
ducibus (*ann. 791.*) cum exercitu in
Vngariam euntibus ac redeuntibus, de
commeatu diligenter prospiciebat; * hic
Ludovico Imp. Francofurti conventus
principum agenti, (*ann. 822.*) cum ho-
noriga legatione, consueta munera, si-
ve canonem mittebat: in D. Wenceslao,
qui ad mandata Henrici Imp. cogno-
mento Aucupis Ratisponæ (*ann. 923.*)
præsto fuit, partimque pietate, partim
obsequiis, magnam ab Imp. gratiam
iniit: [:] in Iaromiro, qui quamvis à
Rege Poloniæ Boleslao (*ann. 1005.*) to-
ta re-

* *Annal. Car. & Lud. [:] Vitechin-
dus. Hagecus.*

BOIEMAE CAP. III. III

ta regione esset exsitus, quia tamen Henrico II. Imp. fidem suam approbavit, armis ipsius, dignitati pristinae fuit restitutus: * in Wratislao I. Wladislao II. & Przemyſlo-Ottacaro I. qui obsequiis, praestitisque fideliter cum quibusvis, tum imprimis militaribus ministris, ab Imp. Henrico IV. Friderico Barbarossa, & Philippo, coronam Regiam promeruerunt, ac posteritati cum magna servatae dominis suis fidei commendatione reliquerunt.

IV. Ob feloniam vero rebellionem commissam ac temeratam debitam magistratui superiori fidem, male multatorum in Bojemia principum exempla apparere in Hostivito, vel, ut alii tradunt, in Krzesomyſlo & Wlastislao fratribus, qui cum Imp. Caes. Ludovicum Pium, interea dum is debellato in Moravia Radicio seu Radslao Mogemirz nepote, domum vellet cum exercitu per Bojemiam reverti, clade non modica affecissent, paulo post ab ejus filio Ludovico, (ann. 848. 849.) biennio toto armis propterea exagitati, pacem petere, & non solum imperata facere, sed & obfides dare sunt coacti: [:] in Boleslao

H 2

favo,

* *Dithmar Mersb. [:] Annal. Fuldens.*

ſævo, & Brzetislao I. quorum ille Ottonem M. (*ann.* 950.) * hic Henricum III. Imp. (*ann.* 1042.) (:) superbis ac petulantibus responsis offenderunt, cumque officii, ut par erat, essent admoniti, turbulenta, quam sana, consilia sequi, ac armorum, quam precum, viam ingredi maluerunt. Domitam tamen fuisse istam eorum contumaciam, ac utrumque non nisi facta coram Imperatoribus publica culpæ deprecatione, & fidelitatis arctiore sacramento præstito, rebellionis gratiam obtinuisse: in Przemyſlo-Ottacaro II. qui cum post impetratam à Rudolpho Imp. investituram, homagiumque præstitum, perjurio se contaminasset, ac Austriam Stiriamque provincias, quas jure non potuit, armis Imperatori Domino suo extorquere tentasset, vitam in prælio (*ann.* 1278.) ad Marchefeldum amisit. [:]

V. Addunt & hoc tertium pro causæ suæ defensione argumentum, vestigalis nempe, seu tributi pensionem. Negari enim non posse, ab eo tempore (*ann.* 804. 805.) quo Caroli M. auspiciis ab ejus filio Carolo juniore, armis domita, ac in verba Imp. Caroli M. jurare

(* *Regino, & Witichindus.*) (:) *Marian. Scotus.* * *H. Mutins.*

rare fuit coacta Bojemia, * seculis aliquot continuis ejus incolas argenti marcas quingentas, bovesque centum & viginti, Imperio Germanico solvere habuisse necesse, nec ab onere isto prius quam tempore Friderici II. (ann. 1212,) liberatos fuisse. Iuris autem manifesti esse, ut vestigalia seu tributa id genus, non nisi superiores ab inferioribus, domini à subditis, exigant. Nec obstare, si quis dicat, exemptione ista qua Frider. II. Imp. canonis antiqui pendendi gratiam Bojemis fecit, feudi naturam exspirasse, ac regno absolutam merique imperii libertatem collatam fuisse. Certum enim esse, quod Imp. in menrem id nequaquam veniebat, ut supremo juri, quod in Bojemos tanto tempore habuerunt ipsius decessores, hoc ipso aliquid detraberetur: certum etiam esse Cæsarea exemptione illa, qualitatem saltem, non naturam ipsam feudi Bojemici, aliquantum variasse; reservasse præterea Imperatorem non vulgarem oneris prisce portionem, quo Bojemiam obnoxiam reliquit, ut videlicet, tum eunti ad Imp. Curiam Polono regi de comitatus securitate prospicere teneretur, tum proficiscentibus Romam inaugurationis causa Imperatoribus ipse, vel trecentos ar-

* *Regino. Schafnaburgensis.*

matos, daret, vel argenti marcas totidem repræsentaret.

VI. Multum denique ad probandam feudi Bojemici naturam valere dicunt, ipsorum Bojemorum, cum principum à populo comprobatas actiones, qui (cum sint Imp. Archipincernæ) Romanorum Imperatores dominos suos, provinciamque omnem Imperii fiscum seu Cameram esse fatebantur; * qui Impetatoribus, quoties jubebantur, militabant; qui Curias ipsorum, quoties vocabantur, frequentabant; quorum principes rempub. adituri, ejusque administrationem auspicaturi, investituram solenniter ab iis petebant. Probandis his omnibus non esse operoso labore opus. Ipsos enim præcipuos Bojemicarum rerum scriptores Cosmam, Dubravium, Hagecum, passim ea recensere. Dominum fuisse appellatum Cæsarem à Boleslao Sævo, (ann. 964.) Brzetislao utroque (ann. 1038. 1042.) ac Friderico (ann. 1157. 1179.) Ducibus; à Wladislao utroque & à Georgio (ann. 1460.) Regibus: sic fiscum Imperatorium esse provinciam illam totam, fassos esse, non tantum Brzetislaum I. (ann. 1042.) sed cunctos etiam ejus consiliarios; militasse Cæsaribus cum Bojemis suis, Slobie-

flaumi

* *Ditmar. Chron. lib. 6.*

flaum II. (*ann.* 1139.) Cunrado in Saxonia, Wladislaum I. (*Ann.* 1159.) itemque Sobieslaum II. (*ann.* 1175.) Friderico in Insubria; Henricum-Brzetislaum (*ann.* 1194.) Henrico in Lusatia; Wenceslaum I. (*ann.* 1236.) Frederico II. & Georgium (*ann.* 1458. 1462.) Friderico III. in Austria, Ferdinandu I. (*ann.* 1547.) Carolo V. in bello Smalcaldico: Ad Imp. aulam venire iustos, obtemperasse, venisseque Sobieslaum I. (*ann.* 1132.) ad Lotharium Bambergam, Wladislaum I. (*ann.* 1159.) ad Fridericum Roncalias, Fridericum (*ann.* 1187.) ad Frideri: Noribergam, Przemyslum (*ann.* 1200.) ad Philippum Moguntiam, & ad Fridericum II. (*ann.* 1212.) Basileam, Wenceslaum II. (*ann.* 1294.) ad Adolphum Grumhaynam, & (*ann.* 1299.) ad Albertum Noribergam; Iohannem (*ann.* 1318.) ad Ludovicum IV. Oegram & Domazlicium: regalia investiturasque ab iis petiisse ac accepisse, Borzivogium II. (*ann.* 1098.) Wrilum II. (*ann.* 1101.) & Wladislaum (*ann.* 1110.) Duces ab Henrico, Wladislaum postea regem (*ann.* 1138. 1140.) à Cunrado; Sobieslaum II. (*ann.* 1174.) & Fridericum, (*ann.* 1178.) à Friderico I. Henricum-Brzetislaum (*ann.* 1191.) ab Henrico, Wenceslaum I. (*ann.*

1226.) à Friderico II. Ottacarum (*ann.* 1262.) à Richardo & (*ann.* 1276.) Rudolpho Wenceslaum II. (*ann.* 1292.) ab Adolpho; Iohannem (*ann.* 1310.) ab Henrico patre, Georgium (*an.* 1459.) & Wladislaum (*ann.* 1477.) à Frideri. III. Ferdin. I. (*ann.* 1527.) à Carolo V. Matthiam (*ann.* 1608.) à Rudolpho II. Ferdinandum II. (*ann.* 1617.) qui nunc jam imperat, à Matthia, & alios ab aliis. Omnia vero hæc talia esse, ut cum apud omnes sanos rerumque peritos fidem, ut notoria, tum ad tuendam Imperii Germanici maiestatem, demonstrandamque summam Cæsarium in Bojemos potestatem, contra diversum sentientes ac perduellioni fenestram patefacientes, plus quam satis valeant.

VII. Restat igitur ut aliis quoque, quos contrarium sentire diximus, aurem accommodemus, &, quæ ab iis ad asserendam Bojemæ gentis absolutam libertatem produci solent, percipiamus. Queruntur omnes illi, Germanos scriptores, contra quam historicos decet, affectibus immodice servire, & de iuribus gentis suæ nimis arroganter ac ventose, nostræ vero nimis dilute, plerumque etiam injuriose, ac dissimulanter disserere. Negari nullo modo posse, viam facti apud Germanos, semper fere
via ju.

via juris fuisse priorem, esse ipsos gentem ambitiosam, invidam, finitimorumque rebus prosperis insidiantem, nec vicino ulli ex animo bene cupientem. *

Præ se illos semper contempsisse cum alios quosvis, tum inprimis Slavicæ linguæ homines, iisque non modo servitute gravandis, verum etiam penitus extirpandis, vires omnes suas intendisse. Magnifice quidem illos jactare, quasi Vngari, Dani, Poloni, Marcomani, Helvetii, Allobroges, Batavi, aliquotque alii, regum Alemannicorum sint clientes seu vasalli. Sed si quis gentes illas interrogat, num res ea sic se habeat, responsuras, jactantiam istam Germanicam, gerras esse meras. Sic si quis rerum Bojemicarum experiētem aliquem, vetustatisque gnarum virum roget, Bojemia, socia ac fæderata Germanici Imperii, an vero beneficiaria ac feudalis sit regio, asseveraturum firmiter, amicam potius, ac societate æterna devinctam, quam ullo modo servam vel clientelarem esse; idque his quæ sequuntur de causis.

VIII. *Principio*, Haud quaquam omnibus probari, quod Bojemia in Germania potius quam in Sarmatia colloca-

H 5 tur.

* *Cosmas lib. 11. ad Ann. 1029.*

tur. Argutiam hanc nihilo esse firmiorē, quam si quis Romanæ urbis territorium Italianque universam, propterea quod ab hominibus priscis Græciæ magnæ esse regio dicebatur, Imperii Græcorum seu Macedonici provinciam vocare velit. Non vulgaria occurrere, ob quæ quis diversū de Bojemia debeat statuere. Neminem videlicet esse inter Geographos veteres, qui à Bojemis hac tempestate habitatam terræ portionem, Germaniæ regno verbis disertis accenseat; recentiores vero, vel caritatibus domesticis plus æquo addictos, gentem suam adulari, vel errore multis communi, ab accuratiori rei investigatione averti. Quibus Germania finibus circumscribatur, ex Tacito, Mela, Solinoque, attentis lectoribus esse manifestum. Cornel. Tacitum, * scriptorem vetustum pariter & idoneum, quique cum Germanis Rheni accolis diu & multum fuit conversatus, aperte dicere, Germaniam omnem, à Gallis, Rhætisque & Pannoniis, Rheno & Danubio fluminibus; à Sarmatis Dacisque, mutuo metu aut montibus, separari, cætera Oceanum ambire. Pomponium Melam [:] similiter tradere, ab Occi-

* *De morib. Germani. [:] Lib. 3. Geograph.*

Occidente eam ripis Rheni usque ad Alpes, ab Oriente Sarmaticarum confinio gentium, quæ Septentrionem spectat, Oceanico littore obduci. Solinum denique * perhibere, extendi ipsam inter Hercynium saltum & rupes Sarmatarum; ubi incipit Danubio, ubi desinit, Rheno perfundi. Cum igitur Bojemiam Germaniæ ad Orientem ultra saltum Hercynium & Sarmaticos sive Sudetos montes sit sita, & à Germania locorum asperitate metuque mutuo separetur, nihil esse quam ob rem à Sarmatia avellatur. Marobudum cæterosque Marcomanorum seu Moravorum reges, iis & vicinis quaqua versum locis, longe olim & late regnasse, Quadis, Vandalis, Sarmatis, Sirbis, (Suevos corrupte vocant,) præfuisse, sed rerum in Germania potitos nunquam fuisse. [:] Germaniam enim illos, ut Paterculus * ait, ad lævam & in fronte; Pannoniam ad dextram, à tergo sedium suarum Noricos habuisse. Accedere vetustis hisce rationibus argumenta etiam ex historia recentiore. Ab Henric. Aucupe & Ottonibus Imperium Germanicum versus Orientem ultra Al-

bim

* Solin. cap. 29. [:] Eutrop. in Rom. Hist. breviar. lib. 8. * Vell. Pav. rer. Hist. lib. 2.

bim & usque ad mare Balticum cæpisse
prolatari, defendendisque à mutuo ex
Sarmatis oriundarum Slavicarum gen-
tium metu, ejus finibus, præfecturas li-
mitaneas esse constitutas, & earum cu-
stodes, nomenclatura Germanica, Mar-
chiones cognominatos. Id genus præ-
fecturis, ubique à Germania dirimi ho-
dieque, ut Poloniam, ita & Bojemiam;
Marchia nempe Brandeburgi, Lusatiæ,
Misiæ, Stiria, & quæ jam pridem [*an.*
1156. vel (quod alii volunt) *an.* 1166.] in
Archiducatum est. conversa Austria su-
pra Amesum. Carolum V. quibus Ger-
mania finibus terminetur, melius quam
quenquam scisse; cum tamen eam in cir-
culos partiretur, Bojemiam nec verbo uno
meminisse, nec in aliquo circulo eam re-
censeri jussisse. Vidisse id & sensisse
similiter, Ferdinandum I. non tantum
ante, verum & postea quam Rex Roma-
norum fuit salutatus, qui cum ex confi-
liariis suis comperisset, conventu Vor-
maciensi ab Ordd. Imperii (*ann.* 1545.)
de Bojemis esse consultatum, ut propte-
rea, quod Imperii Germanici essent
clientes, in partem ferundorum onerum
publicorum pertraherentur, contribu-
tionibusque, pariter cum cæteris Ger-
mania incolis, pro rata, ut dici solet, on-
erarentur, rem indignissime tulit, & post
captum

captum accurate cum suis consilium,
proximis, quæ post confectum bellum
Smalcaldicum, (ann. 1548.) Augustæ
habebantur, Imperii comitiis, publice
ac solenniter novo isti ac præter maio-
rum morem attentato Ordinum incæ-
pto intercessit. Asseruisse namque illum
(ut ex inserta actis Comitiorum regia
ipsius obnuntiatione liquet,) Bojemiam
esse Regnum non solum ab oneribus id
genus liberum, sed & ab Imperio Ger-
manico prorsus, cum gente tum institutis,
segregatum, ubi verbis disertis:

Ob nun gleich wol / inquit, die
Kön. Mayest. als ein König zu
Böhmen / eiliche Land vnd
Herrschaften der Teutschen
Sprach vnd jungen/vom Heil.
Reich zu lehen erkennen; So
haben dieselben Land vnd Her-
schaften von Rom. Reich we-
der Schutz vnd Schirm/ Fried
noch Recht/ sondern seind von
dem Reich Deutscher Nation
in ein ander sonders Reich vnd
Nation von alters her abgeson-
dert/ vnd den selben nicht incor-
porirt/

porit / vnd also des Reichs
 Deutscher Nation bürden/ an-
 schlagen/ vnd Contributionibus
 nit vnterworffen. Omnia autem
 ista, ejus esse notæ, ut opinioni eorum,
 qui Bojemiam in Germania statuunt, è
 regione aduersentur, ita ut cuiuis possit
 esse obvium, non esse necessarium, ut
 Bojemi, vel leges ac jura ab Impp. Ger-
 manicis accipere, vel pro supremo ma-
 gistratu suo, ipsos agnoscere teneantur.

IX. Ex fide digna historia esse *tan-*
dem quoque certum, terram hanc, quæ
 Bojemia dicitur, cum in eam Czechicæ
 gentis conditores primi venerunt, pror-
 sus fuisse vastam, incultam, ac silvis to-
 tam horrentem, & homines incolas vel
 perpaucos (nec illos tamen Germanos)
 vel omnino nullos habuisse. * Vacuam
 igitur, ac quæ in nullius dominio tum
 fuit, recepto à cunctis gentibus jure, ab
 iis fuisse occupatam, tempore longissi-
 mo, absque omni molestia, in oculis vi-
 cinarum gentium, libere & fide bona,
 possessam, ac diuturno usu captam, nec
 quenquam fuisse qui vel in possessione
 legi-

* Cosmas & Dubrav. histor. Boj. lib. 1.
 Mechoviens. hist. Polon. lib. 1. cap. 1.
 Silvius hist. Boj. cap. 3.

legitime quaesita incolas novos turbare, vel dominium, aut jus aliquod, in regionem ipsam praetendere vellet. Demum post omnem hominum memoriam, postque exactas aetates aliquot, cum jam improbo ac indefesso Czechitarum labore terra quondam deserta, vasta, ac squalida, faciem aliam induisset, suisque cultoribus fruges omnigenas, nec eas modo tuendae vitae necessarias, sed & in deliciis usurpari solitas, quin & gemmas, argentum, aurum, metallaque caetera, cornu divite, affunderet, vicis, opidis, castellis, Urbibus, florere coepisset, exarsisse invidia vicinos ex Germanis Moravisque homines malevolos, qui (ann. 793. 794.) quietem Bojemorum publicam turbare, de iis profligandis conspirare, regionem primo latrociniis, tandem etiam iustis exercitibus infestare erant ausi. Cumque nec clandestinae, nec manifestae ipsorum machinationes, ex voto ipsis caderent, Bojemaeque gentis fortuna interea magis ac magis cresceret, ac politia insuper ipsa, viris, opibus, legibus, ornatiores de die in diem evaderet, tum furere ipsos coepisse, nec destitisse Acheronta prius movere, quam Impp. Germanos (jam tum enim coepit habere Germania Reges, qui Occidentis Imperium tenuerunt,) adversus invisum genti Germanicæ

cæ hominum genus, ad arma concitarunt. Erupisse igitur in nervum radicum agentia inter Germanos Bojemosque odia, ac in solo Bojemico (*ann.* 805. 846. 848. 849. 857. 869.) sub Imp. Germanicorum, & Principum Bojemorum signis contrariis; aliquoties Marte cruento fuisse decertatum, pugnantibus pro dominatu injusto Germanis, pro patriis laribus & avita libertate Bojemis: victoriam vero nunc penes hos, nunc penes illos steterisse. Et quamvis semel forsan atque iterum, in eas angustias reducti erant Bojemi principes, ut herbam Germanis regibus porrigere, pacemque à victoribus pretio redimere cogerentur, nunquam tamen eo potuisse adigi, ut libertatem, leges, mores, jura, consuetudines patrias abjicerent ac ejurarent.

X. Vi quidem ac in virum constantem cadente incommodi gravioris metu, extorta aliquando ipsis à Regibus Germanis fuisse pacta nonnulla, acceptæ à majoribus majestati non semper honorifica, qualia erant, pacem prece ac pretio mercari, tributum annuum pendere, de comiter colenda ipsorum majestate obfides dare, (*ann.* 805. 848.) & si quid id genus fuerunt alia; ut tamen ipsis, vel alium, quam qui ordine ac gradu eminentioribus deferri solet, quemque Constanti-

stantinopolitanis Imp. deferebant, honorem haberent, vel dignitatem suam, seu, ut nunc vocant, regalia accepta ferrent, neutiquam assensisse. Triumphatos igitur, ut cum Tacito loquamur, semper magis, quam victos fuisse, documenta vel exempla, quæ contrarium probent, nulla proferri idonea. Scribere quidem Reginonem, & ex eo Frisingensem, ducatum Bojemiam, ab Arnulpho Imp. fuisse Suatoplucio Moravorum regi concessum; verum, si quid ejus fecit Arnulphus, de corio alieno, non de suo, liberalem illum fuisse, ex eo esse manifestum, quod nunquam Suatoplucus Bojemiam in possessionem accepit. *an.* 891. 892. 897. Et Imperatorem hunc certe, si Bojemiam Suatoplucio concessisset, neque alienum ab se illum, belloque novo occasionem dantem reperturum, neque Ducis & procerum Bojemorum legatos Ratisponam cum muneribus ad se missos, ac auxilia adversus hostes Moravos obnixè postulantes, tam humaniter fuisse admissurum, nec promissis tam amicis oneratos, donoque honoratos, domum dimissurum, neque ad limitem Danubio propinquum pro ipsis toto autumno cum armis excubaturum.* Hen-

I ricum

* *Annales Fuldenses.*

ricum Aucupem à malevolis fuisse quoque adversus Bojemum irritatum, & magno cum exercitu (*ann. 928.*) Boemiam invasisse, sed cum Pragam pervenisset à Venceslao pietate non vulgari spectatissimo gentis duce, verbis amicis, muneribusque placatum, absque maleficio domum redisse, & artissimam postea cum eo amicitiam coluisse. * Orthonem Magnum, ut omnium Slavorum, ita & Bojemorum libertatis acerrimum oppugnatorem, denuntiasset quidem aliquando Boleslao Duci, ut Ratisponæ sibi esset præsto, & Germanorum principum exemplo in verba sua juraret: [:] cumque is imperata facere renuisset, & allegata accepta à majoribus libertate, ad nulla id genus servitia teneri se respondisset, arma corripuisse, & Boleslaum totos quatuordecim annos, nunc victorem, nunc victum, bello in Boemia fatigasse, ultimo tamen cum in oppugnatione Boleslaviae, (*ann. 950.*) quæ nunc vetus vocatur, & tum nova dicebatur, miles ejus non multum à periculo abesset, proelium consilio diremisse, comiterque majorum exemplo, & absque libertatis præjudicio omni colere
ejus

* *Witichind. Monachus l. 1. [:] Hagedecus.*

ejus majestatem ac pensionem annuam pendere promittenti Boleslao pacem dedisse. *

XI. Sequuta longo post tempore esse pernitiōsa ac feralia apud Bojemōs inter fratres agnatosque Duces odia, simultates, ac de principatu concertationes. Doluisse enim plerisque, quod in principum electionibus, fratres vel agnati ipsis anteponebantur. Ideoque invidia ac ambitione actos, persæpe ad Germanos confugisse, & corrogatis apud eos auxiliis, bellum in patria accendisse, sceptraque à quibus tam populi voluntate, quam procerum suffragiis arcebantur, vi rapere tentasse. Germanos vero Cæsares non prius auxilia ipsis voluisse vel decernere vel afferre, quam sacramento ac conditionibus, quæ in avitæ Bojemorum libertatis præjudicium obtrudebantur alligati, suam in patria dignitatem Germanis Imperatoribus acceptam ferrent. Pervenisse via ista ac ratione probrosa ad Bojemix regimen, primum omnium Vldricum ducem, qui Iaromirum fratrem legitime inauguratum principem, Henrici III. Imp. opibus ducatu exsuit, ac in Poloniam fugavit. [:] Et

I 2 quam-

* *Witichind. lib. 1. Sigebertus Gemblacens. [:] Dithmar. Chron. lib. 9.*

quamvis exsul infelix de ista tam atroci à dignitatis accepta invasore fratre injuria, apud eundem Imp. Mersburgi questus, remedium se adversis suis rebus inventurum sperabat, vincula tamen pro restitutione pertulisse sub Ethelbodi præsulis custodia. Ab hoc porro fratri in manus traditum Vursovicensium suavis oculos amisisse

— *En quo discordia fratres
Perduxit miseros !*

XII. Gloriar ab eo tempore non destitisse Germanos, Bojemiam fascis suos Germanicis Impp. submisisse, & duces, qui in eorum verba jurare tenerentur, habuisse. Vanam tamen esse istam jactantiam. Vldricum enim principem, ut & posteriores ejus stirpis duces, si quam promiserunt, vel dederunt Impp. fidem, nihil avitæ gentis libertatî potuisse derogare. Personales fuisse istos contractus, & cum personis expirasse. Nunquam enim in id, quod sic ab iis est gestum, populum consensisse, nunquam id ratum habuisse, nunquam sigillo publico seu terrestri munivisse, quin imo omni id genus servituti, mascule obnuntiassse, ac contrariis actibus, nullam eam esse docuisse. Manifestum id ex eo esse, quod suas leges, suaque jura, Impp. id genus præsumptionibus opponebant, nec ullius

ullius ducis, qui Cæsaris beneficio, & non libera ipsorum electione, præfse ipsis contendebant, imperia, absque controversia ferre volebant. * Cæsaris decreto connitentes ad sceptræ principes, Cæsaris, non suos, principes per ludibrium vocabant. Exempla esse in Borzovio II. Vldrico II. Sobieslao juniore, Theobaldo adolescentulo, qui quamvis de ducatu à Cæsaribus investiti, iis tamen quos populus optabat, dignitate cedere fuere coacti. Nec Brzetislaum I. nec Conrados, nec Zpitihnevum, nec Svatoplucum, nec Vladislaum I. nec Sobeslaum seniore, Duces, nec Przemyflos, nec Catolum ejusque filios, nec Albertum, nec Ludovicum, nec Maximilianum, nec Rudolphum II. Reges, cujusquam Cæsaris beneficio fasces suos, vel acceptos tulisse, vel tenuisse. Cæteros vero cum Duces tum Reges, ut Wratislaum, Vladislaum, Wenceslaos I. & II. Georgium, Matthiam II. propterea quod gratia, cum apud subditos, à quibus eligebantur, tum apud Cæsares, cum quibus familiariter versabantur, niti, ac multum valere se videbant, Imperatorum importunitati cessisse, & investituras plerumque renitentibus, vel etiam

I 3 infciis

* *Dubrav. lib. Hist. Boj. 10.*

inficiis proceribus suis, quasi *ἐκ τῶν πρ-
οιτῶν* accepisse. Et certe illas etiam, quas
sic accipiebant investituras, honorarias
saltem, ac abusivas fuisse, & de dignita-
te, quam in Electorum collegio jam olim
promeruerunt haëtenusq; obtinent prin-
cipes Bojemix, quam de ducatu aut co-
rona ipsa, potius esse intelligendas, ac
interpretandas, documento esse literas
Impp. feudales, seu Brevia testata, quæ
à Frideric III. Vladislaus II. (ann. 1477.)
& à Carolo V, Ferdin. I. (ann. 1541.)
acceperunt. Inter Impp. (Rudolpho I.
saltem excepto) repertum esse neminem,
qui Bojemiam vel Moraviam, electis à
populo suo Ducibus Regibusve *in feu-
dum* aut *jure feudi ab se concedi* dixerit.
Omnes dignitatem iis confirmando, di-
stincte feuda Germanica, Bojemix Mo-
ravixque olim ab Imperio cohærentia,
à Bojemia ipsa & Moravia secernere :
illa absque exceptione jure feudi conce-
dere, has certo modo, *juxta morem, juxte
& rationabiliter*, quatenus ab iis & Im-
perio debebant suscipi ac teneri, ideoque
feudalia jure feudi, propria vero jure
proprietas, cum pleno dominio obti-
nenda confirmare consuevisse. * Factos
quidem

* *Invest. Frid. II. Richardi, Adolp. Imp.
Absolut. à banno Wencesl. R. Albert.*

quidem fuisse supplices Henrico III., Brzetislaum I. (ann. 1032.) & Rudolpho I. Przemyſlum-Ottacarum II. (ann. 1276.) ac fidem iis sacramento dedisse, sed partim malis artibus, insidiosisque versutorum flagitatorum consiliis irritos, partim juris inimica necessitate, ac temporis iniquitate adactos, id quod alioquin non debuerunt, certis conditionibus fecisse. *

XIII. Eſſe præterea hoc *tertium* quod vindicandis ab Impp. Germanorum dominatu Bojemix principibus ſerviat, Bojemici nempe principatus vetustatem. Publice enim conſtare, quod conſederit gens Bojema his in terris, conſtitutamque ſuis moribus ac legibus rempub. tenuerit, & libere ab ſe optatorum principum ſceptris gubernata fuerit, longe prius, quam Germanici Imperii nomen eſſet inter homines auditum, quodque, nec leges, nec majestatis jura, nec vendendi morem, ab iis acceperit, nec Ripuariorum, vel Longobardorum placitis unquam ſubſcripſerit, cum tamen ea ſit feudorum natura, ut omnia iſta, à dominis ſuperioribus recognoscant, iisque accepta ferant. Carolum M. hominem gente Francum non Germanum, poſt ali-

* H. Mutius Chron. German. l. 21.

quot secula demum, Imperii fasces in Occidentis regionibus arripuisse, & cum prolatandorū dominatus sui finium insatiabili cupidine arderet, fuisse quidem Bojemicae libertati insidiatum, immissoque ex Bavaria cum armata manu in fines gentis Carolo filio, fortunam periclitatum; sed cum is, (ann. 806.) cruenta victoria potitus, domum redisset, & de virtute Bojemorum bellica, deq; inaccessibleis regionis itinerū difficultate, ad patrem retulisset, cumq; Bojemi etiam ipsi, muneribus oblatis amicitiam cum illo se sincere culturos, majestatemque ejus imperii, comiter veneraturos receperint, ab ulteriore noxa abstinnuisse. *

XIV. Negare similiter neminem posse, feuda, & eorum jura, quam Bojemorum rempub. legesve, multo esse recentiora. Bojemam nempe remp. pariter cum Longobardorum in Italia regno coepisse ac crevisse, & Germanico imperio, sicut dictū jam est, aliquot seculis esse priorem: feuda vero & eorum consuetudines, in Germania demum post Ottonum tempora & post Henricos, sub Imp. Lothario Saxone, usu invaluisse, nec quenquam adhuc auditum esse, qui (ut de cæteris in Germania feudis factum est) tempus certum, quo Bojemis usitata, fas-

* Bodin. de Rep. lib. 1. cap. 9.

ta, fasces suos principibus quibus vellent committendi libera potestas, ab aliquo fuerit adempta, & quo Bojemia Cæsarium Germanicorum beneficio primum conferri, aut à quo principe primum via ista possideri cœperit, edere potuerit. Verum profecto esse quod Frideri. III. Imp. internuntio Gurcensi Præsuli, apud Lincium aliquando mascule respondit missus à Georgio Rege Iohannes Sternbergius: Liberum videlicet Bojemos regem habere.* Cunctos præterea tam recentiores, quam priscos illos Bojemorum principes, sola DEI gratia, & populi sui voluntate, in regno suo se rerum potiri ac regnare, hætenus constanter esse professos. In comitiis vero Imperii publicis inter Status, nec locum illos, nec vocem habuisse hætenus, nec ut haberent, unquam ambiisse. Merito igitur videri absurdum, si quis, quod vetustius est, ei quod noviter inolevit, ortum ac splendorem suum acceptum ferre debere, vel, quod tot principes viri, divinitus & à populo suo se habere agnoverunt, falso, & dicis causa, ab ipsis jactatum fuisse commentetur.

XV. Nec sane si vel maxime quis ponat, dominium supremum in Bojemiam
I 5 habuisse

* Gerard. Roo. Hist. Austr. lib. 8.

habuisse vel habere Germanorum Impp. obedientiamque eis fuisse à Bojemis denegatam, viam facti & armorum eos debuisse contra recusantes juris ordini legitimo antepone * Recepti enim esse juris, recuperantem sua per vim, omisso juris ordine, jus omne, quod habuerit perdere. [:] Societate quidē, fœderibus, ac amicitia propiore, &, dubio procul, quam ullum aliud regnum arctiore, cum Germania Bojemiam jam olim coisse, sed societatem tamen ac amicitiam istam nihil, vel Germanici, vel Bojemici populi majestati, legibus, juribus, moribus, libertati, derogare. Hos intra fines stetitisse semper utraque in gente concordiam, quos, quoties pars alterutra (velut, cum amicorum alius alio est potentior, non raro leonina esse solet societas) transgredi est visa, hostilitati ac bello viam fuisse patefactam. Exempla esse in promptu. Cum Henricus I I I. (ann. 1040.) manubias Polonicas à Brzetislao repeteret, Lotharius (ann. 1126.) æmulum dignitatis Sobislao opponeret, Albertus I. (ann. 1304.) minerarum decimas à Wenceslao II. exigeret, ideoque primus jus armorum, secundus jus distribuendorum munerum,

tertius

* l. exstat ff. quod met. caus. [:] l. si quis in tantam C. unde vi.

tertius denique jus argentinae, Bojemis imminuere veller, bella statim exarsisse, in quibus pacis ac concordiae turbatores Cæsares, cladibus memorabilibus in Bojemia acceptis, ab iniquis attentatis desistere, & sarcientiæ amicitiae priori sincerius operam dare, sunt assuefacti.

XVI. Vindicandæ denique à Germanica servitute Bojemorum principum dignitatis documentum etiam suggere, ipsorum *αὐτονομίαν*, & usitata apud reges populosque liberos majestatis jura, Ecclesiastica pariter & civilia. De omnibus iis principes ac populū Bojemiae habuisse semper, & adhuc habere, plenam disponendi, ordinandi, constituendi, & administrandi potestatem. Vix aliquid esse, quod vel cultu DEI constituendo, vel justitia & externa disciplina, pace & tranquillitate publica conservanda, vel juste promovendis regnicolarum commodis, & avertendis incommodis, possint in regnis suis, Daniae, Vngariae, Poloniae reges, quod non similiter Bojemiae principibus in Bojemia facere sit integrum; nec quicquam esse, in quo se ad Germanici imperii ordinationes componere habeant necesse. Patriis, non peregrinis ullis moribus definitam ipsos habere curam integram legum & judiciorum, distribuendarum poenarum & præmio-

præmiorum, securitatis publicæ, belli gerendi, populi extranei sibi consociandi, quin & jus commerciorum ordinandorum, monetæ, idiomatis, linguæ: distribuendorum munerum privilegiorumque, mutuæ defensionis ac auxilii, bonorum regni custodiendorum, comitiorum indicendorum, & si quæ sunt alia, quæ Politici inter maiestatis jura referre velint.

XVII. Nihil ad ré facere si quis obtundat, istam tã in alto collocatã à patronis suis Bojemæ gentis maiestatem loco moveri prorsus, ac in ordinem cogi, simul ac oculos quis convertit ad onus tributis, quod inde à Caroli M. vel ad minimum ab Ottonis Magni ævo, Impp. Germanicis in singulos annos pendere cogebantur principes Bojemi, vel ad servitium, quod inaugurationis causâ Romam petentibus Romanis Regibus Friderici III. decreto præstare jubentur; cumque cogitat, jura quibus antecellere dicuntur, plerisque in Germania principibus cum iis esse communia. Nam quod ad tributum attinet, ex ejus pensione non necessario ad clientelam vel servitutem aliquam consecrarium strui. Non solos enim clientes, vel *δοχορδύς* ac dedititios, id genus onera subire, verum quandoque etiam vicinos juris alioquin sui popu-

populos: hoc tamen interesse, quod id illi luant ex debito, hi ex pacto. Alioquin, si omnes qui tributa pendunt, vasalli propterea fiant, judicandum omnino esse, ipsos quoque Germanos veteres, non solum Francorum, ut Helmoldus (a) refert, sed & Danorum, olim vasallos fuisse, quos septies, sub jugum missos, majoribus suis Daniæ regibus sub tributo serviisse, scribit Ericus Rex. (b) Non putasse sibi indecorum pacem tributis redimere, ipsos etiam Romanorum Impp. (c) Gallum à Scythis; Sigismundum, Ferdin. I. Rudolphum II. & alios, à Turcis: sic hodieque eam ab iisdem Turcis redimere Polonos & Venetos, nullo *αὐτονομίας* suæ præjudicio. Idem de centum quinquaginta, sive armigeris sive argenti marcis, quibus Romam ad inaugurationem profecturi Germani reges, à Bojemis principibus honorari aliquando consueverunt, esse sentiendum. Veri haudquaquam esse simile, ut cuiquam possit esse ignotum, ejusmodi onera à doctis, qui *κνέμω* & quod res est loquuntur *pensiones* vocari, non *tributa*.*

Iura

(a) Chron. Slav. lib. 1. cap. 3. (b) Hist. gent. Dan. Erici Regis. (c) Zosimus hist. lib. 1. * Bodin. de Repub. lib. 5. cap. 6

Iura vero majestatis, quæ apud Bojemos sunt in usu, multo quam principum in Germania esse ampliora, augustiora, ac liberiora. Quamvis enim negari nec possit nec debeat, Germanos procures, multo quam Hispanos meliore esse conditione, in multa libertate vivere, & quasi diviso cum regibus suis imperio, de ipsorum majestate pleraque quasi participare: jura tamen ista, splendori ac magnitudini regum Bojemix æquiparari neutiquam posse, ut de quibus authoritate & arbitrio princeps quisque suo, (quemadmodum in Bojemia fit,) in sua provincia ac territorio, nihil quod non, vel publice approbatis Imperii Recessibus congruat, vel communi Ordd. judicio prius constitutur, rogare, sancire, præscribere, possit. Non debere igitur, quantumvis insignes Germanorum principum prærogativas, regum Bojemorum absoluto majestatis juri æquiparari. Atque hæc sunt, quæ in hac de Statu Bojemix inter Germanos Bojemosque nonnullos controversa quæstione, in medium solere adduci observavimus; de quibus, quia altioris sunt indaginis, decernere, cum muneris nostri esse non arbitremur, Lectori æquo, & ei, in cujus foro res tantas cognosci, vel ex partium compromisso, vel de jure, oporteat, judicium omne relinquimus integrum.

CAP. IV.

De Incolis Bojemia & eorum moribus.

I. **U**N enarrandis ut aliarum gentium, ita, cum veterum, tum qui nunc sunt, Bojemorum originibus, in nullo impingere vel hallucinari, res est si non ob perplexitatem, & historicorum dissidentia judicia impossibilis, at talis certe, quæ ingenii captum nostri superat. Eam nos intactam sane relinquere voluissimus, si non balbutire, quod aliis impune licuit, nobis quoque licere putassemus. Agemus igitur, partim aliorum vestigia, partim iudicium nostrum sequuti, primum de veteribus, tandem vero de his ipsis, qui ad hoc adhuc tempus eam incolunt, Bojemix terræ populis. Nullos autem, qui commemorentur à scriptoribus notæ probatoris, possumus observare vetustiores hujus terræ incolas, quam qui primi nomen ei leguntur indidisse. Hos perhibent cognomento Bojos dictos, genteque & lingua Gallos fuisse, * ac in Gallia Cisalpina sive Celtica,

* Strabo Geogr. lib. 5.

tica, inter Padum & Trebiam sedes quondam habuisse, cum tamen Romanorum armis essent à Julio Cæsare victi, ex iis excessisse, & incincatos Hercyniæ silvæ campos incolere cœpisse. Supervenisse tandem, excitos à Marobudo ducē Quados seu Squados & Marcomanos vel Moravos gentem Suevicam, qui Bojos incursionibus perpetuis infestabant, nec usum seu culturam terræ quietam ipsis relinquere volebant. Bojos itaque Marcomanorum istorum violentiæ cessasse, & Bojemia relicta, ad Danubium in vicino Norico confedisse, pro Bojisque Bojoaros, & corrupta postmodum ab Hunnis vel Avaribus voce, Bavaros vocari voluisse.

II. Marobudum vero, occupatis habitis pro derelicto (quos prædiximus) locis, finitimos omnes aut bello domuisse, aut conditionibus juris sui fecisse; corpus suum custodia, tum imperium perpetuus exercitus pene ad Romanæ disciplina formam redactum, brevi in eminens & Romano quoque imperio timendum perduxisse fastigium. * Hoc rege, & post ejus mortem procreatis ex ejus stirpe successoribus regnum ab eo constitutum tenentibus, Moravos fere usque ad

* Vellej. Paterc. libr. hist. 2.

ad Nervæ Trajanive ætatem in Romanorum gratia ac amicitia perstitisse, vimque & potentiam ex autoritate Romana participasse, armis interdum, sæpius pecunia adjutos. Exstincta demum Marobudi stirpe, externos homines ad Regnum fuisse admissos, à quibus offensi Romani Impp. arma corripuerint, cæsosque & dissipatos multis ac ingentibus cladibus Marcomanos, & ad paucitatem redegerint, & suos se intra fines continere coëgerint. Paucitate igitur sua, & Rostani dominatus metu terrefactos Marcomanos, Vindorum, Vandalos ab aliis appellatos populos, ex Sarmatia, à Mæotide lacu ad quærendum novas sedes effusos, & propter Vistulam incertum lare oberrantes, in terras suas invitasse, ac in societatem fortunæque communionem admisisse. Ex hac discretorum gente & lingua populorum commixtione, factum esse ut sermo cultusque Suevicus, (idiotismum enim suum Suevos habuisse ex Tacito * cognoscimus, sed Germanico is, an Gallico veteri, propior fuerit ignoramus,) sensim apud Marcomanos obsoleverit, illatusque cum colonis novis Slavicus inoleverit. Cum vero gens Vandala, ut ex Iornande,

K

de,

* de morib. German.

de * & Procopio discimus, vexatis prius bello persæpe, ut quique proximi erant, Germanis, de Constantini Imp. assensu, meliorum sedium appetentia, ex Vistulæ ac Baltici maris ora profectionem in Pannoniam decrevisset, conjunxisse cum ipsis studia permultam ex Marcomanicarum terrarum, inprimis vero earum, quæ ad utramque Albis Oderæque ripam sunt, incolis, voluntariam cognati generis juventutem, ac vacuis, plerisque in locis, derelictis suis sedibus, Vandalorum ducum auspiciis, cum uxoribus & liberis esse sequutam. Exhaustam igitur hac ratione hominibus quoque, ac cultoribus magna sui parte destitutam Bojemiam, silvis horrere cœpisse, ac feris magis quam viris domicilium præbuisse.

III. Et hi priscis temporibus fuerunt Bojemiarum incolæ, à quibus habitatam olim eam fuisse accepimus: de posterioris temporis colonis, deque iis, qui hactenus eam incolere non desierunt, verba pauca, quam multa, facere, instituto nostro convenientius, & iis qui accuratam Martini Cromeri historici Poloni (:) ea de re disputationem, vel non ita pridem (ann. 1614. 1615.) emissas ex Academia Pragensi

c

* de rebus Geticis. (:) lib. I. cap. 14.
25. 16.

genſi à Matthia Sudetino I.C. theſes, legunt, gratius fore judicamus. In eo ſane omnes conveniunt, homines, qui poſt Valentiniani Imp. & Attilæ Hunni tempora, vacuum & deſertam à Vindo-Suevis iſtam regionem, ex jure gentium primi occuparunt, ut ii quoque ſunt, qui hætenus eam inhabitant, gente ac lingua Slavos non Sclavos fuiſſe. Vnde vero, vel ex quo orbis angulo prodierint, non inter omnes perinde convenit. Complures ex Croatia, nonnulli ex Ruſſia huc commiſſaſſe ajunt. * Venerunt autem, Czecho & fratre Lecho ducibus in Moraviam primum, incertum quam magna, ſed numeroſa tamen, cum nobilitatis tum plebis ignobilis, multitudine: cumque eam linguæ ſuæ populo plenam offendiſſent, ac de Bojemiam incolentium Vindorum popularium ſuorum raritate edocti eſſent, recta eo contenderunt, diſſique penatibus ſuis ad locum, ubi Vultava in Albim ingreditur, depoſitis, circa montem, qui hætenus *Rzjp*, hoc eſt collis, itemque *Zrzjt*, hoc eſt

K 2 ſpecula,

* *M. Petr. Codicillus ann. 278. MS. Anonym. 450. Bernard. Vapovius any. 550. Martin. Cuthenus ann. 639. Dubrav. hiſt. Bojem. lib. 1. Hagecus in proœmio ann. 644.*

specula, appellatur, sedem lari figendo delegerunt. Exterriti quidem advenarum novorum metu, priores sparsim per tuguria latitantes incolæ, primum se in familiares specus abdiderunt, sed cum ex sermonis cultusque cognatione, populares suos esse cognovissent, mutuo hospites salutarunt, hospitalibusque donis, lacte, caseo, carne, honorarunt, quin & post cognitam adventus causam, in perlustranda, quaqua versum regione, duces se eis obtulerunt. Ex eo factum, ut brevi omnis veteris & novi populi multitudo, contracta ex quotidiana conversatione amicitia ac familiaritate, in unam eandemque gentem coaluerit, & more Slavinis, libertatis contentissimè studiosis gentibus ceteris usitato, Czechii se ducis paternæ, magis quam herili gubernationi submiserit, quinetiam, ex ejus nomine, cognomentum Czechorum assumerit.

I V. Durat adhuc eadem, ut gens, ita & cognominatio. Qui etsi à Germanis lingua vernacula *Bohemèn*, Latina *Boëmi*, vel *Bohemi*, *Bojemive*, vocentur, ipsi tamen *Czechowe* dici malunt, & à Slavice loquentibus omnibus, imo & ab *Vngaris* *Græcisq;* recentioribus, sic quoque appellantur * *Bojemos* vero, vel

Bohe-

* *Bonfin. de Rep. Vng. passim.*

Bohemos quoties ipsi se vocant, respiciunt, non ad Bojos incolas illos regionis suæ priscos, * sed (quemadmodum Silvius (:)) id jam olim observavit) ad nativas Slavicæ linguæ voces *Boj*, quod pugnam, vel *Buh*, quod Deum, & *Muz*, quod virum significat; viros nempe esse se pugnaces & divinos innuere volentes. Sermo illorum à Russorum, Polonorum, Croatarum, Vinidorum, cæterarumque Slavici nominis gentium sermone, dialecto saltem differt: qui quia elegans, copiosus, suavis, grandis est, & ad quarumvis materiarum expositionem satis commodus, (?) majores nostri in eo ornando, perpoliando, augendo, & ad posteritatem propagando, præcipue ac feliciter elaborarunt, imo ne neglectui haberetur, legibus caverunt. (!) Verum quam ii in eo excolendo, ac in nativa puritate conservando accurati fuerunt; tam ætas hæc degener, in fœdando, inquinando, attenuando, & oblivione

K 3 æterna

* *Laon. Chalcondylas, hist. rer. Turcar. lib. 2. (:)* *histor. Bojem. cap. 3.*
 (?) *M. Daniel præfat. in Silviam quadriling.* (!) *Ius provinc. B. 32. Municipale; B. 8. Comitia an. 1615.*
M. Ioh. Huf. Exeges. in Decalog. cap. 40.

æterna damnando est impudens: Etenim quam nec in vitio ponunt pleriq; omnes, nec indecorum esse putant, materna in lingua passim ridicule *σολοικίζειν*, tam decorum ac festivum esse somniant, ad populum Bojemicum effusissime *βαρβαρίζειν*. Rusticum opinione illorum est os pariter & calamus omnis, qui non peregrini idiotismi subinde coacervatis centonibus ad fastidium exuberet. Coërcendis *ἑρξουσὺ γλωττοῖς* & *φιλοσόλοι-κούς* istis, non uno me hercle Valla haberemus nunc Bojemi opus & Linacro. Sed hæc *παρέργως*: præstat mores nostros enarrare.

V. Et vitilis gens nostra urgetur, & virtutibus excellit. Vix enim quisquam credat, aliquam hominum multitudinem reperiri, in qua omnes, vel prorsus sint mali vel prorsus boni; quique omnes pariter mereantur vel commendari vel vituperari. Notarunt in Bojemis vitia historici varii varia. Imp. Frider. I. feritatem, (a) Frisingensis, (b) Helmoldus, (c) Silvius, (d) Bartolinus (e)

rapa-

(a) Goldast. *Tom. Const.* III. pag. 362.

(b) Otto Fris. *de gest. Frid. I.* l. 1. c. 15.

(c) *Helmol. Chr. Slav.* l. 1. c. 1. (d) *En.*

Silv. Hist. Boj. c. 1. (e) Ricard. Bartol.

Austriad. lib. 8.

rapacitatem in bellis, & truculentiam, Thurocius (f) furorem, Bonfinius (g) inediae, sitis, sudoris, ac squaloris castrensis impatientiam, Chronici, quod Aulae regiae vocatur, Anonymus author, (h) novitatis appetentiam, ac in vestibus capillitiique cultu, versatile ingenium, bibacitatem vero plerique omnes. Cromerus (i) gentem gloriosam, Hassensteinius Baro (k) semper bellicam, quam pacis avidiorem, vocat. Quae vitia, si quidem jam tum melioribus adhuc seculis illis, tam adulta fuerunt, quid de his quae, sequiori hoc & plusquam dissoluto ævo, haud parva incrementa acceperunt, scripturos, si reviviscerent, existimamus censores illos non omnino iniquos? Nihil tamen interea vetat, quo minus sentiamus, magistras vitiorum istorum nobis fuisse gentes illas ipsas, ex quibus viri, à quibus sic sumus notati, originem habuerunt. Homines Germani, inquietos, seditiososque natura, & (quod convitium impu-

K 4 dens

(f) *Ioh. Thuroc. Chron. Vng. part. 2. cap. 63.* (g) *Anton. Bonfin. Decad. 4. lib. 12.* (h) *Chron. Aul. reg. part. 2. cap. 23.* (i) *Mart. Crom. Polon. Hist. lib. 9.* (k) *Bohusl. Hassenst. epist. ad Vladisl. Regem.*

dens est) Regum proditores ac interfectores esse blaterant. Bebelius (l) convitiator malevolus, Apostatas nos vocat, gentemque rebellem, nec veretur concitandis in excidium nostrum principibus Germanis, classicum canere. Virtutes vero commendatæ, in Bojemis sunt, ab Helmoldo (m) hospitalitas, ac in bellicis congressibus fortitudo, à Dubravio (n) magnanimitas & virium fiducia, à Silvio (o) pactorum conventorum tenax observantia. Bonfinio (o) sunt genus hominum Martiale & natum ultro ad bellum. Dissimulari sane ne utiquam potest, vel plura in nobis, vel certe tam multa, quæ reprehendat, reperturum, veterem Satyricum nostratem Nithardum, quam multa, quæ laudaret, reperit Bojemiam & procerum nostrorum encomiastes Hieronimus Balbus, I. C. poëtaque Italus, si reditum in vitam utriusque fatum vellet concedere. Sicut enim falsus poëta is non est, qui (p)

— Ser-

-
- (l) *Henr. Bebel. Hecatoesticho de vict. Max. cont. Bohem.* (m) *Helmol. Chron. Slav. lib. 1. cap. 1. 83.* (n) *Histor. Bojem. lib. 1.* (o) *Histor. Bojem. cap. 1.* (p) *Decad. 2. lib. 6. Item. Decad. 4. lib. 2. 3. 6.*

„ ——— *Servant inquit sua pecta Bohemi, Et,*

„ ——— *Truces gens haud spernenda Bohemi: ita nec*

ineptus ille fuit, vel pictor, qui depictis in vestibus habitu patrio cujusque gentis viri & feminae imaginibus, Bojemum solum fertur nudum, panni fascem ad pedes habentem, finxisse & dixisse, relinqui ab se ipsi liberum, ut, cum cultu identidem alio atque alio gaudeat, pro arbitrio se, ac prout velit, ipse conve-
stiat; (q) vel Censor, qui proverbium in nos evibravit,

„ *Eosdem habet cum simia*

„ *Mores ferox Bojemia,*

„ *Qua facta viderit facit*

„ *Cultusque priscos abjicit.*

VI. Ipsi mihi si sit, quod sentio, dicendum, dixerim, Bojemum præter vitia jam enumerata virtutesque, esse, ut plurimum, rerum peregrinarum confectatorem & admiratorem, patriarum vero & domi nascentium fastidiosum æstimatorem ac contemptorem, fortunæ cum adversæ tum secundæ, habere socios quam plurimos gestientem, disciplinæ severioris impatientem, dum hilarus est tractabilem, dum mæret sto-

K 5 macho-

(q) Hagecius ad ann. 1367.

machosum, dum esurit, non cantillan-
tem, (quod Germanus habet in more)
sed indignantem, non tam ingenio judi-
cioque quam industria destitutum, in
inimicitiiis tum suscipiendis tum depo-
nendis tardiusculum, (r) bello primum
quasi indocilem, postmodum perquam
habilem & impavidum, inter gentes
ἐπερογλώττης Gallis, Britannis, Italis,
Vngaris, quam cæteris, sociabiliorem:
Polonos vero fratrum loco habentem,
ut ὁμογλώττης. Quæ sane si dixerō,
de Bojemix tum incolis, tum mori-
bus, verba me satis multa fecisse non
dubitavero.

C A P. V.

De Regimine Politico in Bojemia.

I. **R**erumpub. administranda-
rum genera, & diligenter à
politicis sunt explicata, &
vulgojam dudum nota. Bojemi tempore
omni, quo usu semel captam, possessam-
que hætenus regionē incoluerunt, unius
fere, temperato tamen, & quodammo-
do cum optimatibus terræ diviso impe-
rio,

(r) Haged. in ann. 1407.

rio, voluerunt gubernari, nisi quod post morte abruptum principum regimen, ter forte vel quater, incertus aliquandiu, & quasi arbitrarius, aut timocraticus fuit inter ipsos reipub. status. Vnius autem illius, qui rempub. Bojemam gessit dignitas, cum tempore variavit. Non enim à principio tanta, quāta nunc est, fuit. Quibusdam quasi gradibus ad hoc culmen ascendit.

II. Populus, qui primus, ut diximus, cum Czecho, Bojemiam colere cœpit, & gentem nostram condidit, erant homines probitatis admirandæ, fideles inter se ac concordēs continentēque: nemo qui alseri noceret, vel injuriam faceret, * nemo qui, *hoc meum est*, dicere sciret, fuit; ὁμοσίπυοι, & ὁμόκαπυοι, quoad fieri potuit, erant, in commune satagebant, quicquid habebant, nostrum vocabant. (:) Æquo igitur jure, ac sine superciliosa dominatus ambitione, vitam agebant. Vel nihil, vel modicum erat de quo certarent, aut in factiones discederent. Alebat præterea mutuam inter illos concordiam, quod externis nationibus, quæ aut lingua, aut moribus essent discordes, nullis adhuc immixti, sed
 genre

* *Cosmas Chr. l. 1. Chr. Boleslav. c. 2.*

(:) *Ioh. Dubravium hist. Boj. lib. 1.*

gente & sermone, & institutis pares, Bojemiam inhabitabant, in eaque societate & inter se conjunctione, quam inter similes natura conciliare solet, magno cum consensu acquiescebant. * Vnde factum est ut Czechii monitoris ac rerum moderatoris, velut quadam patriaria autoritate contenti, magistratu alio, qui potestate vel jurisdictione aliqua eminentiore multitudini praeesset, neutiquam haberent opus. Quamdiu igitur Czechus in vivis fuit, æconomicus, ut ita loquar, fuit in repub. Bojema, magis quam regius principatus.

III. Czecho mortuo, perstitit aliquandiu populus Bojemus in beata illa ac turbarum nescia simplicitate, concordia, & æquabili societate; Rex ipse sibi quisque fuit. Posteaquam vero cæperunt homines peregrini commerciorum causâ ex Moravia, Norico, & Pannonia in Bojemiam commeari, & alii agrestem populi vitam fastidire, alii communem agrorum & nonnullarum aliarum rerum usum irridere, alii furto rapinae tranquillitatem publicam turbare, tum misceri cuncta insolitis concionibus, turbulentis cætibus, & rixosis contentionibus. Cumque nemo esset, quem reveren-

re-

* *Ioh. Dabravini Hist. Boj. lib. 1.*

rerentur mali, implorarent vindicem boni, quique autoritate sua vulneribus reipub. posset mederi, defatigata victaque tandem malis tam pertinacibus multitudo omnis, cladi internecinæ antevertere constituit, & ad reparandum, via à Czecho jam pridem commonstrata, reipub. statum, animum rursus convertit. Mature itaque capto consilio, placuit unum aliquem virtute præstantem, bonum, justum, ac multitudini maxime gratum, ex sua gente virum, Czecho surrogare, auctaque pro temporum ratione aliquantum ipsius dignitate & potestate, rerum ipsi summam committere. Publico igitur conventu & cōcordibus populi suffragiis, in oculis Supani & Turesci fratrum, qui sanguine Czechum attingebant, deferebatur regimen ad Crocum, tum quidem adhuc juvenem, sed qui Czecho seni quondam, ob egregias animi dotes carus, & multitudini ob divinationis auguriorumq; scientiam singularem, inprimis acceptus habebatur. Accepit autem à populo reipub. administrandæ potestatem Crocus, non ut princeps, qui ex arbitrio suo imperaret, sed ut Prætor, qui ex æquo & bono jus diceret. * Nondum enim ullæ exstabant scriptæ

* *Silvius. Dubravius.*

scriptæ leges, sed id vim legis habebat, quod consuetudine moribusque populi esset approbatum. Et quia novi subinde gravesque emergebant casus, quibus decidendis nec consuetudo quicquam tum adhuc suggerebat, nec unius iudicium suffecturum videbatur, addere quoque Croco placuit ex optimatibus quasi Senatores aliquot, rerum usu & experientia præstantes, qui lites cognoscenti ipsi pro tribunali assiderent, & quoties res difficilior occurrisset, capita cum eo conferrent. Atque hic secundus jam fuit crescentis in Bojemia majestatis gradus.

IV. Administravit ergo Prætoria ista *ac νόμων δημοκρατικῇ* authoritate remp. populi sui Crocus ille, ejusque, cognominis patri filius, & neptis Libussa, alius post alium, tantisper dum accepta à patribus morum simplicitas, frugalitas, satagendique in commune diligentia, in usu ac observantia fuit: cum vero commodum privatum publico anteponere, & habendi amore prius ignoto ardere didicissent in populo plerique, tum lites ex litibus feri, ac deferri antehac solitus honos & obsequium magistratui denegari, adeoque moderatum hoc ac lenè regimen à potentioribus despiciatui haberi, ab infirmioribus vero injuriis, quas patiebatur, remedium non invenientibus,

princeps

princeps qui νοῦρα ἐπὶ ἀδικεῖντος haberet, & potentia esset instructor, optari cæpit. Æschyl. εἰδὲν ὄφελος πολιτίας μὴ ἐχέσης νοῦρα ἐπὶ ἀδικεῖντος. Rebus novandis non ultimam quoque causam objiciebat imperium muliebre, quod permulti, ut viris indignum, pudendum, gentiumque cæterarum moribus improbatum, perosi, ferri diutius nec debere, nec absque dedecore posse, vociferabantur. * Corrigendum itaque errorem, & Libussa viragini, quam non bene consulti rebus præfecissent, potestatem abrogandam, virumque qui publico omnium consensu principatu dignus videretur, translata in ipsum uxoria dignitate, matrimonio ipsi jungendum. Hoc Libussa comperto, metuens ne viro forte, quem nollet, nubere cogeretur, conventum indicit, & concione advocata, pro se, suisque gestæ reipub. rationibus, oratione jam ad gravitatem composita, jam apologis temperata, verba diligenter facit, si forte multitudinem adhuc tum fluctuantē ab incæpto avertere, & dignitatem præsentem suam, statumque, cum bona universorum gratia prorogare posset. Verum cum surdis fabulam narrari animadverteret, orare in-

* Hagedius ad ann. 715. 720.

re institit, ut ultro vellent rem eam suæ fidei curæq; committere, & virum, qui Bojemix cum imperio præfset, quemque ipsa maritum habere dedignari non posset, Diis potius, (vates enim fuit, sortilega, & fatidica) quam hominibus authoribus creare. Cum autem consilium assensu comprobaissent, eique populo principis, sibi vero mariti legendi, potestatem fecissent, postridie omnes ad audiendum oraculum, quod Dii per nocturna sacrificia facti propitii, de principe futuro ediderint, reverti jubet. Reversis postridie ad horam omnibus, & Deorum responsum à Libussa efflagitantibus, progressa illa cum puellis in medium: *Quod bonum faustumque, & felix sit*, inquit, *viri Bojemi, maritum mihi Dii, vobis principem, dant virum indigenam, Przemyssum nomine. Legatos igitur actutum deligite, qui illum adeant, principemque consalutatum in arcem Wysshradum deducant.* Deliguntur ergo decem ex omni numero primiores, Libussæque sistuntur, cognituri, quo loco quærendus esset Przemyssus. His illa: *Candidus hic, inquit, asturco meus, vobis viam præbit, & principem vestrum, ad ejus genua provolutus, indicabit; hunc vos sequimini.* His dictis, & data legatis, qua Przemyssum indue-

induerent, veste pretiosa, equum dimittit.

V. Faciunt iussa illi, & equi ad Aquilones cursum movētis vestigia premunt. Qua iter habuerint, vici ad Bilinam amnem à veteribus exstructi ostendunt. *Brozanky, Hlinany, Rzeklovice*, ab equi hujus effectis, videlicet, vadatione seu mersatione, in limo volutione, & hinnitu, dicti. Appropinquans tandem Stadicio vico equus, de via deflectit, & ad virum, vervactum quoddam bubus duobus proscindentem, propius accedit, poplitesque ei ac cervicem, quasi venerabundus, submittit. Quo legati viso, accedunt & ipsi, viroque, post reverenter habitum honorem, unde, à quo, & quid veniant, exponunt. Is cognita adventus causa ad præstigias quasdam (vates enim & ipse ac divinandi sciens fuit) confugit; iis demum fine postmodum facto, ad legatos conversus: *Cedamus* inquit, *pareamusque numini, ab aratro nos ad solium principale vocanti: Libussa*, natam loco illustri puellam, fortunatis hymenæis nobis jungemus, consentientibusque populi universi votis datos imperii Bojemici fasces viriliter capeßemus. Læti hoc responso legati, vestem, quam à Libussa acceperant, confestim promunt, indurumque ea principem

L equo

equo imponunt, & ut in Wyſſehradum arcem pergere cum ipsis velit, orant. Impetrant quod orant, Wyſſehradoque tandem propinquantes Lybuſſam cum omni gynæceo, & effuſos in occurſum principis procereſ populique turbam ingentem obviam cernunt. Exceptuſ igitur feſtiſ acclamationibuſ Przemyſluſ, in arcem introducitur, & Lybuſſa ſolenni ritu in uxorem ducta, non modo, ut deceſſoreſ, iudex, rector, protector, verum & princepſ ac dominuſ, (*ann. 722.*) ab omnibuſ ſalutatur; atque ut ne qua in principum inaugurationibuſ ſolita adhiberi pompa, prætermiſſa videretur, dignitatiſ inſignia (in hiſ erant Czechi veteriſ ſella, veſtiſ talaris, mitra ſci- pioque,) pro more accepit.

VI. Rerum hoc modo potituſ apud Bojemouſ Przemyſluſ, magiſtratumuſ, uxoriſ æque ac ſuo arbitrio geſſit, Bojemouſ, gentem feroculam, frænouſ pati, ac dicto audienteſ eſſe coëgit, legibuſ ab ſe poſitiſ, (quarum pleræque nec hodie obſoleverunt) conſtrinxit, & ut verbo uno dicamus, quid more patriſ familiaſ, ævo priorè uſitata adminiſtrandæ rei pub. procuratio, à recenſ inveſto dominatu deſpotico diſtaret, ſero intelligere docuit. Vnde videmuſ, tertiuſ hunc fuiſſe al- tiuſ connitentiſ inter Bojemouſ princi-
pum

pum majestatis gradum. At vero utur
confortis in imperio præter uxorem im-
paciens fuit, nec potestatem suam ullis
cancellis circumscribi tulit Przemyſlus,
cum tamen mortem Lybuſſa obisset, &
ipse jam quoq; ætate vergeret, tum Wa-
ſta duce excitati muliebres motus di-
turni, tum aliis etiam de cauſſis facunda
turbarum ſeges, fecit ei regimen ferendo
difficile, ac valde oneroſum. Advocatis
igitur in conſilium nobilioribus, quos
jam tum quoque homines noſtri *Zema-
ny* & *Wladyky* vocabant, (a) delectos
communibus omnium ſuffragiis, paucos
aliquot locupletiores in ſocietatem one-
ris adſcivit, ita tamen, ut arduis ſaltem
ac difficilioribus in rebus conſilio ipſo-
rum & opera uteretur, non ut dignita-
tem cum ipſis ſuam communicaret. Vo-
cavit autem illos *Lopoty*, à curarum an-
xietate, quos ætas poſterior *Urzedniky*
Zemske, cognominare maluit. Latinis,
proceres, primores, optimates, ſolent
dici. Horum de numero erant Dolislaus,
Cricadus, Milauſſius, Hynchuvogius,
Vurſſus, & alii, quorum nomina igno-
rantur.

VII. Gubernabatur porro, conſtan-
ter in hoc ſplendoris faſtigio conſisten-

L 2

te,

(a) *Hagæus* ad an. 720. & 1072.

te, Przemyſli auſpiciis introducto dominatu iſto deſpotico, reſp. Bojemorum ab invicem ſuccedentibus Przemyſli & Libuſſæ nepotibus pluſquam trecentos & ſexaginta annos continuos, ad id videlicet uſque tempus, quo manus quadringentis marcis perunctus, Germanorum Imp. Cæſ. Henricus ejus nominis IV. Herbiſpoli, vel Moguntia, ut perhibent alii, principum Imperii conventum agens, (*ann.* 1082. vel (ut quidam volunt) 1072.) Coſmas (*b* Wratiſlao Duci, Brzetiſlai Pugnacis filio, dignitatem auxit, & corona capiti impoſita, regem ex Duce creavit. Quartus ergo hic fuit amplificatæ ſummo apud Bojemos magiſtratu majestatis gradus, in quo illa, (niſi quod poſt Wratiſlai Wenceſlai IV. Albertique Regg. obitus, interrupta quodammodo fuit) ſextum jam ſeculum numerans, hodieque conſiſtit. Non diſputamus jam, illata in Bojemiam dignitate illa regia, & eam conſequuta Wratiſlai Regis multo quam unquam frequentiore, cum principibus Germanis converſatione, aulaeque imperialis conſectatione, melior ſit an deterior facta provinciae & incolarum conditio: Principi illa forſan honorificentior, quam reipub. utilior;

(b) *Michov. lib. 3. cap. 4.*

lior; vel, qua liber ac juris sui Simson in insidias Germanicas pelliceretur, Delila quædam dolosa fuisse videri potest. Suspiciari certe nihil prohibet, arripuisse inde Germanos captatam diu occasionem arrogandæ Imperatoribus suis in Bojemiam supremæ potestatis, & spargendæ in vulgus opinionis, principes quæ non regalia, quæ vocant, de manu Imp. accepissent, rebus in Boemia legitime præesse non posse.

VIII. Quam latè vero vel olim patuerit, vel hodie pateat despotica illa regnantis apud Boemos principis potestas, cum ex hinc inde collectis monumentis, quorum gestarum in nostra gente rerum descriptores meminerunt, tum imprimis ex legum regni fundamentalium sanctionibus cognoscitur. Constat enim ab ipso etiam Przemyſlo, leges quibus Nezamyſlus filius posteaquam ad reip. clavum pervenisset, populum gubernare jubebatur, esse latas, rebusque id tandem exigentibus, à provinciæ optimatibus, de principum assensu paulatim cumulas, ac consuetudine observantiaque diuturna usque adeo confirmatas, ut corpus reipub. universum iis velut basi fundamentoque solido innixum, hætenus in statu suo steterit inconcussum, nec ullis princeps novus, priusquam in eas solenni

inauguratione, majorum more jurasset, aditum ad gubernacula habere potuerit. Illæ etiamnum, sicut principibus, ad tuendam dignitatis majestatem, continendumq; in officio populum serviunt, ita populo adversus principum tyrannidem iniquitatemque omnem, præsidio sunt. Per multa sane principibus in moderanda ex arbitrio repub. illæ largiuntur, sed nonnulla populo quoque, vel soli vindicant, vel cum principe communicant. Quæ quid vetent, quid sanciant, si plenius cognoscere quis velit, eum nos, ad repetitum ex vetustate & usu magistro constitutionum provincialium codicem, ablegamus.

IX. Vetantur illarum autoritate Reges (*ar. 2. 17. 19.*) à regno quicquam abalienare pignorisve dare, (*ar. 3.*) libertati regni legibusve, ullo modo obrogare; (*ar. 9.*) præter Barones, Equites, Civitates, plures in Regnum Ordines invehere; (*ar. 13. 28.*) vassallos de feudis Majoribus alibi quam in arce Pragensi, vel, ut minimum, intra Bojemix fines, investire; feuda item ipsa & clientelas, quæ ultra regni limites sunt sitæ, vendere, alienare, aut ab oneribus consuetis quoquomodo liberare, (*ar. 20.*) instantios, sive de inferendis, sive de expungendis rebus quæ reipub. sint, ad tabularii

bularii custodes ordinare; (*ar. 22. l. 23.*) patrocínio, publicave fide sua iudicii provincialis iurisdictioni, vel potestati hæreditarii domini, quenquam eximere; (*ar. 27.*) alienigenas ad arcium præfecturas vel publicas functiones ullas admove; (*ar. 29.*) præter morem præcum, jura, & libertatem, militiam incolis imperare; (*ar. 23. l. 5.*) in jus vocari iudicium defugere, & si qua sunt similia. Contra vero habent Reges ex eadem provincialium constitutionum auctoritate (*ar. 3.*) soli, plenum jus ac potestatem statuendi, quod velint, de rebus quibusvis, quæ tum conservando, tum illustrando splendori majestatis regio, honesteque augendis reipub. commodis conferant, nec ab institutis moreque recepto dissideant: Ideoque (*ar. 4.*) comitia illi conventusque Ordinum soli indicunt; (*ar. 12. 14. 15. 16. 19. l. 42. n. 1.*) nundinarum mercatumque, condendorum privatim testamentorum, & metallifodinarum jura, vectigalia, portoria; nobilitatis insignia; urbium arciumque tum ædificandarum munientiarumve, tum demoliendarum facultatem; redemptionem pignori creditoribus regis datorum bonorum; clientelas item post defunctos absque hærede possessores ad fiscum devolutas; ut & bona

quomodolibet ἀδικοῦσθαι sive vacantia, multasque, quibus volunt conferunt & largiuntur; (ar. 37.) incolas, qui regius & reip. hostibus militant à militia avocant, eosdemque nisi paruerint condemnant; (ar. 2. 11.) cœnobiorum monasteriorumq; bona pro libitu vel distrahunt vel oppignorant; (ar. 8. 10. 11.) perduelles, hostesque reipub. professos, purgandi causâ Senaturn postulant; data ad tempus fide publica securos præstant; (ar. W. 2.) eruti ex fodinis auri argenteque canonem ac emolumenta sibi vendicant, & nonnulla id genus alia, voluntate imperioque absoluto moderantur.

X. In cæteris vero limitata, vel cum optimatibus quodâmodo divisa est ipsorum potestas & administratio. Leges enim de quibus loquimur, non parvis in rebus eandem esse volunt amplissimi Senatus & Regum in Bojemia libertatem, jus, & potestatem, permittuntque nominatim actoris arbitrio, utrum coram dicasterio regni majore, an coram Rege ipso velit cû adversario experiri; (ar. 6.) de capite & existimatione, (ar. 22. X. 12.) de injuriis, (ar. O. 43.) de falsi crimine, (ar. 32.) de religionis approbata turbationibus, (ar. L. 40. S. 5.) de vi privata, (ar. O. 6. 7.) de reluendis pignoribus regius; (ar. R. 21.) sumendæ de
 noto-

notorie maleficis ac sceleratis vindictæ arma, æque regni Senatoribus ac Regibus in manus dant; sicut Reges, ita & Senatores jubent, (*ar. I. 45. 54. 62.*) pupillis tutores vel ætatis veniam, si opus sit, dare, eorumque, ut & furiosorum, commodis invigilare, & ne qua expilandis, dilapidandis, distrahendisve ipsorum hæreditatibus fraus iis à tutoribus vel curatoribus fiat, obicem ponere; (*ar. F. 15.*) si quibus transumendorum ex tabulario de initis contractibus apographorum, (*ar. L. 48.*) quoties constituendorum ad lites procuratorum generalium, sociis vel tutoribus; (*ar. I. 59.*) quoties contrahendorum ingratorum agnatis matrimoniorum, virginibus pupillis, facultas est concedenda; (*ar. K. 7.*) quoties sunt sororum innuptarum factæ cum fratribus de patrimonio transactiones confirmandæ; (*ar. K. 10.*) quoties fraternitatis sive consortii, & rerum communioneis jura conferenda, parem in his omnibus faciunt provincialis iudicii majoris, & Regum jurisdictionem.

XI. Ut communis ergo est in his omnibus Senatui amplissimo cum Regibus, neque his magis quam illis *αὐθεντία* concessa decernendi ratio; ita ad Ordinum universorum, vel ad minimum ad Optimatum, primorumque volunta-

res & consilia, alligata est prorsus Regum voluntas, si quid novi (*ar. 5. B.2.11.*) in distribuendis, quæ terrestria vocamus, muneribus, (aulica enim & fiscalia, ut & minoris momenti ministeria quævis, Rex, ut vult, libere distribuit,) (*ar. Z. 4.*) in rogandis vel abrogandis legibus; (*ar. 17.*) in alienandis, transcribendis, vel pactionibus ullis adstringendis, insertis in corpus coronæ Bojemicæ ab Imp. Cæs. Carolo IV. opidis, arcibus, ditionibus, & provinciis; (*ar. 18.*) in facienda alienigenis emendationum in regno bonorum soli potestate; (*ar. L. 6. 9. 10. 31. 32. 33.*) in coercendis ulciscendisve publicis hostibus, & eorum fautoribus, vel quavis alia vi armata, in vindicandis ab exteris injuriam passis, ut & liberandis in captivitatem abductis regni incolis; (*ar. D. 49.*) in cogendis ad officium contumacibus jurisq; prævaricatoribus; (*ar. W. 8. 15.*) in statuendo cudendæ monetæ modo & pretio; (*ar. 10.*) in cooptando in numerum judicum alicujus tribunalis, Regio causarum patrono, (fiscalem alias vocant,) si quid, inquam, in his cæterisve majoris momenti negotiis Rex velit decernere novi, rem prius vel ad Ordines universos in comitiis, vel ad Optimates collegialiter, in consistorio suo referre,

ferre, nec consilium ipsorum modo sed & assensum exquirere habet necesse.

XII. Hæc igitur est gubernandæ apud Bojemos meos reipub. ratio, hic magistratus summus, hæc principum, hæc populi universi majestas. Ritus porro commendandæ principibus reip. ac in ipsorum inaugurationibus adhiberi solitus, non uniusmodi semper fuit. Primis illis, ante & post Przemyssum, temporibus, cum Bojema gens adhuc à Christianorum sacris erat aliena, brevissimus is fuit & simplicissimus; apud novitios Christianos, & ante quam reges regnarunt, aliquanto sane splendidior, sed non multum operosus; post reges vero creatos, exemplo gentium aliarum evasit cum apparatu magnificentior, tum festivitate, stipulationibusque regum & populi mutuis, solennior. Prisci illi, ex gentilismo nostri majores, & qui prius quam Episcopa Pragæ fuit erecta, sub Christianis aliquot principibus vixerunt, habuerunt satis convocata ad Gezercam, subiectum Wyfsehrado fontem, omni populi multitudine, prolatisque in medium, Libussa folio, & Przemyssli mitra ducali, ac pera agresti, cum factis querno robore calceis, duces novos, stipulata prius ab ipsis in gubernando patrii moris observantia, publice proclamare, in Libussa
illud

illud solium collocare, peræque & calceorum agrestium intuitu, ad originis tenuioris cōsiderationem & modestiam commonefactis, mitram ducalem solennibus cum acclamationibus, veneratione, ac obsequiorum contestationibus, in caput imponere. * Claudebant

πανήγυριν istam epulæ, communis lætitiæ testes. Cum vero Christiana religione gens esset imbuta, & Episcopatus à Boleslao Pio constitutus, adhiberi ad hanc celebritatem cœpit ipse etiam Episcopus, qui inaugurationis tempore, cum reipub. toti ac duci novo, felicia quæque precaretur, tum multitudini in peragendo majorum more, actu isto solenni, religione & pietate præiret.

XIII. Regibus tandem populo datis, eorumque coronatione ad Archiepiscopos devoluta, creverunt & pompa & ceremoniæ: coronæ, sceptri, pomi, gladii, lanceæ, unctionis usus invaluit, ministeria inter ecclesiasticos & politicos procures distributa. Quæ qua ratione ætate nostra, & à quibus expediri soleant, paulo plenius, quam ab aliis forte est factum, libet explicare. Ergo quoties de inaugurando rege consentiunt regni

Ordi-

* Hæc. ad ann. 833. Dubrav. lib. hist. 2.

Ordines, ad conditum diem, quem ab electione per novum regē acceptata, intra mensem sextum jubet denuntiari lex Carolina. Regalia, quæ vocant, seu regni *κειμήλια* ex Carolosteina arce à regni Optimatibus afferuntur, convocanturque in arcem Pragensē è regno præcipui omnes, ac ex unitis regno provinciis legati, ipsaque etiam numerosissima plebis turba confluit. Ad Sacrum D. Wenceslai, in quo regni illa, pridie ejus diei Pragā allata, *κειμήλια* reconduntur, Carolosteinenses, uterque Burggravius & vasalli, die pariter & nocte in excubiis sunt. Supremus vero regni Curia-Magister, ædem D. Vito sacram, Comitium, regiamque & palatium, theatro interea, tapetibus, pannoque rubro, & cæteris, quæ tantæ festivitati opus sunt, splendidissime ac operosissime adornat. Vbi ad diem horamque in Comitium veniunt omnes, Burggravius Regni supremus, valvas comitii jubet aperiri, & rogat omnes, velintne, ut electus votis communibus Rex, publice ac majorum more ab se proclametur. Cumq; voce concordi assentiuntur. Ordines universi, tum ille voce quantum potest sublata: *Supremo, inquit, omnipotentis DEI numini gratum, amplifi-*
sando

cando in nostra gente cultui ejus sincero accomodum, regnoque huic honorificum, utile, felixque & faustum id sit. Ego Burggravius Pragensis supremus, ex officio meo, in nomine beatissima, sanctissima, ac individua Trinitatis, unius DEI nostri, Serenissi. principem N. in regem Bojemie electum, & acceptum esse pronuntio. Hoc audito multitudo omnis exclamat; Vivat, vivat, vivat, N. Bojemie Rex! & concilio dimisso, Ordines ex comitio in D. Venceslai sacrarium, regalia visuri discedunt. Legati similiter provinciarum regno unitarum, & cum suæ quisque dignitatis insignibus, Canonici, Præpositi, Abbates, Holomucensis & Wratislaviensis Episcopi (quos duos jam olim Regis Assistentes vulgus appellavit,) ipseque adeo Archiepiscopus Pragensis, in templum veniunt, & loco quisque suo confident.

XIV. Quorum adventu ad sacrarium D. Venceslai nuntiato, Burggravius proceresque ex Bojemis alii, numero frequentes, Regem in templum deducturi in regiam abeunt, & quamprimum Regis alloquendi potestas iis fit, venerabundi, honore prius ipsi habito, per Burggravium idiomate Bojemorum vernaculo, in hanc sententiam verba faciunt; Hodie, Princeps Sereniss. tres inclyti hu-

jus

jus regni Ordines, majorum laudabili more,
 secundum leges ac libertatem gentis,
 conventu publico, in supremo regni Dica-
 sterio, Regem te Boemia declararunt ac
 pronuntiarunt, precati ex animis univer-
 si, ut hanc Majestatis Tuæ in legitimum
 Boemia Regem electionem atque accepta-
 tionem, faustam & felicem esse velit ju-
 beatque DEUS. Quoniam vero inau-
 gurationi Majestatis Tuæ, ac coronationi
 solenni, dies hæc est constituta orant omnes
 qua par est veneratione, ut primum om-
 nium, cum publica universorum, tum pri-
 vata singulorum, Regni hujus incolarum,
 privilegia, immunitates, libertates, jura,
 & leges, vetustas, laudabiles consuetudi-
 nes ac instituta, facto eam in rem diplo-
 mate singulari, rata habere ac confirma-
 re; itemque festa Majestatis Tuæ inau-
 guratione, de re pub, ad legum normam gu-
 bernanda, decessorum Tuorum Boemia
 regum exemplo, sacramentum sive jura-
 mentum regium præstare publice velis.
 Hæc cum dicta sunt diploma privilegio-
 rum confirmatorium Burggravio tradit
 Rex, & quæ inaugurationis tempore de-
 cessores sui ex legum præscripto præstare
 essent soliti, se similiter sacramento in-
 terposito præstiturum, Ordinesq; omnes,
 & singulos clementer habiturum, reci-
 pit. Itur igitur in metropolitanum D. Viti
 tem-

templum. Eunt autem bini & bini, Civitatum Regiarum delegati, Minoris, Novæ, Majorisque Pragæ Senatores: hos sequuntur ex nobilitate equestris Ordo & Barones, quotquot in comitatu Regis illo reperiuntur. Divertunt vero ad destinatam intemplo ordini quique suo per gulam. Optimates vero, & publicis regni muneribus insignes, procures in ædis sacræ vestibulo Regem, cum aulico comitatu suo, cadriceatoribusque, & ensifero adventantem, excipiunt, & recta in D. Wenceslai sacrarium deducunt.

XV. In sacrario Rex exsutus veste sua à Supremo regni Camerario, trabea talari auro picta coloris phœnicei induitur. Interea dum Rex induitur, Archiepiscopus cum Episcopis, & Clero omni, ab altari magno, ad idem sacrarium, Regem prodeuntem ad erectum coram altari magno solium Regium deducturus, venit. Præstolante igitur pro foribus Clero, sacrarium referatur, & primi prodeunt hæreditariis in regno muneribus fungentes procures, post eosque cum regalibus Optimates, qui progressi, clero ad latus dextrum subsistunt. Archiepiscopus accedens propius, Regi in vestibulo stanti paucis benedicit, & mox inter tympanorum tubarumque sonos ingentes, Clerici primi Archiepiscopo ad altare
magnum

magnum præeunt; sequuntur regni dapifer cum prægustatore, portantes uterque, ille deauratum, hic argento obductum panis libum; pocillator cum collega, portantes uterque plenum vino doliolum, ille deauratum, hic argento incrustatum; tertio loco inter Subcamerarium & Carolosteinensem Burggravium medius, incedit gerens sceptrum, regni Archi-Notarius; huic proximus it inter Archi-Cancellarium & Curiaë Iudicem Supremum medius, cum pomo aureo Archi-Dicastes; quinto loco cinctus à latere dextro portante bacillum nigrum Supremo regni Curiaë-Magistro, à sinistro vero coccineum capitiū gestante regni Archi-Camerario, ingreditur gestans coronam Regni Bojemiaë Inter-rex seu Burggravius Pragensis supremus. Optimatibus istis succedunt caduceatores & Marefcalli, dexter provincialis cum gladio D. Wenceslai in vagina ex serico rubenti recondito, sinister vero aulicus cum gladio evaginato. Marefcallis proximus ingreditur capite discooperto tra-beatus, inter Holomucensem & Wratislaviensem Episcopos medius, Rex, qui tandem consistentibus sibi ad dexteram, gestantibus Regalia proceribus, in genua ante solium regale provolutus, Archiepiscopum precantem audit. A precibus

M

his

his erectus, ab iisdem episcopis, verba faciente Holomucensi, traditur Archiepiscopo apud altare coronandus. Archiepiscopus acceptis & in altari collocatis regalibus, in genua cum toto circumstantium cætu procumbit, & Litaniam canitur.

XVI. Ea finita Optimates & Episcopi, Regem ab altari, ad solio Regio propinquum locum priorem reducunt, qui cum in genua, velut ante, subsidit, Archiepiscopus eum rogans: *Vis fidem sanctam inquit, à Catholicis viris Tibi traditam tenere, & justis operibus observare?* Respondente; *Volo*: pergit ille, &: *Vis, inquit, regnum tibi à DEO concessum, secundum justitiam patrum Tuorum regere & defendere?* Respondente; *Volo, & ope fretus divina, modis me id omnibus facturum promitto.* Missæ officium, quod vocant, à Musicis inchoatur, & Rex paulo post surgens, solium Regale conscendit, cinctum parte dextra ab Episcopo Holomuc. Burggravio, Curia-Magistro, & plerisque proceribus Bojemis, sinistra vero ab Episcopo VVratislaviensi, Archi-Camerario capitii gerulo, caduceatoribus, & Marefcallis. Iamque recitato ex Epistola textu sacro, siletur profusus, & Rex Burggravio comitatus, per Episcopos ad altare denuo ducitur.

Hic

Hſeingenua procumbens Rex, Archiepiscopo librum Euangeliorum apertum tenente, & Burggravio verba præeunte, Bojemica lingua iuramentum facit, * &: *Iuramus DEO, inquit, [matri Deiparae, sanctisque omnibus,] in sacro hoc Evangelio, velle nos & debere, Baronibus, Equitibus, Nobilibusque, item Pragensibus, Civitatibusque reliquis, ac universa Communitati Regni Boemiae, Instituta, leges, privilegia, exemptiones, libertates & jura, adeoque vetustas, bonas, laudabilesque consuetudines, inviolatas servare, ab hoc eodem Regno Boemiae, nec abalienare quicquam, nec oppignorare, verum pro nostra virili id potius augere ac amplificare, & omne quod bonum honorificumque Regno illi sit facere: Ita nos (hæc dicturus, digitis manus dextræ duobus, Euangelii librum contingit,)* DEVS adjuvet, & sancti omnes. Iurantibus Regis verba excipiunt Archiepiscopus & Episcopi illi ambo, orantes alius post alium ex formula. Absolutis precationibus, nudatum ab advolutis lateribus ejus dextro, regni ArchiCamerario & Cubiculariorum Decurione supremo, Regis lacertum dexterum, pectusque & scapulas, ungit oleo, latusque gladio D.

* *Constit. Reg. ar. 2.*

Wenceslai præcingit, annulum digito manus dexteræ indit, sceptrum in dextram, pomum vero in sinistram tradit, preculas identidem miscens Archiepiscopus.

XVII. His ita pro more peractis, sedenti in solio Regi dexter assistens Burggravius, oratione ad proceres populumque Bojemix conversa contentissime, voce ter repetita rogat, &: *Vultis, inquit, vestro huic Regi subjici, obtemperare, fidelesque esse, & Regnum Majestatis suæ, ope vestra ac opera firmum præstare: tum etiam prabetisne vestrum ei coronando assensum?* Annuentibus & terna similiter responsione comprobantibus dicta universis, ad Regem convertitur, & venerabundus rogans: *Vine Rex clementissime, inquit, privilegia cuncta, libertates, immunitates, jura, leges, vetusta laudabilia instituta, & consuetudines cum publicas tum privatas, tribus regni hujus Ordinibus omnibus, sanctas rectas servare, nec eas ulla ratione violare.* Rege, præstaturum ea omnia respondente, Archiepiscopus una cum duobus illis, quorum aliquoties meminimus, Episcopis & Burggravio, regio illo diademate caput Regis, precibus adhibitis, cingit. Episcopi porro secedenti pone altare, coronamque gestanti Regi, oleum quo ungebatur

gebatur abstergunt, vestemque convenienter aptant. Vnde cum is, Archiepiscopo preces ingeminante, reversus in folio confedit, Burggravius ad proceres, populumque omnem, in verba Regis juraturos, præfatur & ait: *Quandoquidem N. princeps serenissimus, legitime Rex est electus ac coronatus, in nomine D. O. M. ego Majestatem suam omnibus tribus Ordinibus, universo regni hujus populo, Regem Boemiae pronuntio, esseque jubeo. Vultisne igitur Majestati suae fideles esse, obtemperareque ac subjici? Velle, respondentibus, & singulis monitu ejusdem Burgravii digitos duos sursum erigentibus, primus ad Regem propius accedit, ac factus illi supplex, impositum capiti Regio diadema, digitis duobus contingit, & ut idem omnes, qui loco non prohibentur, cum veneratione præstent, commonefacit. Hymnus interea eucharisticus B.B. Ambrosii ac Augustini cantatur, & cum Optimates, tum quivis alii ex Baronum Equestriumque Ordine, quod Burggravium fecisse viderunt, supplices ac venerabundi pro se quisque faciunt, tacta vero digitis corona, Barones fere Regi à dextris, Equites à sinistris consistunt. Rex tandem procidentes in conspectu delectos aliquot, gladio D. Wenceslai in brachium sinistrum ter percu-*

cit, ac militiæ auratæ Equites creat.

XVIII. Cantores porro & Archiepiscopus, hynno illo lætitiæ finito, pergunt in Missæ officio, cumque cantando ad Offertorium, quod vocant, perveniunt, consurgit Rex, & medius inter Episcopos, accepta ex dapiferi pocillatorisque hæreditarii manibus duo panis liba illa, & vini vascula, Archiepiscopo ad altare offert, tota arce Pragaque omni, campanarum pulsibus, & majorum æque ac minorum tormentorum fragoribus personante. Post hæc Pacis tesseram osculatur Rex, & mox corona ei capitioque, inter iterata campanarum ac tormentorum muralium tonitrua, per ArchiCancellarium admotis, sceptroque & pomo Archi-grammateo ac ArchiDicastæ in manus redditis, ad altare inter Episcopos medius accedit, Eucharistiamque, (Burggravio & Curia regni Archi-Magistro lintheamen tenentibus) ex Archiepiscopi manu sumit. Quod dum fit, stantes propter solium hæreditarius regni à dextris, regius vero aulicus à sinistris, Marecalli, gladium uterque evaginatum mucrone ad terram defixo tenent, nec ante quam Rex ab altari surgit, extollunt. Reverso denique ab altari, & in genua procumbenti illi, benedicit conceptis verbis Archiepiscopus, &

cam-

campanæ jam tertium tota Praga pulsantur, machinæque grandiores, simul & minores disploduntur.

XIX. Sacris ad hunc modum finitis, Rex in ornatu regio, gestans regalia, eadem qua ingressus erat pompa ac comitatu, templo egreditur, & per panno constrata tabulata, palatiumque majus, in tabularium Regni, & mox in supremi Dicafterii conclave, ad epulas solennes concedit. Ab ipso vero templi vestibulo qua Rex ingreditur, usque ad Dicafterii limen, fusi recens aurei nummi & argentei, in turbam confertim stantem disperguntur; * In arca vero arcis, rubrum albumque vinum, plenis labris fluit, ac à turba promiscua hauritur. Tympana interim & tubæ, clangore sonoro, epulis Regalibus signum dant. Instructæ jam ante ponuntur apparatus exquisitissimo, mensæ duodecim, præter Regiam nempe seorsim loco paulo editiori stantem, pro singulis Regni Optimatibus singulæ; Baronibus ad mensæ Regiæ latus dextrum; Equestribus ad sinistrum, Ad suam quisque accumbit: Rex cum viris Principibus regumque exterorum legatis: Optimates cum invitatis ea de caus-

M 4

sa, fa-

* *Cosmas, & Hageci ad annos 1343. 1347. 1437. 1438. 1471. & passim.*

sa, familiaribus aulae potioribus, & amicis quisque suis. Mensae sub conopeio accumbenti coronato Regi, ministrant haereditarii dapifer, praegustator, pocillator, cum accitis eam in rem ex nobilitate permultis. Ad cubiculi vero regii custodiam, excubare toto illo coronationis die tenetur, ex Wladislai Regis instituto, nobilis stirpis Swaroviae natu maximus. Omnes denique absentes aequae, ac epulis Regiis praesentes, festis clamoribus ingeminant: *Vivat, vivat, vivat triumphatis reipub. hostibus, N. Boemiae Rex.* Mensis remotis, trabea Regi in tabulario Regni exsuitur, Regaliaque ab eo Optimatibus recondenda traduntur. Sic Rege in regiam cum comitatu aulico, aliis vero huc & illuc in diversa euntibus, Optimates cum proceribus & regni primoribus regalia è vestigio in D. Wenceslai sacrarium referunt, ibique tantisper dum post tertium quartumve diem in conditorio suo arcis Carolosteinae reponantur, clientibus arcis illius, diurnis pariter & nocturnis vigiliis custodienda credunt.

XX. Atque haec aeo nostro usitata inaugurandorum Boemiae Regum est consuetudo, haec pompa, hic ritus, haec ceremoniae: Quoniam vero regni querendi viae duae duntaxat sunt legitimae, (viam

(viam armorum, quam quidam his addunt tertiam, tyrannorum potius quam Regum esse ducimus, nec arma, quæ ambitionis cupiditati serviunt, iusta iudicamus) quoniam non aliæ, inquam, legitimæ sunt quærendi regni viæ, quam Electio populo non extorta, & Hæreditas ex sanguinis propinquitate nata, videtur prope necessarium interrogare, quæ via, quove, hæreditatis an electionis jure, ad principatus illud fastigium conscendant Bojemorum Reges novi; statuere autem hac de re non cuivis est promptum. Etenim ejus quæstio hæc est generis, ut de ea ex historiæ patriæ scriptoribus, & eorum plerumque, vel verbis alienis factæ recitatione, vel linguæ lubricitati imputandis fortasse, ac instantibus loquendi formulis, certi nihil possit concludi. Leges etiam regni fundamentales, privilegiaque, quin & optima legum interpretes consuetudo ipsa, ac observantia diuturna, in sensus contrarios trahi nuper cœpit. Cum enim Ferdinando Archiduci Austriæ, vivente adhuc, remque urgente Matthia rege, designato ac coronato (*ann. 1617.*) Bojemorum Regi, regnum post mortem Matthiæ, Bojemi, conventu cum unitarum regno provinciarum legatis frequentissimo, abrogassent, & Frideri-

cum V. Electorem Palatinum (an. 1619.) regem creassent, acerrime longeque majoribus, quam unquam, contentionibus, de regni jure, deque dandorum Bojemis Regum rationibus, sicut armis, ita & calamis, certatum utrinque fuit. Ferdinandus princeps, ab Electoribus interea Romanorum Imp. creatus, & qui ab eo stant, contendunt Bojemiam esse regnum hæreditarium, & principes quotquot ei ad hoc usque ævum cum imperio præfuerunt, (unico via exorbitanti rebus imposito Georgio rege excepto) hæreditatis intuitu, fasces ejus apprehendisse. Ordines Bojemi contra constanter dicunt, & tantum non clamant, electione gentis liberæ, non hæreditate, dignitatem consequutis principibus se paruisse semper, diversumque sentientes, quicumque sunt, acceptæ à majoribus libertati suæ, vim manifestam facere queruntur. Gladius Ferdinandum fecit in hac causa superiorem; calamorum concertationes, approbatum à parte utraque judicem nondum videntur invenisse. Ut igitur in hac à togatis etiam agitata quæstione seu disceptatione, habeat unde rerum momenta promat ac ad vericubile aditum faciliorem inveniat posteritas, excerpta ex variorum, quæ inspicere est datum, dissertationibus variis,

cum

tum Imp. Cæs. Ferdinandi II. tum Bojemæ Ordinum, producta in publicum tuendi juris sui argumenta, in thesi duntaxat, non in hypothefi (singularia enim quæ utrinque in controvertentium partium disputatione permulta occurrunt, ab instituto nostro videntur aliena) pro ingenii modulo nostri, recensebimus. Volumus enim ab omni id genus temeritate quam longissime abesse.

XXI. Allegatur ergo ab iis, qui Boemos reges hæreditatis jure ad regnum pervenire volunt, cum consuetudo, & inde à Libuffæ ævo introducta, nec nisi semel interrupta, observantia; tum à supremo gentis magistratu eam in rem edita, ac legibus regni publicis expressa privilegia, gestarumque rerum testis historia. Servatum videlicet perpetuo fuisse propagato ex Przemyſlo & Libuffa generi hunc honorem, & primum duces, postea vero reges, ex solo illo, successione ordinaria fuisse ad reipub. clavum assumptos, tantisper dum mares essent superstites. * Cum vero stirps mascula in Wenceslao III. defecisset, ideoque *per morsum mortis Regum generatio fortis. Effet devicta*, fœminis sanguinis ejusdem, habitum fuisse honorem eundem,

* *Ius hæredit. Ferd. fol. 18. 19. 44.*

dem, [:] ac primum Annam Henrici Carinthii, postea vero Elissam Iohannis Lucemburgici uxores, Wenceslai, cuius meminimus, sorores, ad sceptrum fuisse vocatas, earumque jure maritos ipsarum, esse in dotali regno rerum potitos. Elissæ sobolem regnasse ordine. Et cum Ladislaus rex, ejus ex Iohanne Lucemburgico abnepos, absque liberis decessisset, virilisque proles regia nulla exstaret, adeoque post Ladislaum electus in seditione Georgius Rex, tandem similiter occubisset, reditum esse ad genuinū sanguinem regium, & Wladislao Ladislai ex sorore Elisabeta nepoti, regni diadema impositum; ab eo vero primū ad Ludovicū filium, & hoc sine prole è vivis exempto, ad Annam filium transmissum. Hujus porro Annæ, ex Ferdinando marito posterius, Maximilianum, Rudolphum, & Mathiam Impp. ordine sibi in hoc regno successisse, ac, eodem quo antecessores, hæreditatis jure, ad reipub. Bojemæ gubernacula conscendisse. Æquitatem igitur ipsam ac majorum morem sequutos Ordd. vidisse semper, quod (ut * & à Freder. III. Imp. aliquando monebantur) electione haud quaquam opus

[:] *Chron. Aul. regia.* * *Silvius Hist. Bojem. cap. 18.*

opus sit, in iis quos natura Reges dedisset; ita ut inconcussa tot seculorum observantia, certissimo sit documento, rebellionem execranda contaminari illos omnes, qui majorum his moribus, vetustatisque venerandæ exemplis oblectari, simul etiam ausu nefando, Regibus pro arbitrio, ac per nudam electionem creandis, florentes, Albertinis pariter & Carolinis pactis veteribus subnixos, in Austriaca domo Bojemî sanguinis principes, ab hæreditariis regni Bojemici fascibus, quantum in ipsis, arcere neutiquam erubescunt.

XXII. Perpetuæ huic ac tam vetustæ observantiæ, (præteritis vetustissimis illis, Hostivici nempe cum Mstibogio fratre concordatis, & testamētaria Brzetislai I. de principatu dispositione) ab iisdem hæreditarii juris patronis subjunguntur *secundo*, privilegii (*ann. 1212.*) à Friderico II. Imp. Bojemis olim dati declaratoria Imp. Cæs. Caroli IV. (*ann. 1348.*) Bulla Aurea, Rudolphi Imp. (*ann. 1290.*) privilegium Erfordianum; Wladislai Regis eo nomine secundi (*ann. 1510.*) dispositio, posterior Ferdinandi I. Regis (*ann. 1545.*) recognitio, pro directorioque liberis ab eo relictis; itemque optimatum, & quorumvis in magistratibus ministeriisve regis

regiis constitutorum, usu recepta jura-
menta. Omnia hæc partim ab universo
Bojemorum populo (ann. 1547.) comi-
tiis calatis esse comprobata, (:) & Con-
stitutionum provincialium Codici, pro
publica indubitataque lege inserta, par-
tim observantia quotidiana confirmata.

Caroli Cæsaris Bullam quod attinet,
ea expresse determinari, *Electiorem Re-
gis Bojemia in casu duntaxat & eventu,*
quibus de genealogia, progenie, vel semi-
ne, aut prosapia regali Bojemia, mascu-
lus vel femella superstes legitimus nullus
fuerit oriundus, ad Prælatos, Duces, Prin-
cipes, Barones, Nobiles, & Communita-
tem regni præfati & pertinentiarum ejus-
dem, rite, juxte, & legitime pertinere.
Constare sibi Carolum hunc Imp. (ann.
1356.) etiam in Bulla Imperii Aurea
Noribergensi, * ut qui reservans Impe-
ratorib. de vacantibus in Imperio Ele-
ctoratibus secularibus provisionem, re-
gnicolas Bojemos exceperit, & si quan-
do nullis exstantibus regii sanguinis hæ-
redibus Electoratuum ejus regni vacare
contingerit, provisionem *juxta conti-*
nentiam concessorum Bojemis privile-
giarum, & observatam consuetudinem
diu-

(:) *Ius provinc. a. 1. * cap. 7. §. si*
vero.

diuturnam, Ordinibus ipsis, non Imperatori, competere ostenderit. Sicut ergo in Electoratibus secularibus cæteris, hæres proximus succedit jure hæreditario; ita & in Electoratu Bojemico, ac in regno ipso, quod ab Electoratu separari nequit, [:] proximum Regis defuncti hæredem, hæreditatis jure debere succedere: Et sicut proviso Imperatori in cæteris Electoratibus secularibus, non nisi cum nullus est hæres, competit; ita Electionem Ordinibus in Boemia, non nisi cum regnum vacaverit, hoc est, cum nec mas, nec fœmella sanguinis regii superfuerit, concedi. Manifesti id esse juris, ampliusque etiam probari ex Rudolphi I. Imp. Attestatione, (?) quam de competente in Imperio Regibus Boemiæ Electoratus jure, Erphordix dedit. In ea ipsum quories Regis facit mentionem, & quicquid in Imperio & Imperatorum electionibus, juris Regi tribuit, toties hæredam ipsius meminisse, iisdemque similiter tribuere. Neminem ergo nisi qui vel insaniat ipse, vel Imp. insaniisse somniet, hæreditariam Regum in Boemia successionem negare posse.

Wla-

[:] *Ius hæred. Ferd. II. pag. 15. 16.*(?) *Mel. Goldast. tomo Constit. II. pag. 86.*

Wladislai Regis de liberis suis (ann. 1510.) factam, sigillo regio munitam, nec illam obreptitiam, verum tam à Bojemis, quam ab Vngaris Ordinib. publice approbatam dispositionem hic quoque facere, qua testatur Rex, *Si contingerit Regem Ludovicum filium absque heredibus decedere, Annam filiam, Ludovici sororem, vi juris, exemptionum, & privilegiorum regni Bojemia, legitimam Regni Bojemia heredem futuram.*

Regis Ferdinandi I. Recognitionem posteriorem, sesquianno prius quam uxor ejus Anna regina, in vivis esse desisset, Ordinibus datam, ut & ejusdem Regis liberis paulo post Annæ matris obitum directorii vice relictum Codicillum, cum his consonare, in quo utroque asseverat Rex, *post luctuosum Ludovici Regis in prælio absque heredibus interitum, Annam suam uxorem, utpote Ludovici Regis sororem germanam, & legitime natam heredem, vigore libertatum, privilegiorum, & constitutionum Imp. Caroli IV. factaque à Wladislao Rege Dispositionis, veram quoque, ac ab Ordinibus agnitam & acceptam Regni Bojemia esse heredem, atque Reginam, ideoque Regnum ipsum Bojemia, quam antea persunt, ex regio sanguine sive mascululi, sive femina, non pertinere ad Electionem*

tionem Statuum, sed cadere in superstiti-
tes regii sanguinis personas. Status præ-
terea ipsos recognovisse, quod Regnum id,
non per Electionem, sed per legitimam hæ-
reditatem & successionem ad Annam Re-
ginam, tanquam hereditariam reginam
& dominam, transferit. Probari tamen
hanc denique posse ex usitatis, cum à
Magistratibus inferioribus ac Ministris
quibusvis regis, tum à Burggravio su-
premo, & arcium Pragensis Carolostei-
nianeque Præfectis, ex præscripto le-
gum provincialium præstari solitis, ju-
ramentorum formulis. * Iurare nempe
singulos illos, præter DEVM & Regem,
pariter Regis hæredibus; qui nequaquam
id alias facturi, vel Ordd. ipsi permitturi
essent, si quæri, non nasci, sibi reges sen-
tirent. Assensos autem esse his Regg. suo-
rum Constitutionibus, Attestationibus,
& ordinationibus Ordines Bõhemos pu-
blice universos, elucescit plus quam satis
ex eo, quod earum etiam in ipso legum
regni Codice accurate meminerunt, [.]
profitentes, expresse, eligendi Regis se-
porestatem legitimam non ante habere,
quam cum Aurea Caroli Imp. Bulla, &
Regum, Wladislai Diplomate, Ferdi-

N ——— nandi

* Ius provinc. B. 3. 7. 8. [.] Ius pro-
vinc. A. I. B. 20.

mandique Recognitione, definitus casus inciderit. Accepisse in hanc sententiam privilegia Bojemorum etiam, tam Bavariae Ducem Maximilianum nuper, quam Poloniae Regem Iagellonem jam olim. Bavarum videlicet, cum attentatae recens Electionis Bojemicae acceptationem Friderico agnato * dissuaderet, prudenter monuisse, quod tametsi *Ordd. Boj. suo modo habeant Reges eligendi potestatem; Electionem tamen istam esse quadamtenus, haereditariam, & ad haeredes alligatam.* Iagellonem vero Bojemorum legatis, cum regnum hoc ei offerebant respondisse; [:] *Scire se, Bojemiam Wenceslai regnum, HAEREDITARIO IV-
AE ad Sigismundum fratrem pertinere.*

XXIII. Gestarum praeterea hac in gente rerum scriptores plerosque omnes, esse similiter in hac sententia. Vbique enim, vel ex suo, vel ex populi sensu, in hac causa scribunt, semper haeredum, paternaeque haereditatis facere mentionem. Legi videlicet apud Cosmam (?) scriptorem non malum, *Esse justitiam Bojemorum ut semper inter Principes eorum major natu solio potiatur in principi-*
patu.

*Epist. Monaco. 24. Sept. 1619. data.
[:] Cromer. Polon. orig. lib. 18. (?) hist.
Bojem. lib. 3. ad an. 1100, 1125.*

patu. Et, Sobieslaum (loquitur de Sobieslao seniore) jure hæreditario, in principatus solio elevatum fuisse avito. Silvii verba * similiter esse, quod; Nezamyslus Przemyslo morienti fuerit hæres dictus. Hostivitiu Neclami principis majorem natu filium, hæredem à patre fuisse institutum. Legatos Alberti Austrii flexisse Bojemos, cum Elisabetam Alberti uxorem suaserunt non esse paterna hæreditate privandam, Albertumque & uxoris, & suo jure, & soceri iudicio preferendum. Regina quoque legatos alios, rogasse ut ne Bojemi contra jus gentium, paternam hæreditatem puero [Ladislao] adimerent. Negasse Fridericum Imperatorem, orphani, cuius tutelam gereret, hæreditatem se quoquo pacto invasurum, Ioh. Dubravii [:] esse quoque stylum similem, ut qui scribat, Wenceslaum ætatis prærogativa, partes priores in successione principatus abstulisse, & inter ipsum Wratislauumque fratrem minorem, hæreditatem fuisse divisam. Propinquum morti Brzetislauum Pugnacem, decreto statuisse ut ex principum filiis ne alius ad paternam regni successionem, nisi natu maximus pro-

N 2

zeche-

* hist. Boj. cap. 9. 55. 57. 68. [:] hist. Boj. lib. 2. 7. 1. 17. 19. 28.

veheretur, ceteri fratres, sorte quisque sua contenti essent; Et quemadmodum parens inter filios hæreditatem distribuerat, sic partem à quoque suam ab ipso funere fuisse aditam. Ottacarum Regem, ex Cunigunde uxore superducta, Wenceslaum regni hæredem procreasse. Boemos hærede regni amisso, Pragam in domum Episcopi, ad jus comitiorum coisse. Rudolpho Rege mortuo, ingenti rursus certamine comitia esse inita, & in his Iohannem Praesulem ius Anna, quæ Henrico nupta fuit, ex legibus propugnasse, cum diceret, fratribus non exstantibus, primam sororibus in successione regni causam esse, non quidem ut ipsa regnent, attamen marito regnum acquirere possint, si eum habuerint, quem aut pater, aut regnum illis dederit. Vota omnium & suffragia huc inclinasse, ut Iob. Luxemburgensis Rex postularetur, hac conditione, si Elisabetham regni hæredem in matrimonium acciperet. Nuntium ex Ungaria advolasse nuntiantem, reginam Elisabetham, matrem enixam esse, & perinde regni Boemie hæredem. Wencesl. Hagecum & denique præ omnibus his, rem istam crebrius inculcare. In permultis ipsius narrationibus hæc esse evidentiora cum
ait:

* In Chron. Boem.

ait: *Vogenum* (ann. 804.) à primoribus declaratum fuisse principem tanquam hæredem: *Drachomiram* (ann. 917.) vicariam reipub. administrationem ambientem fuisse in Ordinum conventu protestatam, quod nemo à Bojemis possit eligi princeps, filius ipsius ex marito principe susceptis exstantibus; Ipsorum videlicet; esse in principatu successionem. Convocatos à *Friderico* (ann. 1178.) Barones, Equitesque ipsum statim tanquam *Vladislai Regis* & patris hæredem assumisse in Dominum. *Przemyslum* (ann. 1226.) habuisse id gratum ut *Venceslaus* filius esset suus in regno hæres: *Przemyslum* regis *Venceslai* filium, Boemiæ hæredem (ann. 1254.) copias magnas conscripsisse: *Othonem Brand. Marchionem* (ann. 1279.) machinatum esse ut Boemi universi delerentur, & hæres quoque ipse *Venceslaus* interiret; proceres vero Boemos ab eodem Marchione. (ann. 1280. & 1281.) ut hæredem dominumque ipsorum, quem in arcta custodia tenebat, regno redderet, efflagitasse, nec id prius, quam exsoluta pecunia grandi, impetrasse. *Venceslaum II. Regem* (ann. 1305.) cum vitæ finem erat facturus, filium proceribus commendasse, atque ut ei velut Domino suo hæreditario morem gererent, admonuisse. *Annam* & *Elisabetam*

betam eiusdem VVenceslai filias, in publicis regni comitiis (ann. 1306.) provocasse ad Bojemica privilegia, quae sancirent ut Regno Rex hæres, ubi per marem nequeat, saltem per fœminam optetur. Apud Imp. Henricum VII. (ann. 1310.) professos publice esse Bojemorum legatos, VVenceslaum seniore, cum moveretur, reliquisse regni hæredes VVenceslaum filium, & Annam Elisabetamque filias; hunc vero ipsum Wencellaum, nec marem, nec fœminam hæredes reliquisse; Henricum Carinthium, jure uxoris hæredis regnum occupare. Pragenses Sigism. Imp. cum conventus (ann. 1419.) Brunæ Moravorum ageret, per legatos orasse, ut sua Maj. Cæs. tanquam Dominus & hæres in regnum suum Bojemia veniret; Vertente tamen anno, de ipso tametsi patris hærede ac fratris successore à finibus regni, in primis vero ab Urbe regum sede, penitus arcendo, nec pro domino unquam agnoscendo conspirasse. Sigismundum nihilominus (ann. 1420.) in arbitros consensisse, perque eos Pragensibus, siquidem sibi ut Domino hæreditario subjici vellent, gratiam obtulisse, & præteritorum oblivionem sancire voluisse: Spretam tamen fuisse admirandam hanc Imperatoris lenitatem, & Pragenses in factum per primores Bojemos, de arcendo

cendo à sceptris Bojemicis hæreditario Rege ac domino, Decretum Czaflavianum, (ann. 1421.) consensisse. Commotum rei indignitate Imp. ad Ordines universos Czaflaviam scripsisse, & solenniter denūtiasse, *quod si pergant ipsum iniquis istis rationibus hæreditario suo regno Bojemix excludere, non sit injuriam tam enormem diutius neglecturus; Commentum enim esse, & ab omni ratione alienum, quod spargant hæreditatē suam & regnum proprium esse aliqua ab se infamia commaculatum. Reductos igitur (ann. 1422.) in viam fuisse regia denuntiatione hac ex nobilitate non paucos, & contra satagentes Coribati in regnū inaugurationi cives Pragenses, magna contentione decertasse, ac, propterea quod Regem jam ante haberent legitimū Wenceslai fratris successorem, Carolique patris hæredem, Sigismundum Imp. in Regis Rusi coronationem consentire noluisse.* Sublato è vivis Alberto Rege, Reginam enixam fuisse filium patri posthumum Ladislaum. Hunc à Bojemis, & prius, & post, (ann. 1440. 1441. 1443. 1444. 1446. 1451. 1453.) quam fuit natus, votis concordibus compluries, ac cum Procopii Rabesteinii, tum Friderici Imp. judicio, *verum patris hæredem fuisse pronuntiatum.* Cum Wladislaus Rex

decessisset, Ludovicum filium, (an. 1518.)
 misso in Bojemiam Ioh. Zierotinio, po-
 stulasse ab Ordinibus, ut *tanquam Do-*
minus ipsorum hereditarius, & Rex Bo-
 jemiae coronatus, ad regimen admittere-
 tur. M. Danielelem Veleflavinum, * et si
 recentiorum, iudicio tamen & diligen-
 tia, scriptoribus illis vetustioribus nihilo
 inferiorem, id quoque agnoscere. Vo-
 care eum, ratione videlicet eadem, Eli-
 sabetam Sigismundi, & Annam Vladi-
 dislai, Regg. filias, *unicas regnorum Un-*
gariae Boemiaeque heredes; qui scripto-
 res omnes, cum & terantur complurium
 manibus, & probentur à plerisque omni-
 bus, fieri non posse, ut tam concors, to-
 tiesque repetita ipsorum assertio, in du-
 bium merito possit vocari. Nihil obstat
 quod iactant cerebrosi quidam, frequen-
 tem scilicet, & in ipso legum Bojemica-
 rum Codice, & in his ipsis historiae pa-
 triae scriptoribus, occurrere usum vo-
 cum *Wolenj*, & *vvoliti krázie* vel *krá-*
le. (:) Iis namque non nisi abusive si-
 gnificari, quod ipsi comminiscuntur,
Elestionem, & *Eligere principem* vel *Re-*
gem; sed revera, quemadmodum in
 ceteris

Calend. histor. in Genealogia Caro-
li IV. & Ferdin. I. (:) *Ius hered.*
Ferd. II. pag. 41.

cæteris hæreditariis regnis est usitatum, *Acceptationem seu assumptionem, & acceptare, seu assumere principem vel Regem.*

XXIV. Hæc autem sunt quæ à juris Regum Bojemorum hæreditarii patronis produci, ut adamantina, observavimus, & ex verbosis dissertationibus, in narrationem breviorē contracta, exponere volumus. Dabis jam nobis, amice Lector, veniam, si Minerva fortasse, quam res exigit, pinguiore, alterius quoque partis, & eorum, qui Reges Bojemis nasci negant, quique viros principes, liberis populi Bojemici suffragiis legi, ac ad reipub. gubernacula vocari contendunt, hac tempestate protracta in lucem argumenta colligere, ac pro institutione nostri, recensere tentaverimus. Provocant igitur etiam illi, ad vetustam consuetudinem & observantiam perpetuam, regni privilegia, observantia istius priscæ confirmatoria, non largitoria, Pontificum Romanorum, aliorumque principum exterorum iudicia, & historiam.* Consuetudine apud omnes Slavici nominis gentes usitata, & longa, per secula aliquot continuata ob-

N 5 *servan-*

* *Deductio caussarum abrogata Ferdin. II. dignitatis Bojem. parte 1.*

servantia, ajunt (:) jus sibi id quæsisse Bojem, ut, multo quam Australis mundi plagæ gentes, liberius viverent, nec nisi creatis, voce votoque populi omnis, magistratibus, morem gererent. Virtutis meritorumque opinionem, non sanguinis jura, in iis qui reip. gerendæ destinabantur, fuisse spectata. Neminem id posse negare, cui vetustatis Czechicæ exempla non sunt ignota. Primos gentis conditores, cum in regionis oras commigrassent, nec judicem, nec principem habuisse: Quicumque in sua tribu, *persona vel moribus honoratior habebatur, sine exactore, & sine sigillo, ad eum confluisse, & de causis dubiis, ac illatis injuriis, salva libertate, disputasse.* * Inter honoratiores illos, fuisse Czechum quasi omnium primum, cujus moderatione monitionibusque paternis sit factum, ut ipsum multitudo omnis, non modo præ cæteris venerari, verum & genti novitiæ toti, cognomentum ex ejus nomine adsciscere voluerit. Cum vero gente temporis progressu multiplicata, & Czecho sene dudum morte sublato, (quia reipub. clavum nemo tenebat)

conten-

(:) Procop. de bello Gothico lib. 3. Bodin. de rep. lib. 3. * Cosmas rerum Bojem. lib. 1. princ.

contentiones ac altercationes, vulgo frequentes orirentur, collatis in commune sententiis, ventum eo esse, & populo omni placuisse, ut reipub. moderandæ præficeretur cum dignitate aliquis unus, quem populus liber, muneri isti obeundo idoneum sponte delegisset. Et quamvis superstites in populo erant nati stirpe clara viri, qui sanguine Czecho iungebantur, quique, si hæreditarius fuisset Czechi principatus, à successione excludi jure nequissent, * *Crocum tamen*, procreatum diverso genere virum, iis fuisse prælatum, & voce populi publica, gubernandæ multitudini præfectum. Cumque is, ordinata apud Bojemos repub. Polonis tandem, (:) eadé ab iis de causâ evocatus, vellet, ut propinquis, similiter gratificari, translatam ab eo, populi suffragiis, fuisse dignitatem in filium patri cognominem Crocum juniorem. Et ex hac origine fundamentoque profluxisse apud Bojemos jus principum Electione creandorum, ac via hac unica, principes regesque, quotquot genti cum imperio præfuerunt, dignitatem suam esse consequutos.

XXV.

* *Pulcava hist. Bo. c. 3. Hagecus ad an. 670. (:) Al. Guaguin. compen. rerum Polonic. M. Daniel. Calend.*

XXV. Exercuisse vero jus id populum Bojemum, in viridique observantia tenuisse perpetuo, tam cum domesticos sanguinis regii principes reipub. dabat, quam cum peregre ipsos, ex extraneis familiis cooprabat. Apparere id in quadraginta fere continuis actibus, quibus post minimæ natu Croci filia Libusæ viraginis duodecennalem reipub. administrationem, totidem Bojemi sanguinis principes, intra septingentos & septendecim præter propter annos, traduntur communi populi omnis voluntate rerum summæ fuisse præfecti. * Sublatis è medio tandem, anhelantium ad premendam imperio Bojemiam æmulorum ex Austria artibus detestandis, patre quidem Wenceslao II. (an. 1305.) veneno, & unico ei cognomine filio Wenceslao III. (ann. 1306.) percussoris telo, (:) tamen Suihovii, Hasenburgique Barones; illi ex Vladislao Wratislai Regis primi filio quintogenito; hi vero ex Casta Croci Ducis filia natu maxima, legitimis natalibus descendentes mares, præsto erant, neutiquam tamen, vel

* Hagecius ad an. 715. 720. (:) Pulcava histor. Bojem. cap. 88. & 89. Chron. Boleslaviensis. Michov. lib. 4. cap. 3.

vel ipsos illos, juris hæreditarii prætextu, ad regnum adspirasse, (quod alioquin si hæreditate, non electione, regnum hoc deferri credidissent, haudquaquam prætermisuri fuisse videntur) vel populi suffragiis vocatos esse. Electum nempe esse, fugato competitore Henrico, Rudolphum Alberti I, Imp. filium (*ann. 1306.*) principem sanguinis, jure nullo subnixum, qui interemto Wenceslao Regi succederet. Spontanea vero, an extorta fuerit ista Rudolphi Regis electio, de eo litem intendere non esse opus. Constare id tamen, cum idem Rudolphus, anno in regni administratione nec dum plane completo, vitam (*ann. 1307.*) commutasset cum morte, inter Boemos, de Regis electione, acres excitatas fuisse cōcertationes, aliis alium volentibus; donec post altercationes acerbæ, etiam invito Imperatore Alberto, Henricus, nuper à Rudolpho profligatus, Wenceslai rucidati sororius, calculo partis majoris, rerum est potitus. Huic triennio post, quia impotenter & avare tempus gerebat, potestatem ab Ordinibus fuisse abrogatam, & Iohannem Henrici Imp. filium (*ann. 1310.*) * Regem postulatum & unctum. ~~Illum~~
 ~~postea~~

* *Chron. Eluvangense.*

postea quam ex uxore Elisabeta Wenceslai Regis cæsi sorore natu minima, plures procreasset filios, fecisse quidem, quid post mortem suam iis fieri vellet, Dispositionem paternam; sed cum metueret, ne ea ab Ordinibus aliquando, ut scriptura privata, pro nulla censeretur, (*ann. 1341.*) postulasse in comitiis calatis, ut eam ratam haberent, & ex filiis, quem vellent, successorem sibi designarent Ordines. Quod etiam impetravit. Regnasse igitur post eum, de populi assensu absque controversia, cum filium Carolum, tum nepotem Wenceslaum. Wenceslai morte, (nullos enim habebat liberos) fratrem ejus Sigismundum Imperatorem, gessisse se quidem pro regni hærede, Bojemis proceribus nonnullis in hoc etiam ipsum adulantibus; quia tamen nova erat ejus hæc prætenso, atque is interea, nec exspectato legitimo Ordinum assensu ac vocatione, absque comitiis, arce Pragensi regia utraque occupata, & militum præsidio commeatuque communita, in paucorum Bojemorum præsentia, ac inter strepentina, (*ann. 1420.*) collecti ex peregrinarum gentium colluvie, militis arma, coronam regni arripuit, difficilimos in perferenda, exemplo olim nocitura hac insolentia, ex nobilitate plurimos, tum in-

primis

primis Pragenſes, eſſe expertum. * Non ſolum enim à gerēda repub. ignominioſe rejiciebatur, ſed & electos Wladiflaum, Iagellonem, Witoldumq; & Coributum, regni ſibi æmulos ac adverſarios objici dolebat. (:) Vix tandem anno quindecimo poſt, cum jam mutuis ſe vulneribus Bojemi attriviſſent ipſi, pacis artibus magis, quam vi armata, ægerrime obtinuiſſe, ut violenta iſta ac illegitima coronæ regni apprehenſio ſua, (ann. 1435.) conventu Ordd. frequenti, rata haberetur; ac decretum de ſe ad regni ſceptra admittendo fieret. Morienti Sigifmundo ſucceſſiſſe populi Electione libera, vocatos ad regna ex Auſtriaca, Cunſtataæ, & Iagellonica familia Reges, ante Ferdinandum I. quinque. * Omnes illos faſſos eſſe ipſos, Ordinum ſe decreto ac electione libera, ad dignitatem regiam perveniſſe. Ferdinandum I. Ludovici ſororii ſororium & ſucceſſorem, (?) item Maximilianum ejus filium, ut & Rudolphum Matthiamque nepotes, eadem, non diverſa via ac lege ad culmen in Bojemia

* *Dubrav. lib. 24. (:) Dub. lib. 26.*

* *Silvius hiſt. Boj. cap. 55. Hæc. ad an. 1453. 1458. (?) Wladifl. privilegia varia, & facta vice Ludovici Recognitio.*

jemia regium conscendisse, id quod ex omnium illorum usurpatis eam in rem, cum prensationibus, tum scriptis documentis, cuius sit obvium. Etenim Ferdinandum I. quamvis initio, *mere privata*, quæque nec comitiorum decreto, nec sigillo regni publico vim legis unquam accepit Wladislai soceri, de Anna uxore dispositione (*ann. 1510.*) seductus, postulabat per legatos, ut cum uxore regni hærede naturali, Rex in dotale regnum, vi factæ à Vladislao transactionis asumeretur; (:) cum tamen nihil suæ prætensionis isti ab Ordinibus deferri intellexisset, & aliquanto tamen post, ex renuntiato ad se Electionis decreto, melius comperisset, Regem se oportuisse declarari, non hæreditarii juris cuiusquam necessitate vel prærogativa, verum suffragiis populi liberi liberis, gratum id habuisse totum, & comprehensa literis Recognitione, publice esse professum, *quod Barones, Nobiles, & etiam Civitates, & tota Communitas Regni Bojemia, ex sua libera & bona voluntate, juxta libertates illius Regni ELEGERINT se in Regem Bojemia, non ex aliquo debito. At vero confirmatum tandem in Regno,*

(:) Legator. Ferdin. ad Boemos *ann. 1526. in comit. postulata.*

malis hominum turbulentorum, proditorumque patriæ nonnullorum consiliis esse usum, qui libertati Bojemorum illi in occulto invidebant, viasque ejus quoquo pacto opprimendæ circumspiciebant. Et quamvis complura, tam augendo domus Austriacæ splendori opportuna, quam evertendis Bojemorum privilegiis institutisque veteribus servientia, (*ann. 1545. 1546. 1547.*) extorta paulatim Ordinibus fuere, animadvertisse tamen brevi post, Regem sagacem, malum fore diuturnitatis custodem metum, & ea quæ violentis rationibus istis, genti hæreditarios dominos natura averfanti extorsisset, nec diu duratura, nec apud posteritatem locum inventura. Ea propter neque Carolinæ declarationi, neque foceri dispositioni, neque obtrusæ ab se Ordinibus vel obreptitiæ Recognitioni posteriori fidere voluisse, sed comitiis Pragæ (*ann. 1549.*) indictis clementissime postulasse, ut Maximilianus maximus natus filius, Rex Bohemicæ ab Ordinib. designaretur, & mortuo sibi successor declararetur. Assensisse postularis regiis Ordines, & usurpandorum Bojemici Regni insignium ac tituli, Maximiliano (*ann. 1562.*) potestatem fecisse, coronatione in patris mortem data, quæ anno post decimotertio demum fuit

O peracta.

peracta. Latum vero Ordinum voluntate tam prompta Maximilianum, Validoletto datis literis, perque Henricum Wallensteinium, prolixas iis (*an.* 1554.) egisse gratias, addita Recognitione, qua reipub. de ea ex legum præscripto olim gubernanda, cavebat. Vicissim, cum idem Maximilianus Rex, anno ab inauguratione sua duodecimo, Ordines Bojemos pro more convocasset, Ernesto filio & Vratislao Perensteinio ipsum mandasse, ut Rudolpho filio natu maximo, regni procures prensatione privata conciliarent, qui eum populo commendatum, Regem sibi assumerent ac declararent. Sed cum Wilhelmi Rosensis reguli, clandestina prensatione ista offensi, & Bojemis in Regum delectu eandem, qua Poloni gauderent, esse libertatem, Bojemicumque diadema dignum probe esse in quo petendo opera major collocaretur, palam dictantis, responso, ab incepto illi desistere, atque ad Regem Imperatorem reverti re infecta essent coacti, Maximilianum demerendo Rosensi, per Richandum Streinium arcem Raudvicenam cum opido ac latifundiis universis obtulisse, & nihilominus commitiis publicis ejusdem filii sui, eodem modo quo (*ann.* 1575.) Rudolphus ipse postea Matthiæ fratris designationem ab
 Ordi-

Ordinibus precario tandem quærere habuisse necesse, & conditionibus certis impetrasse. Rudolphi denique & Mathiæ Regg. confessiones, liberæ creatorum regum potestatis Bojemicæ testes, ut & Coronæ Regiæ ab Ordd. postulationes, cum in transactione ad Pragmā inter fratres facta, tum in mandatis, quibus legati ad comitia Pragensia (ann. 1608.) missi Bojemo-Brodæ instruebantur, inque Recognitionibus, tempore quo Matthias Rex tum designandus tum inaugurandus erat, Ordinibus ab utroque datis, esse, repetito subinde liberæ *Electionis* vocabulo, expressas, quatum, quia plurium manibus teruntur, recitare verba nihil attineat.

XXVI. Accedere his omnibus tacitam hæreditarii in Regno Bojemo juris ab ipsis Regum liberis refutationem, quod inter eos inventus hæctenus fuerit nemo, qui more in hæreditariis provinciis frequentato, Bojemix se principem vocaret ipse, vel à Patre, aliove quocumque, vocari sustineret. Alioquin, nisi notoria esset legendorum pro arbitrio principum apud Bojemos libertas, nequāquam illos vel designationem coronamque à populo sibi obnoxio fuisse tam sollicitè exposcituros, vel à principatus hæreditarii titulo abstenturos. Quin

nec Regem quidem hætenus ullū fuisse, qui ab inauguratione sua, non regnum hoc suum, à provinciis, quas habebat, hæreditariis, loquendi etiam formulis distinxerit, quique Rex hæreditarius vocari gestierit. * Quod si id quis vel maxime attentasset, Ordines proculdubio fuisse, vel intercessuros, vel *hæredis* aut *hæreditarii* voces, non aliter quam pro successore vel possessore accepturos, sicut videlicet eas olim in suis ad Ottonem Marchionem, & Frider. III. Imp. legationibus accipiebant, &, ut non raro eas in ipso jure quoque Cæsareo (:) accipi constat. Esse audaciam affirmandi non ferendam quod adversarii dicant * *Brati, vuzyti, prziziti, vznati krale, & zvoliti krale*, in Bojemica lingua esse indifferenter æquipollentia. Nam quod inter *sumere, accipere, acceptare, agnoscere Regem, & eligere seu deligere Regem*, discrimen Latine loquentes statuere cunque velint, idem revera in Bojemica lingua, si nativam vocum significationem servemus, esse statuendum. *Diédiczny & Woleny Kral*, Bojemis

awto-

* *Speculum Proscripti à Ferdin. Fri-*
der. (:) ff. l. 37. tit. 1. §. 1. & l. 50.
*tit. 16. §. 138. & 170. * Ius hæred.*
Ferdin. II. pag. 41.

αὐτολῆς tam inter se opponi, quam Latinis *hereditarius & electus Rex*.

XXVII. Nec esse quod moremur, si quis in consequentiam juris hereditarii trahat, quod in hujus regni principatu, maximam partem ejusdem stirpis ac sanguinis principes, alii aliis successerint. Idem agi in Imperio Germanico, quod inde a Sigismundi Imperatoris obitu ad hunc usque diem, totis fere annis ducentis, non nisi ab unius familiae Impp. fuit administratum. Videri idem in Ungariæ Poloniaque regnis. Et actus quosvis, esse ex agentium intentione dijudicandos, contractusque ex contrahentium proposito vel destinatione regulandos. Ingratitudinis esse indicium, & inceptum absurdo absurdius, ex mere voluntaria ac liberrima facultate, contra agentium mentem voluntatesque, facere velle necessitatem. Quod Rex alter alterum ex eodem genere exceperit, virtutibus id, & innato erga regiam prolem Bojemicæ nobilitatis studio esse adscribendum.* Merita hinc regum, non hæredes, in filiis coronari. Bodinum (:) sane vere & acute scribere, quod, tam-

O 3.

etfi

* *Beſold. de ſucceſſ. regia lib. 1. diſſ. ſeri. v. (1) Bodin. lib. de repub. 6. cap. 5.*

etſi Bojemi, Poloni, Dani, Tataſi Nyl-
LA VI ſibi Regum creationem eripi pa-
tiantur, filios tamen omnibus anteferri
putent oportere, ut ſucceſſionis benefi-
cio bellorum civilium ſtirpes elidantur.
Ex conſtante ergo tot ſeculorum obser-
vantia, luce meridiana clarius juſ illud
eſſe, quod Bojemi eligendis voluntate
populi libera ſuis Regibus jam olim uſi
ſe cepiſſe, & hodie quoque integrum ha-
bere contendunt.

XXVIII. Obſervantiam hanc diu-
tiurnam illuſtribus etiam inclytorum
Ducum & Imperatorum, Sobieſlai nem-
pe ſenioris, Philippi, Friderici II. Ca-
roli IV. aliorumque, diplomatis eſſe
Bojemæ genti confirmatam. Publicis vi-
delicet id genus Inſtrumentis, confirma-
tum ſaltem fuiſſe creandorum ſuffragiis
principum morem patrium priſcum, ac
approbatam, non datam tum primum
genti, uſitatam hanc perpetuamque ob-
ſervantiam. Neutiquam ſcilicet opus ſibi
vel olim fuiſſe, vel hodie eſſe privilegiis
ullis aut conſeſſionibus, acquirendo de-
monſtrandove ei, quod inde à primis
originis ſuæ authoribus, accepiſſent, ha-
buiſſent, & quo ſtudioſiſſime uſi ſem-
per fuiſſent. Et primum quidem à So-
bieſlao Bojemorum Duce, conſentiente
populo univerſo, comitiis calatis, deli-
bera-

beratione matura, rempub. Bojemam accuratius fuisse ordinatam, & lato de creandis in posterum principibus Bojemis decreto fundamentalis, lege æterna cautum, (ann. 1135.) ut *Vacante principatu Bojemo, Barones, Equites, Civitates, Praefecti siue ecclesiastici, siue seculares, ac clientes provinciae, Pragam convocentur ad diem universi & votis consentientibus principem intra triduum eligant. Quod si in partes scindantur, nec convenire inter se possint, tum eum vocem habere, principemque declarari debere, quem Senatus & Civitas Pragensis suffragio approbasset. Principem porro electum, priusquam rempub. capeisset, adeoque quam primum Pragam sit ingressus, Baronibus, Equitibus, Civitatibus, de ratis habendis tuendisque eorum jurib. ac libertate, debere sacramento cavere. Si quando vero Princeps vim ab hostibus inferri provincia sinat, injuriamque istam ac dedecus negligat, Ordines tum universos, nec vectigalibus ei, nec obsequiis ullis amplius teneri, nisi emendet, ac praestito ante magistratum initum sacramento satisfaciat.* * Iurare in hanc legem solitos Duces Regesq; Bojemiae posteriores omnes. A Philippo Cæsare, Bojemis ob Prze-

* Hagecus ad dict. ann.

mylli Ducis, gentisque fortitudinem (ann. 1200.) non solum Regem datum, verum & privilegio insigni, eligendorum regno temporibus æternis Regum potestatem, magnis principum Imperii acclamationibus Moguntia esse roboratam. (:) Hoc tamen ipso, principum Bojemorum dignitati, non usitata in optando magistratu summo, gentis libertati, novi aliquid accessisse. Imp. Cæsarem Frid. II. patris patruique vestigia prementem, privilegio similiter luculento Bojemos ornasse, voluisseque in perpetuum, ut QVICUNQUE AB IPSIS IN REGEM ELECTVS fuerit, ad Imp. accedat, regalia DEBITO MODO recepturus. (?) Velle videlicet Fridericum, ut principes Bojemorum omnes, sint posthac & saluentur, non, sicut antehac, Duces, verum Reges; & id quidem, non qui hæreditatem paternam creverint, sed qui ad dignitatem, populi Bojemi electione pervenerint. Carolum IV. Imp. cum stabiliendæ in Germania paci Bullam Auream (ann. 1356.) Noribergæ conde-

(:) Hagecius ad an. 1200. Buxdorf. in Dissert. ad Aur. Bull. thes. 82. Dresser. millenar. VI. part. secunda. 1212. (?) Hagecius ad an. dist. Alleg. Deduct. Boj. pag. 41.

conderet, similiter privilegia hæc delibera Ordd. Bojemie in præficiendis regno Regibus, electione, solenniter confirmasse, cum attestatur, (:) *Vacante regno, Bojemie regnicolas jus habere eligendi Regem Bojemie juxta continentiam eorundem privilegiorum, & observatam consuetudinem diuturnam.*

Ius autem illud Regis eligendi, ex diuturna eaq; observata consuetudine à populo Boj. nec quæri nec haberi potuisse, nisi regnū multo ante Caroli Imp. ævum aliquoties vacasset. Vacasse porro id non quod Reges liberis caruissent, vel dignitati sponte renuntiassent, vel exturbati à potentiore fuissent, sed quod morte extincti, locum successori à regnicolis eligendo vacuum reliquissent. * A Wladislao rege ejus nominis in Bojemia secundo, cum dissidentibus adversus nobilitatem Civitatibus, sedens pro tribunali jus aliquando redderet, legem regiam esse latant, ut posthac ab Regis cujusque obitu Regi electione creando comitia intra mensem habeantur. Nec tanti esse æstimandam, vel aliam Caroli Bullam, illam privilegii Fridericiani, (quod bona quorumvis pace sit dictum)

O s elu-

(:) *Aurea Bulla cap. 7. §. si vero al.*

* *Decision. Wlad. R. an. 1502. §. 1.*

eluforiam magis quam declaratoriam; vel ea vetustiorẽ Rudolphi I. de Bojemico Electoratu Attestationem Imperatoriam; vel bellum Smalcaldicum; vel Regum fortasse Bojemorum offensas; ut concessionẽs tam inclytas, ac pacis in Imperio conservandæ basin unicam, uno quasi ictu rescindant, vel ob privata cuiusquam emolumenta, causamve quamvis aliam, ratione ulla convellant. Declaratoriam certe Bullam istam, esse multis modis vitiosam. Factam esse (an. 1348.) præter Bojemorum intentionem, à diversum rogato, nec reipub. sed caritativis domesticis prospiciente Carolo nec tum Cæsare; abrogatam ab ipso, cum privilegiorum Bojem. confirmatione eodem die, tum initis postea (an. 1366. reciproco contractu, cum domo Austriaca pactis contrariis, quæ & ipsa quoque, jam olim sint à Friderico III. (an. 1462.) remissa ac abolita; adeoque rejectam etiam à Bojemis per complures actus contrarios. Et sane, qualis qualis est, sibi eam ipsi repugnare, cum confirmatam à Frid. II. Bojemis regum legendorum libertatem, nunc ad defectum tam masculini quam fœminini regum sanguinis restringit; nunc *per quemcunque modum* vacare contigerit regnum, ad *Praelatos, Duces, Principes, Barones, Nobiles*

biles & Communitatem regni & pertinentiarum ejusdem, rite, julte, & legitime, in perpetuum pertinere concedit. Attestationem Rudolphi I. (ann. 1290.) Ephordiensem, esse ex eo rerum genere, quæ non multum sint expetendæ. Imperatorem enim hunc, (ann. 1261.) cum Ottacaro Regi patri, quæritas legitimo investituræ Cæsareæ titulo provincias tres nobilissimas, Austriam nempe, Stiriam, & Carinthiam, (ann. 1276.) per vim dolo mistam, eripuisset, & mortis ei se causam dedisse doleret, Wenceslao filio, in generum jam quoque adscito, Regi tum ob ætatem (annos is explebat demum viginti,) demulceri adhuc oportuno, in compensandæ injuriæ paternæ vicem, ludicro isthoc, fucum facere non intempestivum duxisse. * Hæredum Regis generi jura inculcare ipsum hoc diplomate tam operose, ut de jure ac libertate Bojemica vel opprimenda cogitasse ipsum, vel non, quemadmodum oportuit, probe informatum fuisse cognosci queat. Dicere namque hîc ipsum non potuisse, vel à Rege, vel à populo Bojemo, se, ut id testaretur, fuisse interpellatum. Titulos videlicet dignitatis dare,

* *Annal. Henry. Steronis. H. Mutius lib. 21.*

dare, quam vitulos reddere, oppido fuisse fatitus, si tamen is quicquam tibi dedisset est censendus, qui ex ille, quem ante habeas, unciam vel sextantem quoque decerpit. Nec enim nihil esse, quod quidam quantunt, an non honor Regum Bojemitarum ac dignitas maior tum fuerit, cum ille ex Ottonis IV. constitutione, convenientibus ad diem, creandi Romanorum Regis causa (ann. 1209.) Imperit Electoribus, in ipsorum collegio fessitabant dissidentium votorum arbitri, quam cum ex Rudolphina hac attestatione collegarum loco esse ceperunt. Bellum Smalcaldicum quidem, (ann. 1547.) sicut Germaniam, ita & Bojemiam calamitate multis nominibus lugenda involvisse, Auream tamen Bullam Carolinae posterioris, ne vel unum iure dispunxisse vel imminuisse. Bojemum per id tempus Regem, vulgaris toto regno, ac paulo post etiam typis descripto volumine uno comprehensis suis editis, citationibus, pro tribunali accusationibus, condemnationibus, palam certe fecisse, offensae, quam vindicare constituisset, causam, perduellione (ut interpret-

Goldast. Constit. tomo 3. Fascic. temporis aetate sexta ad an. 1004. Chron. Boleslavien. cap. 48.

terpretabatur,) dedisse ex Ordinum regni corpore proceres, equites, civitates sane complures, sed regni tamen corpus totum nequaquam. Novum igitur non immerito posse videri, quamobrem non solos authores suos tenuerit poena, sed evagata etiam latius, ad regnum totum redundarit? aut quamobrem disposito passim ad terrorem in armis milite, conventu Ordinum non suo, in publico legum provincialium Codice, non tantum usitata* juramentorum formulæ insolentibus hæredum regionum auctariis interpolabantur, verum etiam, custos libertatis priscæ de regibus creandis (:) lex regni vetus & fundamentalis, antiquabatur? nova, & illa certe ad oblitteratam dudum Bullam Carolinam, Vladislai Regis privatam nec publice unquam ab Ordd. legis vim indeptam dispositionem, Regisque, ipsius qui hæc jubebat, recognitionem post annum à coronatione sua duodevigesimum obreputiam, alligata surrogabatur? hocine fuit, velut Sambucus (?) arbitratur, libertatis amplitu-

* *Ius provinciale Vetus mihi Oâternione H.vj.O.x. Novum B.ij.vj.vij.*
 (:) *Ius provinc. Vetus mihi O.iiij.b. & O.vj. a. b. Novum A.j. B.xx. (?) O-rat. in obit. Ferd. I.*

plitudinem castigare? an non novationibus id genus, invehendo sensim domum natui hæreditario usus fuit? Quæ si, vel his forte graviora recentiora, tantopere quem terreant, ut Bojemos fuisse aliquando Troes lugeat, eum cogitare debere, posse olim surgere ætatem, quam melior fortuna sequatur; Et, quod vel metu sit, à Prætore non haberi ratum!

XXIX. His obiter ad hunc modum productis, succedere Pontificum Romanorum, principumque exterorum, de Bojemica in Regibus optandis libertate consentientia judicia. Clementem Papam interpellatum à Bojemorum rege Iohanne, de danda Archiepiscopo Pragensi consecrandi Reges Bojemos facultate, gratificatum ei esse, & Bullam Avénione (ann. 1343.) edidisse, qua Archiepiscopo eidem, inaugurandorum ritu solenni, haud quaquam pro hæredibus se gerentium, sed futuro tempore quovis electorum, in Boemia Regum, potestatem facit. Diserte enim ab ipso statui * *ut Archiepiscopus Pragensis, qui est, vel erit posterioribus temporibus, concessa sibi ab Apostolica sede facultate, prædictos Boemie Reges, in fide & religione, Ecclesia*

* Hagecus.

*clesia Romana addictos, qui Electi fuerint, ungere, coronareque cum solennitate ad id requisita possit. Eandem præterea Bullam esse testem, Iohannis Regis non diversum quoque in hac causa fuisse iudicium, ut qui (Clemente recensente,) studiose & humiliter orarit, ut Reges Bojemi, qui tempore posteriore fuerint ad Regnum ELECTI, suæ unctionis coronationisque solennia, ex manibus Archiepiscopi Pragensis, qui pro tempore esset futurus, sumere possint. Eugenium quartum una cum Synodo, quæ tum Basileæ convenerat, ad Albertum Austriam Sigism. Imp. generum, & Cazymirum Polonum, electos in dissidio Bojemix Reges, Oratores quidem de pace suos, Wratislaviam misisse, quam cum ii plene conficere non possent, multis hinc inde jactatis, (ann. 1439.) rem eo perduxisse, ut potestas fieret Bojemis, denuo quem vellent regem creandi, id quod tamen mors Alberti regis abruperit. * Pium pontificem, rerum Bojemicarum inprimis scientem virum, scisse probe quod Georgius Rex, unico electionis, nullo hæreditatis, titulo, ad Regnum Bojemix fuerit à Regnicolis vocatus; ut legitimum*

samep.

* *Ant. Bonf. rer. Ungaric. decad. 3. lib 4. Cromer. de Orig. Pol. gent. lib. 41.*

tamen Regem eum ad conventum Mantuam (an. 1458.) invitasse, & Wratislavienfibus præcipiendo (an. 1459.) mandasse, ut desistere à calumniis omnibus vellent, & ita se erga eundem REGEM habere, ea non denegando, quæ ei deberentur jure. Sixtum IV. cum Imp. Fridericum III. ob investitum Wladislaum Regem increpabat diserte scripsisse. (ann. 1477.) quod nemini sit dubium solos proceres Boemos qui sint Catholici, & à quibus Matthias Corvinus antehac fuit in Regem ELECTVS, habere legitimam Regis eligendi potestatem, & Sedem Apostolicam ex authoritate sua potuisse pronunciare ELECTIONEM Wladislai Poloni, propterea quod ab hæreticis fuerit facta, de jure esse invalidam, & quacunque in electione ISTA essent decreta vel constituta, vim nullam habere. Principum aliorum de Bojemorum in optandis regibus libertate, ac jure manifesto cognosci judicia, ex eorum expeditis ad Boemos legationibus, quibus in comitiis creando Regi dictis, orando, prensando, pollicendo, largiendo, haberi sui suorumque rationem postulabant, coronamque ambibant. Fecisse id (an. 1307.) Impp. Albertū pro filio Friderico, Henricum VII. (an. 1310.) pro fratre VValramo, Sigismundum (ann. 1437.) pro Alberto

Alberto genero, Carolum Galliarum Regem (ann. 1458) pro filio : & pro se vnicissim quemque, Frider. nempe III. Imp. (ann. 1471.) Cazymirumque Poloniae, & Matthiam Vngariae Reges, VVylhelmum Saxoniae, Sigismundumque & Albertum Austriae, ut & VVilhelmum Ludovicumque Bavariae, Duces, (ann. 1526.) quosdamque alios, qui, si haereditate reges regno obvenire judicassent, neuiquam in tanta Bojemici sanguinis regii principum, sexus utriusque multitudine, invadenda haereditati alienae, in totius orbis conspectu, tantopere invigilatueros fuisse. Poloniae Regem VVladislaum, * factam Cazymiri fratris electionem Bojemicam, non modo pro legitima agnovisse, sed & in Albertinorum de ea repudianda missorum ad se legatorum conspectu, impediturum eam negasse. Invitato ad sceptrum Bojemica Alberto Bayaro, incaessentis iis obstitisse, non tam haereditatis alteri debita opinionem, quam distractam in studia contraria gentis religionem. Etenim eum (ann. 1440.) cum electionem de se factam renuntiassent legati, & articulos religionis Bojemicae in quos consensuisset, recitassent, Bojemica

P lingua

* Bonfin. decad. 3. lib. 4.

lingua (ut fertur) respondisse. *Si quis stans districto telo, me aut vitam deponere, aut in articulos istos consentire juberet, vitam amittere, quam consentire maluerō*: Egisse denique genti toti gratias, nec dignitatem, quæ offerebatur, gratiam habuisse. [.]

XXX. Iam verò quod Pontifices Romani, Imperatores, principes, adeoque Reges etiam quidam Bojemix vel regnicolæ ipsi, in Bullis, Rescriptis, pactionibus, contractibus, literisve suis, hæreditatis & hæredum regionum Boj. faciebant quandoque mentionem, notariorum id incogitantix ac oscitantix esse imputandum. Abreptos namque stilo Curix alias apud Reges populosque hæreditarios recepto atque frequentato, in his esse hallucinatos, nonnullos præterea non tam axiomatis quam sanguinis hæredes scribendo intellexisse. Sed & clausulas id genus, quæ ex notariorum consuetudine apponuntur, parum operari, à Collegio I. C. Bononiensi, esse jam olim in causa Finariensi responsum. * Nec nihil esse, quod uni hujus generis literario instrumento, sexcenta, tum vetera tum recentiora, possunt opponi, quæ in materia

[.] Hagerus. *Specul. Profer. Frid.* pag. 138.

* Iac. Menochius *Resp. in causa Finar.*

materia alioquin competenti, hæredes prorsus fuisse præteritos ostendunt. Si historiam quis, sive domi, sive peregre scriptam, velit evolvere, & omnia quæ ad hanc causam facientia occurrerint allegare, habiturum testium pelagus patentissimum. Cosmam, Hagecum, Dubravium, domesticos; Mutium, Bonfinium, Cromerum, Roo, peregrinos, esse instar omnium. Passim ab illis doceri Bojemus jus liberum habere Regum populi suffragiis regno præficiendorum, & jure etiam hoc suo, quoties casus tulit, semper usos libere. Cosmam * referre, quod cum Przemyssus ad principatum accerseretur, his ipsum legati compellarint verbis: *Domina nostra Lybussa, & plebs universa, mandat ut cito venias: te ducem, te judicem, te rectorem, te protectorem, te solum nobis Dominam ELEGIMYS.* Referre porro eundem; *semper in Ducis ELECTIONE fieri, ut decem millia nummorum, aut plus, in populum spargantur. Zpitihnevum omnes Bohemica gentis magnos & parvos, Communi consilio, & voluntate pari, (ann. 1055.) elegisse sibi in Ducem.* Imperatorem cum pecunia ab Vldrico expugnabatur, dedisse quidem ei *ducatus insignia & verum,*

* Chron. lib. I.

*lum, sed in Ducem eligendi optionem possiſſe in arbitrio Bojemorum. Et, Vladicum ſane (ann. 1101.) expoſtulaſſe cum proceribus per legatum de repulſa, ac contendiſſe ut, quia Borzivogio eſſet ætate major, pro patriæ more, admitteretur ad principalis ſedis honorem; operam tamen perdiſſe, nec ejus prætenſionem quicquam apud proceres valuiſſe. Svatoſpluco in caſtris ad Glogovum ex inſidiis cæſo, poſtulatam à quibuſdam, & ab Imp. Henr. in Ducem eventum fuiſſe (ann. 1109.) Othonem occiſi fratrem, ſed quia id ſine conſenſu Bojemorum fiebat, fruſtra fuiſſe eorum temeritatem, recitatoque in concilio decreto priore, Wladiſlaum qui Svatoſpluco principatum ineunte jam tum votis univerſorum ſucceſſor ipſi deſignatus erat, jura principatus jure adoptata, omnibus aſſententibus obtinuiſſe. Audiſſe ſe ex ipſius Sobieſlai principis ore, cum ad frequentes, tum in palatio Wyſſehradenſi Ordines queribundus diceret (an. 1150.) * O Boëmiennes proceres, non laudo, neque extollo me, ſed veritatem dico; Vivente fratre meo Duce VVladiſlao, neque ſento, neque alia vi, iſtum Ducatum accepi ſed DEI miſericordia & electione fratris*

* Paraleip. Coſma.

fratris mei adhuc *Viuentis* vestraque omnium sum adeptus, hac *queratione* & *iustitia*, me *iuste* & *rationabiliter* arbitror possedisse. *Silvium* * scribere quoque his *similia*: Legatos nempe qui à *Libussa* & populo *Czechico* ad *Przemyslum* erant ablegati in hanc ipsum sententiam fuisse affatos; *Solve bone vir, quem nobis superi dederunt principem. Salve boves, atque ascenso equo, nobiscum venito; Libussa te virum, Bojemiam Ducem poscit.* [:] Confosso apud *Holomucium Wenceslao* Rege, *venisse* forte *Pragam*, *duccm Carinthia* *Henricum*; hunc *Bojemos Regem* sibi delegisse. *Ferentem* vero id *agre Albertum Imp.* repente *coactis copiis* *Bojemiam* esse ingressum, *Henricoq;* regno deturbato, *Rudolphum filium suum Regem* constituisse. [?] Qui cum absque liberis (*Ebendorferus* [1] *Canonicus* & *Professor Viennensis* relictum ab eo tradit fuisse filium, qui tamen ne glebam terræ *Bojemicæ* à patre hæreditatis jure acciperit,) primo regni sui anno decessisset, *dissentientes inter se Bojemos*, alios *Fridericum Rudolphi fratrem*, alios *Henricum*, quem *dejecerant*, petiisse; *Vicisse*

P 3: Hen-

* *hist. Bojem. cap. 6.* [:] *cap. 30.* [P] 3
[1] *Chron. Austriac. lib. 3. ad ann.*
1307.

*Henrici factionem. Ab Imp. Regis Alberti Claudii morte, [:] Bojemor, qui eius causa, inter se dissidebant, apud Pragam convenisse, atque ad eligendum novum Regē, ad VIII. Calend. Maias diē statuisse. Dubravium * esse quoque in hac hæresi, & diserte scribere, Bojemis post abrogatam Borzivogio dignitatem, turbulentissime inter se agentibus, coisse tandem gentis Senatū, & de Principe vel revocando, vel novo deligendo consilium inisse: paucis revocari Borzivogium placuisse, ceteris omnibus vociferantibus, ab aratro potius rusticum quemvis, quam Borzivogium, Deorum ipsorum contemptorem, ad principatū revocandum esse. Pragā à funere Zpitihnevi, Wratislao, Conrado, Othone, convenientibus, in eo conventu ab Omnibus Ordinibus Wratislauum post Zpitihnevum natu maximum, Boemia principem fuisse declaratum. [a] Vita excedente Conrado principe, hæsisse in ambiguo diu Ordines, num Brzetislauum ab exilio ad regnum paternum revocarent, ut cuius etiam tum veteres mores suspectos habebant, an domi potius eligerent unum aliquem ex fratribus ejus, qui regnaret. [b] Post Brzetislai cadem, Borzivogium jam antea*

[:] Silvius cap. 57. * Hist. Boiem. lib. 4. & 8. [a] lib. 9. [b] lib. 10.

antea principem, & à fratre & à Cesare designatum, Prage solenniter honorem iniisse, non tam jure, quam multorum favore. Interfecto apud Glogovum Svatoplucum, & Othone ejus fratre à quibusdam, Waceco autore, in castris principe lecto, Hermannum Pontificem, & Fabianum palatii arcis Wysshehradensis tunc Palatinum, deplorata in comitiis Svatopluci cade sicaria, haud minore dolore fuisse quæstos, de electione in castris facta, contra majorum instituta moremque veterem, dein contra jus, urandum, quo fidem suam Wladislao obligaverunt, ne ad alium quam ad ipsum post obitum Svatopluci, principatem deferrent. Huc fluentibus non solum Ordinum præstantiorum, sed etiam popularium animis, ipsum etiam Othonem cum aliis, Wladislaum principem salutasse. Cum autem Borzivogius exsul à Wladislao hoc principatum, ut frater natus major, repeteret, rejectum fuisse ad Ordines, & hoc à Wladislao retulisse responsum; Non esse rem privatam, quam Borzivogius peteret, sed ad universi populi suffragium illam pertinere. Proin haud ab uno fratre, sed ab omnibus Ordinibus principatum esse ambiendum, quoniam id demum firmum, stabileque futurum parerit, quod communi consilio decretum esset.

set. [c] Cum, per solutis defuncto Wladislao fratri iustis, ad ineundum principatū Sobieslaus Pragā venisset cum uxore, Othonem ei prius de arce Vicegrado non cessisse, quam comperit principalibus comitiis illum omnium Ordinum consensu principem declaratū fuisse. [d] Cum ad sedandam conflantem à Sobieslao, sibi & Friderico filio in Cæsaris aula invidiam, legatos ad Cæsarem misisset Wladislaus Rex, exorasse illos aliud nequissse, nisi ut Rex Wladislaus vel ipse regnum continuaret, vel daret liberam Bojemis eligendi successorem potestatem. [e] Cunradum ex Asia reducem, cum nuntium in itinere accepisset, Friderico mortuo principem se Boemia ab Ordinibus declaratum esse, vertentē se ad suos dixisse; Nunc bene navigavi, postquam naufragium feci, unde ad principatum usque emerxi. Henrici-Brzetislai corpore Doxanos illato, de Successore in comitiis fuisse ab Ordinibus variatum, primoribus ad Przemysslaum, uti ceteris etate priorem, inclinantibus; alia nobilitate cum ipsis civibus Zpitihnevo adolescenti, ob memoriam Cunradi suffragantibus: Obtinuisse tandem sententiam qua Przemysslai frater Wladislaus de custodia creptus,

[c] lib. 11. [d] lib. 13. [e] lib. 14.

ereptus, princeps constituebatur. [f] Confesso Holomucii Wenceslao Rege adolescente, Boiemos Pragam in domum Episcopi ad jus comitiorum coisse; summaque contentione de Rege eligendo certasse, aliis peregrinum regem penitus aspernantibus, aliis inter Rudolphum Cæsaris Alberti filium, & Henricum ex Carinthia, qui præsens aderat, variantibus. [g] Albertum Austrium Sigism. generum, compositis Budæ rebus, in Bojemiam accelerasse ut electionem ibi de se factam præsens comprobaret, confirmaretque contra omnes qui ab illa non solum dissentiebant, sed alium iam sibi Regem, plane puerum delegerant. Exstincto morte Ladislao rege, maiore quam unquam ambitu comitia regis creandi in Boemia caluisse, adeo multos magnosque competitores fuisse, qui illa calefaciebant. [h] Sed non defuisse Gubernatori providentiam ad cavendum, ne prius ulli Oratores in Senatum vocarentur quam Rex futurus deligeretur. Locum eligendo regi fuisse in domo pratoria Veteris urbis constitutum. Imbecilliores aliquando corpore Georgium Regē, ac de Regni successore sollicitum, vocasse ad se primores ex omnibus Ordinibus, scireque ex illis vo-

P 5 1. 55.

[f] lib. 19. [g] lib. 28. [h] lib. 30.

luisse, quid de Regis, successoris in regno
sui causa agere, quemve regem sibi lege-
re destinassent; cumque illi apud Polonos
Regem esse quarendum respondissent, de-
jectum de spe successionis suorum, satagisse
modis omnibus, ut diles atque opulentos
filios relinqueret. Eo vita functo, ob va-
rias omnium tunc Ordinum voluntates,
placuisse, ut comitia Regis creandi ad
Montes Cutnenses transferrentur. [i] Ro-
senssem, Sternbergium, NovoDomaum
regulos, contentissima suffragatione Mat-
thiam iuvisse: Sed maiorem numerum
Wladislaum Cazymiri Polonia Regis fi-
lium, etiam tum adolescentem, nulla-
rumque partium factionibus per aetatem
infectum, Regem poposcisse, numeroque
prevalluisse. Hagecum scriptorem, [k]
(sicut & Dubravium nuper) domui Au-
striacæ consecratum, rem istam multo
quam alios crebrius inculcare. Ex per-
multis ipsius narrationibus hæc homi-
nibus contentiosis oculos vulnerare cum
perhibet: (an. 721.) *Libusam concitate à*
Rohonio, adversus regimē muliebrem suum,
Boiemorum nobilitati iniunxisse, ut ad
diem, quem principi eligendo primo quo-
que tempore esset constitutura, Libini sibi
oratio sint omnes. Rem se ipsorum arbi-
trio

[i] lib. 31. [k] Chron. Boiem.

trio velle permittere, ut quem dominum populo elegerint, ipsa habeat maritum.

Morem se ei gesturam, obsequio, quam ab iis ipsa sit experta, haud paulo maiore.

Vocatis igitur addiem, Divum de principe optando responsa edisseruisse, ac legationis, qua electio ei denuntiaretur, ad Przemyllum ocyus cum muneribus destinandæ monitricem fuisse. Legatos, cum equo duce ac indice principem novum repererunt, Libussæ, cognominatique, à Czecho populi omnis nomine, his eum verbis compellasse; (ann. 722.)

Salve, & solve boves princeps lectissime salve: Libussa domina nostra, & populus Czechorum omnis, jubent te venire

absque mora, ac fasces principatus sumere; res nostra universorum, nosque adeo

ipsi, in tuis sumus manibus: te principem, te judicem, te rectorem, te defensorem, te

dominum solum elegimus. Ultimo tandem principatus (ann. 745.) anno correptum morbo gravi Przemyllum, con-

vocasse Optimates, & quod princeps olim

ab iis esset electus magnas egisse gratias, orantem ut eandem Nezamyslo filio vel-

lent servare fidem. Spe autem bona ab iis impletum, vita finem fecisse, & Neza-

myslum principem electum in eius solio ducali fuisse collocatum. Sic N. Car.

decedente, (ann. 783.) Optimatum man-

dato

dato convenisse multitudinem omnem, & elegisse concordibus cunctorum votis in principem Mnatham eius filium, sic Wogenum, Ostromezio (ann. 804.) accersitum, fuisse electum; sic cum Wogenus (ann. 832.) fatis concessisset, convocato populo universo, disceptatum inter Optimates ac primores, utri e duobus eius filius committenda esset rerum summa: conventu frequentis populum (ann. 873.) elegisse principem, & in principali solio collocasse Nestani filium Hostivitum. Borzivogium principem (ann. 890.) electum, cum paulo post ritus sacrorum veteres abiecisset, concursu populi facto, fuisse de dignitate (ann. 894.) dejectum, sed post multiplices, etiam cruentas consultationes, quarto anno post (ann. 898.) revocatum. Zpitihnevo mortuo, & Borzivogio sceptrum quod abdicarat resumere abnuente, (ann. 907.) electum, rebusque impositum fuisse Wratistlaum: Wratistlai huius filium & successorem Wenceslaum in palatio Wissebradenensi conventu procerum frequenti (ann. 921.) dixisse ad matrem; Esse se videlicet patris voluntate ultima relictum patrimonii heredem, ab Optimatibus vero primoribusque & melioribus terrae universis principem electum. In Boleslai Savi locum fuisse (ann. 967.) electum eius filium cognomento

mento Lenem Boleslaum. Post fata Brzetislai Pugnacis, Bojemōs cum conventu ad Wysehradum publico Brzetislai principis testamentum deliberatione matura expendissent, (ann. 1055.) elegisse sibi principem, voluntatibus consentientibus, Zpitibnevum defuncti filium natu maximum. Ab eius morte fratrem Wratislaum, unanimi cunctorum voluntate (ann. 1061.) electum fuisse principem. Cum Otto à quibusdam, Waceco suafore, princeps in castris apud Glogovum postulatus, Pragam inaugurationis ergo esset (ann. 1109) adductus, fuisse ab Optimatibus & multitudine cetera, insolentia isti intercessum, & quia præter assensum populi publicum, absque mandato Wacecus cum Theodorico rem eam essent ausi, decretum factum, ut temeritas ista, nec locum, nec vim ullam obtineret. Via igitur juris & populi universi electione, pervenisse ad culmen hoc dignitatis Wadislauum, Svatopluci jam olim designatum successorem. Morienti porro huic Wladislao, maxima Boiemorum universorum congratulatione (an. 1125.) suspectum fuisse Sobieslaum fratrem juniorem. Hunc cum de structis vita sua infidiis questurus, concionem (ann. 1132.) aliquando advocasset, verba ad primores populi facientem dixisse; Vobis me vos, vivo

vivo adhuc Wladislao meo fratre dominum elegistis; locum itaque hunc dignitatis adeptus sum DEI misericordia & vestra electione, ac devolutionis aequitate. Defuncto vita Sobieslao exarsisse in populo creandi causa principis, turbas ingentes, alius in alium inclinantibus, postremo tamen (ann. 1140.) convenisse Naczera di prudentia universos, & elegisse principem VVladislaum VVratislai Regis ex VVladislao filio nepotem Wladislai huius filium Fridericum, gratia populi excidisse, & Bojemix finibus vel ingratias excessisse. Eo (ann. 1182.) discedente procures sibi elegisse dominum ex Moravia Cunradum Ducem. Inferiis Henrico-Brzetislao principi Doxanis cum luctu peractis, (ann. 1197.) convenisse regni primores, & de principe eligendo tractasse: Przemyssum & VVladislaum fratres productos fuisse ut Candidatos. Hunc ex custodia extractum, & in dominum electum, rerum accepisse habenas, illum ne injurias acceptas vindicaret, prateritum, vicem ejus miserantibus ex nobilitate tenuioribus plerisque. Fridericum Imp. (ann. 1212.) fecisse in diata Basiliensi Bojemorum regi eam gratiam, ut ipse & eius successores, regia dignitate ornentur, non Caesarum munere, sed populi sui electione. Iubente Przemysslo Rege (ann. 1226.)

1226.) convenisse Pragæ Ordines Bohe-
mos, & de filio ejus Venceslao, viro tum
adhuc patre, in Regem eligendo consul-
tasse. Alberti Iulci Imp. filium Rudol-
phum (ann. 1307.) deprehendisse, non-
nullos ex Bojemis ab se, ut quem inviti
elegissent, animo esse alieno. Irritados
Henrici Carinthii dominatu avaro ac
sôcordi proceres, (ann. 1310.) alios
mutuum rogasse, ideone Regem ipsum
elegissent ut Bojemis rapinis seque suos-
que ditaret? an non principis reipub. se-
curi potestatem, ut habuissent eligendi,
ita habeant abdicandi? alios responsasse,
Henrico Casari esse filium Iohannem,
& fratrem Walramum, posse alteru-
rum postulari regem. Accitos Lothum
à Iohanne Rege regni Ordines, in os ipsi
(ann. 1318.) objecisse; Habere se ab an-
tiquo, comprobatum à Regibus Impera-
toribusque, jus & facultatem domini
Regisque, qui placuerit, eligendi & as-
sumendi: mirari se magnopere, quî fiat,
quod nihil pensi habeat Rex, suo absque
scitu, Ludovicum regno obtrudere, Ord-
inumque in regibus eligendis iura, irrita
facere, quod nullo modo sit tolerabile.
Comperta Sigismundi morte, (an. 1437.)
convenisse Pragæ Ordines, & videntes
reipub. esse ex usu, ut Rex absque mora
eligeretur, elegisse Regem alios quidem
Alber-

Albertum Austriam Sigismundi generum, alios vero Cazymirum Poloni regis fratrem: Et Albertum fuisse Pragæ (ann. 1438.) ab iis qui ipsum elegerant splendide exceptum. Albertum Bavarum de sua in Regem Boemia (ann. 1440.) electione fuisse per legatos factum certiorum. Barones, Equites, Pragenses, & civitatum aliquot legatos, post longam, de iis, quæ è rep. essent, deliberationem, (ann. 1458.) elegerunt simul & declarasse Regem Boemia Georgium. Prætorius apud Cuttnam comitiis, post multam deliberationem, concertationesque varias, consensisse (ann. 1471.) tandem Ordines & Regem elegerunt Vladislavum. Iustis Ludovico Regi persolutis, viros octonos ex singulis Ordinibus selectos, sacramento fuisse devinctos, (ann. 1526. 1527.) ut Regem dominumque regno-eligerent; Et, Regi electo Iglaviam usque obviam fuisse itum.

XXXI. Hæc quæ sic omnes petita recensentur, & multa, & parte sui maiore superflua fortasse cuiuspiam posse videri; importunitatem tamen adversariorum esse tantam, ut testium paucitate vel brevitate nolit esse contenta. Devorandam igitur esse necessario, & exterorum quoque historicorum consensu accumulandam hanc prolixitatem. Præcipuum & accuratum historię Germanicæ scriptorem

ptorem Mutium, * esse quoque usurpatæ in regibus creandis Ordinum Bojemorum libertatis testem, cum ait: *A scelestata VVenceslai adolescentis nece, Bojemos post longam consultationem elegisse Henricum Comitem Tyrolis & ducem Carinthia. Albertum vero Imp. ubi intellexit Henricum electum in regem, in Bojemiam cum exercitu movisse, & ejecto Henrico, fecisse Regem Bojemiae Rudolphum filium. Post Rudolphi mortem, magnam inter Bojemos obortam esse controversiam; alios enim alium voluisse regem. Quosdam aliquem Bojemum voluisse; aliorum quosdam Fridericum Rudolphi fratrem, quosdam Henricum Carinthium petiisse. Henricum quidem omnes fuisse electuros, nisi multi à tumultibus abhorruissent. Ubi Henrici Imp. filius, (de Iohanne [:] loquitur) fines Bojemiae attigit, occurrisset illi obviam Henricum, quem Bojemi in Regem elegerant. [?] In Bojemia testamento, quo haeres regni Bojemici Albertus constituebatur, promulgato, quosdam recusasse Albertum, & Casimirum regis Polonia fratrem Regem salutasse Boiemorum: Et, Boiemos qui Regis Polonia fratrem in Regem Bojemiae*

* German. Chron. lib. 22. [:] lib. 23.
[?] lib. 28.

jemia elegerant, comparasse copias. Post mortem Alberti, in Boiemia fuisse magnas dissensiones, aliis alium regem volentibus. Convenisse totum Boiemicum regnum, variasse sententiis in Rege eligendo. Fuisse qui vellent Ladislaum, sed maiorem partem contradixisse, & ducem Bavaria Albertum elegisse. * Exempto è vivis Ladislao, de Regno Boiemia contendisse multos: Boiemos in magno omnium procerum & magistratuum conventu, audisse horum omnium causas ex Oratoribus eorum, verum indicasse se quoque viros esse. Quamobrem elegisse Georgium Togebradium. Confirmari hoc jus etiam à Bonfinio, [:] qui scribit, cum Georgius Rex humanis excessisset, Cutnam Henricos omnes ac alios è Boiemis convenisse, ut ex more Regem eligerent. Rudolphi Cæsaris historicum Ioh. Sambucum, hoc loco non debere præteriri, cuius Oratione in Ferdin. I. obitum hæc sint verba: *In Hungariam Vormatia Regem designatum esse profectum; Exin. xxvii. anno, Regem electum Boiemia. Polonicarum rerum scriptores, cum Michoviensem, [?] tum inprimis Cromerum, [;] calculo hæc suo similiter com-*
probare.

* lib 29. [:] decad. 4. lib. 2. [?] lib. 4. cap. 53. 62. 67. [;] lib. 21. 27.

probare. Cromero perhibente, post Sigismundi mortem, fuisse Boiemos in duas factiones divisos, & partim Albertum, quem Ungari iam sibi regem creaverant & coronarant, partim Cazimirum VVladislai regis fratrem ad regnum invitasse, Silesiorumque Duces & nobilitatem Brengensem, Cazymirum electum regem Boiemorum approbasse. Georgii Boemiae Regis Oratorem Albertum Costcam Postupicium, retulisse ad Poloniae regem Cazymirum, filium eius aliquem, ab Georgio, de sententia Boiemorum procerum, successorem, prateritis filiis suis destinari, non hæreditario jure quod nullum esset regni apud liberam gentem, sed singulari quadam omnium Boiemorum in Cazymirum propensione, & lingua cum Polonis communione. A morte Georgii Regis, comitiis Praga creandi novi regis causa institutis, inter Boiemos neuiquam convenisse. Nam alios Polonum, alios Ungarum, alios Casarem cupiisse, nonnullos Henricum Georgii defuncti filium maluisse. Fuisse qui ad regem Francorum spectarent: Ludovici quoque Bavarum mentionem nonnullos fecisse. Ad extremum in comitiis ad Cutnos montes, VVladislaum Cazymiri Polonorum Regis filium, Regem fuisse ab iis renuntiatum. Ferdinandi Archiducis Bibliothe-

carium de Roo * quanquam in extollenda principum suorum generis dignitate & gloria est impiger, & quanquam per pacta affinitatesque cum Regibus Bojemis, quæsisse eos hæredibus suis jus ad sceptræ Bojema censet; interdum tamen veritatis vi ipsa convictum, Electionis Bojemicæ jura & usum, nec dissimulare, nec silentio involvere posse, ut cum scribit; * *Boiemia proceres extincta in VVenceslao regum familia virilis seminis, de novo creando rege, consilia Pragæ iniisse, dissidentibusq; in Rudolpho Alberti Cas. filio, & Henrico Carinthio procerum studiis, VVenceslai regis sorores Annam & Elisabetam in comitia venisse, uti sui ratio haberetur, orasse. Fuisse itaque Henricum Anna maritum in regem electum. Casarem vero Electionem, non accedente Imperii authoritate factam, nullius momenti esse docuisse. Rudolphum paulo post Pragam cum exercitu ingressum, nemine ob metum intercedente; ab iis qui aderant, in regem electum, & à Moguntino coronatum esse. [?] Boiemos aliquot proceres, ac senatum Pragensem, abdicato Sigismundo, VVitoldum Lituanæ ducem, per legatos ad regnum vocasse.*

* *historiar. Austr. lib. 1.5. [?] lib. 2. [?] lib. 5.*

caste. * *Recitato in procerum conventu Sigismundi testamento, Bojemus re diutius in consilio agitata, tandem ad Nonas Maij. Albertum regem creasse; solos intercessisse eos qui à Barbara regina in consilium adhibiti fuerant. Ab his omnibus uno consensu Casimirum Wladislai Poloniae Regis fratrem fuisse nominatum, & (sicut in margine legitur,) contra Albertum electum Boemia regem. Ptaczconi, qui missus nuntiis orabat, ne Albertus invita sua factione regnum adeat, in quo sine suo atque suorum suffragio firmam sibi sedem nunquam esset habiturus, responsum à Cæsare per eosdem esse: Non precario se regem esse, sed jure, & posteriorum electione, nec plura emergari suffragia opus habere. Ladislao vita functo Bojemus Praga comitia regi creando habuisse, & ex multis ejus regni Competitoribus, qui variis ex causis (recitari hîc causas) ad id aspirabant, Georgium faustis omnium acclamationibus, Boiemo- rum regem esse salutatum. [:] Wladislao Casimiri Poloniae regis filio, Boemiae rege renunciato, & in Regnum vocato, in comitiis, quæ Fridericus Cæsar cum Imperii Ordinibus Ratisponæ habebat, [?] actum etiam esse de Boiemo-*

* lib. 5. [:] lib. 6. [?] lib. 8.

rum, Electione, & an rata haberi deberet disceptatum. Improbasse vero eam Pontificem ut ab hæreticis factam, ac irritam fieri debere, per legatum suum contendisse. Matthia quoque legatos, ne ea ab Imperii Ordd. approbaretur intercessisse, quod ipse prior electus esset. Principes vero plerisque Imp. Friderici iudicium sequutos ad Wladislaum proniores fuisse.

XXXII. Omnia hæc, quæ ut jam explicavimus, ex observantia constante regni privilegiis, virorum principum judiciis, historiaque, tuendo in creandis electione libera regibus juri Bojemico, proferri à multis didicimus, & hoc loco non incommode commemorari posse existimavimus, ajunt esse talia causæ ejus patroni, ut Ordinibus Bojemis nullius, tam Lectoris, quam arbitri honorarii, vel judicis æqui (si forte in aliquem pars utraq; velit aliquando compromittere,) censura ullo modo sit pertimescenda. Ego sicut judicium mihi de re tam ardua sumere metuo, sic alios experientiores, quo minus sumant, neutiquam prohiberi oportere, video.

*De Religionis Mutationibus &
Regimine Ecclesiastico in Bo-
hemia.*

Gens nulla tam fera est, ut vel
numen prorsus nullum esse cre-
dat, vel ritus ejus colendi nul-
los habeat. * *Omnes* inquit vir-
oris mellei, *religione moventur, & DEOS*
patrios, quos à maioribus acceperunt, co-
lendos sibi diligenter, & retinendos arbi-
trantur. Sic Bojemos *δεισιδαίμονας*
semper, & religionibus deditissimos fuisse,
sicut historia, ita cum vetera, tum
nova ob oculos passim versantia monu-
menta, testantur. Variasse tamen cum
tempore apud eos, ut numina ipsa, ita &
cultus religiosos, quin & ipsas moderan-
dorum sacrorum rationes, non ab re
forte erit, si explicare conati fuerimus.
Volumus autem accipi conatus hos, non
in eam partem quasi vel natura sua im-
pias ac jam olim ejuratas superstitiones
resuscitare, vel plures quam unicam co-
lendi numinis viam rectam statuere me-
ditemur, sed ut tam dissidentium una in-
gente, totiesque mutatarum opinionum

Q 4

ac ri-

* *Cic. 6. act. in Verrem.*

ac rituum sacrorum comparatio, vanitatem humani ingenii legentibus patefaciat, & unum id quod sit optimum, esse quoque cum antiquissimum, tum DEO proximum, velut in speculo spectandum proponat. Sic cum consulerent Athenienses Apollinem Pythium, quas potissimum religiones tenerent, oraculum editum est, eas quæ essent in more majorum: quo cum iterum venissent, majorumque morem dixissent sæpe esse mutatum, quævisissentque, quem morem potissimum sequerentur è variis, respondit, Optimum. Mutatum vero persæpe apud Bojemios quoque fuisse sacris in rebus majorum morem, & religiones alias vetustissimo, alias medio, alias recentiore ævo, ut publice probatas, obtinuisse, nemo procul dubio est, qui vere dici neget. Videtur porro posse hoc loco non incommode agi, primum de religionis in hac gente variationibus, tandem de religioso in sacris rebus ordine, seu regimine.

I I. Ævo igitur quo primi gentis conditores, mei majores, in has oras ingressi divos penates suos secum attulerunt, & aliquot sæculis postea, profana, & eadem fere in Bojemia, quæ apud Slavicæ gentes cæteras, culta fuit religio, iidem sacrorum ritus, eadem Deastrorum nomina,

mina, quorum parens fere creditur fuisse Græcia. Nec potuit, cæcum in divinis genus hoc hominum, publice receptis numinibus esse contentum: privatim sibi quisque domi quoque suæ DEOS confingebat. Credebantur autem ii alii aliis esse majores & potentiores. Maximus sane omnium fuisse perhibetur principio *Tron'* sive *Peyon'*, à verberare, forte *Κεργύριος Ζεύς*, cui postea anteferebatur, vel ad minimum æquabatur, *Svianto-Wjt.* * Illius cultui sacer erat locus in urbe veteri Starogrado apud Oldenburgum: hujus vero Iulini sive Vinnæ, urbe apud Rugianos omnium quoddam Europæ urbium maxima. Pronio nullum, Svianto-Vito adolescentis facie expressum, ponebatur simulachrum: Huic delubrum, illi lucus peculiaris, cultu amplissimo dedicabatur, ac statis uterque mensibus concursu maximo frequentabatur. Omnes illinc Slavi, ipsi adeo quoque Bojemi, rebus deploratis responsa ac opem petebant, omnes deastros istos sacrificiis honorariisque annuis colebant. Pronii cultus ex Græcia, ut diximus, ad Slavos videtur commigrasse,

Q 5

grasse,

* *Chron. Slavor. authoris incerti cap. 18. Helmold. Chron. Slavor. lib. 1. cap. 53. 70. 84.*

grasse, Suianto-Viti vero ex Monachorum Corbejesium disciplina profluxisse. Imp. enim Ludovici. I. ævo, perhibentur ex S. Viti nomini consecrato cænobio Corbejano, in Rugiam venisse monachi aliquot, religionis Christianæ præcones, jactaque in populo superstitioso ab ipsis tum fuisse qualiacunque, sed ea tamen immodica S. Viti martyris de prædicatione resperfa Christianismi fundamenta. * Cum autem armis tributisque ambitiosorum ac avarorum nominis Germanici principum, cum cæteræ Slavicæ gentes, tum Rugiani quoque acerrime premerentur, mutasse apud eos profano cum dominatu etiam novos cultus Christianos, & Rugianos, excussio jugo Germanico pulsisque Corbejensibus doctoribus, religionem vertisse in superstitionem, colendoque tam operose Suianto-Vito principia dedisse. Lucus & cultus Pronii à Geroldo Antistite succisus, Suianto-Viti vero simulacrum, direpto ejus fano ac ærario opulentissimo, à Waldemaro Danorum Rege concisum crematumque fuit. [:] Vestigia tamen venerationis Suato-Viti, ex Slavi-

* *Helmold. Chron. Slavor. lib. 1. cap. 6. 53. [:] Helmold. lib. 1. cap. 84. & lib. 2. cap. 12.*

Slavicarum gentium animis, necdum penitus eximi potuerunt. Hodie namque inter eos adhuc, amicum amicus manu gratulabunda excepturus, *Witeg*, *vviteg*, vel, *Witam te*, solet ingeminare, compellationeque hac sua, Svianro-Vitum quasi Sospitorem celebrare. Summis hisce Diis jangebatur Dii complures quasi intermedii, superi videlicet, & inferi: ac inferi vicissim partim stygii, partim terrestres, partim aquatici; nymphæ etiam, seu montium, fontium, & nemorum potentes Deæ.* Cælestium à me numero censentur, *Chasen*, *Ladon*, *Zizlila*, *Marzena*, *Zivviena*, *Chrvor*, *Zelun*, *Pohoda*, *Mokosla*, *Pochvvišť*, vel, *Nehoda*, qui, nisi ego fallor, notant, Solem, Martem, Venerem, Dianam, Cererem, Typhonem, Mercurium, Serenitatem, Pluviam, Nimbum vel quamvis Intemperiem. [:] Inter Stygios videntur referendi, *Merot*, *Radamaß*, *Njvva*, *Tasani*, *Sudice*, *Wily*, *Trzibek*, quod est, Pluto, Rhadamanthus, Proserpina, Eumenides, Parcæ, Hecate, Lues. Terrestres habiti sunt, *Zel*, *Poleb*, *Sfetek*, sive *Sfkrzitek*, *Diblik*, hoc est, Genius, Liber, (Cromero Castor, Poluxque)

* *Cromer. Hist. Polon. lib. 3. [:] Hagec. ad ann. 709.*

luxque) Lar, Vesta. Fontium, montium, silvarum, imo & aëris Deos Deasque, à priscis illis Bojemis invocatos quoque fuisse memorant nostri scriptores, sed nomina eam in rem, quod sciam, nulla prodidere. Domi similiter quisque suæ Deos fere sibi comminifcebatur, & præter publica illa numina, libamentis victimisque colebat. Sic Climbam Tetca Libussæ soror, Dyrfam Przemyssus, Cræfatinam Nezamyssus, Kyhalam Banca, Crofinam Lidmila, coluisse feruntur.

III. Stetit autem profana hæc ac vanissima terriculorum istorum colendum superstitio, seculis, ut dixi, aliquot, nec variavit prius quam (si Annualibus Fuldensibus * habenda est fides) Ludovici regis Franci opera ac jussu, baptizati in Theophania quatuordecim Bojemorum duces, cum hominibus suis Christianam religionem sponte suscepissent; vel (sicut nostri plerique omnes consentiunt) prius quam Borzivogius princeps Velehradi apud Moravos à Græcæ religionis Episcopo D. Metudio Christianorum sacris (ann. 894.) Iunio mense esset initiatus. Qui cum domum revertisset, & religionem quam recens

erat

* *Annal. Fuldens ad ann. 845. Sigbertus Gemblacensis.*

erat amplexus, non modo palam profiteretur, verum etiam plantare in provincia conniteretur, efferata multitudo populi permagna, & ob abjectos absque consensu publico ritus sacrorum indignata, dignitate Borzivogium abdicavit, provinciæque finibus excedere coëgit. Caruit tamen intempestivus hic & male consultus populi fervor eventu expectato. Nec enim homines, quam Borzivogii exemplo semel imbiberunt, & superstitionibus patriis certiores esse cognoverunt, religionem deponebant, nec respub. principe destituta, motus graves ac turbas perniciosissimas effugiebat. Revocare igitur ac loco priori restituere Borzivogium, necessitas imponebatur Bojemis. Revocatus ille rediit ex Moravia Pragam, (ann. 898.) stipatus ordinis sacri virorum comitatu frequenti. Excitus ab eo quoque est Archiepiscopus Welehradensis Cyrillus, qui populo vanis numinum commentis fascinato Christum prædicaret, ac legitimo unius, solius veri DEI cultu commonstrato, ritus religionis ordinaret, presbyteriumque & Scholas constitueret. Solertissima ille usus diligentia dexteritateque, brevi permagnos fecit in erudienda multitudine profectus, frequentissimo populi concursu conciones crebras

crebras in æde sacra, quæ hodieque ante
 Lætam Curiam cognominatur, habere
 solitus. Quadriennio tandem post, con-
 stitutis prius sacrorum administris, &
 presbyterio Pragæ, pietatisque ac libe-
 ralium disciplinarum schola BudeczI,
 Romam, (*ann. 902.*) videndi magis
 quam discendi causa, est profectus. Græ-
 corum enim is in religiosis rebus insti-
 tuta sequebatur, & Græco, in plerisque
 tum adhuc opido sinceriore, non Ro-
 mano ritu plantatam in Bojemia Eccle-
 siam ordinârat. Sumebat autem inter
 maximas ac continuas fere, gentilismo
 inhærentis multitudinis non mediocris
 infectationes, conformata hæc ad Græ-
 cum morem apud Bojemos religio no-
 vitia, majora indies incrementa, prima-
 que illa sacrorum mutatione apparebat
 rem populi verti paulatim in melius. Ex-
 structæ in provincia passim ædes sacræ,
 & scholæ tanto purioribus castæ pietatis
 exercitiis ardentius personabant, quanto
 stercoreorum numinum vanitas, super-
 stitionisque prioris illusio stulta, eviden-
 tior fiebat. Mira videbatur in terriculo-
 rum fanis larariisque solitudo.

IV. Potiente vero rerum in Bojemia
 principe Boleslao Leni, Mlada ejus foror
 (incertum cujus consilio) Romam abit,
 & ritus ecclesiæ Latinæ complexa, in
 Boje-

Bojemiam redit, Iohannisque Romani Papæ XIII. Bullam de antiquandis Græcis, & introducendis Latinis religionis ritibus, fratri Duci reddit. *ann. 967.* Hinc nata sunt secundum jam variandæ apud gentem meam religionis principia. Accepta namque Bulla Papali Boleslaus, procerum Christianorû concilium convocat, & præsulis Romani placitum iis aperit, simulque ostendit, stare sibi in animo, ut in arcis templo (templum hoc Venceslaus princeps & Martyr honori D. Viti dedicarat) Episcopum Romanarum ceremoniarum per provinciam moderatorem constituat. Monet præterea omnes, ut id calculo similiter suo comprovent, & sacrorum ritus à Mlada sorore Roma illatos, prolixèque collaudatos, secum ultro, cum amplectantur ipsi, tum suos quisque amplecti jubeant. Voluntate principis audita, fit murmur in concilio, parsque assensu dicta comprobatur, pars vero muliebre iudicium repudiat, nec bene à Cyrillo Merudioque constituta, novationibus ullis esse convellenda clamat. Perstat nihilominus in sententia princeps, & Diethmarum quendam Saxonem, qui nuper Pragam ad tumbas D. Viti & Venceslai religionis causa advenit, & ob facundiam linguæque Slavicæ scientiam, multum

tum in aula carus fuit, Episcopum declarat. Ab eo igitur tempore gens Bojema scissa in tres religionum sectas fuit. Alii siquidem, quorum tamen numerus sensim minuebatur, gentili, alii Romano, alii Græco, more sacra tractabant. Temporis tandem progressu gētilissimus prorsus exolevit, & nobilitas præcipua, ut & plerique omnes qui cum Germanis vicinis frequentiores esse, commerciaque habere consuêrant, à ritibus Græcis recesserunt. Tenuiores duntaxat & plebs rebus domi præsentibus contenta, Græci ritus sacra tenaciter servabat.

V. Æque autem vetustioris Græcæ, quam recentioris Latinæ disciplinæ sectatores, cætus suos sacros agitare libere poterant, atque agitabant. Et cum nihilominus plebs rudior, partim ex paganismo repetitis, partim ex plausibiliore Latini ritus disciplina attractis opinionibus, Græcæ observantiæ sinceritatem sensim & incogitanter contaminasset, commodum evenit, ut religiosi quidam ex Galliis Germaniæque profligati, Petri Waldis discipuli, viri tum pietate, tum sacrarum literarum scientia spectatissimi, (ann. 1176.) in Bojemiam venirent, * & delecto ad Zatecium domicilio, permultos

* Hagecius.

multos ex qualis qualis tum adhuc Græcæ observantiæ incolis, familiares sibi facerent. His igitur nāvōs quibus religionem inquinatam haberent, illi qua fieri potuit modestissima ratione demonstrabant, & quid de uno quoque fidei Christianæ capite castius esset sentiendum, ex scripto DEI verbo inculcabant. Factum hac monitorum opera est, ut & pietatis purioris consecratores, tam in bono quod hactenus tenuerunt obfirmarentur, quam emendandis in quibus hallucinabantur, advigilarent; & Latinarum partium Antistitibus stomachus commoveretur. Quamvis autem monachi sacerdotesque ex eorum grege, modis omnibus laborabant, ut nulla alia, quam quæ cum Romanæ Sedis decretis tota congrueret, religio in regno obtineret; ut tamen repurgatæ, quam diximus, pietatis exercitia nusquam publica esset, efficere haudquaquam potuerunt. Multis demum ac longis sudoribus Carolo temp. Bojemam gerente, rem eo deduxerunt, ut cum suo, tum confluentium ad recens Pragæ erectam studiorum liberalium Scholam universalem Zelotarum peregrinorum instinctu, omnes ab Ecclesiæ Romanæ institutis alienas religiones, promulgatis quibusdam statutis vetuerit. primus in Bojemia Archie-

chiepiscopus Ernestus. At vero ne sic quidem, quod urgebant, consequi videbant tranquillitatis publicæ turbatores monachi. Intercesserunt enim Interdicto isti Iohannes Miliczius, Cunradus *Stiekna*, aliiq; quidam viri docti & pii. * Nunquam ii eo poterant perducī, ut ab habendis more suo, nunc in arce regia, nunc ante Latam Curiam, vel loco quovis opportuno, cætib; sacris abstinerent. Sic cum ii in vivis esse desissent, & jam quoque, sicut Ernestus Archiepiscopus pedum Iohanni *Uk*, sive Ocello, primo sedis Apostolicæ legato; ita Carolus Rex regnum Wenceslao filio, reliquissent, iisdem, vicinis Græco mori institutis, rem divinam, in æde arcis regię sacra, sub turri majore, frequentibus concionibus, facere erat solitus M. Matthias de Ianova cognomento Parisiensis.

VI. Iohanne Archiepiscopo morte sublato, datus ei est successor Iohannes alius, cognomento Gensteinus, vir religioni pacique natus. Is quia sacrificiis monachisque plus quam par erat indulgens fuit, lenitate sua ac conniventia causam iis præbuit, abhorrentis à Romanæ sedis placitis, sacrorum exercitii, sicut

* *Bohusla. Presbyter Chron. Boj. lib. 1. pag. 14. 15. 16.*

sicut ex arcis regiæ, ac quibusvis toto regno templis, penitus eliminandi, ita brevissimo tempore post, omnibus prorsus in locis, partim dirarum imprecationibus, partim armis sanguinariis omnino sistendi. Etenim quia, nunc in nobilitatis veritatem amanti castellis, nunc in abditis silvarum recessibus, invisi sibi cultus sacra, à promiscua turba ingenti multitudine passim frequentari, nec dirarum anathemata quicquam contra proficere compererant, armis correptis, in redeuntibus à cætibus sacris, manu militari insiliebant, pulsabant, spoliabant, abducebant, mulctabant, excarnificabant, gladio vel igni perdebant, in metalli fodinas Cutnenses præcipitabant. Duravit malorum hæc lerna ac conscientiarum carnificina, ab Iohannis V^k Archiepiscopi obitu totos fere annos viginti. Gliscen-
tibus vero adhuc tam perniciosis machinationibus istis, excitavit Bojemis DEVS fidelem voluntatis suæ veritatisque propugnatorem M. Iohannem Hussum, qui & politicorum rabiei sacerdotalis ministrorum inconsideratiam, & sacerdotum ipsorum, in oppugnanda cælesti Sapientia sævitiam, verbis acerbis corripere. Vocavit illum ex Academia Pragensi Iohannes Mulheimius, ac in sacello quod non ita pridem consensu Venceslai Re-

gis ædificavit, quodque Bethlechem cognominavit, in sacra Verbi DEI prædicandi functione, M. Stephano de Colonia successorem dedit. Aperuit autem permultis omnium ordinum hominibus in malitia non penitus obduratis, oculos ejus ministerio DEVS, ut tum ab ulteriore innocentis populi persecutione desisterent, tum agnitis monachorum Romanensium præstigiis, ad puriorem majoribusque olim suis probatam, colendi DEI disciplinam ipsi quoque transirent. Exacerbati isthac Hussi *παρρησία* Romanæ obedientiæ sacerdotes, indignantesque in profliganda, quam oderant religionis via, operam tot annorum suam frustra fuisse, jam apud Archiepiscopum, jam ad regem, jam ad Cæsarem, jam ad Papam Romanum, multis ipsum criminantur, nec sudare desistunt prius, quam pelleretur Constantiam sub fide Cæsaris publica Hussus, à Concilii Senatu (ann. 1415.) hæreseos damnaretur, ac ignis supplicio de medio tolleretur.

VII. Verum scripti sanguine judicii præcipitancia, quamvis Hussio vitam eripuit, authoribus tamen suis, & eorum ordini toti, non tam profuit, quam nominibus multis nocuit. Hussi namque indefensi supplicio tam atroci, irritati ejus sectatores, conventu omnium Bo-
jemæ

jemix simul & Moravix Ordinum Pragæ acto, reque diu deliberata, per doctoris sui latus ac condemnationem totam Bojemorum gentem hæreseos ignominia notatam, injuriaque non ferenda esse læsam censuerunt. Expostularunt igitur (*ann. 1415. 1416.*) de injuria, cum sacro isto Concilii tribunali, cumque Sigismundo Imperatore, & ut de Hussio præter jus ac æquum interempto, deque iniusta genti toti hæreseos infamia, pacis sibi mediis satisfaceret, rogarunt. Sed cum expostulatorix ipsorum literæ, neque à Concilio, neque ab Imperatore, dignæ, ad quas responderetur, essent judicatæ, ferro emendationem, ab adversariis esse exposcendam, religionisque per Hussum ad majorum disciplinam instauratæ, libertatem priscam tuendam, decreverunt. Fecerunt autem initium ab ædibus sacris, quæ quia annis superioribus, introductis partis adversæ Sacerdotibus, suis in religione sociis per vim erant ereptæ, repeti ab invasoribus primum omnium oportere judicarunt. Protestati igitur per delectos sexus utriusque ea de re coram Wenceslao Rege, Nicolao Hussinecio verba faciente, exturbarunt ex iis sacerdotes omnes, qui vel Hussi sententia iniusta damnatum esse negabant, vel doctrinam ritusque sacros,

apud ejus discipulos more majorum usitatos, improbant. Sic vim quam aliis nuper fecerant, factam tum ab aliis pari ratione ferre cogebantur viri isti Romanistæ. Qui quia iniquis se modis vexari opinabantur, opem apud Sophiam reginam (Wenceslaus rex hoc ipso turbarum initio vitæ finem fecit) contentissima prece implorabant. Regina junctis sibi proceribus aliquot, milites Germanos sub præfectura Czenconis Wartenbergii, cum commeatu copioso, in arcem D. Wenceslai immittit, & bello Pragensibus inprimis denuntiato, minorem urbem (*ann. 1420.*) pene totam diripit, & igni injecto cremat. Imp. præterea Sigismundum, ut & Martinus P. P. adversus Bojemos acuit. His commoti plerique omnes, animo & manu prompti religionis ferro tuendæ authores, ad arma diversis sub ducibus, præcipue sub Iohanne Zizca concurrunt, * (*Praczata* vocarunt suam multitudinem) monachorum claustra invadunt, expilant, vastant, monachos, quos non fuga servavit, trucidant. Et quia Sigismundum passim per Imperium copias cogere, ac bellum Bojemis coërcendis meditari audiebant, reuertendum rati, non modo arcem

utram-

* *Bohusla presb. Chron. Boj. l. 2. pag. 68.*

utramque regiam Pragæ obsidione premunt, verum etiam defensionis necessaria cuncta adversus Sigismundum, accurata quæ possunt diligentia, præparant.

VIII. Exarsit igitur de regione pariter & de religione calamitosissimum, finitimisque etiam circum quaque luctuosum, Bojemorum adversus Sigismundum Imp. bellum, quod sicut huic inglorium, ita illis famę immortalis comparatorium fuit, nec nisi Cadmea Bojemorum inter se pugna, ac cautæ Basiliensis concilii prudentiæ artibus, demum post annum quartum decimum sopiri potuit. * Cui componendo cum invigilatur, & concordiæ rationes utrinque circumspiciuntur, judicia Bojemorum, tum de pace cum pontificiis fandienda, tum de fidei articulis non paucis, discrepare sunt visa. *ann. 1433.* Discipulorum Hussi inter eos pars major, in comprehensas Compactatis Basiliensibus pacis conditiones, consentiebat, & sacrorum ritus Romanos, solo calycis in sacra Synaxi usu plebi etiam reservato, amplectebatur prorsus omnes, quæ postea Calixtinorum secta vocabatur; pars vero numero minor, neque pacis, ut obtinebat, insidiosæ, olimque turbis perni-

R 4

jose

* *Avísamenta Sigism. ad Papam ap. Goldast. tomo Constit. III.*

riosis causſam daturæ conditionibus, ſeu Compactatis, aſſentiri, neque ab acceptæ à patribus, & jam tum ex Verbi DEI fontibus, & purioris vetuſtatis obſervantia, mirifice illuſtratae religionis doctrina, ad pontificiorum placita deſciſcere voluit.

IX. Nova igitur iterum, & jam tum quarta emerſit apud Bojemos religionis variatio, cum qua odioſa quoque & verbis contumelioſa eruperunt ſectarum nomina, qualia necdum penitus ſepeliri potuerunt, Papiſtarum videlicet, Calixtinorum ſeu claudicantium Huſſitarum, & Picardorum. Calamum illi omnes ſane ſemper poſthac alii in alios ſtringebant: ferrum vero plerumque, Compactatorum ſocii Papiſtæ cum Calixtinis, adverſus Picardos, ſeu (quemadmodum à multis vocabantur) adverſus Taboritas, & hi adverſus illos acuebant: Taboritæ tandem temporis progreſſu, uſque adeo ſunt attriti, ut qui viam hanc ſequerentur, non niſi obſcuri vivere, & in occulto rem divinam facere poſſent. Hinc factum eſt ut, à ſubterraneis latebris, *Gamnjcy* & *Pivvnižnjcy* per ludibrium vulgo nuncuparentur. Non feriabantur tamen in latibulis ſuis quantum Objectæ ſortis homines illi, ſed quam colebant, quamque armis defendere

dere nequibant, fidei doctrinam, dissertationibus populari & Latina lingua scriptis, explicare atque ad posteros transmittere satagebant. Quæ lucubrationes cum in manus etiam venissent quibusdam ex Calixtinis, hominibus veri discendi cupidis, prodierunt in lucem Georgio regnante (*ann. 1467.*) eorum nonnulli, & suorum dogmata pleraque, non minus quam pontificiorum, ut superstitiosa in dubium vocabant. Contulerunt ergo de omnibus non semel, cum magistro apud Calixtinos primario Iohanne Rokytzana. Verum explorata ejus animi inconstantia, & in defendendis non vetustissimis, quas cum suis tenebat, opinionibus infantia, ad commonstratam Taboritarum Scriptis religionis viam respectabant. Cumque cætus jam palam agitare, & numero augeri cernerentur, provocarunt eos, de consilio nobilitatis, ad disputationem Magistri Calixtinæ societatis. Venerunt igitur Pragam sub Eidus Septembr. (*an. 1479.*) muniti fide publica ipsorum antesignani, Michael Senex, Iohannes Chelczicius, & Procopius. Colloquio paulo post, in Carolina domo instituto, & dies aliquot continuato, post multas altercationes re infecta diversi abierunt. Ex eo tempore Fratrum nova hæc Vnitas, (sic enim vo-

cari amant,) religionis doctrina & disciplina, à cæteris in Bojemia cæribus diversa fuit. Ac tamen si adversus eos, incitati ab iis qui evertere ipsos, ut Tabornitas, cupiebant, edictis, carceribusque detonabant, Georgius, Wladislaus, Ferdinandus, Rudolphusque Reges, per omnes tamen ii tempestatum procellas exagitationesque ad libertatis tandè portum enavigarunt. Quia enim pontificii, à tempore quo Iesuvitas, (religiosorum sectam recentem) Pragam ex Italia adduxit Ferdinandus rex, (ann. 1556.) Fratribus quidem his palam, Calixtinis vero clam, graves semper erant, necessitas ultima suasit, ut qui gravabantur, cognitis ac conciliatis inter se religionis controversiis in societatem venirent, & tuendæ certioris amicitiae causâ tot modis labefactatis cum Basiliensi concilio Concordatis, renunciarent. Quod cum esset factum, & Concordata seu Compactata illa publico comitiorum decreto (ann. 1577,) vim privilegii ac legis amisissent, tum rati æquum esse pontificii, ut pactorum (quemadmodum jactabant) desertores, tam Regis gratiæ, quam privilegiorum regni incapaces haberentur, Regem (is tum erat Maximilianus Imp.) advesus eos concitabant, dictitantes, Reges Bojemos id genus hæreticis nullo teneri

neri sacramento, nec ut eos subditorum numero censeant, lege ulla alligari. Decessorum Regum exemplo, esse cogendos tales, si ex Compactatorum formula, sacra detrectent tractare, ut vel Romanæ Sedis religionem profiteantur, vel Rege defensore, privilegiisque & juris beneficiis omnibus indigni declarentur. Egisse pari, vel majore, severitate adversus contumaces, Wladislaum (*ann.* 1508.) Ferdinandumque' (*ann.* 1548.) Reges, ne quis forte novi hîc quippiam agi, possit objicere. Expugnatus igitur importunis istis flagitationibus Maximilianus, Ferdinandi patris & Wladislai avi contra Compactatorum violatores commemoratis edictis, suum quoque adversus eorundem desertores (*ann.* 1568.) Vienna emittit. *

X. Ægre id sane fuit Euangelicis, (sic enim jam tum quoque alieni à pontificum institutis in Bojemia gaudebant vocari) viris cordatis pacisque cupidis. Captata igitur diu exonerandarum coram Rege querimoniarum occasione, partim belli Turcici consultationibus, partim multa Regis à Regno absentia prohibiti, non prius eam satis opportunam, quam septennio post, potuerunt
antequi

assequi. Venit tandem Pragae Imp. Rex Maximilianus, & convocatis ad diem regni Ordinibus, quæ è repub. videbantur, in comitiis (*ann. 1575.*) proposuit. Antequam ergo ad deliberanda negotia reipub. alia est ventum, quæsti apud ipsum sunt ad VIII. Eidus Majas, de pontificiorum Ordinum insolentia, deque injuria, qua longo tempore gravabatur ipsorum religio, Evangelici Ordines, oraruntque ut sui ab hæreseos suspitione purgandi causa, recitaretur coram Rege & universo populo, comprehensa singulari libello sua de fide colendique DEI ratione, Confessio. Vult id Rex, & de multiplicibus inter eos, ut agebat, sectis, atque de fociis, qui confessioni oblatae subscriberent, cognoscere prius voluit. Ringentibus hinc pontificiis & Vertumnis quibusdam perpaucis, sancita ea de causa est plene, jam dudum incoata, inter Calixtinos & Fratres concordia; agnoverunt se mutuo fratres & fidei domesticos utrique, & publicationem confirmationemque recens conscriptæ Confessionis à Rege votis consociatis postularunt, & impetrarunt omnes. Religionem ex Confessionis ejus formula sequentibus universis, est pax atque libertas, verbo regio data. Valuit ea quoque complures per annos,

can-

tantisper dum Iesuvitarum progenies, plumas nido majores explicare nequibat. Sed cum ea, patri in regno surrogato Rudolpho Rege, formatos in sua schola homines, ad primarias regni dignitates familiariaque regis ministeria obtruderet, ac admooveret, visa sunt subinde sopita adversus Evangelicos odia resuscitari, injuriæque recrudesce. Tecte tamen id quoad maxime potuit fieri, & juris prætextu ac ex intervallis, peragebatur. Tempa confessionis sociis, passim vel eripiebantur, vel claudebantur, sacerdotes observantiæ Romanæ obtrudebantur, nobilitati dignitates abrogabantur, plebi ceremoniæ pontificiæ imperabantur, ac sacrorum cultus quos amplectebatur, sistebantur. Bis etiam adversus eosdem socios, ac si plerique Piccardi essent, Edicta valde severa, (ann. 1584. 1602.) à Rudolpho Rege, cum superiorum ejus generis Edictorum regionum renovationibus, sunt impetrata.

XI. Quæ mala etsi diutius sane patienter tolerarunt Evangelici; cum tamen injuriæ unius impunitas, alterius esse putaretur illecebra, nec remedium ii qui debebant adhiberent, Rudolphus vero Rex, annis simul & curis fractus, ministrorum fere magis, quam suo arbitrio temp. administraret, nacti iterum
tempus

tempus idoneum, conventu Ordinum frequenti, libellum Regi (*ann. 1608.*) exhibuerunt, eumque de injuriis, quas, contra translati ad superos Maximiliani Regis promissa, in religione, multis ab annis pertulissent, supplici querela certiores fecerunt. Renovarunt præterea exhibitam ante annos triginta Maximiliano regi, publiceque in comitiis recitatam illam, de qua diximus, fidei suæ Confessionem, ac orarunt perseveranter, ut secundum eam ordinatæ religioni Evangelicæ, cujus ipsi essent sectatores, cujusque exercitium sicut Maximilianus olim, ita & ipse quoque postea, verbo regio liberum esse jussisset, pax perpetua non modo daretur, sed & diplomate regio confirmaretur. Impedire id sane sunt conati Iesuitarum gregales modis omnibus: preces tamen Ordinum indefessæ Confessionis Augustanæ principum intercessionibus adjunctæ, Regem Rudolphum, principem natura moderatum, huc inclinarunt, ut de exercenda absque omni turbatione ac impedimento, oblata olim Maximiliano patri Confessioni Bojemicæ congruente religione, diplomate singulari caveret, (*an. 1609.*) constitutaq; in transgressores pæna gravi decerneret.

XII. Hoc tamen nihil obstante, &
Rudol-

Rudolphi in regno successore Matthia rege ad pleraque ejus generis connivente, telam quam dudum incoarant pontificii, politici æque ac clerici, pertexere sunt redorsî. Tempia jam Evangelicis, non tantum adimebant, * sed quædam etiam à fundamentis diruebant, conventus religiosi consultationibus destinatos, & tam vetustis quam novis legibus concessios, Rege interea Viennæ valetudinem curante, turbabant, ac sub majestatis læsæ pæna verabant. Tot igitur modis, & toties proritati, atque ab autoritate regia male abutentibus præfectis, tam atrociter offensi, religionis Bojemicæ socii Ordines, vim vi retundere, deque Adversariis, majorum se exemplo vindicare, tandem constituerunt. Non ut datam regi fidem frangerent, vel sceptrum eriperent, sed ut legibus regni, diplomatique Rudolphino, honorem ac robur integrum conservarent. Ergo concursu in arcem (an. 1618. 22. Maj.) Pragensem factò, Adversarios, qui aditu ipsos ad Regem excludere, & in religionis exercitio, præ aliis gravare, in laude ponebant, revocata ipsis ac in os lecta, de ulciscendis religioni datæ pacis violatoribus, facta ante novennium, prote-

* *Apolog. Bojem. major. ann. 1618.*

protestatione, de regii Consistorii fenestra præcipites egerunt.

XIII. Sequuta hoc facinus est, non modo in Bojemia cæterisque ei annexis provinciis, verum tota ferme Germania, calamitatum feracissima seges, ac belli implacabile cacoethes. Matthias namque rex, Bojemix genti & religioni infensorum hostium sanguinolenta, quam superioris Austriæ Ordinū pacifica consilia sequi, & ferro, quam calamo, turbas istas tentare curareque maluit. Cumque necdum anno uno à turbarum istarum exordio plene evoluto, & rebus exulceratis magis quam compositis, in vivis esse desisset, bellum incoatum, Ferdinando paulo post Imperatori creato, (ann. 1619.) conficiendū reliquit. Is excitis ad belli societatem Hispanis, itemq; fæderatis in Germania pontificiis, prælio ingenti ad Pragam in Albomonte (ann. 1620.) commissō, Bojemos castris exsuit, ac Fridericum Regem ab iis sibi oppositum, & ante annum solenniter coronatum, salutem fuga redimere coëgit, atque ita Bojemos victoria ista ex gente libera, Domus suæ (ut nunc stylus est) hæreditatis fecit. Et quia ferventissimus fuit Romanæ Sedis cultor, de iis à religione Euangelica, ad ritus Italianos avertendis, consilium statim à victoria

ria cœpit. Iccirco presbyterium Pragense, Ecclesiarumque Ministros, & Scholarum magistros ubivis, ante omnia (*ann. 1621. 1622. 1624.*) est aggreffus, primumque eos qui Pragæ, postmodum vero etiam eos qui aliis in locis erant, à functionibus sine discrimine deturbavit, & toto regno relegavit, quibus disciplinæ Romanæ sacerdotes scholarchasque substituit. Nec mora longa, datis ad Vicarios, aliosque omnis loci & dignitatis suos ministros, singularibus mandatis, quid cæteris incolis fieri vellet, demonstravit. Disponebantur igitur ad terrorem passim per opida milites præsidarii, & ne cætus sacri publice usquam, siue in templis, siue in Scholis haberentur, solerter est advigilatum: Virgines viduæque, viris pontificiis vel invitæ junctæ, Euangelicis nubere prohibitæ; nemo qui non pontificius esset, in civium numerum allegi permittebatur. Vt ne vero posthac ullius, præter pontificiam, religionis professio Bojemis unquam libera esse posset, novis Imperator, (*ann. 1627.*) ab se promulgatis regni Constitutionibus, inserta lege singulari sanxit. Strenue hîc apud eum suffundebant frigidam veteres Euangelicæ religionis adversarii; quorum de numero cum is exstirpando in regno ex Gra-

cæ disciplinæ incunabulis ab HUSSO quōdam & Luthero repurgato cultui divino, Quatuor-Viros constituisset, eosque potestate eam in rem absoluta instruxisset, summis illi viribus negotium festinarunt. Summissis namque in omnes partes monachis Iesuvitis & Capucinis, passim in opidis, & ubicunque locus ferebat, primariorum primum, postea mediocris, tandem promiscue cujusvis conditionis incolarum, in religione constantiam, nunc prensando ac mulcendo, nunc controvertendo ac comminando tentarunt. Qui traditæ semel sanctis in religione puritatis visi sunt tenaciores, iis dignitates abrogatæ, faciendæ rei rationes interclusæ, supellex continuis numerosi militis expilationibus, vel accisa vehementer, vel prorsus direpta. Vidisses tunc religionem à militaribus harpyjis celeriter edoctos, confertim ruere, monachisque supplicare, omnis sexus & ætatis ad pontificia sacra transfugas, qui verbosis sacrificulorum pro suggestu declamationibus, tanto in cælum subvehebantur altius, quanto, in majorum fide constanter perseverantes, in Stygis abyssum demergebantur profundius. Nec expleri hoc pacto potuit monachorum æruscatorum insania. Nam quos nec promissis, nec comminationibus de sententia

tentia poterant dimovere, iis non tantum suppellectilem librariam theologicam, sicut & cæteris quibusvis, adimebant, verum etiam libros scriptorum suæ monetæ sophisticos, & in religionem Evangelicam contumeliosos, quin & fabulosos, obtrudebant, atque ut comprehensa iis dogmata assensu comprobarent, instabant. Sed cum nec ista tam multiplici solertia plerorumq; constantiam expugnari posse cernerent, eos vel per magistratum loci in vincula sordidosq; carceres compactos, non prius, quàm imperata fecissent, dimittebant, vel, cum humanissime egerunt, ad purpuratos illos quos dixi, Quatuor-Viros deferrebant. Quatuor-Viri ergo illi, de iis qui delati erant, Edictis constiruebant, contumaces hæreticos, quin & perduelles vocabant, divisisque in certas classes, tempus, quo regno excedere jubebantur, præfigebant, bona quæ efferre vel distrahere quis permittebatur, decimabant, & ad distrahenda per Mandatarios, relicta ab emigrantibus soli bona, annum dabant. Duravit Manlianum hoc imperium & vexatio integrum fere biennium, quo pars Bojemorum indigenarum permagna, & in divinitus tradita religione confirmator, patriis penatibus valedicere est coacta, & in omnes pro-

pemodum orbis plagas dispersa. Nobilitati semestri ad emigrandum erat praefinitum. Abstraxit ab alienavitque casus hic, liberos à parentibus, fratres à fratribus, maritos ab uxoribus! Pupilli sine discrimine ex matrum sinu, aut agnatorum manu abrepti, mares Iesuvitis, famellæ monialibus, in disciplinam sunt traditi! Si qui malum fuga evitarunt, & cum propinquis patria excesserunt, patrimonio multabantur, eorumque ad quos confugerunt bona publicabantur. Tamen si vero iis, qui regionem quam religionem maluerunt deferere, distrahendis quæ reliquissent bonis, annus unus & alter fuit concessus, variis tamen quaesitis coloribus, ac speciosis machinationibus, eo res deducebatur, ut onera interea possessoribus exturbatis luenda, fructus vero primo fere occupanti diripiendi, relinquerentur, fundi denique ipsi, & quod moveri non potest, aut quam vilissimo vanirent, aut cum emptorem non invenirent, quasi res pro derelicto habitæ, fisco regio addicerentur. Obtinet igitur nunc post vetitum Evangelicæ religionis exercitium, & exturbatos ejus cultores, sola inter Bojemos Romanæ Sedi conformis sacrorum observantia, nec nisi in occulto restant spatium latitantes conformatae ad Evangelico-

gelicorū instituta religionis sectatorum;
tenuēs quādam reliquiæ:

XIV. Atque hæc sunt quæ de Bojemorum religionibus, deque insignioribus earum variationibus memorare habuimus: Regimen religiosum, pro religionum diversitate, diversum quoque fuit. Nam sicut cæteris, etiam utcunque parvis in rebus, quæ stare diu velis, ordinem te sequi, & certum gubernationis modum tenere est necesse: ita in hac ex præcipuis potissima continendæ societatis hominum ratione, numinis nempe colendi disciplina, ordinis commensurandi tuendiq; magistros esse oportet.

Semper Bojemia, tam cum profanæ gentilium superstitioni erat dedita, quam cum ad Christianos religionis cultus traducta, ei renuntiavit, ideoque ad hoc usque tempus, certos habuit sacrorum Antistites, *λεῖτουργοί*, & moderatores. Gentilium tamen sicut *λεῖτουργοί*, ita & Archiflamines, flamines, sacrificos, vicimarios, hierophantasque Czechicos, qui, & qualescunque erant, operose describere hoc loco, non multum attinet.* Probabile est, nominibus illos à Græcorum hierurgis magis quam re ipsa, fuisse diversos. Majori absque dubio sui est

S 3

futu-

* Hagecius sub. ann. 1093.

futurus labor, quem in describendo, Bojemis Christianis frequentato gubernationis religiosæ ordine, ponere cogitamus.

Quoniam vero apud pontificios semper id genus omnia, quam apud Evangelicos (usitate illi *SVB VNA*, hi *SVB VTRAQUE* vocantur) erant hætenusque vulgo habentur, splendidiora, plausibilia, & magnificentiora, ideo de usitato in Ecclesia regimine Evangelico quidem (quamvis in Bojemia vetustiore) posteriori, de pontificio vero priori loco constituimus tractare. Ordinem autem rem, à Boleslai Lenis, Bojemix principis ætate. Is enim fuit primus, qui illatum, ut diximus, in hanc oram à Mlada sorore, sacrorum Sedis Romanæ morem, Bojemis commendavit, erectaque Pragæ in sacra D. Vito æde episcopa paulatim confirmavit.

XV. Summus igitur moderandæ religionis arbiter inter Romani moris sectatores Bojemos, seculis aliquot fuit, constitutus ab hoc Boleslao Episcopus. Huic postea successit gradu eminentior Archiepiscopus. Subordinatos is pedetentim uterque sibi comparavit, augescente annis fere singulis beneficiorum, quæ vocant, multitudine, ordinis inferioris sacerdotes, Abbates, Præpositos, Decanos,

nos, & notos Romanis hominibus Antistites cæteros, qui & sacris operarentur, & cæteram, ut clericorum, ita plebejorum multitudinem, in disciplina religiosa continerent. * Inferioris Ordinis Antistitum, quomodo alii aliis successe- rint, nomina, neque accurate, nisi in suis fortasse cænobiis, consignabantur, neque quæ consignabantur, propter temporum injuriam, integra ad nos transmitti potuerunt. Episcoporum nihilominus & Archiepiscoporum series ac successio, quamvis & ipsa alicubi, ut meafert opinio, hiulca, ad ævum hoc est conservata.

Adspirare autem, ut ad Episcopam, ita ad Archiepiscopam, nemini qui Bojemus gente non esset, aut linguam Bojemam non probe calleret, per leges regni licuit; ac proinde non semel, principibus, populo homines peregrinos obtrudentibus, motæ ab Ordinibus erant acres controversiæ. Ius porro nominandorum ac legendorum, ut Archiepiscoporum, ita & Episcoporum, conferendarumque quarumvis Prælaturarum perpetuo principibus & Ordinibus Bojemis, ex primorum Cleri consilio, comperimus fuisse liberum: Investituram

* Hagec. ann. 1088.

sive confirmationem, à Moguntino præfule, Episcopi hoc modo electi, (non tamen Archiepiscopi) petere habebant necesse. Successerunt igitur, hac via promoti, ac alii post alios in cathedra Pragensi sederunt, hoc ordine:

I. Diethmarus Saxo:	968
II. Wogetiechus sive Adalbert ⁹	969
III. Strachyquas	995
Hunc cum Moguntia, ab Archiepiscopo investituram accepturus, coram altari prosternebatur, spiritus malignus corripuit, pauloque post suffocavit.	
IV. Bohdalus sive Theodorus, Medicus, Saxo:	997
V. Eccardus sive Helicardus	1018
VI. Hyza seu Iso, Neczech:	1024
VII. SSebyrius sive Severus:	1030
VIII. Jaromirus sive Gebhardus, Wratislai Regis frater	1067
IX. Cosmas	1091
X. Hermannus	1099
XI. Maynhardus Vaser, Neczech	1122
XII. Iobannes	1134
XIII. Otto	1140
XIV. Daniel Baro à Lipa	1148
XV. Fridericus, Neczech	1170
XVI. Valentinus, Obtrufus, Neczech	1178
XVII. Brzerislaus-Henricus princeps	

ceps ————— 1182

VIII. Daniel Milicus ————— 1197

XIX. Andreas ————— 1214

XX. Peregrinus ————— 1224

Hic, quia modestus, ac politicæ prudentiæ parum fuit gnarus, exauthoratus fuisse scribitur.

XXI. Iohannes ————— 1228

XII. Butcardus seu Bernardus à Sulevycz: ————— 1236

XXIII. Nicolaus Baro à Rosis 1239

XXIV. Iohannes Drazicius: 1258

XXV. Tobias Bechynè 1279

XXVI. M. Gregorius 1296

XXVII. Iohannes ————— 1301

Hagecus * præterea ubi natalia Caroli, postea Imp. ejus nominis quarti attingit, author est, infantis regii baptismo interfuisse cum aliis, Hermannum Archiepiscopum Pragensem; quem, si nullum subest mendum, quo loco reponam, non invenio.

XVI. Et hæc quidem de Episcopis: Archiepiscopi à Papa petendi ansam, Iohanni Regi præbuisse sanna quadam perhibetur Wratislaviensis Episcopus Nanckerus. Ademit Episcopo castrum Mieliczianum Rex, (an. 1337.) (:) neque
S 5 id,

* ad an. 1316. (:) Michoviens. hist.

Tolon. lib. 4. cap. 22.

id, quamvis anathemate feriiebatur, repenti restituere voluit. Videns diras nihil proficere, dictis Regem impetere cæpit Nankerus, ac ad Wratislavienses Cofs: inter alia dixisse perhibetur; Regem istum, bonorum Ecclesiasticorum Invasorem, esse, qui Rex habeatur, indignum. Regulum, non Regem, ipsum esse. Quæ verba cum ad Regem essent renuntiata, indignatus monacho, sciscitari scommatis causam ab eo jubet: respondente Episcopo; Bojemix Principem, quia Metropolitanum non haberet, ac inunctionis in regem suæ solennia, ab Archiepiscopo Germano, qua prece, qua pretio, emendicare cogeretur, Regem, vel omnino non esse, vel, si sit, omnium esse minimum. Convitium sana ista sibi factum dolens, ac, quam anathemate gravius offensus Rex, non quievit antequam ex invidia, qua Romæ conflagrabat Archipræsul Moguntinus, Henricus, tempus nactus idoneum, Bullam à Cemente PP. obtinuit, qua Pragensis Episcopa à Moguntinæ sedis jurisdictione eximitur, & in Metropolitanam promovetur; * Holomucensis quoque

* *Annal. Henr. Rebdorf. Chron. M. Alberti Argemin. ann. 1346. Hagedec. ad ann. 1343.*

quoque Episcopa à Moguntina penitus absolvitur, & Lytomyslææ nova constituitur, ut ambæ Pragensi Archiepiscopæ deinceps sint suffraganeæ. Ius præterea ungendorum recens electorum Bojemix Regum Archiepiscopo Pragensi confertur.

Iohanne igitur Episcopo, cujus jam meminimus, vita functo, & Bulla hac Papali cum pallio Archipræfulatus insigni, in Bojemiam allata, Episcopus Iohanni nuper surrogatus, Romæque confirmatus,

I. Arnestus Pardubicus, pallio illo primus sollemniter induitur, ac Pragensis Metropolitanæ Ecclesiæ Archipræful salutatur, 1343. Huic in eodem munere, suffecti à Rege & Optimatibus, successerunt ordine;

II. Iohannes V^k five Ocellus 1364. Hic præterquam quod ab Urbano Papa confirmationem obtinuit, honore etiam novo est auctus, & Romanæ Sedis Legatus natus cum successoribus appellatus.

III. Iohannes Gensteinius, Patriarcha Alexandrinus & Episcopus Misnensis 1380. Vir fuit religiosissimus ac precationibus intentissimus: qui aliquanto post, visione quadam terrefactus, & de incumbentibus jam jam regno claudibus horrendis admonitus, alimenta que
à suc-

à successore necessario suo, quoad viveret pactus, Romam abiit, & cucullum indutus dignitatis cathedram reliquit

IV. Wolbramo, qui eam conscendit an 1398. Hic coronavit Sophiam Wenceslai Regis uxorem. Ei est suffectus

V. M. Nicolaus Puchnicus. 1400. Veneno intra annum extinctus. Huic surrogabatur

VI. Zbynecus Baro à Leporib⁹ 1401. Homo literarum rudis.

VII. M. Albicus Vniczovius 1411. Medicus, & vir jam tum cum magistratum iniret, ætate affecta. Cum hoc, quia sordidum & auri avidum videbat, versuram de dignitate paucis post diebus fecit

VIII. Cunradus Westphalus 1411. Hic decennio post, Euangelicorum, qui tum Hussitæ vocabantur, religionem amplexus, Consistorio Presbyterii Pragensis Euangelico, sigillum officii contulit, & jurisdictionem confirmavit, latifundiaque Archiepiscopalia, proceribus utenda fruenda pignori dedit. Quamvis autem quinquennio post ejus fata, ab Ordinibus, de assensu Sigismundi Imp. in Archiepiscopum fuit electus (ann. 1436.) M. Iohannes Rokytzanes; quia tamen is quatuor Pragensium articulos ejurare abnuebat, nec confirmationem digni-

dignitatis à Papa impetrare, nec ut in numero Archiepiscoporum recensetur, à pontificiis obtinere potuit. Ab ejus morte vacavit sedes hæc, & sacrorum pontificiorum gubernatio penes Præpositos templi metropolitani fuit, per annos unum & nonaginta, ad id videlicet usque tempus, quo Imp. Regis Ferdinandi I. Edicto, Archiepiscopus est declaratus,

IX. Antonius Mohelnicius 1562. Hic ad Concilium Tridentinum regius Orator fuit.

X. Martinus, Antonii popularis. 1581.

XI. Zbynecus Baro Berca 1592. Hic (ann. 1605.) Septembri mense vitæ suæ ultimo, Synodum nationalem habuit Pragæ, cujus placita, exacerbandorum animorum inter pontificios & Evangelicos, proritamenta, ac veluti sudes in oculis fuere; accumulata porro attentatis aliis compluribus, turbas, quæ nec dum conquieverunt, accendere. Mortuo illi est suffectus,

XII. Carolus Baro Lambergius 1606. & huic mente capto,

XIII. Iohannes Lohelius 1614. huicque mortuo

XIV. Arnestus Comes Harrachius 1623. Trium istorum nemo tria verba, lingua populi, cui docendo præficiebatur, commode proferre scivit. Postremus hic in-

hic inter exturbandæ nuper è Bojemia religioni Euangelicæ constitutos à Ferdinando Imp. Quatuor-Viros, quorum paulo ante meminimus, princeps fuit.

XVII. Reliqua est gubernandorum apud Bojemos Euangelicos sacrorum ratio, & administrationis ordo. Apud pontificios is perpetuo fere idem, apud Euangelicos vero pro temporum ratione varius fuit. Apud pontificios, summi moderandorum sacrorum præsidēs, per raro dignitatem aliter quam cum vita amittebant; apud Euangelicos, prout, & quotiescunque, è re videbatur, mutari erant soliti: apud pontificios gubernatio monarchiæ, apud Euangelicos aristocratia similior, obtinebat. Vetustissimi autem sui in moderando divino cultu ordinis primordia D. Cyrillo Archiepiscopo Welehradenſi ferunt accepta Bojemi Euangelici. Is enim cum à Borzivogio I. Pragæ esset adductus, in principis sacello ante Lætam Curiam, cum Conciones auditorio frequentissimo habebat, tum docendæ religionis Ministros populo, Ministrisque ipsis presbyterorum collegium, Leituriam, ac ceremonias sacras, more Græco ordinavit. Ordine in hoc collegio, non gradu primus, scribitur fuisse Paulus Caichus, vir ob pietatem Borzivogio Lidmilæque carissimus, qui

qui tam antequam exturbatus à Suatoplucio Rege in Bojemiam è Moravia venit, quam posteaquam ex ea recessit D. Metudius, sacro in mea gente ordini præfuit. Huic quemadmodum & presbyteris ejus collegis cæteris, ut quisque de vita decesserat, surrogabantur consilio communi ex Ministrorum (sacerdotes vulgus vocabat) omni numero, qui judicabantur maxime idonei. Administrata autem hac ratione, & in pietatis disciplina conservata fuit gentis meæ Ecclesia, toto Borzivogii, Zpitihnevi, Wratislai, Wenceslai, Boleslai Sævi, & aliquanto Boleslai Lenis dominationis tempore, per annos præter propter septuaginta, ad eam usque tempestatem, qua Diethmarus Episcopus Ecclesiarum Bojemicarum regimini à Boleslao fuit præfectus. Neque tamen Græcæ disciplinæ illi tam infensus, abrogandoque penitus, introducto per D. Cyrillum ordini intentus, vel fuit, vel propter potestatis brevitatem esse potuit Diethmarus, ut ritus gentis Bulgaræ tum statim, velut fanciebat PP. Iohannes, antiquatos quis fuisse objiciat. Wogetiechus ejus successor, qui annos viginti quinque in dignitate transegit, natus & enutritus in ea disciplina fuit. Latinæ observantiæ sacerdotes alii, tametsi potentia opibusque ante-

antecellebant, amicitiam tamen cum Græcæ, seu, quod idem erat, cum Bulgariæ disciplinæ hominibus, non tantum colebant, verum etiam ex eorum presbyterio unum atque alterum, inter Canonicos templi D. Vito consecrati, semper allegebant, qui sacris more suo seorsim in peculiari ædícula, sub majore, ut diximus, turri, operarentur, domiciliumque apud eam suum haberent. Stetit ea ædícula, donec Wladislai II. regis ævo, à Paulo Pauczeco Doctore, & templi in arce regii Præposito, diruta, inque domum, in qua ipse habitaret, transformata fuit. *

XVIII. Et si vero omnium, qui, & quomodo, vel quo tempore, ad sacrum opus hoc curandum adoptabantur, nomina exacte non possunt edi, rem tamen hanc Adversarii pro conficta tum demum jure poterunt habere, cum ipsi suorum, quæ nunc recens è veteribus ruinis complura excitant, cœnobiorum antesignanos priscos, nobis digno fide stylo, ac ordine imperplexo, describent. Negare nihilominus neutiquam possunt, fuisse nostros, Letomilum sub D. Wenceslao, Prostivogium sub Boleslao Leni, Iohanpem Mravicum, & Henricum Lubnæum

* Bohusla. presb. Chron. lib. 1. pag. 35.

Lubnæum sub Iohanne , Cunradum Stieknam, & M. Iohannem Miliczium Baronem sub Carolo , M. Matthiam de Ianova cognomento Parisiensem, M. Iohannem Hufsum, permultosque alios sub VVenceslao. Regis hujus temporibus, exarserunt in Evangelicæ veritatis indagatores ac cultores, pontificii, & statim ab Iohannis Ocelli Archiepiscopi Cardinalisque morte, persequi eos acerbissime cœperunt. Consequuti etiam id sunt rigiditate sua & violentia, ut nec in templis, nec in scholis, palam apparerent ulla ejusce cultus vestigia. M. Iohannem Hufsum, qui atrocitati se illorum opponebat, religionisque tam diu cultæ, & nuper demum suppressæ, disciplinam in lucem revocabat, acerrime insectari non ante destiterunt, quam is Constantiæ esset flammis è medio sublatus. Tam multis igitur, tamque enormibus injuriis laceffiti Hussi discipuli Bojemi, inter quos permulti adhuc erant, qui Miliczio quondam & Parisiensi doctoribus fuerant usi, armata, ut diximus, manu, revocatam ex abdito Evangelicam religionis professionem, in templa passim reduxerunt, & quia diu illam absque ordine & gubernaculis stare non posse sentiebant, frequentes apud Pragam ad Nonas Iulias (ann. 1421.) ex Bojemia omni Mo-

T raviaque

raviaque confluunt, & re diu ac multum excussa, quo D. Cyrillum quondam sciebant salutariter usum, exemplo illo priore, sacrorum, & tractandorum, & gubernandorum Ordinem descripserunt, & Presbyterium Pragæ novum, quod Ordini illi servando præficeret, de assensu Archiepiscopi Cunradi erexerunt, ejusque Antesignanum Archiepiscopatus Pragensis Administratorem appellarunt. Descriptus in hac Synodo, ac articulis compluribus comprehensus Ordo, circumfertur etiamnum typis vulgatus. Restitutum ergo per id tempus Bojemis à Latinorum cultu alienioribus, regimen sacrorum Ecclesiasticum, ut & ipsa religionis libertas, perpetuo deinceps viguit in mea gente, & Regibus consciis, per selectos ad id votis communibus proceres fidei domesticos, (Defensores vocabantur,) prout usus fuit, innovabatur.

XIX. Præfederunt autem cum auctoritate huic presbyterio, seu (sicut vulgus loquitur) Consistorio, plerumque cum delectis ex omni pastorum, studii-que Pragensis Magistrorum numero collegis plerumque undecim, Administratores, viri ætate graves, qui legitime ad munus hoc vocabantur, & in Cœnobio Slovanchsi residebant.

I. M. Iohannes Przibram 1421.
Colle-

Collegas is habuit solummodo tres, quos inter unus ex Taboritis fuit.

II. M. Paulus. 1429. Hic consilium Sigismundi Cæsaris, & indefessos in cogendo Concilio Basiliensi labores, libello singulari ad posteritatem est complexus. Sed quia multiplicandis ceremoniis, Synodi superioris Ordinem violabat, & cum pontificiis colludere existimabatur, sejunxerunt se ab ejus societate sacerdotes Taboritarum, ac constituto Tabori presbyterio, sacrorum Ordini suo præfecerunt Episcopum sive Antistitem, M. Nicolaum Peldrzimovium. Horum cæribus ac doctrinæ, pacem se Sigism. Cæsar daturum, pactis ad XVIII. Calend. Decemb. (ann. 1436.) initis, est pollicitus. Nati ex eorum cineribus & disciplina postea sunt, quos vulgo Fratres vocamus, qui sub Ladislao Rege primum videntur in novum quoddam corpus, quantumvis rigente Rokytzano, coaluisse, & basilicas habendis cæribus, quos *Zbory* vocarunt, Lenessici & Boleslaviæ excitasse. Quos etsi hætenus suos, sacrorum & Ordinis ac disciplinæ *nyg-
pdy's* habere est certum, tamen quia propter persecutiones & causas quasdam alias, res illi suas in occulto habuerunt, habentque fere hætenus, de eorum Antistitibus, certi quod referam,

nondum ordinatum aliquid habeo.

III. M. Martinus Lupacius 1435.
Collega ejus primarius Wenceslaus Chocenens.

IV. M. Christianus Prachatitius 1437.
Mediocris fuit theologus, sed in primis Mathematicus insignis, Electus est per Sigismundū, & confirmatus etiam postea per Albertum Imp. Regg.

V. M. Iohannes Przibram. 1439.
Senior ei sive Collega est datus M. Procopius Plzenus. Ab eo tempore, quamvis constet M. Iohannem Rokytzanum se, quoad vixit, pro Archiepiscopo Pragensi gessisse, ac gubernationis praerogativam affectasse; qui post Przibramum tamen fuerint Administratores, cognoscere mihi nondum est datum. Longo tempore post, lectus est ad eam administrationem, mea numeratione.

VI. M. Wenceslaus Coranda 1471.
Vir fuit longi aevi.

VII. Augustinus Lucianus de Bessariis, Italus, & Archiepiscopus Sanctuariensis 1483. Huic sexto anno post, dati sunt Collegae quinque.

VIII. M. Iacobus Columbus 1497.

IX. M. Paulus Zatecenus 1500.

X. M. Matthias Corambus 1518.
Dati ei sunt Collegae Magistri tres, & pastores sex. Hic quadriennio post in
exsi.

exsilium est actus, cum ante biennium
esset abdicatus, revocatus nihilominus
postea, factus est in nova Vrbe Cœnobii
Slavici Abbas.

XI. M. Wenceslaus Litomyslenus
1520. Collegas habuit quos Corambus.

XII. M. Gallus Czahera 1523. Col-
legas ex Magistris & pastoribus accepit
novem, quibus triennio post (*an.* 1526.)
remotis, partim ex iisdem, partim
ex aliis, suffecti sunt decem: Et ite-
rum cum mors numerum hunc minui-
set, aliæque etiam causæ intercessissent,
biennio post, (*ann.* 1528.) collegas, ali-
qua duntaxat conversione facta, novos
ei substituerunt Ordines. Tandem vero
M. Gallo solum vertere Ferdinandi Re-
gis mandato, intra tempus præstitutum
coacto, surrogatur ei

XIII. M. Laurentius Trzebonæus
1529. Sunt ei Collegæ dati decem; quo-
rum tamen electio intra diem quinqu-
agesimum fuit retractata, & collegæ no-
vi, ex Magg. quidem tres, ex pastoribus
vero octo, constituti.

XIV. VVenceslaus Vnhosstienus
1531. Accepit is Collegas Magistros
quatuor, & Pastores novem. Et quam-
vis is anno post tertio, (*ann.* 1534.) ma-
gistratu voluit abire, prorogatus tamē
is consensu Ordinum publico illi fuit,

& collegæ novi dati undecim.

XV. M. Martinus de Clatovia, Universitatis in studio Pragensi Rector 1539. Collegas habuit ex Magistris tres, ex Pastoribus octo.

XVI. M. Iohannes Hortensius 1541. Huic Senior est adjunctus Iohannes Mystopolus, & Collegæ dati, Magister unus, Doctores duo, Pastores septem.

XVII. Iohannes Mystopolus 1542. Dati illi sunt Collegæ Magistri duo, Doctores duo, Pastores octo.

XVIII. M. Iohannes Colinus 1555. Senior ei est adjunctus M. Matthias Curius, collegæ Magistri tres, Pastores septem.

XIX. Iohannes Mystopolus 1562, electo ab Ordinibus, Matthiæ N. tum apud Nimbургam Pastori, contra morem veterem, ab Imp. Ferdinando Rege oppositus. Adjunxit illi Rex mandato suo, Seniore Martinum Mielnicium, collegas vero Magg. duos, Doctores duos, Pastores sex. Norma, ad quam in obeundo munere alligabantur, exemplo novo, est iis à Rege quoque præscripta.

XX. Ab hac novatione, qui, vel quando, antequam ipse queam meminisse in hoc Collegium fuerint allekti, temporis locique in quo hunc sum condicio,

ditio, perdiscere me vetuit. Ex quo vero ad puberem veni ætatem, memini Imp. Regis Rudolphi autoritate munus hoc obiiſſe, Adminiſtratores

VVenceslaum Daczicenum 1594

Iohannem Benedictum 1604

Thomam Sobieslavinum 1609

Habuerunt autem collegas ii ex Paſtoribus ſolis, nunc plures, nunc pauciores. Thomæ vero Adminiſtratori, qui pontificius magis quam Euangelicus fuit, ſuffectus intra paucos menſes ab Ordinibus eſt, cum jam Rudolphi Regis clementia Conſiſtorii curandi poteſtatem recuperaffent, Elias SSudus 1609. Et huic Senior datus ex Fratrum Vnitate Matthias Cyrus, Collegæ ex utriusque diſciplinæ Paſtoribus, ſeptem, & Magiſtri tres.

Sigismundus Crinitus 1614. Senioreſt hic accepit ex Fratribus Matthiam Cyrum, Collegas Paſtores utriusque diſciplinæ ſeptem, Magiſtros tres,

Georgius Dicaſtus 1619. Adjuverunt ejus labores, Senior ex Fratribus Iohannes Cyrillus, &, ſine exemplo lætus homo Germanus, Helvicus Garthius, Doctör. Collegæ ex obſervantiæ utriusque Paſtoribus ſex, Magiſtri vero tres. Adminiſtratorem hunc, intra annum à Victoria Albo-montana proximi,

num, (ann. 1621.) regno cum Seniore & Pastoribus Pragensibus omnibus, excedere edicto jussit, Imp. Ferdinandi II. in Bojemia Legatus, Carolus princeps Liechtensteinius. Vna igitur hac litura Evangelicis presbyterium dissipatum, statimque altera eam sub Calend. Martias proxime consequuta, studiorum Vniversitas Carolina, est erepta. Via ista, eaque posterioribus, qua publice, qua privatim factis inhibitionibus, interruptum brevi in hoc regno est omne publicum Evangelicæ pietatis exercitium, & sola, quæ Romani pontificis voluntati conformatur Religio, regnum arripuit, hætenusque regnat. Sed cum de religionum tam Originibus, quam progressibus & variationibus, deque diversa sacerorum inter Bojemos procuracione, ac administratione, satis jam multa attulerimus, ad ulteriora nobis tandem procedendum esse judicamus.

CAP. VII.

De Provinciis Corona unitis.

IN corpus coronæ Bojemicæ coierunt jam olim vinculo indissolubili, ac totæ sunt insertæ, regiones peramplæ, dites, & populosæ, quæ hodieque Regum Bojemorum ditione continentur. Sunt autem illæ (ut interea nec de Plisnensibus five Voytlandicis, nec de Misnicis, nec de Franconicis, nec de Noricis vel Bavaricis feudis verba faciamus,) *Moravia, Silesia, Lusatia*. Rex quisque apud Bojemos novus, si earum incolas velit in fidem accipere, tenetur eas statim à sua coronatione per se ipse obire, & conventu ad diem indicto, sacramentum pro more, à Moravis quidem Holomucæ, à Silesiis Vratislaviæ, à Lusatias superioribus Budesinæ, ab inferioribus vero Soravæ exigere. Neque tamen jurare prius solent in Regis verba provinciarum Ordd. quam de ratis habendis, servandis, tuendisque vetustis eorum legibus, priviilegiis, & consuetudinibus, cautione data, & juramento, se quoque obstringat. Receptis in fidem solenniter, Præfectum, qui regio nomine rempub. curet, provinciæ unicuique

T 5

Rex,

Rex, quem vult, præficit. Olim sane is ex Bojemis aliquis, nunc fere, sed contra majorum morem & contra privilegium VVladislai II. Reg. ex proceribus provinciæ, cui præfuturus est, legi consuevit. Onera extra ordinem, nisi in quæ comitiis publicis populus consenserit, Rex iis nulla potest imponere. Vivunt ergo sub molli Regg. Bojemorum clientela, provinciæ istæ omnes, & suis quæque legibus, moribusque & institutis reguntur. Vt de iis singulis, quæ colligi possent, referamus, non fert instituti ratio nostri; breviter tantum, quæ huc facientia occurrunt, annotabimus.

II. *Moravia* igitur, quam veteres Marcomaniam dicebant, attingit Bojemiam ab ortu hyberno, & nomen accipit à Morava regionis amne primario, qui in ora ejus Septentrionali ortus, meridiem versus vadit, & Holomucen provinciæ metropolin, Cromierzisam episcopi aulam, Hradistam, Ostrovum, Straznicen, Hodoninum, Scalicenque prætervectus, in Vngariæ ac Austriæ confinibus ad Cahnovum seu Hohenbartum, Danubio miscetur. Insigne regionis publicum, est aquila testellata, alba & cærulea, capite coronato. Regnum aliquando Moravia fuit, cum terrarum amplitudine, tum populorum multitudine

dine opibusque florentissimum, cujus Reges prisca, dignitatem ac à majoribus acceptam libertatem suam finesque, longo sane tempore, non modo adversus vicinos Germanorum Regulos, verum & adversus impotenti dominatu graves Romanorum Imperatores, armis animisque virilibus defendisse, ac apud posterios memoranda cum laude tenuisse leguntur. * At cum Imperii sedes postea Roma esset Constantinopolin translata, & qui illic rerum potiebantur Imperatores, Moravis ex propinquo regia aula sua jungerentur, tum paulatim alteri alteris, amicitia pariter & fœderibus conciliari, æquioresque fieri assueverunt. Et quia comiter deinceps majestas Orientalis imperii colebatur à Moravorum Regibus, ea de causa, non solum pax illorum populis dabatur, sed etiam doctores pii ex quibus Christianæ religionis mysteria discerent, ex Vrbe mittebantur. Tandem cum Francorum in Occidente potentia crevisset, & Caroli Magni posteritatem florens Moravorum fortuna magnopere ureret, nunquam ab hostilibus Germanorum machinationibus se-

* Vell. Patercul. hist. lib. 2. Iul. Capitolin. in M. Anton. philos. Ammian. Marcell. lib. 29.

bus securum esse potuit hoc regnum. Armis ipforum belloq; vexabantur Mo-
gemirus, Radslaus, (Rasticium Germa-
ni vocant) & inprimis Svatobogius Re-
ges. Defenderunt tamen utcunque suos
fines Moravi, usque dum Arnolphus Cæ-
sar adversus Svatobogii filium Svatopluc-
cum Regem, publicatō ejus Regno, gen-
tes finitimas omnes concitavit. Nam
quia Svatoplucus, suas simul & paternas
injurias de Germanis ulturus, per Ar-
nolphi, ut fertur, absentiam, in proxi-
mam limiti suo Danubii Oram, popula-
bundus excurrit, & præda abacta, spo-
liisque gravis domum rediit, simultates,
quæ odiis occultis, dudum in sinu fove-
bantur, in nervum tum eruperunt, Cæ-
sarque Svatoplucus, majestatis prius
condemnatum, hostem Imperii haberi
jussit, ac regnum ipsius omne, primo
cuique occupanti in prædam concessit.
Corripuerunt igitur arma adversus illum
Vngari, Poloni, Bavarī, & ditiones ejus,
prout cujusque vires & fortuna tulit,
dilacerarunt. Rex hostibus tam multis
neutiquam viribus par, prælio ad Bo-
ni-pontem (locus ostenditur in Vnga-
ria) infelicitè commissio, vel inter suos
ceci-

* *Annal. Fuldens. Regino Abbas.
Luitprandus.*

cecidit, * vel, (ut plures perhibent) fuga elapsus, inter Soboris montis Anachoretas, vitæ tempus reliquum exegit. Quamobrem clade illa Regis sui, Moravia Regnum esse desiit, & partim Vngaris, partim Polonis, partim Germanis, in manus venit. Partes ab Vngaris Germanisque occupatæ, hætenus sunt in eorum potestate; partem vero quam Poloni occuparunt, quæque sola jam Moraviæ cognomentum servat, Bojemix principes Vldricus Brzetislausque, armis in Bojemorum jura transire coëgerunt. [:] Ex eo vero tempore redacta in præfecturam Moravia, non alios hætenus, quam Bojemix principes, dominos est agnoscere solita. Erat autem principibus Bojemis fere in more, ut si plures haberent filios vel agnatos, regionem hanc fiducia nomine, dominio directo jureque supremo sibi nihilominus reservato, inter eos dividerent, adeoque usum fructum in eacum dominio utili iis permitterent. [?] Inde est, quod Brzetislai Pugnacis, Iohannisque Regis filios ac nepotes, Holomucensium, Brunensium, & Znoymensium

* *Iohan. Thuroc. Chron. Ungar. part. 2. cap. 24. Cosmas Chron. Boj. lib. 1. [:] Cromer. Orig. Polon. lib. 3. [?] Cosmas ad an. 1110.*

mensium ducum titulo, eam tenuisse, eorumque nonnullos etiam ad supremos in Bojemia fasces, voce populi publica vocatos ex ea fuisse comperimus.

III. *Silesia* vero, quæ Bojemiae adiacet ab ortu æstivo, montibusque ab ea, quos vetustas Sudetos, lingua nostra *Krkonoſſe*, vocat, est dirempta, putatur olim Squadorum fuisse patria. Postea tamen seculis non paucis sub Polonis fuit, usque ad tempora Vladislai Cubitalis Poloniæ Regis. * Publicum ejus insigne est aquila nigra, pectus signo quodam *μυνοειδῆ* decorata, vetus sane nostræ gentis *ἐπίσημον*. Nomen fortita est à convenis, qui Slavis *Slezovve* dicuntur. Convenerunt enim ejus incolæ ex Winidis, Moravis, Bojemis, Polonis, Germanis, fixoque in ea pede, sub diversis Polonæ stirpis ducibus, unam in gentem coaluerunt. Factum ex hoc tot populorum concursu est, ut linguæ, quæ omnium sane Slavica erat, singularis tamen dialectus inter ipsos quoque nasceretur. Quia vero temporibus posterioribus Germanica lingua partim à mercatoribus, partim ab *ἀσπειροῖς* Slavici sermonis persequutoribus, ex Brandeburgo

* Iodoc. Ludov. Decius, *Polon. rer. l. 1.*

burgo Pomeraniaque, male consultata Ducum incogitantia excitis, atque ad aulica ministeria admotis hominibus, sensim inferebatur, accidit avorum memoria, ut popularis ille Slavicae dialecti usus, in desuetudinem fere ac contemptum abierit, jamque non nisi in trans-Oderana regionis plaga, ac contiguis Vngarico limiti agris, vulgo exaudiatur. Est autem Silesia satis ampla, nobilisque provincia, Odra, Bobro, Boryczoque amnibus irrigua, in superiorem & inferiorem divisa. In qua quia Boleslai Crzivousti Poloniae Regis ex Wladislao filio nepotes, genus magnopere propagarunt ac germinarunt, ventum eo est, ut patrimonium iis in capita divideretur. Quae cum subinde ex stirpe in stirpem sobolescerent, regionem omnem nunc in plures, nunc in pauciores portiones secari oportuit. Singulae autem portiones illae cum dominiis suis, ducatus sunt vocatae, & à celebratis principum aula urbibus cognominatae. A Polonicis sceptris non uno illae omnes tempore, nec una ratione sunt avulsae, ac in Regum regnique Boemiae clientelam traductae. Aliae enim sponte sua, aliae metu, aliae pactis, aliae emptionibus, Boemos acceperunt dominos. Nostra hac aetate vasalli principes tota Silesia non multi sunt reliqui, quales sunt ex stir-

ex stirpe Regum Polona, Dux Legnicensis, & Dux Bregensis; ex stirpe Georgii Regis Cunstata, Dux Sambicensis, vel, ut jam dici mavult, Munsterbergensis, & Dux Olesnensis. Ducatus cæteri, genere eorum, qui primi de iis erant inventi penitus extincto, ad coronam Regni paulatim sūt devoluti, & Regum Bojemorum usibus attributi. Iurarunt autem in principis regnique Bojemi verba; Sua quidem sponte Duces, Cazyminus Opotiensis & Ratiboriensis, Tieffinensis & Bytomiensis; Wladislaus Cozlenfis, Conradus & Henricus Glogovienses, hic etiam Zaganensis & ille Olesnensis, Bolecus seu Boleslaus Falcobergensis: Ex pacto, Henricus Wratislaviensis, & Bolecus Suidnicensis ac Iavoriensis: metu urgente, Boleslaus Legnicensis & Bregensis, itemque Bolecus Munsterbergensis: partim metu, partim venditione, Iohannes Stinaviensis & Nicolaus Francosteinensis. * Receptis hac ratione in suam fidem, omnibus his ducibus, instrumentisque authenticis, transactionum mutuarum testit u; , eam in rem confectis, Reges Bojemi suas cuique

* *Hagedus ad ann.* 1289. 1320. 1327. 1329. 1331. 1335. 1337. 1348. 1368.

que ditiones, vexillis pro more redditis, solenniter conferebant in feudum. Rex quoque Poloniæ Cazymirus, pro se suisque in Regno successoribus, juri omni quod in Silesiam prætendere forte posset, primum per legatos Trencinii in Vngaria, tandem ipse per se (*ann.* 1335. 1339.) Cracoviæ in aula Regia sua, scriptis documentis renuntiavit. Carolus vero Rex, quartus ejus nominis Romanorum Imp. diplomate singulari, Pragæ (*ann.* 1355.) edito, totam illam regionem Coronæ Regni Bojemæ nexu indissolubili in perpetuum univit, ac concorporem fecit. In qua Constitutione Carolina, sicut & eam antegressa, transactionis cum Henrico Wratislaviensi Duce ab Ottacaro Rege (*ann.* 1290.) factæ, Confirmatione Rudolphina, hærent quidam ex nostris & quaerunt quo jure subnixi Rudolphus I. vel Carolus IV. Imp. in Silesia, provincia nuper alioquin Polonis, non Imperio, obnoxia, quamquam aliis titulis, quam ipsorum beneficio, Reges Bojemi suam jam ante fecerunt, non dubitarint potestatis Imperatoriæ plenitudinem exercere, idque adeo quod nec in decessorum, nec in sua ditione unquam fuisse norant, aliis vel dare, vel occupatum confirmare? Eam enim esse feudorum natu-

ram, ut nihil, nisi quod ipse jure teneas, alii in beneficium conferre, vel utendum fruendum concedere queas. Ridiculum esse qui ex alieno est liberalis. Satis validam fuisse futuram, in Regno ornando ac amplificando Regiam Regis Bojemi potestatem ac concessionem. Et cū ostendi ex diplomatis Impp. istis neutiquam possit, vel à Wenceslao Rege, vel ab Ordinibus fuisse, ut id facerent, rogatos, potuisse fortasse ipsos absque omni, cum Imperatorii honoris sui, tum Coronæ Bojemicae incommodo, de re in qua juris nihilo sane plus quam Gallia Reges habebant, esse securos: A qua cura si abstinuissent, nullum posteritati, quasi facti magis, quam juris via processissent, scrupulum fuisse objecturos.

IV. Omittimus tamen hanc, qualis qualis est considerationem, & (quod reliquum de corpore coronæ Bojemicae est) de *Orientali Marchia* seu *Lusatia*, quæ dicere habemus, dicemus. Sortita autem nomen est Lusatia à saltibus seu virgultis compascuis, quæ Slavorum lingua *Luzzy* vocantur; & attingit Bojemum limitem ab Aquilonis Vulturiniq; plaga. Incolæ ejus sunt confusum cum Slavis Germanisque genus: Lingua qui cultiores esse volunt Teutonica, qui agrestiores Slavica loquuntur. Vulgo Latinis
Vindi,

Vindi, Germanis *Wenden*, Bojemis *Srbi*, & regio ipsa *Srby* vel *Srbsko*, appellatur. Irrigant eam Spreva Nissaque amnes. Est autem illa quoque alia Superior, alia inferior. Superioris Budesia, inferioris Zdiarum seu Sorava est caput: hujus insigne est bos, illius muri pinnati. Suis utraque olim paruit dominis, & habebatur provincia Germanici Imperii limitanea. Quæ quamvis prior multo quam Moravia Silesiaque, Bojemis principibus venit in manus, aliis tamen atque aliis de causis, ab eorum ditione aliquoties excidit. Primus in ea scribitur rerum esse potitus Wratisslaus, Lucensis apud Bojemos princeps. Cujus à morte, quia Wlastisslaus filius furere, ac arma adversus agnatum Neclanum principem expedire, quam fines, patris virtutibus prolatatos, ab hostium incursionibus defendere maluit, Germanis ea in prædam cessit. Wlastisslao tandem ad Turscum in prælio, & Zbisslao ad Postoloportam pædagogi fraude interfecto, Neclanus solus tum Bojemix toti imperans, de ea ex Caroli junioris, Caroli nempe Magni filio, potestate eripienda laborabat, missoque sub signis, ac sub Lechi & Miledruhi præfectura exercitu satis instructo, eam quidem quæ superior vocatur, recuperavit, sed inferiorem amissis (ann.

805.) in pugna, iis quos dixi, belli ducibus, hosti extorquere neutiquam potuit.* Mansit nihilo minus in principum Bojemorum potestate, ut tum recuperata fuit, regiuncula Hexapolis Lusatia superior, ad id usque tempus quo à Boleslao Sævo principe, cum Daubravca filia Mieseco Poloniæ principi (an. 965.) in dotem est data. [!] Ea tamen intra annos fere centum ad dominos priores reversa, iterum cum Beatrice filia in matrimonium Ottoni Brandeburgico collocata, ab Rege Wenceslao Lusco dotis titulo est genero assignata, ejusque stirpis Marchionum imperiis, centum, præter propter, annos alios gubernata. Waldemari namque marchionis morte, qui absque liberis decessit, à Ludovico Imperatore (ann. 1319. 1328.) in Iohannem Bojemix Regem Regnique coronam translata, ejus se fidei potestatique, quantumvis fremente Gorlicii invasore Henrico Iavorii in Silesia duce haud invita submisit. Ab eo tempore arctissimo, legibusque confirmato nexu, in corpus coronæ Bojemicæ inserta, non sub aliis, quam Bojemix Regibus fuit; nuper demum ab Imp. Cæs. Ferdinando II. Saxoniæ

* *Annal. Caroli M. & Fuldenses.*
[.] *Abrah. Hoffmann.*

niæ Electori, (ann. 1620.) ob studium operamque Bojemico bello, adversus Fridericum creatum Bojemix Regem, conatibus magnis præstitam, ex pacto tradita.

V. *Inferior vero Lusatia*, ex quo, ut diximus, semel armis Germanicis Wlastislao Lucensi fuit extorta, non prius ad Bojemos recidit, quam esset ab Imp. Cæs. Henrico IV. rejectis Dedonis hæredibus (ann. 1075.) in præmium navatæ variis bellis operæ, VVratislao Bojemorum Regi primo, dono attributa.* VVratislao tamen paulo post pecunia à VViperto mutuo accepta, pignori eam, dum redimeretur, apud ipsum reliquit. Ære igitur hoc mutuo, quod ad septingentas argenti marcas assurgebat, Cune Gundæ VViperti viduæ (ann. 1139.) re-præsentato, recuperavit quidem Regionem VVratislai Regis filius, Bojemixque princeps Sobieslaus, sed possessio ejus diuturna ipsi non fuit: Cunrado enim Misniæ Marchioni eam aliquanto post tradidit. Cunradi hujus posterorum in ea plus quam centum & sexaginta annis sunt potiti, antequam Fridericus Marchio, bello adversus VValdemarum Marchionem gesto captus, ejus ja-


* *Aschafnaburgens.*

stura libertatem suam redimere est co-
 actus. VValdemaro tandem intra annum
 septimum (*ann.* 1312.) absque liberis
 defuncto, Iohannes Bojemix Rex, Imp.
 Cæs. Ludovico, vel consentiente vel con-
 nivente, juris eam Bojemici iterum fe-
 cit. Quæ ne alienari posthac à Regno
 Bojemix ratione ulla posset, VVence-
 slaus Rex, (*ann.* 1411.) & mox frater
 Sigismundus Cæsar, (*ann.* 1414.) à qua-
 tuor provinciæ Ordinibus rogati, privi-
 legiis singularibus caverunt. Iis nihilo-
 minus haud quicquam motus Sigismun-
 di nepos Ladislaus Rex, Marchioni ac
 Electori Brandeburgi Friderico II. eam
 dedit. Restituit illam tamen paulo post
 Ladislai successori Georgio Regi idem
 Fridericus; sed restituit mutilam, Cho-
 ziebuzen videlicet is, Bescovum, Ster-
 covum, cum Picino, seu Peutceno pro-
 pugnaculo, cæteroque ejus oræ agro re-
 tinuit, quæ singula hodieque in Electoris
 Brandenburgici ditione censentur. Sic nu-
 per (*an.* 1620.) quoq; per Imp. Cæs. Ferd.
 II. est regio ista à radice Bojema recisa, &
 Saxonix Electori, iisdem quibus Hexa-
 polis de causis, hypothecatio, ut perhi-
 bent, contractu, tradita. Hoc igitur est
 totius Bojemici Regni ac coronæ, harmo-
 nia sane membrorum pereleganti sapien-
 ter coagmentatum corpus, hæ concor-
 dia

dia admirabili, legumque vinculis mutuis, firmiter inter se connexæ provinciæ, de quibus ea saltem quæ illustrandæ Bojemorum reipub. servire posse videmus, compendio referre volumus, quæque lectoribus, ut non ingrata, ita nec inutilia fore judicavimus.

CAP. VIII.

*De Principibus Regibusque
Bohemia.*

I.  Væ apud Bojemos vel olim fuerit, vel ætate nostra, adeoque nuper adhuc viguit, reipub. forma & administratio, jam ante, quinto capite, ut tulit ingenii imbecillitas nostri, disseruimus: nunc, si heroas illos, qui ad ejus clavum alii post alios admovebantur, quique in ea gubernanda operam ponebant, ordine enumeraverimus, nihil ab instituto alienum facturi fortasse sumus. Et quia nemo rerum nostræ gentis scriptor est, qui caput hoc historiæ prætereat, ideo tanto nobis laborem hujus viæ expeditiorem fore arbitramur, quanto plures sunt à quibus eam ante nos non in-scite tritam ammadvertimus. Scribe-mus vero primum de judicibus, postea

de principibus, postremo de Regibus, quorum prudentia rem Bojemam, inde à condita gente, ad hoc usque ævum curatam fuisse accepimus. Legimus autem quatuor tantum Iudicibus gentem hanc olim obtemperasse, qui populum in sua regione, tum adhuc novitium, scriptarumque legum per id tempus necdum gnarum, patria quadam *κνδεμονικῇ*, vel, si multum volumus dicere, Prætoria potius quam *δυσκατερήτω* quapiam autoritate, in disciplina tenebant. Tales erant

II. JUDICES,

I. C Z E C H V S qui multitudinem omnis ordinis, sexus ac ætatis hominum, primorum gentis Bojemix conditorum, in hanc, sicut jam diximus, * desertam, silvis horridam, & à multo tempore incultam regionem, cum Lecho fratre, adduxit, colendamque ac ædificiis exornandam fociis primus distribuit. Is dolore populi omnis permagno, posteaquam expleffet annos vitæ sex & octuaginta, fatis concessit, & Ctinovesi est sepultus. Ei mortuo longo quidem tempore, nemo surrogabatur; sed

* *Sup. cap. 4. §. 3.*

sed cum societas novellæ gentis, ab hominibus inquietis, variis contentionibus perturbaretur, suffectus tandem illi est divinationibus clarus juvenis

II. *Crocus* Hledi filius, Toparcha Wladorzinus. Is collapsam nonnihil honestatis observantiam in populo restituit: cujus in gerendis rebus dexteritatem admirati, gens consanguinea Poloni, missa legatione solenni, eum ad ordinandam suam quoque rempub. evocarunt. Qui licet ætate jam tum erat affecta, precibus tamen victus, provinciam, quæ offerebatur, suscepit. Verum priusquam abibat, de primorum inter Czechos assensu ac voluntate, dignitatem, quam tot annis gessit, in filium cognominem transtulit, qui fuit

III. *Crocus Junior*, fundator ludi literarii in urbe Budecza. Hic totidem, quot Czechus, vitæ expletis annis, nulla sexus melioris relicta prole, in vivis esse desuit. Ex superstitionibus nihilominus ejus filiabus, juri in repub. dicundo, ob vaticinandi peritiam, communi universorum sententia, maxime est visa idonea, ac propterea patri in dignitate substituta, filia natu minima

IV. *Libussa virgo*, *Bohemorum Sibylla*. Nata quinq; & viginti annos fuisse fertur, cum gerendæ repub. præficietur.

tur. Et quamvis non ut posterioris, literis utcunque exculti, ævi, ita primorum gentis hujus temporum historia accurate distincteque ad posteritatem est conseruata, ut propterea de annis, in quos res quæque incidit, ἀποτόμως scribere, religio fere possit videri; edisserere tamen quod ex comparata cum rebus nostris accuratioe per ea tempora gentium cæterarum chronologia, ut verisimile probabileq; existimamus, piaculum vix fore ullum arbitramur. Perhibent igitur jus populo dixisse à dignitate suscepta, Libussam viraginem, antequam nupsisset, annos XIII. Crocum patrem XXXIX. Crocum avum L. Czechum senem XVII.

III. Quia vero Libussæ imperium muliebre, visum postea fuit, cum viris indignum, tum gentibus aliis ridiculum, post multas ultro citroque disceptationes, placuit populo omni, ut rempub. posthac administrarent viri, cum majestatis splendore

P R I N C I P E S.

Numinis igitur, ut credebatur, suggestione, electus est, Libussæ quidem maritus, genti vero princeps ab aratro

I. PRZEMISŁVS Stadicii pagi dominus, Libussæ quondam in schola
Budec-

Budeczana condiscipulus. Leges hic populo suo salutare non paucas tulit. Mulierum, viros servitute infami premere connitentium, insaniam, cunctatione prudenti fregit. Sextum quadragesimum, cum ad sceptrum vocabatur, agebat ætatis annum, imperavit fere quatuor & quadraginta, mortuus nonagenario major Anno Christiano 632. Suffectus ei est filius

II. NEZAMYSLVS, cui, qui imperii primus, ætatis quintus & trigessimus erat annus. Acceptam à patre remp. patris exemplo prudenter gubernavit. Bellum, à patre relictum, in Bavaria, Tudricho duce gessit. Administravit rem Bojemam annos novem & triginta, obiit vitæ anno quinto & septuagesimo, Christiano vero 715. Datus ei ab Optimatibus est successor filius

III. MNATA. Egit is tum annum ætatis quartum & vigesimum; princeps ædificando, & justitiæ administratione clarus. VVrřlovecios ex domesticis, Moravos ex vicinis habuit hostes. Præfuit populo suo annos viginti, vixit quatuor & quadraginta, decessit anno Christiano 735. In ejus locum necququam indignante, & se quoque principatu dignum vociferante Rohovicio, stirpe VVrřlovecio, coopertus est annos jam tum triginta natus filius

IV. Wo-

IV. WOGENVS, vir bellator, & adversus Misnios Saxonasque felix, qui potitus rerum annos duodetriginta, moritur, posteaquam vixisset annos octo & quinquaginta, anno Christi 763. Ab ejus excessu, collocatus in paternum folium, principatus habenas accepit,

V. WNYSLAVS, princeps pacis & populi amans. Quartum ille & vigesimum attingebat annum, cum ei reipub. procuratio commendabatur; in dignitate vero exegit annos duos & viginti. Excessit è vivis vitæ anno supra quadragesimum septimo, Christiano 785. Creatus post ipsum est princeps filius

VI. CRZYZOMYSLVS, sagax ingenio vir, statura sane brevis, sed manu promptus. Accessit ad rempub. anno ætatis supra vigesimum quinto. Pragæ Majorem privilegiis primus otnavit, Moravos grassatores compescuit, Carolo Magno (an. 789.) in Bojemiam cum exercitu irrumpenti, conatus, opera cum patruo Wratislao viro militari conjuncta, frustraneos fecit. Vixit in principatu annos novendecim, inter mortales quatuor & quadraginta. Fatis concessit anno Christi 804. Aliàs plerique omnes ipsum cum Wnyslao confundunt, & propterea binominem faciunt. Sequutus autem ipsum in principatu est, puerum

tum adhuc filius, VVratislai patrui magni curæ à proceribus commendatus.

VII. NECLANVS, homo quidem animo pusillo, sed quem nec idem patruus magnus, quo ad vixit, nec consiliarii bellis egregii viri, Lechus, Mile-druhus, Styruſ, alique, injurias, quæis nunc Moravi, nunc Saxones, ei erant graves, inultas ferre mittebant. Crasnicus quoque & VVratislai patris successor VVlastiflaus, ille Caurzimanus, hic Lucensis satrapes, despiciatui ipsum habebant, & hostiliter laceſſebant; uterque tamen irreparabili suo cum damno. Bel-ligerabatur itaque & intra & extra Bo-jemum linitem per duces illos suos Ne-clanus, fortuna plerunque propitia. Duo-decimum nondum excedebat annum cum sub magistro & tutore VVratislao patruo magno, magistratum gerere cœ-pit, quem annos quinque & triginta gef-sit. Vivendo est egressus annum sextum & quadragesimum, extinctus letho an-no Christi 839. Filius ergo ejus votis po-puli concordibus post ipsum est electus

VIII. HOSTIVITVS princeps, humanitate celebris. Mstibogius frater, Sucoſlausque Bilnensis toparcha, regi-men ipsius turbabant, sed incommodo suo semper, quam ipsius, majore. Pri-mus hic ex Bojemix Ducibus, à Germa-norum

norum principe Ludovico Imp. paulo post mortuo in amicitiam est receptus, percussioque Francofurti (*ann.* 840.) fœdere novo, Imperii socius factus. Tenuit fasces Bojemus annos septendecim, vixit quadraginta quinque. Mortuus enim fertur anno salutis 856. Mortuo illi surrogatus est filius annos tum tres & viginti natus juvenis,

I X. B O R Z I V O G I V S , princeps cum religionis, tum populi, quem regebat, curantissimus. Hic cum jam longo tempore, rem Bojemam in multa pace gubernasset, sollicitabatur à Moravorum Rege Suatoplucio de bello Arnolpho Imp. faciendo. Evocatus igitur capiendi de re tam ardua consilii secretioris causa, venit ad illum Wielehradum. Vbi cum esset, à Metudio Episcopo in Christiana religione est institutus, ac cum comitatu omni suo, (*ann.* 894.) aqua salutari tinctus. Sexagenario jam tum major erat, cum profanis gentilium superstitionibus renuntiavit.

I V. Quem, posteaquam domum reversus Christianæ disciplinæ sacra populo palam commendare inciperet, neque ut ad majorum cultus rediret, procerum commonefactionibus moveri vellet, primores regionis abdicarunt, & finibus suis excedere coegerunt. Verum cum
nec

nec Stogemirus in ipsius locum princeps
 furrogatus, Bojemice amplius sciret, nec
 repub. moderatore absque perniciosis
 motibus carere posset, revocatus ab ex-
 filio, loco restituitur. Dignitate recu-
 perata totis viribus in id incubuit, ut &
 excitatas per absentiam suam turbas om-
 nes componeret, & religionis castitate
 regionem imbueret. In quo utroque cum
 septennium consumsisset, & molestias,
 quas summa in repub. potestas secum
 trahit, declinare cuperet, commenda-
 tis in publico populi conventu, proce-
 rum concilio suis liberis, magistratu ul-
 tro abiit, & in Tetinianos secessus se cum
 uxore recepit. Declaratur igitur pro eo
 princeps commendatus à patre

X. ZPITIHN EVUS juvenis sa-
 piens & solers, cujus tamen regimen
 noluerunt fata esse diuturnum. Intra
 bienniū enim ab inito principatu obiit,
 salutis anno 906. Eo sublato offereban-
 tur sane iterum sceptrum Borzivogio, sed
 quia carior ipsi, quam honores onerosi,
 sua fuit quies, resumere is ea inconsul-
 tum ratus, filium populo alterum propo-
 nebat. Impositus igitur rebus est, rem-
 pub. ut frater decessor, paternis consiliis
 gubernaturus

XI. WRATISLAVS princeps pius
 & à nulla viro magno digna virtute de-
 stitu-

stitutus. Hic patre ad annum 910. funerato Vngaros in Bavaria hostium communium provincia bellum circumferentes, cum non contemnenda militum manu est sequutus, caesoque in praelio Burcado Duce (*ann. 911.*) victor domum rediit. Mortuus est anno principatus decimo, Christiano 916. Quoniam vero is filios reliquit impuberes, frequentibus sane comitiis statim ab ejus obitu designatus est princeps natu inter illos major, puer octennis

XII. WENCESLAUS. Interea vero dum is sub pietatis literarumque magistro Caico, ac aviae Lidumilae disciplina adolescit, matri ipsius Draho-mirae importune eum honorem deposcenti, reipub. cura committitur. Sed cum ea in populum, qui Christo nomen dedit, impotenter saeviret, praebuit Optimatibus causam, potestatis sibi tempestivius abrogandae. Vix igitur quartum decimum aetatis annum ingressus princeps designatus, & populi querelis commotus, & procerum hortatibus exstimulatus, manum gerendae reipub. (*an. 921.*) admove-re est iussus. Morum sanctitate & boni publici impensissimis studiis non tantum populo suo, sed & Romanorum Imp. Henrico I. valde ille fuit carus, à quo Rex quoque magno cum Germanorum

rum principum Wormatiæ, tum comitia habentium applausu, consalutatus, & liberaliter donatus fuisse perhibetur. Cū tamen magna omnium expectatione turbatas sub matre res Bojemas emendaret, occisus est nefario, adspirantis ad sceptræ Boleslai fratris scelere, anno ætatis trigésimo, qui à Christo nato erat 938. * In sanctorum martyrum numero, à nostra gente hodieque connumeratur. Cæde perpetrata, rapuit fasces fraternos parricida

XIII. BOLES LAUS cognomento Sævus, princeps principio dominatu aspero subditis gravis, postea tamen utcunque tolerabilis. Acceptæ à majoribus libertatis jura, bello cum Imp. Cæs. Othone M. servitutem principibus Bojemis intentante, continuis quatuordecim annis gesto, strenue defendit. Postremo tamen belli perosus, pacem & Imperii Germanici amicitiam sempiternam, annua certi tributi pensione redimere, quam odio Impp. perpetuo, seque suosque successores involvere maluit. Repub. ad annos novem & viginti gesta, è vivis excessit, ætatis anno supra quinquagesimum octavo, Salutis 967. Successor illi est datus,

X

XIV.

* *Dithmar. Chron. l. 2. Sigebert. Gemblac.*

XIV. BOLES LAVS natu minor filius, cognomento Lenis. Hic principatu inito, sequutus in religione est patru, in bellis gerendis patris, vestigia. Misna & Cracovia Urbibus per belli duces suos occupatis, fines ditionis late in Misniam Poloniamque produxit, & quæ occupavit, ne ab hoste sibi eriperentur, quoad vixit, cavit. Othonis II. Imp. Bavariæ Ducem Henricum in Bojemiam persequentis, exercitum ad Pilznam (ann. 976.) concidit. * Obiit relicto gēti suæ, filioque & nepotibus, dolore permagno, imperii anno secundo & trigesimo, salutis partæ 999. Venit post ejus fata ad dignitatis inter Bojemos culmen summum, patri æquivocus princeps, vir jam tum quadragenario major

XV. BOLES LAVS cognomento *Rufus, Avarus, & Cæcus*. Hic, quæ pater virtute in Misnia Poloniaque occupavit, ignavia amisit sua; Nec enim collocatis à patre arcium præsidiis, cum hostis obsidione premebantur, auxilio veniebat ipse, nec supplementa mittebat, nec stipendia numerabat. Cracoviam tandem à Polonorum Rege avunculo blandiloquentia versuta ad colloquium de pace invitatus, in insidias (an. 1002.)

inci-

* *Dithmar. Chron. lib. 3.*

incidit. Detentis enim, quos secum habuit, aulæ familiaribus captivis, cæcus domum est remissus. Quem sequutus mox valido cum exercitu Polonus, in Bojemiam irrupit, urbes, arcesque, quæ ibat omnes, nemine prohibente cœpit; Pragamque adeo ipsam paulo post, Vratislaviensium proditione, Duci oculis capto eripuit, eamque biennio per præfectos, & relictum in præsidio militem tenuit, VVyšehrado arce excepta. Quorum & quadragesimum agebat ætatis annum Boleslaus, cum princeps à Bojemis declarabatur: Obiit mortem ætatis anno octuagesimo secundo, Christiano 1037.

V. Reverso illi ex Polonia absque oculorum, ut diximus, usu, gubernandæque reipub. prorsus inutili factæ, in magistratu successor, annuente ipso, statim est datus filius junior

XVI. IAROMIRVS. Hic Poloniae Rege Boleslao ad Pragam obsidendam, cum exercitu contendente, ne forte, ut qui necdum in principatu esset confirmatus, nec à rebus gerendo bello necessariis paratus, in ejus manus incideret, de patris consilio, ad Henricum Cæsarem in Saxoniam profugit. Cujus fugæ causa cognita, in Boleslaum Polonum jam dudum non bene animatus Imperator, ex-

peditionem decernit, & contractis Merseburgi copiis omnibus, acceptoque secum Iaromiro Duce exsule, recta in Bojemiam (*ann. 1005.*) Augusto mense ducit. * Iamque perruptis impeditis silvarum angustiis, in ipso regionis aditu, castellum quoddam, Iaromiro à defensoribus ultro deditum, munit. Inde ad Zatecium venienti, Urbis portæ ad primum Iaromiri conspectum, trucidatis Polonicis præsidiis, similiter aperiuntur, Bojemorumq; ad ducem suum concursu magno, Cæsaris vires augentur. Præmittitur igitur cū manu expeditiore Iaromirus ad Pragam in potestatem redigendam. Fama tanti motus consternatus Boleslaus Rex, periculo prævertendum videt, & convasatis tumultuarie rebus, nocte concubia, cum jam in VVysslegrado arce campana irruptionis signum civibus daret, in pedes se cum Polonis suis, Bojemisq; perduellibus, conjicit, ac in Lusatiam evadit. Ingreditur ergo Pragam Decembri ineunte ovans Iaromirus, & mox postridie ab omni populo princeps Bojemiae, in patris cæci præsentia, iterum salutatur. Henricus quoque in VVysslegradum arcem invitatur, & veniens, honoribus quibusque maxi-

* *Dithmar. Chron. lib. 6.*

maximis excipitur. Qui tamen non diu Pragæ cunctatus, ex Bojemia ad cingendam Budesinam Urbem, in quam se Boleslaus ex fuga recepit, cum suis Iaromirique copiis properat. Anno tandem ab Iaromiri restitutione septimo, (*ann.* 1012.) venit ex Bavaria cum exercitu improvisus frater ejus natu major Vldricus, ob prælatum sibi in principatu fratrem exasperatus, pertractisque in partes suas proceribus non paucis, & inprimis Cochano Wrsłowecio Iaromiri ducis hoste jurato, ad Pragam agminibus infestis accelerat. Fratris metu, impetratus ad resistendum Iaromirus, Praga pridie Paschatos excedit, & primum in Poloniam ad avunculum Boleslaum, tamen hostem, profugit, inde vero ad Archiepiscopum Waltherdum, ipso ad Cæsarem placandum intercessore usus, Magdeburgum venit. Abalienavit enim ab eo nuper ob cæsos Bavaros quosdam, pollicitationibusque Bojemo principi parum honorificis, suum fecit Cæsarem Vldricus, quin & astutia sua rem eo perduxit, ut frater miser Merseburgi Elhelbodo præfili sub custodia servandus traderetur. Rebus igitur sic ex voto cadentibus ingressus Pragam, invadit, ac vi armata derelictum à Iaromiro principatum occupat.

XVII. VLDRICVS, qui in ipsis gubernationis initiis accersitus à Cæsare, Merseburgum est profectus, ab eoq; non solum principatus per vim usurpati confirmationem, verum & fratrem captivum in potestatem accepit, cum quo Pragam reversus, non putavit se ab eo esse posse in imperio securum, nisi novandarum rerum facultatem, & de reposcenda dignitate priore, cogitandi cupidinem omnem ei resecaret. Ex Vurslovicensium itaque consilio, visu privat miserum, ac in Lyssam arcem relegat. Sed quas à fratre metuebat insidias, eas ab iisdem Vurslovicensibus, vitæ honorique suo persæpe structas sentiebat, ac ægte effugiebat. Bellum adversus Polonos in Moravia Lusatiæque, adversus Cunradum Imp. (ann. 1026.) servitute insolita Boemos premere conantem, & raptum ex Cœnobio Svini-Brodano Iudithæ agnati principis filiæ (ann. 1031.) ulciscentem, in media Boemia, (ann. 1032.) feliciter gessit. Præfuit rerum summæ in Boemia annos quinque & viginti, mortuus, eodem quo cæcus pater anno, Christiano nempe 1037. Successit in ejus locum, patruī Iaromiri intercessionē adjutus, filius

XVIII. BRZETISLAVS vir pugnator, & Achilles Bojemicus. Adolcscens
vix

vix annos octodecim natus, Iuditham Othonis Albi filiam, virginem ἀλλόφυ-
 λον, ex cœnobio, ut diximus Svini-Bro-
 dano apud Ratisbonam (ann. 1031.) ra-
 puit, & præter majorum morem, qui
 conjugia hæctenus, non alibi quam intra
 fines suos quærere consueverunt, uxo-
 rem duxit. Res Bojemas in vindicata ex
 Polonorum potestate Moravia, confir-
 mavit, Vngariam ad Strigonium usque
 vastavit, Polonicas Vrbes Wratislaviam,
 Posnamiam, Gnesnam, deformato igni
 ac ferro omni circumjacente agro, im-
 perata facere coëgit, (ann. 1038.) & di-
 ripuit, adeoque etiam de tributo, in an-
 nos singulos Bojemis principibus pen-
 dendo, cautionem Polono principi ex-
 torfit. Ex hujus expeditionis successi-
 bus, facta est Bojemia cum populi agre-
 stis colonia & pecoris multitudine abun-
 dantior, tum thesauris supellectilique au-
 rea & argentea opulentior. Henricum
 III. Imp. manubias hæc ex Polonia,
 cum verbis nihil proficeret, vi arma-
 ta ab se repetentem, finesque Bojemos
 cum exercitu (ann. 1040.) ingres-
 sum, in ipso silvarum aditu, clade in-
 genti repressit. Sed ab eo tamen intra
 annum cum copiis majoribus reverso,
 graviter mulctatus, (ann. 1041.) pa-
 cem prece & pretio redimere habuit

neceſſe. * Exegit in principatu annos ſeptendecim, eſſe in vivis deſiit anno Verbi incarnati 1055. Adminiſtravit poſt ejus obitum Bojemorum rempub. diligenter à patre primoribus commendatus filius primogenitus

XIX. ΖΡΙΤΙΗΝΕΥΣ ὁ ἐπιδικῆς. Linguam populi ſui indigenam, ſolam is in Bojemia obtinere, Germanicam vero Germaniæ incolis remittere, æquum cenſuit: ideoque Germanos qui Bojemice nec ſcirent, nec ſcire vellent, promulgato ſtatim poſt initum magiſtratum Ediſto, in Germaniam ſuam emigrare juſſit. Fratres, quibus Moravia à patre erat diſtributa inhumaniter & acerbè tractavit, admonitus tamen à ſanioribus, ne in genus ipſe ſuum ſæviret, in gratiam paulo poſt cum iis rediit. Ex duabus arcibus Pragenſis ædibus ſacris, quia anguſtiores erant, unam cathedralem, capacem ac operis elegantia magnificentiaq; egregie ornatam, fecit. Sexennio duntaxat in magiſtratu exacto, de vita abiit anno Chriſti 1061. Ejus regimen excepit frater natus proximus

XX. VVRATISLAVS, ex paterna diſpoſitione dux Holomucenſis, qui territorium tamen ſuum, fraternæ acerbis

* *Marian. Scot. Chron.*

bitatis metu deferere, & in Vngaria delitescere erat coactus. Is Germanis tanto familiarius utebatur, quanto ab eorum consortio decessior frater erat alienior.

VI. Ab Imp. Cæs. Henrico IV. Lusatiam superiorem, navatæ adversus Saxonas perduelles operæ (an. 1075.) præmium tulit, & paulo post cōventu Ordd. Imperii Moguntino, seu, ut quidam scripserunt, Herbipolensi

EX DVCE REX,

Bohemix Poloniæq; est factus. Leopoldum Austriæ Marchionem in Moravia (ann. 1086.) fudit & fugavit. * VVysehradensem basilicam exstruxit, & liberaliter dotavit. Rempub. gessit, titulo Ducis annos quindecim, Regio sedecim. Defunctus est salutis anno 1093. Et quia personalis duntaxat fuit illa dignitatis regix collatio, cum VVratislao quoque exspiravit, & gubernandæ reipub. ut semper ante hæc, Ducis titulo est præfectus ejus frater

XXI. CVNRADVS, dux ex dispositione paterna Brunensis Zaoymensisque. Sed perbreve ejus fuit regimen. Octavo siquidem ab inito magistratu mense, morte est extinctus, eodem quo

X 5

frater

frater Rex anno 1093. Ad famam mortis ejus advolavit ex Vngaria VVratislai Regis filius

XXII. BRZETISLAVS princeps ejus nominis secundus, qui patris offensi indignationem declinans, haftenus istic apud avunculum exsulabat. Substituitur ergo is à populo in patruī ducis defuncti locum. Gubernationem suā est auspicatus ab hariolis, incantatoribus, divinis, sagis, veneficis, & cæteris infames id genus artes tractantibus, quos omnes è vestigio regione omni jussit excedere. Poloniamque ferro ignique late est depopulatus. Occisus à Loreco Vurslovecio ex insidiis, amisit vitam anno principatus septimo, Christiano 1100. Successit in illius locum frater consanguineus, jam pridem Ratisbonæ à Cæsare & Brzetislao, Ordinibus inconsultis, Bojemix princeps designatus

XXIII. BORZIVOGIYS II. Varie cum hoc principe fortuna lusisse, & aliis ipsum quasi speculum, in quod intuentes ad vigilantiam modestiamque excitentur, proponere voluisse est visa. Principatus enim solum is ter conscendit, sed ter de eo quoque est deturbatus. Nam quia à Cæsare prius quam à populo Bojemo magistratum accepit, nunquam subditorum animos ad obsequia fidemque,

fidemque, ultro propendentes habuit.* In Germanos quoque quam in Bojemos major propensio, odium ipsi apud Bojemos creabat. Dejicere ipsum de solio tentarunt Vldricus Cunradi, (an. 1101.) & Svatoplucus Othonis, (ann. 1104. 1105.) patruorum filii. Quibus etsi res initio non ex voto succedebat, cum tamen paulo post etiam VVladislaus frater ab eo se alienassèt, eruperunt occultata adversus ipsum populi odia. Deferebatur igitur, suffragiis Optimatum consentientibus, reipub. gubernatio ad VVladislaum. Sed cum is tergiversaretur, & in agnatum pro se votum conferret, accitus is est ex Moravia, Borzivogii nempe æmulus, de quo diximus,

XXIV. SVATOPLVCVS, quem cum populi magna gratulatione adventare cognovissèt Borzivogius, cum suis primo ad Boleslaum cognatum in Poloniam, & mox ad Henric. IV. Imp. in Saxoniam (ann. 1107.) profugit. Imp. itaque Svatoplucum ad se accersit, & venientem in vincula conjicit, proceresque quicum eo venerant, Borzivogium reducere, ac dignitati restituere jubet. Sed ii tamen in itinere ab Othone Svatopluci fratre, ad Doninum arcem sunt dissipati, & Borzivogius Poloniam repetere

coa-

* *Chron. Bolislazica cap. 54. 63.*

coactus. Svatoplucus vero promissa Cæsari ex vinculis, si liber in Bojemiam remitteretur, pecuniæ vi permagna, & Othone fratre interea, dum promissis satisfiebat, obside dato, libertatem pariter & ducatum recuperavit, Borzivogio cum Polonis frustra in Bojemias fines irruptionem faciente. Militavit Cæsari Svatoplucus adversus Colomanum Regem in Vngaria, & adversus communes tum hostes, Polonos in Silesia, ubi in GlogovI obsidione, cum ex Cæsaris papilione vespertinus rediret à Ieseco Tista Vurslovecio VViperti Marchionis instinctu, ex insidiis est trucidatus, principatus sui anno secundo, salutis vero 1109. * Mortuo illi statim istic in castris, VVaceco Comite postulante, successorem designavit, & Pragam, cum instructo mandatis Dietrisseco, ad in-eundum magistratum misit Cæsar, Othonem fratrem. Sed quia principem neque VVaceco soli legere, neque Cæsari pro arbitrio obtrudere, per leges licuisse videbant procures Bojemi,[:] ideo frustratus spe est Otho, & concordibus suffragiis, in solio est collocatus VVratislai Regis natu quintus filius

X X V.

* *Cosmas, Prag. Monach. Pegav. in vita Vviperti.[:] Chron. Bolesla. c. 57.*

XXV. WLADISLAVS, qui ab inita dignitate mense tertio Ratisbonam ad comitia invitatus à Cæsare, Praga excedens, Borzivogio fratri principatus denovo invadendi occasionem præbuit. Is enim quam primum comperit VVladislaum iter Ratisbonense meditari, collecto in Serbia seu Lusaria apud VVipertum affinem armatorum globo, in Bojemiam, cum jam frater Dux Plznæ esset, irrupit, & Pragam ad IX. Calend. Ianuar. nemine resistente est ingressus. Edoctus de Borzivogii VVladislaique fortuna Imp. Henricus, movet ipse cum exercitu, qui tumultuario contrahi potuit, in Bojemiam, & diem fratribus, quo Rokytšanæ sibi uterque præsto sit, constituit. Vtroque (ann. 1110.) ad diem præsentem, Borzivogium sub custodia detinuit, VVladislaum vero Pragam ad capeßenda reipub. gubernacula remisit. Sed pacate tamen officio fungi nequitquam sinebant VVladislaum, cum Sobieslaus frater turbata per Polonos iterum atque iterum (ann. 1110. 1115. 1116.) patriæ pace, tum Rex novus Vngariæ Stephanus, incommodo tamen uterque suo, quam VVladislai, graviore. Motibus istis tandem utcumque sedatis, & recepto in gratiam Poloni ducis interventu Sobieslao fratre, misertus Borzi-

Borzivogii fratris vicem Wladislaus, (dimissus namque is nuper à Cæsare, vagus ac egens hinc inde errabat) Pragam ad se illum, accersit, venientem in Ordinum frequenti concilio ad colloquium, admittit magistratu sponte abit, eumque fratri (ann. 1117.) restituit.

Iuvit sumpta Ducem, juvit dimissa potestas.

Sed non diuturnum fuit hoc Borzivogii gaudium. Offensi namq; Germanorum in aula ejus multitudine proceres Bojemi, magistratum ei denuo abrogant, & Wladislao res suas iterum (ann. 1120.) submittunt. Depulsus igitur de dignitate Borzivogius, quadriennio post

*Exsul in Vngaria carnis cōpage soluta
Ad Christum migrat.*

Sequutus ipsū mox anno proximo quoque est longi morbi pertinacia absumptus Wladislaus, anno principatus sexto-decimo, Christiano 1125. Vivo adhuc illi, sed graviter tamen decumbenti, filiis ejus prorsus neglectis, designabatur successor, ab aliis quidem Otho Niger, ab aliis vero Sobieslaus, Regis Wratislai, ille ex Othone filio nepos, hic minimus natu filius. Svatavæ vero reginæ matris prensationib⁹ adjutus, exclusit post Wladislai obitum Othonem

XXVI. SOBIESLAUS, quem
cum

cum Otho, adducto in Bojemiam cum exercitu ingenti Lothario Imp. de dignitate conaretur deicere, vitam in prælio amisit. Conscripto enim ad sui defensionem milite Sobieslaus, processit Imp. obviam, & conferta cum eo (*an. 1126.*) ad Chlumecium manu, stragem ingentem in ejus exercitu edidit. Strzibrum seu Misam in Bojemia, Gorelicium in Lusatia Urbes, ædificavit. Cladscum propugnaculum instauravit, Regnum totum legibus, Pragam privilegiis singularibus exornavit. Vicinum Wratislaviæ Cracoviæque agrum est depopulatus. Ex actis egregia cum laude in reipub. administratione annis quindecim, obdormivit anno 1140. Cooptatus in ejus locum est post altercationes multas decessoris sui VVladislai Ducis filius

XXVII. VVLADISLAUS. Hic quamvis principia gubernationis habuit pacata, cum tamen comperissent proceres Bojemi, ipsum non expectata ipsorum designatione, dignitatem Sobieslai patruï commendatione à Cæsare ambisse, in factiones abire, & à VVladislao pleriq; ad Cunradum Znoymensem (*an. 1142.*) declinare cæperunt. Quia vero Cunradus Imp. à VVladislao, ut pote sororio, stabat, vel inviti ejus imperia ferre sunt coacti. Benevolentia tamen ille
ac cle-

ac clementia sua conciliavit postea sibi,
& arctis obsequiis devinxit universorum
animos, ut nemo esset, qui non libenter
ei obtemperaret.

VII. Cum à Christianis expeditio
(*ann. 1149.*) ad recuperandam terram
sanctam esset decreta, nomen militiæ
illi, cum Henrico fratre, & Zpitihnevo
agnato, dedit. Reversus vero ab ea mili-
tia, Friderico Cæsari in Inſubria (*ann.*
1159.) adversus Mediolanenses rebelles,
strenuam navavit operam. Ab eodem
igitur Cæsare Ratisbonæ principum Im-
perii conventum agente, creatus propte-
rea est

R E X,

& pro Aquila Leonem in insignibus ge-
standum accepit, tametsi, ut jam tum
fuerunt, ita hodieque sunt, qui censeant,
gentis suæ gloriæ illum multo melius
fuisse consulturum, si D. VVenceslai
exemplo fuisset contentus accepta à ma-
joribus dignitate, ac insignibus; nec co-
ronæ & insignis novi acceptatione an-
sam gloriandi Germanis dedisset, quasi
nihil habeant Bojemi principes, quod
non Germanis Cæsaribus acceptum, fer-
re debeant. * Belligeratus quoque hic

Rex

* *Chronic. Boleslav. cap. 66.*

Rex est cum Constantinopolitano Imp. Manuele in Vngaria, & composita tandem inter eum Vngariæque Regem controversia, affinitatem cum eo per Helenæ neptis nuptias contraxit. Postremo vero cum ætate jam esset affecta, & onus administrandæ reipub. gravius quam ut ferri ab se solo posset, experiretur, de assensu Optimatum suorum, Filium Fridericum in regni curarumque consortium (*ann. 1173.*) assumpsit. A quo cum id factum rescisset Cæsar, præter officium & Cæsarum iura factum esse censuit, remque inique tulit. Nam quia qui de Bojemicis fascibus persæpe contenderunt Przemysslai sanguinis principes, opem adversus rerum summæ, populi suffragiis præpositos, suos agnatos, à Germanis Cæsaribus petere, quin & investituras plerumque accipere meminerat, judicavit Imperio, aliquot istis actibus, jam necessario jus accrevisse, principum Bojemorum, non nisi Cæsarum beneficio creandorum: Ideoque se inconsulto VVladislao Regi successorem, à populo Bojemo designari neutiquam debuisse. Abrogavit igitur Friderico dignitatem, & deprecante Sobieslai senioris filio Vldrico, ad administrandam Bojemani rempub. ereptum ex diuturno VVladislai Regis carcere, principem So-

bieflaum juniorem, ex aula sua mifit, qui nihil procrastinandum ratus, affumpto Vldrico fratre, in Bojemiam contendit. Factus ea de re certior VVladiflaus Rex, non judicavit è re fua, exfpectare dum adverfarius veniret. Itaque cum Iutha uxore, Elifabetaque nuru, & paucis, quos fideliores norat, miniftris, in dotalem arcem fuam Meëram in Serbia evadit, ubi quarto mense poft, ex mærore defecit, anno ab inito inter Bojemos magiftratu quinto & trigefimo, falutis reparatæ 1174. Arripuit ergo collata fibi à Cæfare fceptra princeps *μισο-ζέμων* ☉

XXVIII. SOBIESLAUS II. Friderico interea nunc in Vngaria, nunc apud Cæfarem de injuria conquerente. Et quia contra majorum morem, à Cæfare, non à proceribus Bojemis, delatum honorem apprehendit Sobieflaus, neque diuturnum habere potuit imperium. Populus enim, ficut voluntatibus ad Fridericum propendebat, ita ad movendum loco Sobieflaum occasionem quærebat. Sobieflaus interea in Sturmo Przindæ præfecto, quem manu fua occidit, inque Vngariæ Regis fratre, quem ratione inhonèfta cepit, & in Cunrado duce agnato, quem in Moravia armis infelicibus vexavit, dominationis impotentis fpeciem

ei emedidisse est visus. Vnde arrepta occasione Bojemi proceres, cum de obtruso domino ingrato, tum de imminuta per factam VVladislao Regi injuriam Bojemæ gentis libertate, cum Cæsare expostularunt, ita ut abalienatus is à Sobieslao, magistratu ipsum decedere jussit, & Friderico resumendæ dignitatis potestatem fecerit. Coëgit igitur copias raptim Fridericus, & duxit in Bojemiam, cui cum se Sobieslaus resistendo animadvertit imparem, quadriennio vix in principatu exacto, in Silesiam profugit anno 1178. Venit igitur in vacuum principatus possessionem

XXIX. FRIDERICVS princeps, vulgo vocatus *Bedrzich*. Fuit is naturalis ac ingenio moderato; sed quia in eundem cum Sobieslao impegit lapidem, & prolato in Ordd. conventu Cæsaris decreto ac investituræ diplomate, magistratum Cæsaris magis quam populi gratia, resumere est visus, non potuit principatum sine controversia diu tenere. Licet enim rempub. ipso denuo capessente, neque Cæsaris diplomati palam obnuntiabant, neque animi ab novo duce averfi signa ulla dabant Ordines, militis tamen potius, qui ob oculos armatus versabatur, metu, quam sponte ipsorum quievisse est manifestum ex eo, quod,

quam primum liberiores se esse putarunt, plerique nunc ad Sobieslaum fugatum, nunc ad Cunradum Znoymensem, ambos Friderici æmulos, respectare maluerunt. Defendit se nihilominus inter varios motus Fridericus, & dignitatem vel invitis adversariis, quoad vixit tenuit. Mortuus est anno regiminis duodecimo, Christiano 1190. princeps populo, post mortem, quam cum viveret, carior. Surrogatus illi est in dignitate, Theobaldi agnati & populi omnis applausu unanimi, Cunrado avo cognominis ex Moravia princeps, Friderici defuncti æmulus

XXX. CUNRADVS II. Hic sub ipsa initi magistratus auspicia, rogatus à Barbarossæ filio Henrico, in bellum pro recuperando Apuliæ Siciliæque regno proficiscente, ne opem sibi istâ in necessitate ferre abnueret, valida manu collecta, illuc cum eo est profectus. Sed in Neapoleos obsidione, ut & Otho patruelis, interiit peste, anno principatus primo, Christi vero 1190. Ab ejus morte per integrum fere annum dubia fuit & fluctuans reipub. Bojemæ gubernatio. Nam primum eam invasit

XXXI. WENCESLAVS, Sobieslai senioris minimus natu filius, qui quamvis gratia apud Pragenfes cives mul.

multum valuit, quia tamen Wladislai Regis filio Przemyſlo urbem viribus magnis oppugnanti, reſiſtere ſe diu non poſſe intelligebat, fortunam periclitari noluit, ſed æquo conſenſu Pragam dereliquit, & comitatu parvo ad Imp. Cæſ. Henricum VI. Bambergam confugit. Quamvis autem dereliſtum ab eo principatum, armis ſuum fecit Przemyſlus, quia tamen multam pecuniam Cæſari, ſi loco reſtitueretur, promittebat Wenceslaus, & ipſe quoque Przemyſlus interea ob arma (*ann. 1193.*) cum Alberto Comite de Pogen in Bavaria vaſtanda ſociata, pacis in Imperio turbata reus declarabatur, pacatum non potuit eſſe ejus imperium.* Remittebatur enim ex comitiis Wormatiensibus in Bojemiam à Cæſare Wenceslaus, & Przemyſlo, ut de provincia decederet, aſpera comminatione imperabatur. Cum vero contendens in Bojemiam Wenceslaus in itinere ab Alberto Luſatiæ Marchione interceptus, in vinculis teneretur, obrinuit reipub. Bojemæ procurationem, data Cæſari de repræſentanda promiſſa à Wenceslao pecunia, cautione idonea, ortus ipſe quoque ex Przemyſlæo genere Episcopus Pragenſis

Y 3

XXXII.

* *Chronic. Auguſtense.*

XXXII. BRZETISLAVS-HENRICVS. Gessit is per delegatos suos bellum in Moravia Lusatiaque adversus Przemyſli æmuli amicos. Sed tertio procurationis anno Hebum sive Egram valetudinis ergo delatus, exstinguitur, paulo post, quam Przemyſlus, intercessionem Alberti Comitis Pogenſis, cum Imp. in gratiam redisset, Verbi incarnati anno 1196. Ab ejus excessu multa de novo duce orta est inter Bojemos proceres disceptatio. Multis sane, verum tenuioribus; placuit, ut restitueretur Przemyſſo abrogatus, sed nuper quoque redditus à Cæsare principatus. A potentioribus vero vocatus ad regimen est, dimissus ex carcere, in quem Przemyſli fratris causſa fuit conjectus,

XXXIII. WLADISLAVS, qui tamen cum ob præreptam dignitatem bellum à fratre metueret, advocata populi omnis concione frequenti, fratrem procerum multitudini commédavit, deque universorum assensu, legatione ad eum missa, colloquium ejus expetivit. In eo ita se erga fratrem gessit, ut magistratum, quem gèrebat, ipsi in manus resignarit, & Moravia se deinceps contentum esse velle significarit. Administrata igitur ab eo fuit respub. menses duntaxat quinque, & in ejus locum, bona populi gratia, successit princeps XXXIV.

XXXIV. PRZEMYSŁVS, cognomento Victoriosus & Aureus. Multa is bella, nunc contra, nunc pro Caesaribus gessit, magna cū virtutis opinione.

VIII. A Caesare Philippo comitiis Moguntinis impetravit privilegium solenne, ut qui posthac rerum in Boemia potituri essent, suffragiis populi liberis legerentur pro more omnes &

R E G E S

essent: estque ipse statim data corona aurea, Rex Boemiæ (*ann. 1199.*) declaratus, ac ab universis, qui aderant, acclamatione festa salutat. Philippo tandem proditorie trucidato, Othoni, ejusq; controversia in Imperio successioni, constanter adhæsit, & ob egregia sua eum studia, Ottacari cognomentū tulit. A Friderico Othonis successore, (*an. 1212.*) privilegium Philippæo consonans, de libera Regum Bojemorum à populo sua electione, Bojemæ genti obtinuit. Omnes igitur principes qui post Przemyslum hunc, rerum in Boemia deinceps ad hoc usque ævum sunt potiti, regio nomine ac autoritate Bojemis præfuerunt. Etenim qui post Wratislavum Regem, ante, & post Vladislavum similiter Regem, rempub. gesserunt, partim muris inter agnatos concertationibus

impediti, partim populi sui, beneficium hoc Germanicum aspernanti, consilia sequuti, vetere à majoribus usurpata Ducum dignitate, quam nova hac & sumptuosa, gaudere maluerunt. Regnavit autem in Bojemia Przemyſlus-Ottacarus permagna sua, & totius gentis gloria, ab inito iterum magistratu, annos duos & triginta, obiitque anno Christiano 1230. Successit ei mortuo filius jam ante, ipso vivo, consentientibus procerum votis designatus, & Coronatus Rex

XXXV. VVENCESLAVS. Annum is tum cum regnare cœpit ingrediebatur quintum & vigesimum, ab eo quod oculi unius usum in venatione amisit, Luscus, à plerisque etiam Ottacarus cognominatus. Austria à Cremſo usque ad Vngaricos fines depopulauit, Fridericum Ducem iterum iterumque fudit, Tataros ex Moravia fugavit: Liliū, qui conspiratione cum proceribus quibusdam facta, arma adversus ipsum sumſit, & regnum rapere tentabat, coercuit, delictique veniam petere coigit. Cui etsi Regiam dignitatem paulopost in manus tradere cogitabat, tamen cum ipsum juvenili petulātia furere, & comminatu impotenti subditis gravem fore animadverteret, sententiam mutavit. Rarus au-

tus autem coronæ meditata hac in filium translatione, Regem se esse desisse, anno à Coronatione sua prima, qui ei vitæ quoque primus fuit, quarto ac quadragesimo, coronam iterata inauguratione solenni (ann. 1250.) resumpsit. Vixit annos septem & quadraginta: obiit regni anno quarto & vigesimo, Christiano 1253. Cujus decessu regnum, frustra reclamantibus primoribus non paucis, adeptus est filius

XXXVI. PRZEMYSŁVS OTTACARVS II. Duces hic Regesque omnes qui antehac Bojemis præfuerunt, gloria, virtute, opibusque superavit. Bojemi ipsum nomenclatura ab hospitalitate desumpta Hostimilum vocitabant. Impius quidem olim in patrem fuerat, sed castigatus ab eo resipuit postea, culpamque est deprecatus. Vivo patre, post defunctum absque sobole Przemyšlum patrum, factus est Moraviæ Marchio; fratre Vladislao, qui per Gertrudis matrimonium Austriæ dux fuit factus, intra sesquiannum ab adita provincia extincto, nec hæredem relinquirente, à provincialibus est ad Austriæ Stiriaque principatus jure propinquitatis vocatus.*

Y 5

In cu-

* *Chronic. Australe, & Augustense*
Henr. Stero. An. Silvius.

In cuius utriusque possessione, ut titulum de jure alio quoque haberet, FridERICI ultimi Austriæ Stiriaëque Ducis sororem Margaritam, uxorem duxit, & à Ricardo Rege Romanorum electo, investituram cèremonia solenni, quin & à Pontificibus Romanis concessiones multiplices accepit. Quia vero Bela Rex in Stiria acquirenda jure se, quam is, meliore putabat niti, armis rem finiri oportuit, & victus aliquoties Vngarus, pacatam Bojemo provinciæ possessionem relinquere est coactus. Emit præterea Carinthiam, Carniolam, Naonisque portum, ab anitino suo Vldrico principe, Przemyssus. In quarum possessione, cum jam quatuor vigintique annos exegisset, sumptusque in eas permagnos gravi cum anxietate fecisset, reposcit eas ab eo tanquam nullo jure infestas, creatus nuper ex Habsburgi Comite Romanorum Imp. Rudolphus. Res sane tum statim ad arma spectabat, nisi astut circumventus Przemyssus, provincias quas diximus, Cæsari resignasset. Onerabatur enim illa spe, resignationem illam nulli sibi fraudi futuram, siquidem filia, per id tempus Regis filio à Cæsare desponsæ, dotales provinciæ istæ essent futuræ. Sed cum nec Rudolphus, ut qui Austriam Stiriamque statim Alberto fi-

lio, Ca-

lio, Carinthiam vero & regiones vicinas Maynhardo Tyrolensi, Augustanorum comitiorum decreto dabat, fidem servaret, nec proceres Bojemi Regis sui in amissione tam nobilium provinciarum, præposteram incogitantiam, animis æquis ferre vellent, renuntiavit amicitiam Cæsari Przemyslus, & aut reddi sibi ereptas compositis dolis provincias, aut bellum exspectare jubebat. Restitutio- nem negante Cæsare, conscribit militem Przemyslus Rex, quem cum postmo- dum in Austriæ campum quendam (Marchfeld vulgus vocat) adduxisset, Rudolphum Cæsarem in armis offen- dit. Consertum igitur est ad VII. Calend. Septemb. ardore partis utriusque acerrimo, prælium cruentum, in quo desertus à suis occubuit, strenue pugnans Rex Przemyslus-Ottacarus, anno regni sui quinto & vigesimo, partæ vero salutis 1278.

IX. Sequuta hanc luctuosam cladem est gentis Bojemæ calamitas numquam sine lacrymis memoranda. Non habue- runt enim, quem Regem sibi gerendæ Reipub. idoneum legerent Bojemi, & impuberem adhuc occisi Regis filium à sceptris, nisi ingrati esse vellent, arceri haud posse videbant. Accidit ergo eis, quod aliis regnis quandoque accidisse legimus,

legimus, ut interea dum regius puer adolescebat

INTERREGNUM

esset, & cum immani militis Cæsariani insolentia primum, mox etiam cum fame rerumque omnium inopia extrema conflictaretur Bojemia tota. Testis ejus rei tum locuples erat Turingia Misniaque, in quam triennio fere integro commigrabant relictis laribus, expilati Bojemi, ac consumpti inedia miserabili in plateis corruiebant mortui. Tutor interea Regis designati ingratus, Przemyssii occisi ex sorore nepos, Otho Longus Brandeburgi Marchio, regnum exactio- nibus gravabat, expilabat, diripiebat, & Germanos homines, opum dignitatumque nidore illectos, in regno multiplicabat, usque dum anno demum tyrannidis suæ sexto, emuncta prius pecunia ingenti, Regem adolescentulum, ex Marchia sua, in Bojemiam reduxit, & populo calamitoso (ann. 1284.) reddidit. Exceptus ergo est & maxima quavis lætitia ad Regni gubernacula admissus, princeps

XXXVII. WENCESLAVS II.
Rex sextus, adolescens annos tum demum natus quatuordecim. Assumptionem diadematis solennem ille distulit
ad an-

ad annum ab magistratu inito tertium decimum. (*ann. 1297.*) Moderate sapienterque regnum administravit, ita ut & Poloni eum sibi Regem adversus Wladislaum Loctecum crearint, & Silesiæ Duces quidam, dominum præfecerint, & Vngari Regem postularint. Polonos quidem is, & Silesiæ Duces illos, accepit in fidem, sed Vngaris se excusavit honeste. Albertum Lusum Imp. decimas ex argenti fodinis ab eo, in Bojemicæ libertatis fraudem, ausu novo exigentem, & regnum manu militari turbantem, finibus suis eiecit. Pietate vitæque moderatione, promeruisse est visus, ut Sanctus cognominaretur. Exstinctus est, vel tabe lenta, vel ex propinato, ut quidam prodiderunt, ab Albertinis hominibus veneno, ætatis anno quinto & trigésimo, regni supra vigesimum primo, Christiano 1305. Surrogatus ei est filius cognominis, adolescens annum ætatis septendecimum ingressus, princeps

XXXVIII. WENCESLAVS III. Rex septimus. Inauguratus antehac erat, & triennium regnarat in Vngaria; verum voluntatum lubricitate in proceribus Vngaris perspecta, regno ipsorum excessit, & ad patrem rediit. Cum in Poloniam, regnum auspicator, contenderet, Holomucii in itinere, cum in Decani domo veste

veste exsuta meridiaretur, ab iisdem, à quibus pater sublatuſ esse putatur, perſicarium vulneribus tribus eſt conſoſſus, anno ætatis duodevigefimo, Verbi incarnati 1306. Fuit cum corpore formoſiſſimus, tum lingua promptiſſimus. Regnando non exegit niſi annum unum.

X. Rege hoc cæde feſtinata perempto, & regia prole ſexus melioris nulla exſtante, excitata eſt inter procereſ, de Regiſ electione in comitiis concertatio gravis & pernicioſa. Eligebatur enim à parte populi maiore, Alberti Imp. filiuſ Dux Aultriæ Rudolphuſ, à reliquiſ vero, quos Regiſ occiſi ſororeſ preſabant, Annæ Wenceſlai Sancti filiæ natu maioris marituſ, Henricuſ Dux Carinthiæ. Variantibuſ ſic in deliberatione, & in ſuſpenſo hærentibuſ ſuffragantium ſententiis, ſupervenit cum filio Candidato, & militum vi valida, Imp. Cæſar Albertuſ, effecitque ne filiuſ, qui prioreſ parteſ in ſuffragiis tulerat, poſterioreſ in acquirendo regno ferret. Conſequutuſ itaque ſummam apud Bojemoſ dignitatem eſt princepſ

XXXIX. R V D O L P H V S cognomento Mitis, Rex octavuſ. Iſ quoniam multoſ Regni procereſ cum Henrico Carinthio ſentire, eamque ob cauſſam electioni non adſuiſſe ſciebat, uti omnium
ſibi

sibi animos conciliaret, Viduam Wenceslai majoris, cui ob vitæ morumque probitatem Bojemi addicti erant, uxorem duxit. Cumque ne sic quidem, quod voluit, consequeretur, sed per contumeliam ab iis Rex *Kasse*, scommate à pulticula tracto, appellaretur, armis eos cogere statuit. Assumpto ergo milite cinxit obsidione Horazdiejovicium : ubi cum hæreret, incidit in profluvium alvi immodicum, ejusque pertinacia medicorum diligentiam omnem superante, intra tempus breve sub pellibus est extinctus, anno regni primo, Christiano 1307. Ejus morte recruderunt in coactis de Rege optando comitiis procerum acres contentiones. Multi enim in Henricum Carinthium vota conferre pergebant, nonnulli Fridericum Austrium, Rudolphi defuncti fratrem, volebant, quidam neutrum probabant. Vicit tandem suffragiorum numero, & ad reipub. gubernacula, fremente ac reluctante Alberto Cæsare, est admotus, princeps

XL. HENRICVS, sed regno tamen nunquam solenniter est inauguratus. Quia enim Germanos in capiundis de repub. consiliis, non Bojemos adhibebat, & argento Cutnensi in Carinthiam suam exportando, potius quam regno

regno pacando attendebat, anno ab initio magistratu tertio, in conventu Ordd. publico, est abdicatus, anno Christi 1310. & Rex pro eo, ea lege si Elissam Wenceslai Regis filiam, de tribus natu minimam, uxorem vellet ducere, est declaratus Imp. Henrici VII. filius

XLI. IOHANNES, Rex decimus. Natus is tum erat, cum regnum inibat, annos quatuordecim. Ut ob fortitudinem virtutesque dignas viro principe, Bojemis fuit carus, ita ob Lucenburgi patriæ, & Germanorum hominum, amorem quam terræ Boemiæ, majorem, emunctionesque populo graves ac frequentes, intolerabilis. Inde oriebantur non raro inter ipsum & Optimates, periculosa simulata. Bella ille gessit per multa cum Regibus principibusque vicinis, fortuna semper fere propitia. Silesiam regno conjunxit, & Lusatiam superiorem recuperavit. Henricum Austriam, Friderici fratris castra adversus Ludovicum Imp. sequutum, in prælio cepit, & non prius, quam imprudenter olim Alberto Cæsari à Bojemis factas obligationes ab eo recepisset, liberum dimisit. Occubuit in prælio Philippi Galliarum Regis, cum Eduardo Angliæ Rege, anno Regni sexto & trigésimo, ætatis quinquagesimo, Christiano 1346. Oculo

Oculo utroque fuit captus, quorum alterum amisit ex aere nebuloso in Litvania, alterum ex dolore & medici imperitia in Boemia.

XI. Successit ei in Regno, eo adhuc vivo designatus princeps

XLII. CAROLVS, Rex undecimus, & Romanorum paulo post Imp. ejus nominis quartus. Hic cum lateritium à patre relictum invenisset regnum, sapientia effecit marmoreum. Hoc unicum in eo nostri quidam improbant, quod quamvis patriam legibus & decoribus insignibus, splendidissimam faciebat, caritatum tamen interea domesticarum, & familiæ suæ apud Boemos exaltandæ rationum, quin eas ornamentis regni publicis anteponeret, nullo modo oblivisci volebat. Emporium mercium omnigenarum, & literarum liberalium studium universale, Pragæ constituit, Vltavam ponte lapideo junxit, Marchiam veterem emit, de Silesia Lusatiaque, ne à Corona Regni Boemiæ alienari unquam posset diplomate edito cavuit. Gentem linguamque Bojemam ac præcipue regni sui urbes præ cæteris dilexit. Obdormivit Pragæ regni cum laude gesti, anno supra trigesimum, secundo, ætatis climacterico magno, tertio & sexagesimo, Christiano 1378. Venit ab
Z ejus

354 REIPUBLICAE
ejus excessu ad reip. fastigium summum,
filius, princeps

XLIII. WENCESLAVS Ebri-
sus, Rex duodecimus, per importunas
patris prensationes flagitationesque jam
olim & designatus & coronatus. * Igna-
vum quidem ipsum vocant Germani, sed
quæ pro repub. egit nonnulla, non solum
hominis haudquaquam ignavi sunt facta,
verum &, si à vino temperasset, iudicio
ipsum Regibus aliquot Germanis præsti-
tisse, non obscure innuunt. A proceri-
bus Bojemis Sigismundi fratris instiga-
tione bis captus & severe habitus fuit,
sagacitate tamen sua in libertatem se bis
quoque vindicavit, & regnum recupera-
vit. Sanguinis fundendi avidior fuit; &
scelerum vindex inexorabilis. Ob exci-
tatos Pragæ ab Iohanne Zizca motus, Se-
natumq; per fenestras præcipitatum con-
sternatus, immodiceque indignatus, apo-
plexia est percussus. Ex isto itaque mor-
bo decessit, vitæ anno octavo & quin-
quagesimo, Bojemici post patrem gu-
bernati regni, primo & quadragesimo,
Verbi incarnati 1419. Imperium admi-
nistravit annos duos & viginti, quod ei
tamen ante undeviginti, quam obiret an-
nos,

* *Lege Recognitiones Civitatibus ex-
tortas.*

nos, per Septem-Viros erat abrogatum.

XII. Morre ejus, motus, quos diximus, non modo non conquieverunt, verum à Sophia regina Sigismundoque fratre Cæsare, multo majores sunt facti. Ambo enim illi exacerbatum ob Hussi, Hieronymique supplicia indigna Bøjemum populum, armis, quam verbis ad quiescendum perducere satius esse, infortunio suo non levi censuerunt. Nulla igitur via permoveri poterant Bojemi, ut Regem habere vellent. Imp. Sigismundus sane, petruptis omnibus obicibus, in arcem Pragensē cum militari manu irrupit, & coronam sibi regiam præter Ordinum voluntatē imposuit; sed exercitibus suis aliquoties fusis fugatisve, non nisi quinto decimo anno post, in regni possessionem venire potuit. Ergo ab Regis Wenceslai obitu

INTER REGNUM.

Fuit bellis civilibus calamitatibusque horrendis per annos sedecim perturbatissimum, donec armorum successu desperato, verborum calamorumque lenociniis, in obsequia sua pellectis potentioribus, ad regni clavum admissus fuit ille ipse

XLIV. SIGISMUNDVS, Caroli Imp. filius alter, & Rex in Bojemia tertius

tius decimus. Fuit princeps literis humanioribus non leviter tinctus, eruditorumque Mæcenas. Marchiam & Electoratum veteris Brandeburgi, primum oppignoravit, tandem ære quo eam gravavit dissoluto, Burggravio Noribergensi Friderico in feudum ab Imperio tenendum concessit, ac ratione ista à Bojemix regno penitus avulsit. Bello adversus Turcas Bojemosque inglorius. Cum Hussi disciplinx sectatoribus Bojemis, varias de religionis pace, Brunæ, Iglavix, Oegræ, Pragæ, tractationes habuit, quos quamvis in sectas divisos reperit, utrosque tamen cautionibus scriptis, Calixtinus nempe Compactatis sive Concordatis Basileensibus, Taboritas vero regio diplomate suo, aliquo modo placavit. Praga, motus ob Rohacii Baronis supplicium exoriturus metu, valetudine dubia digressus, in itinere Vngarico ex ignis sacri uredine defecit, anno ætatis septuagesimo, regni Bojemi, ab arrepta corona, septendecimo, Christiano 1437.

XIII. Ab ejus obitu turbulenta iterum erant de Rege creando comitia, aliis commendatum solícite à Sigismundo generum, Albertum Austriæ ducem expectantibus, aliis Vladislai Poloni regis fratrem adolescentem Cazymirum. Ambo illi factionem suam armis in Bojemia juvabant,

vabant, ita ut regnum civili bello denuo ardere videretur. Quia tamen potentior erat factio Albertina, inauguratus regno est delectus ab ea princeps

XLV. ALBERTVS, cognomento Claudus, Rex decimus quartus. Perquam rara, sed perquam inconstanti fortuna, tria regna intra annum unum est consequutus. Bojemi nihilominus non pauci, sique authoritatis præcipuæ, nullo modo, regem ipsum ut agnoscerent, poterunt adduci. Et quamvis necdum biennio regnavit, bellicæ tamen suæ virtutis specimen adversus Moravos, Polonos, Bojemos, Turcas, haud contemnendum edidit. Dysenteria est ex melonum esu nimio extinctus in Vngaria, anno 1439. Regis morte ad Bojemos renuntiata, conventus regi creando, iterum altercando, est actus. Quoniam enim iterum gerens ab Alberto relicta, & paulo post marem posthumum enixa erat uxor regina, quidam Regem illum habere, regnumque, dum pubesceret, per delectos curari volebant; quidam vero Albertum Baviaræ Ducem in regnum vocabant. Sed cum is distractum religionibus regnum suscipere abnueret, placuit universis Ladislaum (sic enim vocavit mater) Regem designare, & ne quis motus, priusquam is per ætatem

Z 3

regnan-

regnando evadat aptus, suboriri, vel juris populo dicendi cursus negligi queat rempub. Eparchis, ex procerum corpore delectis, duobus committere. Tertium igitur post Reges in Bojemia creati cœptos, hoc jam fuit

INTERREGNUM.

Duravit autem id ad ætatis Ladislai annum quartum decimum, quem cum ageret idem

XLVI. LADISLAVS, imponebatur ei ritu solenni regni corona. (ann. 1453.) & factus erat apud Bojemos Rex quindecimus. Is cum expectatione omnium permagna regnare incipiebat, morte immatura, in ipso nuptiarum apparatu, & ætatis flore, est extinctus. Alii peste, alii veneno sublatum censuere, vitæ anno duodevigesimo, salutis nostræ 1457. Nunquam majore quam tum ambitu comitia regis creandi in Bojemia caluerunt, adeo multi magnique competitores erant, qui ea calefaciebant! Excussis tamen ultro citroque diligenter omnibus, electus est cunctorum votis, qui Ladislao nondum ad reipub. clavum collocato, regnum ejus nomine gubernarat

XLVII. GEORGIVS, Podiebradius cognomento, Rex sextus decimus.
Natus

Natus hic cum regnum inibat erat, annos octo & triginta. Sapienter animoseque dignitate regia est usus. In Misnia, Silesia, Moraviaque, imo & cum contumacibus adversariis in Bojemia suis, qui obsequia ipsi pertinaciter negabant, Vngarumque regem æmulum opponebant, difficilima gessit bella, conatus tamen eorum omnes semper elisit ac elusit. Fridericum Imp. obsidione arctissima in Viennensi arce à suis cinctum, quemque ope omnî ab Imperio destitutum dolebat, liberavit. Operæ ejus pretium à Cæsare tulit, cum luculenta regno Bojemo data privilegia, tum filiis additam dignitatis excellentiam. Imperii enim principes ii tum sunt creati. Obiit ex hydrope, ætatis anno supra quinquagesimum primo, regni tertio decimo, Christiano 1471.

XIV. Eo in conditoriis Regum funerato, comitiisque Pragæ novi Regis creandi causâ institutis neutiquam conveniebat inter Ordines. Nam alii Wladislaum Polonum, alii Matthiam Vngarum, alii Imp. Fridericum, cupiebant; nonnulli Henricum Georgii defuncti filium, alii alios malebant. Re diu Pragæ agitata, & ad extremum comitiis ad Cutnos montes translatis, renuntiatur Rex à Bojemis, Cazymiri Poloni filius

XLVIII. WLADISLAVS, qui Cracovia Pragam veniens, honore Ordinum omnium summo est exceptus, tertioque ab adventu die coronatus. Quindecim annos erat natus cum regnum auspicabatur: princeps fuit comitate munificentiaque singulari, & inprimis pacis consecrator. Privilegia immunitatesque insignes cum regno toti, tum Ordinibus singulis, adeoque familiis procerum & civitatibus plerisque, benigne dedit. Rempub. cum Optimatum consilio in multis ordinavit, & legibus correctioribus exornavit. Fatis concessit post completum ætatis annum sexagesimum, regni anno quinto & quadragesimo, reparatae salutis 1516. In ejus locum successit in regni administratione, patre adhuc vivo regno inauguratus filius, adolescens annum ætatis tum agens decimum

XLIX. LVDOVICVS, Rex octodecimus. Hic Maximiliani Imp. & Sigism. Poloniae Regis patruus consiliis regebatur, & propter Turcicas in Vngariam irruptiones frequentes, in Vngaria fere vitam transiebat, perraroque in Boheimiam veniebat. Ea propter turbæ ex turbis, vitia ex vitiis per ejus absentiam in regno germinabant. Etsi vero Eparchum Rex, qui cura vicaria rempub. gubernava.

bernaret, populo constituit Regis olim Georgii nepotem Carolum Minsterbergi ducem, malis tamen sanandis imbecillior quam oportebat, ejus fuit auctoritas. Decimo regni ejus anno, vi, quam unquam majore imminebat Vngariæ Turcicus Sultan-Soleiman. Cujus furori reprimendo, conscribebat ex regnis suis, qua potuit celeritate copias Ludovicus, & ab Imperii principibus etiam comitiis Noribergensibus subsidia exposcebat. Sed quia nec Archistrategū belligerandi gnarum habebat, nec ab Imperio opem quam sperabat consequeretur, & modico exercitu cum ingentibus Turcarum copiis ad Mohacium confluere est coactus, fuso dissipatoque à Turcis exercitu suo, ipse fuga quidem ex prælio est elapsus, paludis tamen voragine, in rivo Celepotoco, cum equo haustus interiit, non multum vicenatio major, salutis anno 1526. Regi huic omnia fuerunt præmatura. Etenim, ante DiemnatVs, ante diem coronabatur, ante diem barbescebat canescebatque, ante diem regni curam suscipiebat, ante diem uxorem ducebat, ante diem occumbebat.

XV. Ab hoc luctuoso Regis interitu, convenerunt Pragæ Regis creandi causa Ordines, & cum alii Ferdinandum Austriam Ludovici sororium, alii

Sigismundum Polonum, alii ex Bavaris fratribus vel Ludovicū vel VVilelmum, Regem habere vellent, * ultimo placuit omnibus imitari majorum, post Alberti Regis mortem, eadem in causā observatum exemplum. Delectis igitur ex singulis Ordinibus numero pari viris prudentibus quatuor & viginti, iisque iurejurando adstrictis, Regis ex quatuor, quos diximus, Candidatis eligendi potestatem dederunt. Ab iis itaque re deliberata, Rex Bojemiae est renunciatus

L. FERDINANDVS Austriae Archidux Rex novendecimus, à vulgo ob labiorum magnitudinem vocatus *Hubaček*. Erat princeps hīc cautus, solers, vigilans, vigore ingenii atque animi praestabat, adversus humanos casus omnes sese obfirmabat. Annus ætatis quartus & vigesimus, regnorum ei fuit primus. Legibus patriis conformis, & salutaris fuit illius in Bojemia regni gubernatio, sed quam postea bellum in vicina Germania Smalcaldicum vocatū, perturbavit. In quo cum adversus confœderatum fideique domesticum Saxoniae principem Electorem, arma cum Rege conjungeret

* *Ioh. Herburt. histor. Polon. lib. 20. cap. 3. Bodin. de Republic. lib. 6. cap. 5.*

jungere abnuerent Bojemi, (ann. 1547.)
 nec militem, quem domi inauكتورatum
 in limite regni septentrionali tenebant,
 ipso operose mandante, dimittere vel-
 lent, indignatus propterea Rex, majesta-
 temque suam conculcari ratus, post de-
 bellatum à fratre Saxonem, Pragam cum
 copiis irarum plenus redit, formatoquo
 tribunali judicum singulari, potentiores
 ex Ordinibus omnibus, in jus vocat,
 condemnat, pœnas irrogat, quibusdam
 supplicio ultimo affectis, cæteros gravi-
 ter, & inprimis civitates, mulctat ac bo-
 nis exsui, leges regni consuetudinesque
 pro arbitrio, quasdam interpolat, quas-
 dam abrogat, calamitate incolarum re-
 gni permultorum, necdum satis deplora-
 rata. Ira tamen cum tempore, sed sen-
 sim ac tarde, defervescente, quædam
 quibusdam vicissim est gratificatus ac
 restituit. Appellationum tribunal, (ann.
 1548.) ad quod ab opidanis iudicibus
 provocationes fierent, in arce Pragenſi,
 & suos quosdam quasi Ὁ' τὰς ἐν τῇ πόλει in
 Urbibus, instituit, de non evincendis
 alienatis quovis titulo per decessores suos
 Reges bonis ecclesiasticis, Interdicto pe-
 culiari cavuit. Obiit, die mortis suæ au-
 lico concionatori suo, trimestri prius
 quam obibat, nominato, ætatis anno se-
 cundo & sexagesimo, regni supra tri-
 gesimum

gesimum septimo, Christiano 1564. Successit illi, jam pridem regnis destinatus, & ante sesquiannum coronatus, maximus natu filius princeps

L. I. MAXIMILIANVS. Septem & triginta annos natus, & jam tum multorum liberorum pater erat, cum regnum ipse administrandum accepit. Princeps fuit pietatis, publicæ tranquillitatis, æquitatis, ac subditorum suorum amantissimus. Conscientiis hominum de DEO non impie sentientium, patris exemplo pacem dabat, & religionum dissidia verbis, non ferro, sopiebat, filiumq;, quem sibi successorem de populi assensu designabat, ad eandem moderationem commonefaciebat. Ipso regnante Boemia bellum nullum vidit. Valedixit terris Rex hic anima pia, cum ætatis esset ingressus annum quinquagesimum, regni post patrem administrati anno decimo tertio, restauratæ salutis 1576. Excepit ejus regnorum curas annos jam tum quatuor & viginti natus filius princeps

L. II. RYDOLPHVS II. Paterna hic premens vestigia, pacem diligenter confectabatur, ac Pragensis urbis deliciis contentus, perraro alibi quam in Boemia degebat. Turcarum tamen rabies, ac Vngarici regni calamitates, bellum tandem ipsum moliri coegerunt, quod
per du-

per duces diversos, continuos annos
 quatuordecim, ab eo est fortuna ambi-
 gua in Vngaria gestum. Quo per indu-
 cias cum hoste pactas utrunque remit-
 tente, inquietarunt ipsum excitati ob-
 turbatam religionem, primum in Mora-
 via Borscajiani, (ann. 1605.) postea in
 Bojemia (ann. 1608. 1609.) populares
 motus bellici. Borscajianos Rudolphus
 Rex, partim pacis, partim Martis reme-
 diis, Bojemicos vero data conformata
 secundum exhibitam olim ab Ordinib.
 Maximiliano patri Confessionem in re-
 gno religioni, solennique privilegio ac
 tabulis confirmata pace, accurate com-
 posuit. Verum regni quietem labore
 multo comparatam, brevem ei fecit
 Matthias frater. Videns enim is fratrem
 curis multiplicibus languidum, ætateque
 vergentem, cum fratribus ac agnatis con-
 tra ipsum (ann. 1606.) paciscitur, & scien-
 tibus conniventibusq; Imperii principi-
 bus, armata manu illi, primum Austria-
 cas provincias, mox (ann. 1608.) Vn-
 gariæ regnum & Moraviam, postremo
 etiam Bojemiam (ann. 1611.) cum pro-
 vinciiis concorporibus extorsit. * Inju-
 ria tam enormi, & ab Germanis pror-
 sus ne-

* *Querela Rudol. Imp. ann. 1610.
 Elect. Praga proposita.*

sus ne neglecta, affectus à fratre Imp. Rex Rudolphus, mœrore angi non defuit ante, quam è vita excederet, ætatis anno sexagesimo, regni sexto & trigésimo, Christiano 1612. Cœlebs hic vitam traduxit, legationibus splendidissimis à Turco, Persa, Mosco, Tatara, honoratus. Regnum ergo Bojemix, armis pariter & populi non satis acute perspicacis consensu, à fratre acceptum, apprehendit ejus frater, de quo diximus,

LIII. MATTHIAS, qui quamvis majorum more regnum gubernaturus credebatur, sanguineis tamé fervidorum religionis ad Romanæ sedis disciplinam institutæ sectatorum suggestionibus, ab instituto salutari est averfus, & sopitas Rudolphi prudentia simultates, atque religionis Evangelicæ turbationes, sensim in Boemia recrudescere passus. Quas dum in herba ipsa negligeret, & specie valetudinis curandæ, regno in factiones distracto excessisset, bello accendendo occasionem præbuit. Mali, immanitate ac diuturnitate perniciosissimi, principium fuit, duorum ex regni Optimatibus & Actuarii unius, (qui consiliorum perniciosorum turbatæque pacis publicæ auctores esse arguebantur) ex sublimi Consistorii regii fenestra deorsum præcipitatio. Eam sequuta statim sunt,

sunt, à Rege majestatis vindicandæ, à Bojemis religionis tuendæ causâ facti apparatus bellici ingentes, bellumque exitiale, quod tam late postmodum perpissile vidimus, ut non tantum Boheimiam, verum & Germaniam totam corripuerit, & meo, innumeræque bonorum multitudinis infortunio maximo, hodieque ardeat. Quod cum inter spes dubias inchoarat Matthias Rex, commutavit cum morte vitam, ætatis anno climacterico supra sexagesimum tertio, regni octavo, & Christi 1619.

XVI. Et quamvis eo adhuc vivo, (ann. 1617.) regno inauguratus fuit frater patruelis FERDINANDVS Austrius, Stiria, Carinthiaque Dux; quia tamen eum à paucis, iisque magnam partem vel metu adactis, vel pretio corruptis, contra majorum morem, Regem acceptatum, non electum, querebantur Ordines plerique omnes, arcebat ille post Matthiæ Regis mortem à repub. regnoque ei frequentissimo Ordd. & ex unitis coronæ provinciis delegatorum conventu solenniter abrogato, optabatur Rex alius, à quibusdam Fridericus Comes Palatinus, à quibusdam Iohannes-Georgius Saxo, Electores, à quibusdam denique Victor Sabaudia Ducis filius. Vicit tamen suffragiorum numero, & veniens

veniens non tantum honoribus summis exceptus, sed etiam sexto ab adventu die, festa cum congratulatione corona regia redimitus est princeps.

LIV. FRIDERICVS Comes Palatinus Rheni, Rex tertius & vigesimus. Agebat is tum, cum regnum adibat, ætatis annum quartum & vigesimum. Fuit princeps pietati deditissimus, pace quam armis felicior, in utraque, ut ridente, ita & tonante fortuna, æquabiliter moderatus, multorum liberorum pater. Vbi alterum regni Bojemi inchoabat annum, cum Imp. Cæs. Ferdinandi II. & Maximiliani Baviaræ Ducis copiis, ad Pragmam in Albo-monte, (ann. 1620.) Marte adverso de regno dimicavit. Sed partim fuso exercitu suo, partim dissipato, fuga cum uxore prægnante liberisque, salutem quærere, & regnum victori relinquere est coactus. Perfugium ejus primum fuit urbs VVratislavia, & mox sororii urbs aulaque Berlinum. Cum vero & hæreditariis provinciis suis ab Hispano regio, Bavaricoque exercitu, eodem quoque tempore esset exsutus, & à Cæsare præterea proscriptus, vidit se apud sororium non posse esse periculi securum. Profugit itaque exsul in Hollandiam ad avunculum Auriaci principem Mauricium, ejusque & foci Ma-

gnæ


gnæ Britanniae Regis munificentia, postea vero, cum mortui essent illi ambo, avunculi alterius Friderici-Henrici Ordinumque Hollandorum, & affinis Regis Britanni subsidiiis, tædia exilii longa superabat. Recuperato tandem, Gustavi-Adolphi Sueci Regis armis, magnam partem suo in Palatinatu Rheni patrimonio, cum & reliqua ditionum honorumque decora recuperaturus videretur, exstinctus est letho, veneni, ut ferebatur, virulentia accelerato Moguntiae, ad III. Calend. Decemb. anno ætatis septimo ac trigesimo, exilii aliquanto plus quam duodecimo, Christiano 1632. Post victoriam, quam adversus Fridericum Regem ad Pragam, ut diximus, in Albo-monte obtinuit Imp. Cæsar, princeps

L V. FERDINANDVS, misso statim Prorege Carolo Luchtensteinio, regnum belli jure comparatum apprehendit, & affectis ultimo supplicio viris partis adversæ primariis fere triginta, quibusdam vero ad carceres perpetuos condemnatis, opulentioribus perquam multis patrimonio omni mulctatis, suffragiorumque jure in regibus creandis, populo penitus erepto, regnare pro arbitrio, dominatuque absoluto in Boemia cepit, hodieque adhuc regnat.

XVII. Cæterum quum lubricus locus sit, & à viris intelligentibus ubique fere vitatus, de superstitibus Regibus scribere, & ne quis forte arbitretur, me qui ab hoc Imp. Cæsare, fortunas omnes & patriam ob religionem deferere sum coactus, dolori plus quam oportuit, in scribendo indulgisse, ea propter facta bel-
lis toto Imperii tempore, in Germania, Italia, Prussia, hætenus gestis, celebra-
rissimi hujus Monarchæ, sicut alia, ita Bojemica, posteritati liberiori disertiori-
que, relinquo describenda. Stylum au-
tem jam meum converto ad principes
reginasque Regg. Bojemorum uxores,
experturus si, quod lectoris animo nec
injucundum sit, nec inutile, aliquid for-
te de iis quoque queam observare.

CAP. IX.

*De Principibus Reginisque
Bojemia.*

- I.  Icut cæteris quibusque suis
vitæ rationibus principes Re-
gesque præbent subditis vel
virtutum vel vitiorum inci-
tamentum, ita inprimis ab illicita Vene-
re abstinentia, conjugiiq; vagæ libidinis
nescii custodia, dant iisdem castitatis ac
conti-

continentiæ exemplum. Dignissimum laude hoc institutum, servarunt quoque studio accurato Bojemi principes, & vita pudice acta, ductisque domum uxori- bus legitimis, hac quoq; in parte exem- plo ad honestatem populo pleriq; omnes præire necessarium judicarunt. Vetu- tissimi autem inter eos, uxores ex sua, non alienigena, posteriores contra ex- alienigena, non ex sua gente habere ma- luerunt. Et sane quo lingua, moribus in- stitutis propinquior viro est uxor, eo ju- cundior, concordior, necessariisque omnibus gratior esse solet eorum con- sociatio. Iam quia in quovis hominum ordine uxores ex virorum fortuna for- tunam similiter suam amant metiri, vi- detur, neutiquam esse importunum hoc loco, de principibus Reginisque uxori- bus nonnihil afferre, & earum in Boje- mia jura, ac quas propter nuptias ex more prisco legibusq; consequuntur præ- rogativas, tum etiam quæ ex ipsis cum quo principe matrimonio cōjuncta fue- rit, obiter investigare. Etsi ergo Bojemi jam dudum dedidicerunt esse γυναίκο- κρετίσµοι, neq; principes ipsorum fa- sces suos cum uxoribus ullo modo com- municant; eorum tamen uxores jam olim principatus regnique insignibus, solenniter ac iisdem fere quibus Reges

ipsi ceremoniis ornari, inaugurari, ære coronario donari, & à populo omni, honore quovis maximo ac prorsus regio, ut & obsequiis promptissimis coli consueverunt. Æs coronarium quod more prisco iis sub inaugurationem solet decerni, & ex oblationali Ordinibus intra semestre proximum, debita, ab agrestibus pensione cogi, ad quinquies mille marcas argenti dicitur excrecere.

II. Luculenta illæ quoq; semper habuerunt in regno tuendæ dignitatis adminicula. Dos enim ipsis certa cõstituebatur, ex qua sumpt⁹ ordini suo necessarii affatim suppetere. Fuit autem dos hæc olim sane pecuniaria, argenti nempe puri marcæ vicies mille; * post tempora vero Regis Rudol. I. fundis, urbibusq; & prædiis certis definita. Ex ista igitur definitione, consuetudo obtinuit, ut Reginarum in hoc regno dotales sint, quemadmodum jam ante [:] diximus, urbes, Hradecium ad Albim, Iaromierza, Trutnovum, Dwurum, Bydziovum; Chrudima, Alta-Myta, Policzca; Mielnicum cum arce prædiisque, ac amplissimis latifundiis vini frumentique feracissimis. Omnium horum ususfructus, reditusque ac proventus

* Hagec. ad an. 1305. [:] *Supr. cap.*
2. §. 4. §. 15.

ventus ordinarii omnes, cum dominio utili, ad Reginas, quæ corona Regni legitime insigniuntur, quam diu vivunt, jure pleno spectant. Et quamvis ex suis dotalibus istis fundis nec alienare, nec ære alieno gravare quicquam potest Regina; hypothecam tamen ad vitæ dies in iis, si libet, constituit, quin & si onere quo, de Ordinum assensu à decessoribus gravatos invenerit, æreque id suo excusserit, neutiquam fraudi ei esse æquitas finit, nec quo minus Rex, qui per tempus id fuerit, hæredibus ei mortuæ superstitibus de refundendo teneatur, leges impediunt. Sic pro Hyneco & Zdeneco Rozmitaliis, Iohannæ Reginæ hæredibus, adversus Wladislaum Regem olim de legata testamento pecunia fuit pronuntiatum: Sic cum datam antehac pignori ditionem Trutnovianam repeteret, æreque mutuo, quadringentis nempe & quadriginta septem sexagenis grossorum Pragensium, liberare eam ipsa vellet Ferdinandi uxor Anna regina, recusanti Adamo Zylvaro creditori, fuit iudicum sententia imperata pignoris restitutio, ditioque ipsa cum agro omni satisfaciendi de debito reginæ assignata. *ann.* 1544. Sic Annæ Mathiæ Regis uxori de redimenda à Wilhelmo Wchynicio per Rudolph. II. oppignorata ditione Miel-

nicana, in comitiis (*ann. 1614.*) assensum. Suum præterea in his usumfructum emolumentaue, siue versura, siue venditione, siue alio contractu quovis, potest, siue in Regem, siue in alium, pro arbitrio transferre. Sic Elisabetha Wenceslai II. Rudolphique, (si non hallucinatur Cromerus) [a] Barbara Sigismundi Regg. viduæ, de hoc talium bonorum usufructu olim paciscebantur: huic Albertus gener aureum numum duodecies mille ex fisco persolvenda dabat; illi Iohannes Rex privignæ maritus, ad Brunnam in Moravia possessiones alias, pecuniæque nonnihil offerebat. [b] Si qua vero Regis uxor corona regni non fuerit insignita, Regi tamen interea decedenti supervixerit, dotem Bojemicam petere more prisco prohibetur. Sic Wladislai Regis uxor Anna, si marito regi superstes fuisset, dotem in Boemia nullam habitura fuisse iudicatur. [c] Si qua ab Regis mariti obitu popularibus se nuptiis illigaverit, & ex nobilitate domestica cuipiam nupserit, quia id infra ordinis dignitatem est, & legibus Regum priscis

[a] *Cromer. hist. Pol. lib. 21. Germ. Roö hist. Austr. lib. 5.* [b] *Dubr. hist. Boj. lib. 20.* [c] *M. Daniel Calend. ad 26. Iul.*

priscis prohibetur, dotem quam ex prior
re cum Rege matrimonio est consequu-
ta, facto ipso amittit statim, cumque ma-
rito qui eam duxerit, & omni ejus ad
tertium usque gradum stirpe, regno to-
to excedere jubetur.* Sin vir aliquis
princeps matrimonio eam sibi conjun-
xerit, regno quidem eam tenetur expor-
tare, plene tamen nihilo minus utetur
fruetur bonis ejus dotalibus tantisper
dum jus istud uxorium, repræsentatis
argenti decies mille marcis, Rex Boje-
mus redimat. Regi alioquin nulli licet,
Reginam, quæ coronata fuit, Regis de-
cessoris viduam, vel de possessione bo-
norum istorum dotalium dejicere, vel
ratione quavis alia in pleno eorum usu
fructu turbare. Oppignoravit sane ditio-
nem Trutnovianam Christophoro Ian-
dorffio Ferdinandus Rex. & Mielnica-
nam primum Georgio Lobcovicio, po-
stea vero Ioachimo Colowratæ, Imp-
Rex Rudolphus, verum id ab illo Ordini-
bus inconsultis, contractû invalido, &
post reginæ uxoris mortem, ab hoc ve-
ro non nisi de usu fructuariæ reginæ ma-
tris Ordinumque universorum assensu,
esse factum, judicii provincialis sen-
tentia, comitiorumque decreta pro-
bant.

Aa 4

* *Andr. Baro de Duba, MS. vetus.*

bant.[:] Dotālibus porro hisce suis emolumentis reginæ viduæ, sicut dignitatem honeste possunt tueri, ita contentæ quoque esse tenentur, id quod ex eo liquet, quod cum post Maximiliani patris excessum, Rudolphus Rex ab Ordinibus Mariæ matri ex cerevisiariis obventionibus, quas *Posudné* vocant, grossum Pragensem unum rogasset, decreta quidem (ann. 1577.) in comitiis fuerit nova id genus contributio, sed neque citra obmurmurationem, neque sine cautione. Conferebatur nempe illa in publicum Ordd. ærarium, & tum demum cum ad manum esset, reginæ representabatur, honorarii, non contributionis titulo, hacque cum cautione, ne de cætero simile quid ab Ordinib. vellent petere.

III. Permagno autem in honore sunt apud populum Bojemum reginæ omnes, præsertim quæ comes, & linguæ gentis vernaculæ amantes esse sentiuntur. Blandiuntur iis suaviter ac obsequuntur certatim viri æque ac foeminæ, muneraque oportuno quovis tempore reverenter offerunt. * Feruntur vero huc cum innata genti Regum suorum amatrici, singulari quadam animorum inclinatione, tum
 priva-

* Comit. an. 1579. & 1595. Indic. an. 1590. [:] Comit. an. 1569. 1614.

privatis de causis, ut nimirum testatam
 iis faciant suam qui sq; voluntatem prom-
 ptissimam, & in necessitatibus apud Re-
 gem habere queant adiutrices & patro-
 nas. Præter cōmunia hæc populi omnis
 obsequia, habent Reginæ suos quoque
 aulæ domesticos, ac omnis generis mi-
 nistros, Curiaë magistrum, SubCame-
 rarium, & alios. Et quamvis nec in con-
 sistorium consilii regii, nec ad judicio-
 rum tribunaia venire per leges sinantur,
 nihil tamen id vel splendori ipsarum de-
 rogat, vel adversarios, si qui fortunæ ea-
 rum vel in minimo, præter fas & æquum
 tentent obnuntiare, juvare potest. Etenim
 & huic quoque rei opportune prospexit
 prudens vetustas, constituto præfecto,
 (vocatur *Przednik Kralowve Gegj milo-*
sti) qui inter Minoris subsellii iudices
 provinciales ad tabularium regni, ac ubi-
 vis in consilio, quasi Reginæ Procurator
 sederet, suffragium cum cæteris pariter
 haberet, & quoties Reginæ quid in re
 quaque interfuerit, protinus interce-
 deret.

IV. Cæterum quibuscum sive domi
 sive peregre, per matrimoniorum vincu-
 la cognatione affinitateque, hodie æque
 ac olim conjuncti fuerint principes Bo-
 jemi; quo cum principe vixerit uxor
 princeps recensere, ac Lector tibi velut

in tabula proponere, si non necessarium, saltem non incongruum opinamur. Ante annum Christi fere millesimum, ignotæ principibus Bojemis fuerunt nuptiæ peregrinæ. Bojemas illi, ac domi inter suos natas optabant uxores: quidam amissa prima, alteram non quærebant, quidam ad secundas, tertias, quartasque transibant. Vixerunt autem cum Viris in Bojemia principibus, conjuges,

I. Borzena [fatidica] cum Croco seniore,

II. Niva corporis proceri, & formæ elegantis fœmina cū Croco juniore,

III. Libussa [vates] cum Przemyflo;

IV. Hruoba, & post eam Lidomira, cum Nezamyflo:

V. Strzezyslava [circumspecta] cum Mnata,

VI. Banta cum VVogeno,

(VII. VVnyflai conjux quæ fuerit ignoratur)

VIII. Libusca cum Crzezomyflo.

IX. Ponislava cum Neclano:

X. Miloslava cum Hostivito,

XI. Lidumila cum Borzivogio:

(XII. Zpitihnevus vixit *α'ζαμ*)

XIII. Drahomira cum VVratislao.

(XIV. D.VVenceslaus cœlebs vixit)

XV. Brzena cum Boleslao Saxo.

XVI. Hemma ex domo Saxonica,
prin-

- princeps ex alienigenis omnium prima cum Boleslao Leni;
 XVII. Czemislava cum Boleslao Cæco.
 (XVIII. Iaromirus uxore caruit)
 XIX. Boziena, [honeste morata] cum Vldrico,
 XX. Iutha, Othonis Albi Comitis ad Rhenum filia, cum Brzetislao I.
 (XXI. Zpitihnevus II. habuerit necne uxorem non est certum)
 XXII. Arabona prima, Adleta Andreæ regis Vngari vel soror, vel filia secunda, & Svatava Cazymiri Polonorum regis filia tertia, cum VVratislao Rege primo.
 XXIII. VValpurgis cum Cunrado I.
 XXIV. Lucarda Alberti Comitis Palatini ad Rhenum filia, cum Brzetislao II.
 XXV. Helbirga, Leopoldi III. Marchionis Austriæ filia cum Borzivo-
 gio II.
 XXVI. N. cum Svatoplucio I.
 XXVII. N. cum Vladislao I.
 XXVIII. Adleta [pia] Almi Vngariæ regis filia, cum Sobieslao seniore.
 XXIX. Gertrudis prima, & Iutha Cæcilia secunda; illa Leopoldi IV. Marchionis Austriæ, hæc Ludovici III. provincialis Comitis Thuringiæ filia, cum VVladislao Rege.
 XXX.

XXX. N. Meczislai Ducis Poloni filia, cum Sobieslao juniore.

XXXI. Elisabeta Geysæ Regis Vngarorum filia cum Friderico.

XXXII. N. prima, & Maria secunda; prior Belæ Cæci Vngariæ Regis, posterior Henrici Cæsaris filia cum Cunrado II.

XXXIII. N. cum VVenceslao II.

(XXXIV. Brzetislaus-Henricus vixit cœlebs)

XXXV. N. cum VVladislao II.

XXXVI. Abda prima, & Constantia secunda; hæc Belæ III. Regis Vngariæ, illa Othonis Divitis marchionis Misniæ filia cum Rege Przemyſlo-Ottacaro I.

XXXVII. Cunca seu Cunegundis Philippi Svevi Imper. filia cum Rege VVenceslao Vnoculo.

XXXIX. Margareta verula, prima, & ducta intra octiduum post Margaretae mortem Cunca, secunda; illa Leopoldi VIII. Ducis Austriæ, hæc Rosislai Bulgarorum ducis filia cum Przemyſlo-Ottacaro II.

XXXIX. Iuta seu Gitca prima, & Richsa-Elisabeta secunda; illa Rudolphi Habsburgici, hæc Przemyſli Polonorum regis filia, cum VVenceslao Rege Sancto, ac posterior etiam cum Rege Rudolpho. XL.

XL. Viola Mezeci Tieffinensium Ducis filia cum VVenceslao III.

XLI. Anna VVenceslai Sancti Regis filia cum Henrico Carinthio.

XLII. Elisla ejusdem quoque VVenceslai Sancti, & Beatrix Ludovici Borbonii filia, cum Iohanne Lucemburgico.

XLIII. Blanca prima, Anna secunda, Anna-Iohanna tertia, & Elisabetha quarta, cum Imp. Rege Carolo IV. Fuerunt autem filiae, prima Caroli Valesii, secunda Rudolphi Comitis Palatini ad Rhenum, tertia Henrici Iavoriensis Suidnicensisque, & quarta Bogislai Stetiniensium Ducis.

XLIV. Iohanna prima, & Sophia secunda, cum VVenceslao IV. Illa Alberti, hæc Iohannis Bavariæ Ducum filia.

XLV. Maria Ludovici Vngariæ Regis, & Barbara Hermannii Siciliae Comitis filia, cum Imp. Sigismundo Rege.

XLVI. Elisabetha Sigismundi Cæs. filia cum Rege Alberto Claudio.

XLVII. Magdalena Caroli VII. Regis Galliae Ladislao Regi uxor desponsa.

XLVIII. Iohanna Rozmitalia cum Rege Georgio.

XLIX. Anna Iohannis Comitis Engolismen-

lismensis filia, cum Rege VVladislao II.

L. Maria Philippi Austrii Hispaniarum Regis filia cum Ludovico Rege.

LI. Anna Wladislai II. Regis filia cum Ferdinando Austrio Rege.

LII. Maria Philippi II. Hispaniarum Regis filia cum Imp. Maximiliano Rege.

(LIII. Imp. Cæs. Rudolphus II. *à zœ-
μ* vitam traduxit)

LIV. Anna Ferdinandi Archiducis Austriæ filia cum Imp. Cæs. Matthia.

LV. Elisabeta Iacobi Magnæ Britanniæ Regis filia cum Friderico.

LVI. Maria-Anna, & Eleonora, cum Ferdinando II. Imp. quarum illa fuit Wilelmi V. Bavaricæ; hæc est Vincentii Gonzagæ Mantuæ, Ducum filia.

Ex his principibus scæminis, octodecim, ut minimum, maritis suis supervixerunt, & quod sciam, quatuor duntaxat secundis nuptiis memoriam matrimonii prioris restinxisse leguntur. Cæteræ omnes solæ, partim in cœnobiis, partim apud cognatos, partim in dotalibus suis Urbibus vitæ reliquum traduxere. *

Sic


* *Virg. Æn. 4.*

*Sic illis animo fixum immotumque se-
debat*

*Ne cui se vincolo vellent sociare jugali,
Postquam primus amor deceptas mor-
te fefellit.*

CAP. X.

De Regum Bojemorum liberis.

- I.  EGV M principumque li-
beris tam maribus quam
fœminis permagnus si-
militer honor à populo
Bojemo semper est habi-
tus. Vocabantur autem illi, non princi-
pes Bojemix, ut in compluribus regnis
fit, sed, quemadmodum apud Polonos
hodieque est in usu, solummodo *Wy-
vodicoune* & *Wyvodicinky*, hoc est,
δεχμέται; vel *Kralouvicoune* &
Kralouvicouny seu *Kralouvinky*, hoc
est, *βασιλεια*. [:] Habuerunt nihilo-
minus semper quam promptissimas po-
puli omnis voluntates, quamdiu nec le-
ges regni ipsi convellebant, nec tranquil-
litate patriæ publicam commodis pri-
vatis posthabebant. Nihil quod augendo
ipso-

[:] *Chron. Boleslav. capp. 66. 93. 94.*

ipforum splendori ferviret prætermis-
sum, nihil quod noceret commissum, à
Bojemis de universitatis cōsilio unquam
fuit. Vurřlovicensium, qui de excin-
dendis à stirpe, Przemyřlæi sanguinis
principibus olim conjurarant, sceleratam
perfidiam populus omnis semper est ex-
treme detestatus. Ařlāřřini, qui pecunia
corrupti, necandis sive regibus nostris
sive regum filiis quandoque ab gentis
hostibus vicinis subornabantur, exteri,
non Bojemi, fuerunt, quorum parrici-
diales ficas ac venena, execramur ha-
ctenus nos omnes.

I I. Studii voluntatisque quam dedi-
tissimæ majores nostri non leve erga
prolem regiam dederunt documentum,
cum quod nulli diversæ stirpīs principi
fasces suos rerumque summam com-
mendarunt, tum quod de necessariis ali-
mentis, honestisque vitæ tuendæ me-
diis, quibus pro loci ac ordinis dignitate,
principum regumve suorum filii ac fi-
liæ alerentur, disponendi ordinandique
potestatem gerentibus rempub. princi-
pibus suis integram relinquebant. Etenim
præterquam quod pecuniæ paternæ ii,
supelleřtilisque pretiosæ omnis ex regis
proventibus ac obventionibus quibusque
in regno comparatæ, absque controver-
sia sunt hæredes, terræ quoque pars ali-
qua

qua ex Optimatum consilio solet ab rege coronato maribus singulis, nonnunquam in Bojemia, plerunque in Moravia, quandoque etiam in Lusatia vel Silesia, cum usufructu pleno, & dominio utili assignari; fæmellis vero dum elocantur, mundus muliebris, & argenti signati dos luculenta repræsentari. Et quanquam quo minus obtinens regnum Rex, poscente sua, vel reip. necessitate, factam semel ab se territorii assignationem, vel revocare penitus, vel de ea quovis modo statuere queat, neque lege ulla, neque moribus prohibetur; plerunque tamen non solum illi ipsi regum filii, fratresve, qui primi in aliquam id genus possessionem veniebant, quamdiu in vivis erant, ditione eam sua tenebant, & titulos ab ea sibi ac cognomentum sumebant, verum etiam jus, semelque usucaptam possessionem, ad filios mares trans mittebant. Si qui vel maribus non relictis decedebant, vel fortunis facultatibusque, ex quibus pro dignitate possent vivere, alibi augebantur, tum demum territorium, quod ditione tenebant, ad regnum, utpote cujus est proprietas, omnino redibat. Sic agrum territoriumque certum assignavit de consilii sententia Wnyslaus princeps Wratislao fratri in provincia Lucensi, sic Hostivitus Msti-

bogio in dynastiâ Caurzimana; sic D. Wenceslaus Boleslao in provincia Trans-Albina: sic Brzetislaus Pugnax filiis, Zpitihnevo primogenito provinciam Lucensem; Wratislao Moraviâ partem alteram in qua est Holomuce; Cunrado & Othoni alterâ in qua Bruna est & Znoymum; Iaromiro denique sacris destinato Episcopam Pragensem, & provinciam Hradecensem: sic Wratislaus, postea Rex, cum fratri Zpitihnievo in Bojemia successisset, Moraviam fratribus est dispartitus, & Holomucensem quidem Othoni concessit, Znoymensem vero Cunrado Brunensi dynastæ seu Duci adjecit: sic Wladislaus Rex (*ann. 1143.*) Theobaldo fratri in Bojemia, sic ex eadem familia principes aliis alia alii. Sic tempore longo post, Moraviam dedere Lucemburgici, Iohannes Rex Carolo filio postea Imperatori, Carolus vero Iohanni-Henrico fratri, qui eam ad filios quoque transmisit: sic Carolus idem Gorlicium cum vicino agro omni, similiter attribuit Iohanni filio. Id porro quod Imp. Rex Sigismundus, (*ann. 1423.*) Moravia Alberto genero data fecit, ut novo exemplo, ita præter morem patrium factum, improbatum, retractatumque fuit. Nec præteriri fortasse debet, quod quidam ajunt, Syidnicensem in Silesia Ducatum

catur ea lege à Boleco Duce, Bojemici juris olim esse factum, ut filius Regis Bojemi natu maximus, viro patrè Rege, ex ejus proventibus vivat, famulitiumque alat.

III. At vero sicut filiis usufructu terræ ac territoriorum, ita filiabus quoque regis pecunia dotali prospiciendum putavit sapiens vetustas. Dos autem illa saltem fuit argenti puri pondo sive marcarum olim quingentæ, * postea decies mille, cui corradendo ac conflando quoties nubunt regum filia, ab Ordinibus universis, eadem, quæ in filiorum nuptiis similiter observatur, ratione, confertur de more expensione, quæ à suis cuique glebæ adscriptitiis semestri utrolibet præstatur, ordinaria semissis. Sic dotem genero dedit, Sobieslaus senior cum Maria filia Leopoldo Austrio, argenti marcas quingentas; [:] sic pacti sunt, (an. 1292.) cum Agnete filia Ruperto Adolphi Imp. f. Wenceslaus Sanctus, cum Elisabeta sorore Cazymiro Polono Ladislaus Rex, (ann. 1454.) marcas decies mille: sic uxorem Maximiliano filio postea quam dedisset, & filias Elisabetam Poloniae regi Sigismundo-Augusto, Annam Alber-

Bb 2 to Ba-

* Haged. an. 1311. [:] Haged. ad ann. 1138.

to Bavaro, Mariam VVilhelmo Clivenſi
 elocaffet, ſubſidia Ordines Bojemos in
 comitiis poſcebat in dotem Ferdinandus
 Rex. * Verum enimvero, quemadmo-
 dum regii ſanguinis principes illi, qui,
 quod erant, eſſe voluerunt, quique for-
 tunis ab obtinente apud Bojemos ſceptra
 principe, patre, vel fratre, agnatove, aſſi-
 gnatis contenti, nec opes maiores con-
 cupiſcebant, nec ad altiora, quam per le-
 ges licuit, adſpirabant, facultatibus quas
 acceperant abſque moleſtia, etiam cum
 ſexus melioris poſteritate, uti frui per-
 mittebantur: ſic qui ambitione immo-
 dicove habendi cupidine in contrarium
 abrepti, vel in principem, cui opes ſuas
 acceptas ferre debebant, hoſtilia ma-
 chinabantur, vel publicam patriæ tran-
 quillitatem ſeditioſe, aliave ratione qua-
 cunque pernicioſa perturbabant, de poſ-
 ſeſſionibus, ut ingrati ac perduelles,
 morte haudquaquam exſpectata detur-
 babantur. Sic mulctatos his de cauſi-
 ſis, adeoque in vinculis quoque habi-
 tos à Sobieſlao ſeniore accepimus, [:]
 VVratiflaum ex Vldrico, & Cunra-
 dum ex Leopoldo, Cunradi I. nepo-
 tes;

* *Comit. ann.* 1549. [:] *Hagecus ad*
ann. 1126. 1128. 1184. 1235.
 1237. 1250.

res; sic à Friderico Cunradum juniorem; sic à Rege VVenceslao tam Przemyslum fratrem, quam Przemyslum Ottacarum filium, itemque alios ab aliis. Ex quibus omnibus haud inepte tritum illud in proverbio apparet usurpari, fabrum suæ quæque esse fortunæ. Modestis ac præsentis bono contentis, quantumvis in modico, beatis, ambitiosis contra & turbulentis, aut exsulibus, aut captivis, ideoque calamitiosis esse dedit fortuna.

CAP. XI.

De Ordinibus Regni Bojemia.

I. **M**ODVS aliquis certus ratioque in hominum omni consociatione potest manifesto observari, qua vir viro præstare, par vel impar esse cognoscatur. Hic virtute, hic generis splendore, hic opum magnitudine, hic loci, in quo collocatur eminentia alteri antecellit. Inoleverunt ex his fere principiis certi in politia quoque, ac omnis generis rerumpub. statu, honoris dignitatisque gradus, conditio, discrimen, quo populi universitas sub magistratus summi imperio certos in

Bb 3 ordi-

ordines ac veluti classes distincta, & ab ultima vulgi promiscui turba secreta habetur. Sic & in Bojemia nostra fecit inter homines incolas jam olim gradus certos provida antiquitas, & rudi vulgo ad servilia abjecto, populum naturæ melioris, ad constituendum reipub. corpus delegit, eumque perinde ac in rebuspub. cæteris, **STATVS IN REGNO** nuncupavit. Voluit autem Status illos suos, alios quoque ab aliis esse discretos; ut videlicet alii in templis dignitatis locum caperent, alii in curiis: illi ut procurarent religionis, hi vero hujus, ut ajunt, seculi negotia, & ut nec illi civilia attingerent, nec hi rebus se sacris immiscerent. Sicut ipsa re, ita & significatione diversi erant *Rzádovve & Stavovve.*

II. Vnde duplex in Bojemia Status proprie fuit semper, Ecclesiasticus nempe & Politicus. Ecclesiasticus sive sacer constat ex sacerdotibus, in quibus sunt Archiepiscopus, ejusque, quem vocant, Suffraganeus & Officialis, Capitulares Arcis Pragensis, Cœnobiorum Abbates, Præpositi, Priores, & si qui sunt alii, inter eos qui Romanæ Sedis disciplina reguntur, quique **SVB VNA** cognominantur; itemque Administrator cum presbyterio omni suo, ArchiDecani Cutno-Montanus & Hradecensis, Urbiumq; in re-

in regno populosiorum Decani, inter eos qui Evangelicæ disciplinæ instituta sequuntur, quique SVB VTRAQVE dicuntur. Omnes illi more prisco à Rege, regnique Senatu partis suæ, nominantur, ac suis functionibus præficiuntur, omnes Regi Senatuique obtemperant, omnes à consiliis subselliisque politicis penitus arcentur. Nulla Hagecus, nulla cæteri, qui contrarium vel opinati sunt olim, vel opinantur hodie, documenta, quibus opinionem suam de Prælatorum inter Ordines politicos loco, rerum peritis approbent, idonea produxisse cernuntur. Leguntur quidem adhibiti nonnunquam fuisse obeundis publicis regni legationibus ex Antistitibus disertiores Viri, sed tanquam Legatorum ex Nobilitate Referendarii, & *διδασκαλίας* *ἐν* *τῷ* *βουλῷ*, non tanquam universitatis politicæ membra. Circa Regem frequentes quoque esse consueverunt, sed ut de pietatis exercitio monitores, non ut politici procures. Vocabatur præterea in Senatum quandoque Archiepiscopus, & Cancellarius regni creabatur Præpositus VVysslehradensis, sed nec semper, nec necessario. Ille ob muneris reverentiam & in iis saltem rebus, quæ tam sacras res quam profanas concernebant; hic ex privilegio, quod jam olim

expiravit, neque adversus vetustissimum gentis morem legis vim habere diu potuit. Et sane quia in sacris plus quam satis, quod agat, habet sacerdos, & ex homine natura politico, factus consecratione est homo theologus, æquissima Bojemi veteres ducti ratione, à profanis illum studiis ac cogitationibus remotum esse, statusque gradum non nisi propter aram tenere voluerunt.

III. Politicus autem seu sacris Solutus Status, vocatur inter Bojemos Ordo, & vetustissimo, nec Georgii regis ævo demum introducto more triplex est, Baronum, Equitum, Civitatum. * Per magna est horum Ordinum in regno libertas. Etenim quamvis Regem agnoscunt dominum supremum, eique & fidem omnem, & obedientiam honoremque debent, ideoque singuli & perquam multis gradibus sunt inferiores: universi tamen propterea quod rempub. repræsentant, plerisque in rebus majestatem quodammodo cum eo habent communem, ejusque potestatem ac splendorem adæquant. Bona ipsorum totâ Bojemia pleraque omnia hæreditaria sunt seu allodialia, perpauca feudalia. Possidet quisque, quod habet, cum minore & majore, quam capitis vocant, jurisdictione: ve-

nandi

* *Ius provinc. A. 9.*

nandi etiam aucupandique ac piscandi in suo habet potestatem liberam, nullis nisi in quas comitiis frequentibus fuit consensum, exactionibus novis aut vectigalibus à Principibus gravatur. A privatis hisce rebus, ad publica quoque regni negotia late porrigitur Ordinum libertatis magnitudo, in quorum procurratione ex veteri instituto (id quod jam ante * recensuimus) aliquot jurium majestatis, validam habent cum principe participationem; in justitiæ administratione, præmiorumque & pœnarum distributione amplissima est illorum auctoritas, quæ loco suo clarius explicabitur. Nemo extra regni fines natus, vel in Ordine quoquam censerì, vel agri glebam jure domini habere, vel gerere se pro regnicola potest, priusquam, Nobilis à Nobilitate conventu frequenti; [:] Civis à sedente pro tribunali magistratu loci civico, eâ de re assensum impetarrit, & priusquam, data de colenda tuendaque coronati Bojemorum regis tanquam domini sui unici & magistratus supremi majestate regia, deque servandis Ordinis legibus fide ingenua, Ordini, quem gesturus est, adscriptus publice

Bb § ac

* *Sup. cap. 5. §. 10. & 11. [:] Comit. ann. 1615.*

ac confociatus fuerit. Duces, Marchionesque Bojemia nullos habet, Comites perpaucos. Si quis Dux, vel Marchio, vel Comes, inter regnicolas cooptari atque agrum intra regni fines habere cupiat, Baronis loco eminentiaque contentum esse oportet. Decus altius ambire per leges non potest. Veteri autem instituto, nemo in Baronum Ordinem, qui non ab abavis Equitibus, nemo in Equestrium, qui non à proavis, integræ famæ hominibus, procreatione legitima descendat, majoribusque exceptione documentis demonstrare rem queat, admitti cooptarive solet.

IV. Distinguendis porro isthoc modo Ordinibus occasionem veteribus objecit posita ob oculos reipub. necessitas. Apparebat siquidem eam neutiquam duraturam diu, vel salvam futuram, nec principem oneri muneris sui ferendo solum fore parem, nisi legum & libertatis custodes tum togatos tum armatos, mercaturæque, & commerciorum ac opificiorum curatores domi haberet. Iuris ergo patrii legumque interpretationi, libertatis ac privilegiorum custodiæ, & capiendis de repub. consiliis, (si quidem peregrini omnes à tractandis rebus Bojemicis, lege prisca, moreque semper accurate servato, prorsus repelluntur) Ba-

rones

rones sunt præfecti; militiæ vero eque-
stris studiis, armorum tractationi, fini-
bus defendendis, hostibus à limite arcen-
dis, pacisque publicæ turbatoribus, &
acceptæ à majoribus libertatis legumque
violatoribus ferro coërcendis, Equites
destinati; * vitæ deniq; commode agen-
dæ mediis comparandis, commerciis
quæstuosis, negotiationibusque quibus-
vis curandis, ac opificiis discendis Cives
instituti. Ea propter habitantibus spar-
sim in arcibus, castellis, villis, ager Boje-
mus Baronibus primum, & postea Equi-
tibus quoque à Nezamyflo Principe pro-
portione Geometrica fuit distributus, &
manuum mortuarum sive colonorum
glebæ adscriptitiorum, certus numerus
datus, ut abducti à sollicitis in quærenda
re familiari occupationibus, cum famu-
litium operis præstandis necessarium,
tum ordinarios, qui vitæ luculenter tuen-
dæ affatim essent, redditus ac proventus
inde habere, & pro vocatione quisque
sua, reipub, principisque sui commodis,
invigilare toti possent. Civibus vero, ut-
pote membro Communitatis regni Boj.
insigniori ac firmiori, loca condendis
Vrbibus oportuna sunt assignata, immu-
nitatibusque prærogativis & exemprio-
nibus

* Hagec. sub. ann. 678. 720. 752.

nibus permultis ornata, * in quibus, adversus vim externam communis tuti, larem figere, augendæ commerciis quæstuque honesto rei familiari operam dare, opificia manuarum & lucrosas operosæque cujusvis generis artes exercere, principi denique ex quæstu suo canonem annuum in fiscum pendere possent atque jus haberent. Feliciter cessit, utilisque reipub. magnopere olim fuit Nezamyflæa hæc ordinatio. Etenim tam cives ordoque equester, quam procures officium solerter faciebant; principem colebant, patriam ornabant, colonos quisque suos amabant, ministeria ab iis, operas, præstationesque cæteras, non nisi moderatas exigentes. Quæ tamen ne gratuitæ prorsus essent, vel manu invita præstarentur, agelli ex quo ipsi etiam coloni rem pro se familiarem possent comparare, portiunculam cuique de suo assignabant. Lene igitur tum ac perquam moderatum erat, sicut principis in nobilitatem, ita nobilitatis in agreste vulgus imperium. Quod vero procures equestresque hujus ævi plerique, colonos suos, erepta iis penitus omni querelæ facultate, acerbissimo dominatu asperrime ac im-

* *Wladisl. Reg. Indicat. ann. 1502.*
§. 1.)

impotenter divexare, immodicis præstationibus exorbitanter gravare, inhumaniusque non raro quam jumenta tractare nihil pensi habent, id hercle & à Nezamylli mente, & à more prisco, & ab humanitate omni alienissimum, barbarum, publice perniciosum, ac propterea legibus coërcendum temperandumque merito est. Sic quia τὸ καπηλῶειν, cauponatione vivere, lucro quæstuique inhiare, sicut recepto apud vicinas gentes more legibusque, nobilitati interdictum, * ita vitis generis splendore antecellentibus indecorum & illiberale esse videbatur, ideo non modo magnates, verum & nobilitas omnis, ab id genus studiis prorsus est remota, ac institoria quæcunque Civibus solis relicta. Ex agri quidem hortorumque cultura rei familiaris accessiones facere, Ordini nulli lege est interdictum; sed præterquam quod nobilitatis ager *Spurpy*, civium vero (loquor de personis, non de communitatibus,) *Sfosni* fere est, indecorum ac infra Ordinis naturam existimatur, si ex nobilitate quis rusticis id genus, in cultura ista necessariis operis, se defatiget ipse. Oculis quisqueam in curam vigilans, vernis suis vel colonis ac meritoriis opus hoc imperat.

V.Or-

* *Cod. lib. 4. t. 63. l. 3.*

V. Ordinum ista distinctio, leges quoque gentis diversas jam olim peperit. De Regis assensu suas sibi rogavit ac fixit leges & jura nobilitas, suas Civitates; regunturque hactenus, ut hæc suis, ita illa quoque suis, & est utrisque liberum, pro re nata, Regeque conscio, de voluntate ac consensu publico, legibus, quod opus videatur, vel addere, vel detrahere. Abhorruit videlicet gens hæc semper à jure in Germania usitato, nec ei se unquam voluit submittere. * Ius quod nobilitati est scriptum, provinciale, quod civibus, municipale, *Pravva Zemška, Pravva Miestška*, vocatur. Ob juris diversitatem istam, suum habet forum nobilitas, suum civitates. Quam late autem cum provincialis tum municipalis codicis vis sese extendat, & quibus in causis, sicut civitates provinciali, ita nobilitas municipali jure alligetur, (altercatum enim hac quoque de re perniciosè diuq; olim fuit) pactis Suato-Waczlavianis (ann. 1517.) diserte est cautum. Interea vero Ordo quisque inter se suis etiam tenetur institutis. Quem Barones inter se, quem Equites, tam Ordini quisque suo toti, quam singulorum, vel generis vetustari, vel munerum dignitati, vel denique ætati ho-

* Comit. ann. 1557.

ti honorem, cum publicis, tum privatis in congressibus, debeant servare, tabulis regni publicis, Barones sub Wladislao II. & Ferdinando I. Equites sub Rudolpho II. ex observantia perpetua definiverunt. (ann. 1501. 1502. 1542. 1609. 1610.) Civitates similiter, & civitatem, quibus volunt, dant pro arbitrio, & ab iis quos, post exactam de natalibus legitimis inquisitionem, in suum adsciscunt Ordinem, stipulantur manu conferta coronato Bojemorum regi, patriisque legibus subjectionem, magistratui urbico & senioribus reverentiam, in rei familiaris procuratione officiove iustitiam, civitati toti in techna, si quam uspiam cudi cognorint, patefacienda vigilatiam, fidem omnem & pro virili curam solertem, aliquot vero in locis etiam in religionis professione consensionem. Civis autem plus quam unius civitatis nemo esse potest. Neque temere est, quod diximus generis vetustati peculiarem, inter Equites perinde ac inter Barones servari honorem. Voluerunt enim majores etiam ea in causa aliorum ab aliis haberi rationem. Sunt videlicet in nobilitate Bojemica, cum Baronum, tum Equestrium familiae quaedam, quae ortus sui Ordinisque decus non ita pridem, quaedam quae ante hominum memoriam omnem,

omnem, quædam quæ ante, quædam quæ post datos Bojemis Reges, quædam quæ ante, quædam quæ post plantatam religionem Christianam, in patria ex rebus præclare gestis acceperunt; sunt quædam quæ generis clarissimi splendorem, cum primis gentis conditoribus in hanc oram attulerunt. Et quamvis factorum invidentia stirpes splendidissimæ complures vel nostra memoria defecerint, penitusque sint extinctæ; non pauca tamen adhuc utroque in Ordine sunt reliquæ, quæ patriæ gentique meæ permagno sunt ornamento, quarum tamen si velle omnium nominatim meminisse, captum superat nostrum, nihilo minus, si sicco propterea pede, quas tenemus, præterire vellemus, non arbitramur nos declinatos permultorum hominû non iniquorum reprehensionem. Sua igitur familiæ cuique salva splendoris prærogativa, usitato literarum ordine, & nomenclatura vernacula (licet ea, lingua alia quam Bojemica dedignetur commode scribi) ad Latini sermonis formulas utcunque inflexa, recensebimus quoad fieri poterit, primum Magnatum seu Baronum genera, postea Equestrium quoque progenies pervulgatiores investigabimus.

VI. Baronû illustri de stemmate sunt;
Berkæ

Berkæ Dubenses & Lipenses, * Bibr-
steinii, Borzitæ Martinicii, Budoveci.
Czernini Chudionicii, Czertoregii.

* *Eicyngeri.*

Felsii.

Guttensteinii; qui alioquin, ut &
Hohenloii, sunt Comites, Haranti Be-
zdruzicii Palzicique,

* *Hersteinii* Wellharticenses, Hodiego-
vii, Hrzani Haraſovienſes.

* Kaſunci Chlumenſes, Krzinecii Ro-
novienſes, Klenovæi Ianovicenſes,
Kurczpachii Trachemburgenſes &
Milczenſes.

Lescovecii, Liceci Ryſenburgii, Lipen-
ſes, Lobcovicii, * Logi Albersdorſii,
Lokſanii.

Miczani Clinſteinii Roztocenſesque,
* Metichi Czechovienſes, Mraſcicii
Dubæi.

Opprſtorſii Dubenſes & Fridſteinienſes.

* Plansſtii Egerbergenſes, Purgrabii
Dominenſes, Pruſcovii.

Raupovii, Rederii, RozdraZiovii Co-
mites, * Rychnovii, Rziczanii.

Sadovii Slaupnenſes, Sezymæ Auſtenſes,
Slavatæ Chlumenſes Coſlumbergen-
ſesque, Strzelæ Rokycenſes.

* Sſelnbergii Coſtêſes, Sſlikii Holeycen-
ſes Comites Paſaunii & Cubitenſes,
Sſleinicii, Sſpanovii Liſſovêſes, Sſpetlê

Ianovicii, Ssternbergii, Sstossii Caun-
nicenses, Sstutenbergii, Ssuanbergii,
Ssvihovii Ryzimbergenses Przemy-
flæa stirps.

Talmbergii, * Teyrzovii Enzydlenfes,
Trzcæ Lippenfes, Turnæi Comites.

* Vgezdecii Cunicensesque.

Waldsteinii, ex quibus fuit Dux Frid-
landius, VVartembergii, VVchynicii
Tetoviani, VVratislai Mitrovicen-
fes, VVrtbani, VVrzesovecii Dau-
bravio-montani.

Zagici seu Lepores Hasenburgii, Croci
veteris sanguis, * Ziampachi Potten-
steinii, Zarubæ Hustirzanæi, Zieroti-
næi, & familiæ omnes sex & sexaginta,
aliique si me qui fugiunt.

VII. Equestrium vero familiarum
perquam multæ, & plures quam quis
fortasse credat, sunt stirpes, quas quia
omnes neque exacte scire, neque quas
scimus absque lectoris tædio percensere
possumus, aliquas saltem, quas casus po-
tius quam accuratio suggeret comme-
morabimus. In permulta illa generosi
sanguinis turba sunt;

Amchæ Borovæniceses, Audrcii

Baubinii Vgezdenfes, Bechynæ Laza-
nenses, Benedæ Nestinenses, Berzco-
vii Sfebirzovenfes, Binæi, Bilæi, Bo-
reni Lhotenses, Borzanovii Bytisca-
ni, Brau-

ni, Braumi Minzeticii, Brzezii Plo-
scovicenses, Bubnæi, Bucovanii Pin-
tæ, Bucovii Hustirzanenses, Bzenii
Prorubenses.

Cetenii, Czabelicii Sauticenses, Czašto-
lari Dlauhowenses, Czerto regii,
Czeycæ Olbramovicenses, Chanovii
Dlauhowenses, Choteci Choczco-
venses, Chotauchovii Nebovidenses,
Chrti Ertinæi.

Daupovecii, Deymi Strziticzêses, Dobr-
zenii, Dorbzciovii Malegovenses,
Dohalii, Dworzecii Olbramovicêses.
Elfnicii.

Gelbelii Geyfingenses, Genisseci Vgez-
denses, Gerstorffii Gestrzibii Rysum-
burgenses, Gezovii Lubenses.

Hauguvicii Biscupicenses, Homuti Ha-
rasovani, Horæ Ocelovicenses, Hor-
czicæ Prostenfes, Hornatecii Dobro-
govicenses, Hostacovii Arclebicen-
ses, Hrabaniæ Przerubenicenses,
Hrobczicii, Hruscæ Brzeznenfes,
Hyflæ Choduvini.

Kameycii Lstiborzenfes, Kapauni Suog-
covani, Kaplirzi Sulevicenses, Karli-
ci Nezieticenses, Caroli Suarovenses,
Kekulæ Stradonicenses, Kocorzove-
cii, Konec Chlumii, Kordulæ Slau-
pnenses.

Lazanii Bucovæi, Loreci Elcussenses, Lu-
cavicii, Luticii, C c 2 Malo-

Malovecii Chynovenſes , Marquardi
Hradecani, Maternæ Quietnicenſes,
Mieſyczezi Wyſſcovenſes, Mitrovii
Nemyſſenſes, Mladotæ Solopiſcani,
Myſſcæ Zlunicenſes.

Negepinii, Nervorii Brzizenſes.

Odcolci Vgezdecenſes, Ottæ Loſenſes.

Pauzari Michnicenſes, Pecyngari Bydzi-
nenſes, Peſſici Comarovenſes, Pieti-
peſcii, Przedenicæi, Przichovii.

Raſſini Ryſumburgenſes , Robmhapi
Suchenſes, Rodovii Huſtirzanenſes,
Ruri Dirnenſes , Rzepicii Sudomir-
zenſes.

Saci Bohunovicenſes, Salavæ Lippenſes,
Scuhrovii, Sekercæ Sedczicenſes ve-
ruſtiſſimus Vuſſloveciorum Comi-
tum ſanguis, Slachi Hrzivicenſes, Slu-
zii Chlumenſes, Smrczæ Mnichen-
ſes, Solhausii, Stracæ Nedabylicen-
ſes, Strogeticii, Strzelæ Rokycenſes,
Sudliczkæ Borovnicenſes , Summr-
feldi aliâs Czafli Turnnicenſes.

Sſici Drahenicenſes, Sſmuharzi Rocho-
venſes, Sſpulirzi Gitrenſes, Sſtampa-
chii, Sſtitnæi.

Talaczcones , Tiemini Tiemicenſes,
Trmali Tauſſicenſes , Trmicii Mili-
nenſes, Trzemefſii,

Walcauni Adlarenſes, Wambergii Ro-
hatecenſes , Wanczuræ Rzehnicen-
ſes,

ses, Wanecii Gemniczcani, Wachtli Pantenovenfes, Welemyslovesenfes, Wencelici Wrchovistienfes, Wieznicii, Vulci Quitcovenfes, VVlinii VVlinovenfes, VVodieradii, VVoraczicii Pabienicenfes, VVostromirzii Rokytnicani, VVostrovecii Cralovicenfes, VVrabii, VVrchoticii Lautcovéfes, VVrzesoveci, VVrelenii, VVythæ Zerzavenfes.

Zdiarii, Ziacavecii, Zylvari Sylbrsteinenfes Pilnicovenfesque, & permulti quos, ut diximus, recensere non poffet non effe tædiofum, ex quibus præcipuos quosque ad panegyres regni publicas committatu splendido confluentes Pragæ non femel tacita cum animi oblectatione spectavimus.

VIII. Nec minus Civitates inter fe quoque fua habent instituta Ordinis peculiaria, confuetudines unaquæque fua fingulares ac privilegia, fua aliæ præ aliis prærogativas. Praga caput regni Vetus nempe & Nova, antea urbibus cæteris absque controversia, olim etiam Equitibus anteibat. Cutna ei dignitate est proxima, hinc Pilsna, Hradecium Reginæ, Zatecium, Budiegovicium, post easque tres & triginta reliquæ, certare etiam de loci prærogativa inter fe nonnunquam vifæ.

Præter tres Ordines hosce liberos, habet Bojemia quosdam Ordini nulli adscriptos colonos prædiorum liberos, sive Scultetos, plus minus trecentos & quadraginta, qui *Suvobodnjcy, Diedinjcý, Napravunjcy*, vulgo vocantur. * Prædia illorum hæreditaria quoque sunt & per multis immunitatibus ornata.

Tributa nulla, nisi quæ pro prædiorum adæratione veteri, majorum more ipsi comitiorum decreto solent imponi, tenentur pendere. Onus unicū est quod, cum cœnobiorum glebæ adscriptitiis, subire habent necesse, quod nempe bello in regno excitato, subvehendis æneis tormentis, globis, pulveri nitrato, & cætero id genus instrumento, equos, operasque præstant. [:] Forum ipsorum est regni Dicafterium supremum, & ἀμύντωρ atque vindex in plerisq; Procurator regis. Erant ii quondam multo, quam nunc, plures, sed à potentioribus ex nobilitate jam pridem, artib⁹ iniquis, sensim sunt oppressi. Verum de introducta à majoribus populi nostri in Status distinctione, deque politicorum Ordinis cujusvis institutis diversis, hæc sunt, quæ Lector tibi explicanda habuimus.

CAP.

* *Ius provinc. E. 12. Ordinatio Reg. Rudol. II. 1585. [:] Comit. an. 1596. 1598.*

De Bojemorum Comititiis.

I. **U**nter salutaria, procurandisque in repub. socialis vitæ commodis media prorsus necessaria, non est postrema comitiorum cura. Etenim cum persæpe in populosa hominum societate, qualis respub. omnis est, negotia incidunt complura ardua, difficilia, ea deliberatione communi, & consensu populi universi peragi atque expediri est æquum. Libere autem, sed sobrie quoque, dicendi in iis, quæ quis è repub. esse existimat, facultas est membro non temerario cuique danda, & postulata cujusque citra impeditionem audienda, tam ut quod omnes tangit ab omnibus peragatur, & qui in magna sunt potentia, horum comitiorum metu contineantur in ordine, quam ut libertatem populo priscam superesse, illibatamque conservari, hoc modo appareat. Viguit semper vigetque hætenus, in Bojemia hoc quoque jus & comitiorum libertas. Restricta namque in hoc regno; ut diximus, usque adeo est Regum potestas, ut ubicunque de repub. vel arduo reipub. quocunque negotio, est statuendum, in comitiis id, & de po-

populi voluntate, fieri oporteat. * Indicendorum porro comitiorum, & populi de profanis rebus ad deliberationes communes convocandi jus, præter Regem, vel in Interregno, præter Senatum regni, concessum est nemini.

II. At quia ardua hæc, quæ vocavimus, negotia, ita sunt comparata, ut nunc coronæ corpus universum spectet, nunc provincias ejus corporis singulas attingant, ea propter ad comitia, nunc membrorum coronæ unitorum universitas omnis, nunc Bojemi soli, convocari commodum in locum, & ad diem certum, publico Regis programme solent, clausula hac programmati fere adjecta, quod, si quis veniat, si non veniat, Rex cum iis qui vocati deliberationi interfuerint, quod æquum & ex reipub. usu futurum videbitur, sit decreturus, & is nihilominus qui comparere neglexerit, decreto obtemperare necesse habiturus. De provincialibus Moravorum, Silesorum, Lusatorumque comitiis loqui, hoc loco non est locus. Ad Bojemica vero comitia, si universalia sint, excitæ provinciæ concorpores omnes, per legatos solent comparere, & apud majores usitato more, de communibus

* *Supra cap. 5. 9. 10. 11,*

nibus Coronæ totius negotiis , capita cum Ordinibus Bojemis, alii post alios in concilium honorifice acciti & sententiam rogati, conferre ac consentire; sin particularia, Bojemi Ordines soli rem omnem arbitrato suo expedire. Hîc cum frequentes conveniunt ad diem, Rex (nisi quod si quando extra regni fines degit, per Legatos rem omnem potest expedire) cum Senatu Bojemo, aulicoque comitatu suo, pompa Regia, præferente districtum gladium aulae Marefcalco, in comitium (vocatur *Saudna Svietnice*) per confertissimam populi turbam, venit ipse. Venienti illi assurgunt universi cum demississima veneratione, qui posteaquam, in sublimiore splendidioreque cæteris folio regio, sub uranisco confedit, agit per interpretem lingua Bojemica de præstito mandatis suis obsequio, concioni omni gratias, & mox rem in qua ope populi sui consilioque, sibi sit opus, proponi jubet. Legit de suggestu propositionem ex scripto Regni Vice-notarius, vel Declamator. Qua absoluta consurgens Burggravius Supremus, populi omnis nomine, verba ad Regem facit, & precatus illi felicissima quæque, quoniam Ordines ex clementissima jam publicata Regiæ Majestatis suæ propositione, quæ Regi ac rei-

pub. sint opus, prolixè cognoverunt, de iis se quamprimum diligenter deliberare, ac gratum, quoad maxime fieri poterit, Regi obsequium præstare velle, respondit. His auditis consurgit Rex, & comitatus ut prius, cum regni Senatoribus, tum aulæ suæ familiaribus, in regiam redit.

III. Deducto in Regiam Rege, revertuntur in comitium, regni Senatores, & Burggravius Supremus, (ut qui præcipue comitiis solet moderari) exclusis prius omnibus, qui more patrio comitilibus deliberationibus interesse vetantur, convertit ad Ordines sermonem, & vel, si diem longius processisse ac inclinasse videt, commonefactis ut postridie redeant ad horam universis, concionem dimittit; vel, si per tempus diei commode fieri posse cernit, actionem inchoat. Rogat autem principio sententiam omnes, & cognoscit velintne expendendis postulatis regiis facere initium, aut habeant nec ne aliquid, quod deliberationem de iis, non temere nec immerito, possit remorari? Dicunt sententiam rogati ordine, Barones quidem & Equites viritim, Civitates vero (nisi quid incidat quamobrem à Baronum vel Equitum sententiis dissentire oporteat) post collata inter se capita, collectim, per Veneris

teris Pragæ Cancellarium. Et quanquam negotia reipub. non nisi post expeditam de postulatis Regiis deliberationem tractari, lex nova jubet, * usus tamen, & ante, & post natam legem hanc obtinuit, ut si quid occurrat quod vel reipub. populû universam, vel Ordinem aliquem seorsim contingat, cujusque nec difficultas facile expediri, nec iniquitas diutius ferri queat, anteponatur ejus explicatio propositorum à Rege negotiorum tractationi, Regique supplicetur, ut ante omnia morbo, qui populi omnis judicio, vel reipub. toti, vel Ordini huic aut illi perniciosus est ac gravis, mederi non dedignetur, ita ut eo remoto, tanto posthac alacrius securiusque proposita negotia Regia, deliberatione matura tractari atque expediri queant. In his omnibus prout Rex facilis est vel difficilis, facilis quoque vel difficilis est expeditio, quæ aliquando non nisi post multas Ordinum cum Rege disceptationes conficitur.

IV. Remotis demum his obstaculis, ac ordinatis populi rebus, legitur denuo propositio Regia in concilio, ejusque descripta ex prototypo aliquot exempla posterioribus inter Ordines distribuuntur.

Nec

* Comit. Ann. 1610.

Nec mora longa, descenditur ad capiendum ordine de propositis comitiorum indictorum causis, regiisque necessitatibus, consilium publicum. Suus autem his quoque consiliis est mos antiquus. Vocantur in deliberationem postulatorum regionum capita, prout usus est, vel conjunctim si sint pauca, vel singulatim alia post alia si sint plura, vel ardua. Deliberat de iis Ordo unusquisque seorsim. Barones omnium primi in cōclavi quod, ut diximus, *Saudna Svvietnice* appellatur. Qui cum soli in commune consuluerunt inter se, quodque è re est visum scripto comprehenderunt, de eo Equites cunctos, per delectos Ordinis sui, faciunt certiores, eosque ut & ipsi accurate rem inter se expendant, & in medium consulant, cohortantur. Equites cognita Baronum animi sententia in conclavi, quod *Zeleny Pokog* nominamus, frequentes consilium capiunt, & expensis diligenter, cum postulatis regiis, tum ea consequutis Baronum placitis, sententias invicem similiter conferunt, & complexi scripto communem suam de capite unoquoque voluntatem, in comitium ubi Barones adsunt frequentes, confertim veniunt, communicaturi cum iis quod inter se ut populo tolerabile, nec regi incommodum censuerunt, & colloquuturi ple-

ri plenius de iis, si qua forte restent, quibus indagine majore esse sentiant opus. Excussis tandem ac conciliatis utrinque quæ dissidentia erant omnibus, per selectos ex utroque Ordine suos, confestim ad Pragenses, (consentientis utrinque suæ voluntatis scripto comprehensa formula iis reddita) quod mutuo placet enuntiant, & à Civitatibus quoque, quid & ipsæ fieri velint, sententiam exposcunt. Convocant ergo Pragenses ad diem, qui utilis sequitur, proximum, cunctos Civitatum ad comitia legatos, & post maturam cum iis, eorum quæ Rex postulavit, quæque Barones una cum Ordine Equestri pro se facere velint, considerationem, decernunt & ipsi quod majorum more ac consuetudine vetusta ab Ordine suo præstari conveniat. Ab hac deliberatione per, delectos Ordinis sui Supremo Burggravio, paratos se esse ad exponendum, quæ ad proposita respondere velint, significant, id quod etiam, ut primum commodum vident, Cancellario Pragæ veteris perorante, in concilio frequenti faciunt.

V. Collatis in hunc modum Ordinum sententiis voluntatibusque conjunctis, concipitur ac scripto comprehenditur reddendæ Regi responsionis formula. Quæ cum facta accurate, jam est in promptu,

ptu, abeunt, in regiam ex comitio Regni Senatores cum delectis ex Ordinibus singulis numero compluribus, eamque Regi venerabundi offerunt. Ea Rex accepta, & lecturum quæ respondent, & scripto se posteaquam deliberaverit, quid de iis sentiat, declaraturum recipit. Expectatur itaque biduum plerumque vel triduum, dum Rex, ut placeat responsio, declaret. Qui cognitis quæ de postulatis comitialibus facere velint Ordines, scripto (Replicam vocant) quæ placeant, quæ displiceant, complectitur, idque per evocatos ad se Regni Optimates concilio mittit. Legitur, expenditur, discutitur, ac cum responsione diligenter confertur regia ista replicatio; excussisque momentis rerum omnibus, & collatis denuo in medium sententiis, fit comitiorum decretum, cui in scripturam redigendo deliguntur statim ex Ordine unoquoque prudentiores aliquot, una cum Primitio. Quod cum conscriptum est, legitur formula coram universis, & rogantur iterum sententiam omnes, ut si quid in ea desiderent, proponant. Audiuntur omnes, formulaque tam diu limatur, quam diu nihil occurrat quod castigatione videatur egere. Hoc peracto, renuntiant Regi Optimates Regni, esse jam factum ab Ordd. comitiorum decretum, orare-


orareque Ordd. omnes prece submississima, ut Rex in comitium velit venire, ac decreti publicationi interesse. Recognita Rex, eodem splendore Regio, eadem pompa, eodem comitatu, quo ad propositionem edendam veniebat, ad hunc actum quoque venit. Qui cum inter lætos populi omnis fremitus regali, pro more, confedit folio, descripta pure ac legibiliter formulæ exemplaria dantur, Regi unum, & Ordinibus alterum, ex tertio vero publicatur patentibus comitii foribus, ex suggestu à Regni Vice-Scriba factum recens comitiorum decretum, & hoc absoluto, qui id tabulis Regni, de Regis Ordinumque voluntate jubeant inferi, ad Archivi custodes, ex nobilitatis Ordine utroque, nuntii destinantur.* Peractis denique hisce omnibus, & actis concilio, de servato Regi honore debito, deque exantlato comitiorum labore molesto, composita voce gratiis, conventum dimittit Burggravius Supremus. Rex vero postea quam Regiam clementiam suam omnem populo universo, brevi quoque alloquio ipse detulit, consurgit, & è comitio discedens à Regni Senatu, populi primoribus, ac cæteris aulae familiaribus in Regiam, cum festa vulgi

* Comit. ann. 1545.

vulgi circumstantis gratulatione deducitur.

C A P. XIII.

De Muneribus seu Officiis publicis in Bojemia.

I.  N ordinanda apud nos repub. necessarium quoque censuerunt veteres, ut non minus in soluto sacris, quam in sacro ejus Statu, munera seu officia publica, quibus magistratum summū adjuvari deberet, tam majora, quam minora, prudenter essent distributa. Voluerunt autem ea dignitate esse alia aliis potiora honoratioraque, quin & sua Ordini cuique propria. * Ab indigenis illa, non ab alienigenis geri debere statuerunt. Vulgo ea distinguimus in Superiora & Inferiora. Hæc & illa, vicissim gradibus quoque suis disparantur, & singula præterea, sub se, pro functionis necessitate, introducta usu, & Regis Wenceslai privilegio, vel plura, vel pauciora ministeria diversa habent. Quæ tum in his, tum in illis notatu non indigna animadvertimus, percurrere

* Comit. ann. 1526. 1545.

currere nunc pro nostra infantia constitutum habemus. Superiora officia illa videmus à Viris generis splendore claris geri, & quædam esse hæreditaria, pleaque vero omnia, ut sic dicamus, dativa. Illa certis nobilium stirpibus jam olim sunt alligata, & non nisi cohonestandæ in solennibus inaugurationibus, curiæque Regiæ diebus bonis, regum majestati inservire videntur: hæc quoties opus est Regis arbitrio, ex accurata regii consilii sententia, viris idoneis virtute rerumque usu spectatissimis conferuntur. Inter hæreditaria in hoc Regno munera sunt Mareſcallatus, Pincernatus, Dapiferia, Præguſtatoria, & si qua sunt alia, quæ ex ea stirpe, cui sunt hæreditaria, natu maximus solet obire. Sunt autem propria, primum stirpi Baronum Lippenſi, secundum Wartenbergiæ, tertium Haſenburgiæ, quartum Sezymææ. Est illis Regi usus, Mareſcallatu in gestando gladio, Pincernatu in poculis, Dapiferia Præguſtatoriaque in dapibus ministrandis.

II. Dativa porro quæ appellavimus munera seu officia superiora, ut majoris sunt dignitatis, ita tum sacramentis atq̃uoribus alligantur, tum majoris momenti in rebus versantur, & quotidie fere in quibus vigilant exerceanturque,

D d habere

habere possunt. Non prius munus majus quisquam, nisi minus susceperit, gerere potest. Semel hoc alicui collatum, non nisi urgentissimis, gravissimisque de causis aufertur. Ambire tamen ab Rege ullum hoc honoris munus, capitale est, & infamat. Et quoniam, qui iis funguntur, Regi nostro in concernentium totam rempub. negotiorum procuracione inprimis adsunt, quicquid in promovendis, cum populi universi, tum membrorum singulorum commodis ex officio faciunt, Regis ac reipub. autoritate faciunt. Sanctus etiam quodammodo est ipsorum locus laborque. Vendicat autem pro suis jure sibi suo ex his, quædam Regnum ac respub. præcipue, quædam vero Rex magistratus supremus. Prioris generis sunt inprimis illa, quæ terrestria vocantur, quæq; qui gerunt *Νευυυσι* *Urzednjcy Zemstj*, Optimates, Ephori, & Primores Regni habentur; item ea, quæ juri dicundo, custodiendis reipub. *κεμεηλίσσις*, curandæ pecuniæ in usus publicos collatæ, & tuendæ in districtibus incolarum tranquillitati, sunt excogitata.

III. Terrestre munus Supremum est Burggraviatus, Curia magisterium seu prætorii præfecturæ, Marefcallatus, Camerariatus, Prætura, Cancellariatus, quæ

nemo

nemo nisi Baro potest obire; Protonotariatus, & SubCamerariatus, quæ Equestri Ordini lege jubentur dari. Ex his primo, secundo, quarto, & septimo, addixit vetustas, proventibus opima prædia nonnulla, & agrum haud contemnendum.

BURGGRUVIATUS Pragensis Supremus, tenendo fere opera vicaria sive absentis, sive morte sublato Régis loco, prohibendis repentinis hostium in regnum irruptionibus, coercendis juris contumacibus prævaricatoribusque; * cognoscendis regundorum finium, vel natis ex literarum obligatione controversiis, est ordinatus. Dependent ab hoc munere supremo, tum Burggravius arcis Pragensis, quem Minorem vocant, cum suo consilio & consilii ministris quibusque; tum *Holomey*, h. e. lictores, accensi omnes. [:]

CURIAE vero sive palatii ARCHIMAGISTERIUM dirigendo regio, quod Camerale dicitur, iudicio, ornandis pro dignitate regiis cœnaculis habitationibusque, moderandis pompis publicis, suscipiendis hospitibus illustribus & legatis externis, continendo in ordine

D d 2 ac disci-

* *Ius provinc. Leg. 1.36. & 37. D.49. D.19. & 22. [:] Victorin. de Vrssehrad. lib. 2.*

ac disciplina aulico Regis comitatu administrisque mensæ regiae, quæque id genus in Regia sunt opus cætera, occupari solet. *

ARCHIMARESCALLATVS terrestribus, licet sit, ut diximus, munus hæreditarium, tantæ tamen est dignitatis, ut, qui illum obit, inter regni Ephoros connumeretur, & honore locoque, secundus à Supremo Curiae-Magistro esse amet. [:] Vocati in jus ab actore, regis quicumque ministri & aulae familiares homines ἀνέστοι & peregrini, tenentur se ejus cognitioni sistere causamque dicere. & jus in hoc foro accipere. Condecoratur hoc munus à fecialibus sive caduceatoribus, qui ei apparere ac præsto esse jubentur.

ARCHICAMERARIATVS præest fartæ testæque conservandæ Regg. majestati, & in regni tabulario moribus introducto ordini bono, ac decoro; apparitoribus ad arcessendos in jus reos, remque judicatam exsequutioni mandandam legitime; dimittendis possessionibus litigatoris condemnati, peræquatione pro rata, (*Odhad* nostri vocant) ei qui in causa est superior, addicendis. In
aditu

* *Ius provinc. D. 3.9.11, [:] Ius provinc. A. 36.37.*

aditu ad Regem, iis, qui opus habent, procurando, illius est interventio. Ab supremo hoc munere dependet Vice-Camerarius, *жовдѣиѣ* sive Decempedator, *Starosta Komorniczj*, h. e. Apparitorum-Magister, & *Komornicy*, h. e. Apparitores vel Pedelli terræ duodecim.

Iam vero ARCHIPRÆTORIA in moderando regni tribunalis iudicio supremo, rogandis concludendisque in consilio collegarum sententiis, eloquendis quæ ad partes litigantes pro tribunali opus est dici, nuncupandis ad enuntianda S. Senatoribus, (Senatus-consulta *Ποταζου* dicuntur, semperque jubentur Barones ex Senatu duo, & Eques unus, ad ea promulganda consurgere) & cæteris, quæ prætorix sunt dignitatis, pro more expediundis versatur. Muneri huic esse præsto antiquitas iussit, Vice-Iudicem & Declamatorem.

ARCHICANCELLARIATUS constitutus est conscribendis, signandis, subscribendis Regiis diplomatibus, edictis, mandatis, epistolis; accipiendis legendisque quæ ad Regem mittuntur, verbis plerumque nomine regio faciendis & responsis dandis, cavendo ne quid à Rege contra jus reipub. rescribatur, edicatur, decernatur; custodiendo sanctiori illi, quo publica monumenta signantur, regis signo.

Hoc igitur qui fungitur munere, os fere Regis est & oculus, aulamque sectari semper & circum Regem esse debet. Permagna itaque est ejus ad Regem pariter & populum autoritas. Venit cum eo in sollicitudinis partem Pro-Cancellarius, quo cum ille, consistorii regii ac sanctioris consilii secretariis, actuariis, libellariis, & quibus vis ministeriis moderatur.

PROTO-NOTARIATVS sive Primiceriatum quis vocare velit, occupatur in scriniorum & tabularum Regni sigillique terrestres, fideli ac secretiore custodia, tam publicis quam privatis actis, contractibus quibusvis nominatis & innominatis, rebusque omnis generis memorabilibus, scripto comprehendendis, atque suo loco vel in minores vel in majores tabulas referendis. Sub illo sunt dicto audientes, Vice-Notarius, Ingrossatores, tabelliones ceteri omnes seu Scribæ.

SUBCAMERARIATVS datus est Civitatibus in consiliis Regis secretioribus, adversus potentiores defendendis, Baronum Equitumve contra eas querimoniis controversisque cognoscendis, & absque fori strepitu, quoad fieri potest, arbitrario jure componendis, multis civibus ob enormia delicta irrogatis

à Sena-

à Senatu, exigendis, & magistratibus annuis in urbibus regiis, pro uniuscujusque urbis consuetudine innovandis. Et quamvis munus hoc vendicet sibi Ordo Equester, liberum ramen Regi jura relinquunt, si velit aliquem ex Civibus Pragæ Majoris idoneum ei præficere. Sic à Sigismundo Imp. (ann. 1436.) Iohannes Cunwaldius, à Wladislao Rege (ann. 1471.) Samuel de Hradecco Waleczovius, eo fungi olim est jussus. Huic muneri subest vicarius, quem vocant, SubCamerariatûs præfectus, & judex aulicus, Scribaque Cameralis.

IV. Atque hæc sunt Optimatum seu primorum Regni dignitatis honoratissimæ munera. *Κεϋνηλίοις* porro reipub. hoc est Regalibus ornamentis ac privilegiis gentis custodiendis, institutus est **BYRGGRAVIATVS CAROLOSTEINENSIS**. Funguntur hoc officio semper nobilitatis vetustæ Viri duo, Barro unus, & alter Eques, qui arctissimo sicut Regi Regnoque, ita mutuo ipsi inter se, devincti sacramento, non alibi quam intra regni fines esse perpetuo, domiciliumque habere tenentur. Hi quamvis pariter obstringuntur ambo ad providendum ne quid Arx Carolosteina, vel quæ in ea sunt recondita, detrimenti capiant, emolumenta tamen ac fructus ex

ejus ditione tota, (dotata videlicet est arx hæc magnifice vicis & agro multo, cum à Carolo fundatore primo, tum in primis à Wilelmo Dubio de Trzebo-mysslicz) non nisi ab uno, tantisperdum de vita vel functione decedat, percipi ex asse lex jubet. Vsfufruuario collegæ præmortuo succedit demum, nemine inturbante, collega superstes, & similiter, ut decessor, quoad vivit, redditibus illis, solus fruitur. Si qua alterutrius vel utriusque culpa contingat arcem hosti in manum venire, vel damnum aliquod reipub. noxium accipere, convictus de culpa, sive alteruter sive uterque capitis famæque & bonorum amissione pænas luit. Cognoscendis vero litibus tam civilibus quam criminalibus, iurique dicundo sedet pro tribunali statis diebus, tum Major tum Minor R E G N I - S E - N A T V S, de quo plenius dicendialius se non ita multo post offeret locus. * Pecuniam reipub. collatitiam procurant lecti semper in comitiis ex Ordinibus singulis Triumviri, Vulgus eos *Ney-vysssi Bern ky* vocat. Hi ex decretis in Ordd, conventu contributionibus, collectam ab omni populo pecuniam, ita
ut co-

* *Ius provinc. A. 35. L. 60. Infra. cap. 15.*

ut comitiis frequentibus convenit, dispensant. Incolarum autem publicæ securitati in territoriis districtibusq; conservandæ, institutæ sunt PROVINCIALES PRAEFECTURAE. Singulis eas annis renovari ab Rege leges volunt, & binis ex locupletioribus in uno quoque districtu incolis demandari, Baroni nempe uni, & Equiti alteri, id quod sub Majum fere mensem fieri quotannis consuetudo est. Muneris hujus est usus, * in præcavendis periculosis vicinæ malis quibusque fortuitis, in describendis necessariis defensionis plebejorum hominum telis ac armis, exercendo in armorum usu, habendaque in procinctu, opportuna adversus hostium repentinæ irruptiones, selectorum ex omni numero vicinorum juventute armata, increpandis otio torpentibus, [:] comprehendendis grassatoribus, & sistendis cura pervigili cujusvis generis latrociniiis, in relaxandis immerito conjectis in vincula tenuioribus, abrumpendis, in repræsentando opificibus opidanis hostimento vel operarum pretio familiaribus nobilitati tergiversationibus, in prohibenda denique vi privata homi-

D d 5 num

* Hagecus in ann. 1442. [:] Comit.
ann. 1547.

num petulcorum omni. Hujus quoque olim fuerat muneris, conventus cum provincialibus pro re nata agitare, & necessariis districtui suo de rebus consultationes habere: Sed posteriores Reges facultatem hoc genus ipsis eripuerunt.

V. Hæc igitur, de quibus hætenus differuimus, sunt quæ terrestria vocantur, & Regno toti vendicantur Munera Superiora: Rex similiter sua habet varia, dignitatis neutiquam spernendæ munera. Vitur autem iis jure majestatis suo, in rebus partim seriis, partim oblectabilibus. Seriiis rebus occupantur, quæ desudant in justitiæ administratione, in fisci Regii, & quæ ab eo dependent, procuratione, in feudorum, quæ ultra Bojenum limitem sunt, moderatione, inque ordinaria domus & corporis regii custodia. Expeditius porro obeundis muneribus his fere singulis adjuncta etiam est numerosa secretariorum, actuariorum, scribarum, viatorum, ministeriorumque cæterorum turba. Administrandæ justitiæ Rex cōsiliarios sibi arbitrato suo legit, per eosq; definitis lege diebus, controversa nunc Curialia, nunc Cameralia negotia quævis, juris via cognoscit ac decedit. Præsent autem tribunali consilii hujus regio, directores duo diversi, quos ambos vocamus Supremos:
in Cu-

in Curialibus quidem IVDEX CVRIAE, in Cameralibus vero CVRIAE vel PALATII MAGISTER. Fiscii Regii, *Statkuvv Stelnjchy komornjch*, sive patrimonii agrique Regii procurationi, PRAEFECTURA AERARIA, seu ut cum vulgo loquar, CONSILIVM CAMERAE est ordinatum; cui qui praesidet BARIO PRAESIDENS CAMERAE appellatur, habetque ex Equestri Ordine adjunctos collegas ut plurimum quinque. Horum dicto sunt audientes Fiscalis, quem Regis Procuratorem vocant, ararii QVESTOR, LOGISTESQVE, & ditionum patrimonialium Praefecti omnes, Libripens, passimque in limite & urbibus, vectigalibus exigendis constituti exactores. Fiscii procurationi affinis quoque est METALLICORVM MAGISTERIVM supremum. Commendare hoc munus Rex per leges potest, tam ex Civibus quam ex Nobilitate, Viro bono quem rei peritum, & ob-eundae functioni idoneum judicavit. Visitare autem is, prout opus est, tenetur auri & argenti fodinas toto regno omnes, in eaque quae istuc geruntur diligenter inquirere, & quicquid praeter ordinem juraque fodinaria agi, vel à fundi domino, vel officinarum metallicarum hominibus peccari cognorit, emendare; compell-

compellatus, ab iis quorum interest, de redimendo à fossoribus auri argentei emolumento, mature id facere, & ut verbo dicam, omnia quæ promovendæ rei metallariæ opportuna senserit, accurate prospicere. Iam vero quia multas in Germania, ideoque ultra Regni sui fines, Rex Bojemus habet clientelas, feudâ & beneficia, quæ jam olim coronæ & Regibus Bojemis sunt obnoxia, iis in officio continendis, ac tuendæ apud clientes, qui ea possident, Regum & Reipub. Bojemæ majestati, instituta est,* quam vocant, Germanicorum FEVDORVM PRAEFECTURA, qua Baronemne an Equitem fungi oporteat, his est nondum plane decisa. Meminimus nos certe Baroni munus hoc, non Equiti, hæcenus fuisse collatum. Regiæ porro domus, hoc est ARCIS PRAGENSIS, ut & CORPORIS REGII CVSTODIENDI PRAEFECTURA, probatissima fide Equestris Ordinis viris semper solita est demandari, quorum ille arcis præfidiariis, hic Regis stipulatoribus cum imperio præest. Verum quia à rebus seriis respirare nonnunquam & animi recreationi tempus largiri amant Reges, oblectabilibus etiam rebus procu-

procurandis, officia quædam deputarunt. Equos siquidem generosos agitare, ferasque venatu fatigare, Magnates plerique omnes ponunt hac tempestate, in prima oblectatione; cui rei, & hominibus & instrumento multo est opus. Omnibus his scienter accurandis, habet Bojemus Rex Equitii seu STABULI, & VENATIONIS MAGISTERIUM. Quæquod Equorum, venatusque cura, cum succenturiatis omnibus occupentur, suis ipsa nominibus aperte ostendunt.

VI. Etsi vero plura adhuc variaque Cubiculariorum, dapiferorum, & cæterorum officia in Regis aula familiaria esse non ignoramus, quia tamen singulare nec protritum fere nihil secum trahunt, ab iis percensendis supersedere, quam minutis id genus, Lectores obtundere malumus, & ad explicanda quæ in repub. nostra pro Officiis Inferioribus, habentur, transimus. Sunt autem illa præcipue continendæ in disciplina plebis promiscuæ multitudinî, vitandis popularibus turbis, & plantandæ etiam inter vulgus obscurum, concordia inventa. Solent illa quotannis exquisitis prius ex loci cujusque incolis delectorum suffragiis, à magistratu superiore opidatim vicatimque conferri. Magistratus

tus autem ille superior, qui ea confert in liberis Urbibus, & in regii patrimonii opidis, est Rex, (sic enim rarius quidem per se ipse, usitatus vero per suos cum auctoritate ad id pro more deputatos, hic ea solet distribuere,) in cæteris loci cuiusque dominus. Nam quia experientia ipsa docebat, nullum etiam minimum vicum, nedum civitatem, stare diu absque incommodo posse, nisi habeat cuius consiliis auctoritateque gubernetur, eapropter, sui cuique vico, cuique opido, cuique Vrbi præfecti sunt antesignani, ac boni communis curatores. De iis quorum modica est potestas, & ob hominum infrequentiam rarior functionis usus, vulgoque nota tenuitas, verba multa facere, res esset nihili; ea duntaxat munera, seu officia, quæ in opidis Urbibusque populosioribus publice ac perpetuo obtinent, & quorum non vulgaris est auctoritas atq; jurisdictio libet compendio commemorare. Munus igitur præcipuum in Urbibus municipiisque est, quod *SENATVM CIVITATIS* vocamus, consilium nempe in Majore Novaque Praga OctodecimVirale, in cæteris Urbibus & opidis DuodecimVirale, itemque *PRAETVRA*. Senatus hic sive consilium, armatum est tam majore, quam minore, in criminalibus pariter

pariter & civilibus causis, jurisdictione. Allegi in hoc consilium nemo potest per leges, qui non prius triennium post jus civitatis acquisitum, in civium numero transegerit, intereaque consuetudines patrias familiariter condidicerit. Et quamvis, tam in capiundis, quam in obeundis his muneribus, singulare aliquid inde à tempore, cujus non est memoria, locus fere unusquisque ex consuetudine inveterata observet, in jure tamen dicundo, ubique est pro norma jus patrium municipale, quod Praga matrix amplectitur, quodque propter usum in municipiis communem *Pravvo Miestske* dicitur. In Senatu hoc Urbico, primus quidem absque controversia ordine est, qui commodata nobis à Latinis voce *Trymas* & *Hospodarz Miestka* salutatur, quiq; in consilio, omnium primus sententiam solet rogari, & à multitudine omni, præ aliis honorari; cogendo tamen Senatui, tractandis ordine negotiis, dirigendis consiliis, rogandis concludendisque sententiis, nominando ex collegis, ac (quod coram, eo cujus res agitur, solet fieri,) ad dicendum invitando Senatusconsultorum promulgatori, clavium & sigilli publici custodiæ, moderatur Consul sive Civium magister. Menstruum autem saltem est apud nos Consulare hoc officium,

cium, quo defungi alii post alios ordine solent, singuli duodecim Virales consilii illius Senatores. Vfus magister, ut olim, ita & nuper, docuit nostros homines, diuturniorem hujus generis in civitatibus magistratus administrationem, sive semestrem, sive annuam; non perinde in nostra repub. ut in aliis, esse civibus accomodam. Est autem tanto splendidior hujus functionis ac Senatus civici dignitas, quanto Vrbs alia præ alia privilegiis immunitatibusque est ornatior, amplior, populosior. Ac propterea quod quædam, præsertim regiæ, Vrbes, tam sunt populo abundantes, ut cognoscendis in tempore expediendisve cunctis communitalis omnis & incolarum singulorum negotiis, Consules haudquam possint esse pares, magno illi Senatui, subordinatus est Pragæ Decem-Viratus, alicubi Octo-Viratus, alicubi vero Sex-Viratus. Asserendæ porro à concussionibus promiscuæ civium multitudini, constituti sunt seniores populi, quasi Tribuni plebis, hîc plures, ibi pauciores, qui si quando Senatus muneris fiducia in communitalis fraudem velit quicquam tentare, intercedant, eumque ad saniora commoneant, vel, si emendare abnuat, ad Subcamerarium regni, aut ad Regem ipsum deferant. Cate-
rum

rum PRAETURA est alterum inter civica officia munus publicum, quod cognoscendis dirimendisque controversiis minoribus, cohibendæ cuiusvis plebejorum proterviæ, comprehendēdis & in vincula compingendis male feriatis, & mandandis exequutioni concilii Majoris placitis, est institutum. Gerendo autem utrique huic muneri civico, necessario serviunt publica quoque ministeria diversa; Consulatu astynomi, quæstores, ædiles, notarii, actuarii, scribæ, viatores; Præturæ, latrunculator, Commentariensis, statores, lictores, & si quialii sunt id genus accensi.

VII. Præter communia hæc urbibus, municipiis, opidis quibusvis munia, inter singularia referri, & neutiquam silentio præteriri est dignum Oenopræ munus, quod metallicorum opidorum quadam, ni fallor, imitatione, Pragæ (ann. 1358.) instituit Imp. Cæs. Carolus IV. & collium Vitiferorum cultoribus jus reddere jussit. Vocatur munus hoc, voce non nostra, *Vrzad Pergmišrsky*. Conferendo gerendoque huic muneri latas, à Carolo Leges, illustravit atque auxit Wladislaus Rex. ann. 1497. Collium-Magister hic præcipuæ est inter Seniores populi existimationis, & in coacta civitatis universitate, multitudinis

E e omnis

omnis nomine, verba ad Senatum so-
let facere. Ex Majoris Pragæ Civibus,
ab ejusdem urbis Senatu olim, nunc ob
Novæ urbis cum Majori intempestiva
jurgia, ab Regio fisci consilio legi, eique
consiliarii muneris collegæ octo, terni
videlicet ex Veteri, terni ex Nova, &
bini ex minore Praga, Senatus quique
sui arbitrio, adjungi consueverunt. In-
stitutum autem est, munus hoc, cum
cognoscendis coortis ob vineta litibus
sicut diximus, tum curando, ne ferendis
apta vitibus loca, suis careant cultoribus,
describendis, metiendis, ab omni que ve-
natu tutis præstandis, quotquot ubi-
que circa urbem coluntur, collibus, pu-
niendis deprehensis pendentium adhuc
fructuum furibus, statuendo præterea,
quod sub hedera vænum quis dare velit,
vini cujusvis pretio, solvendæque ope-
rariis diurnæ mercedis modo; providen-
do necubi pendulum vinum vel vapra
per imposturam vaneat, &, ut dicamus
compendio omnia, procurando, decer-
nendo, faciendo, quicquid culturæ isti
vineariæ viderit futurum ex usu. Cir-
cum urbem quaquaversum libera oni-
nino est ejus jurisdictio. Cæterum quia
melior fere munerum istorum pars, in
publica justitiæ administratione exerce-
tur, ac propterea, quum iis respub. nostra

non

non possit carere, plenius, quæ mox habemus dicere, declarabunt, supervacaneum est in iis diutius hîc immorari ac hære.

C A P. XIV.

De Consilio seu Consistorio Regio.

I. **D**ifferentes in superioribus, * partim de politico apud Bojemos regimine, partim de muneribus publicis terrestribus, diximus Regem nostrum non solere absque regni Optimatibus, consilioque suo, de repub. ac gravioribus reipub. negotiis, quicquam statuere. De privatorum petitionibus quotidianis, querelisve quibusvis, quas absque iudicii strepitu expediri est æquum, cognoscere sane potest ille solus, jubereque vel vetare arbitrato suo; plerasque tamen omnes illas, ad idem suum consistorium similiter rejicit, deque amplissimi concilii sententia, in iis quoque, quod placuit, rescribit. Poscit igitur ipsa rerum series, ut de Regio illo Consistorio, seu Concilio sanctiore, verba quoque faciamus. Est autem id Bojemis unicum, & à vulgo nostrate, non aliter quam CANCELLA-

E e 2

RIA

* *Supr. cap. 5. §. 11. & cap. 13. §. 2.*

R I A REGNI vocatur. Rex quidem, ne contra ipsum disputetur, abstinet fere ipse à publico hoc concilio, more Hebræorum regibus olim usitato, nec deliberationibus, nisi rarissime, solet interesse; quæ tamen res, quo tempore, sint tractandæ, expendendæque, Archi-Cancellario, de more, dat in mandatis. Archi-Cancellarius igitur Regis nomine, quæ consulto opus sunt, in consilio proponit, sententias rogat, & actioni toti ordine patrio moderatur. Postea vero quam sententiam rogati dixerūt omnes, réversus ad Regem vel solus, vel cum uno atque altero ex Optimatibus, rem ei exponit omnem, & quid fieri is velit, jubeatque, mandata accipit: quæ in Senatu tandem explicata, qui à Secretis est Actuarius, in acta diligenter refert. Datur in hoc Consistorio locus non solum Optimatibus, hoc est, iis qui terrestribus officiis supremis funguntur, (quales sunt Burggravius Pragensis, Curia-Magister supremus, Archi-Camerarius, seu Magnus regni Admissionalis, Archi-Dicastes, Scriba regni Supremus, & Sub-Camerarius) sed & Senatoribus Regni indifferenter omnibus, qui tam vocati à Rege, quam non vocati, in concilium, quoties libet, possunt venire, in commune consulere, interfari, & quæ è re publi-

BOHEMÆ CAP. XIV. 437
publica esse censuerint, admonere.

II. Pro-Cancellarius præterea & Secretarius interfunt necessario deliberationibus omnibus. Quoniam vero negotia, quæ hic tractantur, non omnia æque sunt ardua, ea de causa receptum jam olim usu est, ut concilii hujus Senatus, pro re nata, alius alio cogatur frequentior, & propter eam Senatorum frequentiam, vel infrequentiam, aliud hîc Augustius, aliud Angustius concilium dici queat. In augustiore concilio illo, deliberationes de reipub. statu, deque Regis ac populi universi necessitatibus ac salute, instituuntur; quandoque etiam exemplo olim nocitura, & explicatu difficilia, incolarum singulorum negotia, attinguntur ac disceptantur. Advocat autem, quoties opus est, augustum hoc concilium Rex ipse, excitis ad diem Senatoribus, cum iis qui Pragæ per tempus sunt præsto, tum selectioribus cæteris, qui hinc inde per districtus administrandis privatis atque domesticis rebus intenti, domi quisque suæ tempus rusticando terunt; imo, si casus id deposcat, aliquando etiam aliis ex privatorum numero, viris rerum peritis. Advocant similiter concilium hoc magnum ac augustum, regni Optimates, sed non nisi cum, cum de Regis assensu, comitiis regni

calatis, ejus cogendi illis copia est facta. Adfunt autem concilio sic coacto, inter Optimates, non modo Senatores regni omnes, regiique consiliarii, verum & descripti plerumque comitiorum decreto, ex privatis, nunc plures, nunc pauciores, delegati. Agitur in eo ac consultatur, iis duntaxat de rebus, de quibus, exclusi tempore Ordines universi, in comitiis decernere non potuerunt, & de quibus statuendi potestatem huic concilio, verbis disertis fecerunt, * Ferdinando, Maximiliano, Rudolphoque regnantibus, concilium hoc legimus fuisse coactum aliquoties, de publica patriæ defensione, exciendendoque ad bellum viritim populo omni, de recognoscendis ac regundis regni finibus, de relaxandis redimendisque sitis ultra limitem, oppignoratis Coronæ latifundiis, de viis recens à finitimis manifesto accolarum incommodo in regnum apertis, emporioque salis inusitato; de monetæ cudendæ valore & legibus, de collatitia pecunia ex reipub. usu prudenter dispensanda, de fæderibus hæreditariis cum principibus vicinis majorum exemplo renovandis, deque id genus rebus aliis.

III. In

* Comit. an. 1545. 1557. 1569. 1575. 1585. 1586. 1596. 1604. 1610.

III. In angustiore porro Regii Consistorii concilio, neque tanta requiritur Senatus frequentia, neque de universæ reipub. Statu consilia capiuntur. Singulorum hîc, vel, ut plurimum, paucorum, pauperum pariter & opulentorum, postulata querimoniæve, vulgariores ac quotidianæ, expenduntur, & quidem duntaxat eæ, quas decidi absque fori strepitu æquitas ipsa, atque ii, quorum interest, ferant. Prodeunt ex hujus loci sanctiore concilio, privilegia quævis, & concessionες regię, investiuntur hîc, tam de nobilibus quam ignobilibus feudis, Regum Coronæque vasalli ac clientes quique; legati ad Reges externos, principesve ac provincias dimittendi, mandatis instruuntur; proscripti, vel aliis de causis Regis aulam judicumve tribunalia adire prohibiti, fide publica muniuntur; Regis nuntii speciales, (vocantur vulgo Relatores) de citatis ad diem causæque cognitionem extraordinariam sive in provinciale sive in Regium judicium partibus controvertentibus, in impatientibus moræ negotiis; de inferendis rotulandisque variis (modo ne sint de regni patrimonio) ab Rege factis contractibus; de datis pupillo tutoribus vel ætatis venia; de testibus producendis; deque rebus similibus, ad tabularii cu-

stodes amandantur ; eduntur denique hîc Regia interdicta , Ediâta, Decreta, Rescripta, cujusvis generis, quæ ut de plenitudine potestatis regiæ in Bojemia edi esset fas, Regum majestati à populo legibusque priscis , jam olim est permissum.

IV. Expediebantur autem Regii hujus concilii negotia , quicquid Bojemis, Moravis, Silefis, Lufatisve Rex mandabat, olim quidem non nisi lingua populi Bojemi vernacula; vel Latina populorum omnium communi, quoties cum exteris agendum constituendumq; quippiam erat : provinciales etiam ipsi Silesi ac Lufati, Slavica populari, quoad maxime fieri potuit ad Bojemam dialectum conformata lingua , res suas in hoc Consistorio proponebant, &, quod plus est, legatos suos, scriptis Bojemice mandatis instruebant. Stetit his moribus institutisque , & floruit, pacatum longissimo tempore ex ὁμογλώττεις nationibus diversis coagmentatum olim * regni nostri corpus. Avorum vero memoria , postea quam Silesi, Lufatique indigenæ cum hominibus peregre advenientibus commixti, peregrina, quam sua, lingua loqui

* Legat. Silesica an. 1547. item Ordd. Opoliens. & Ratiboriens. anno 1536.

loqui maluerunt, contemptui capiti patrius sermo haberi, VVasser-Polacismusque vocari, ac Germanicus pro eo, in sacris pariter & profanis locis, frequentari. Hinc nata postea quoque est, Linguae Bojemorum nostrae valde pernitiōsa, in sacratiore hoc Regis nostri consistorio, Expeditionis, quam Germanicam vocant, institutio. Ideoque allegebatur eam in rem ab Regni Archi-Cancellario Seretarius Germanicus, qui, quod illa lingua esset expediundum, curaret. Sed non constitit hīc, nec eo contenta diu fuit hostium nostrae linguae arrogancia. Extremis namque Rudol. II. & omnibus fere Matthiae Regum temporibus, (an. 1610. 1614. 1615. 1619.) ProCancellarium Germanum tentarunt Concilio huic obtrudere Silesiae Lusatiæque incolæ. Optato tamen successu haecenus novatio ista caruit.

Iam ergo quaecunque ab hujus loci Senatu conclusa regis calculo comprobantur, iis, si Bojemos Moravosve contingant, Bojemice; sin Silesos, Lusatos, Cladscanos, Hebanos, Cubitensesve, Germanice in scripturam redigendis, formularii sunt ordinati, qui simul ac vel ArchiCancellarius, vel ProCancellarius, vel Secretarius injunxit, ea in forma materiae convenienti describant. Val

let autem ac sit authentica, tum demum hæc scriptura, cum, non modo ab Rege, verum etiam ab ArchiCancellario, ProCancellario, & Secretario propria manu est subscripta. Necesse præterea est, ut, si in forma Privilegii fuerit vel diplomat-
tis de plena testamenti condendi potestate, aut arduo negotio quopiam alio, Regis sigillo majore seu sanctiore; sin protritit ac minutioribus de rebus cæteris, minore seu vulgatiore, signetur ac muniatur. Verbis porro mandatisque regiis sua ubique constat authoritas semper, fidesque ab omnibus habetur & honor maximus, usque adeo, ut si quis vel morem iis detrectet gerere, vel in aliquo ausit derogare, impune id neutiquam sit laturus. Constare illa sibi ipsa quoque perpetuo, nec alterari, retractari, aut revocari, nisi urgentissimis de causis ac exacta cum accuratatione, vel solent vel possunt, ita ut (similiter quemadmodum Regium apud Medos Persasque jus fuit) ob immotam eorum firmitudinem, veteres proverbio locum dederint, *Kralovska Slova negdau na Zpatek*, hoc est, *Regis verba nescire regressum*. Vtinam nihil hoc ævo sit, quamobrem diversum quis merito possit sentire! Ipse deniq; Regii consistorii illius locus, cum ob Regis ipsius majestatem, tum ob re-

rum,

rum, quæ in eo tractantur, magnitudinem, multitudinem, & dignitatem, sacer quodammodo est, & asyli alicujus instar omnibus perquam venerabilis. Veteri autem instituto is ubicunque Regis aula est, usitatissime vero Pragæ, ut in metropoli, in arce Sancti-Wenceslai regia solet designari, nec transfertur alio, nisi cum Regis aula, & fonticis de causis, quales sunt grassans maligna contagione pestis, & hostis, bello imminenti justus metus. Liberum cuivis est, etiam tenuissimo cuique, in hoc consistorio rem suam ac animi desiderium libelli forma proponere, opemque Regis implorare. Rex quoque nisi officii atque juramenti neglecti velit accusari, concilii hujus, sicut usum intermittere, ita dignitatem imminuere, prisco more prohibetur. Eapropter quemadmodum Matthiæ Corvino, contra Georgium Wladislaumque pro Rege se Bojemorum genti, Bojemicæ hujus generis Cancellariæ usus accuratus ac diligens, commendabilis olim apud Procere Bojemos etiam post mortem; ita ejusdem vel ad breviculum tempus intermissio Wladislao Regi legitimo (*ann. 1511.*) probrosa fuit, nec absque obmurmuratione ab Ordd. dissimulari diu potuit. Intolerabile similiter majoribus videbatur, si
quando

quando Rex Bojemus aliunde quam ex Cancellaria Bojemica mandata Regia de re quacumque dabat, vel potestatem Regiam extra Regni limitem exercebat. Possunt curiosis esse exemplo mandata, cum Iohannis Regis Lucemburgica, tum Sigismundi, Wladislaique Budensia, quæ authoritatis modicæ apud populum fore, ejus temporis Optimates palam sunt protestati. Optimatum tamen ævi recentioris conniventia, discessum in plerisque est ab illa moris prisce observantia, exceptaque legibus novis sunt perquam pauca, de quibus Rex ex potestate Regia nisi intra Regni fines statuere vetatur. Quæ cum ita sint, nemo tam rudis poterit rerum esse æstimator, qui, quam Consistorii hujus bene ordinata administratio, cum Regi ipsi sit gloriosa, tum incolarum multitudini omni fructuosa, videre non queat.

CAP. XV.

*De tribunalibus juri dicundo in
Bojemia constitutis.*

I. **P**Lus quam semel dictum à nobis est * in hoc opusculo, Bojemos habere suos peculiare inde à majoribus acceptos mores, instituta, iura, & leges, quibus tum à suis principibus ut homines liberi, non ut servi, moderate regitur, ne vaga prorsus, ac infrænis videri possit libertas ista, absque oblatione parere accurate assueverunt. Res enim ipsa visa illis est loqui, perinde ut corpora nostra sine mente, sic civitatem sine Lege, neutiquam vim aliquid prudenter agendi, nedum nervis suis ac sanguine membrisque cæteris probe utendi, habere posse. Quoniam vero lingua pariter & natura à Germanorum moribus institutisque erant alieni, ideo nec leges, nec iura cum illis voluerunt habere communia. Domi itaque sibi ipsi paulatim, accommoda gentis genio, ex longi temporis ac usus disciplina, consensu populi omnis, sanxerunt iura ac leges. Quæ sane an-

* *Supr. cap. 3. §. 13. & cap. 8. §. 3.
& cap. 11. §. 5.*

ne ante Przemyſli principatum nullis literis comprehenſæ, ſolo uſu diſcebantur, &, quia perpaucæ erant, à iudicibus memoria haud difficulter capi poterant. Emergentes temporis progreſſu caſus varii, & homines uſu multo tandem facti eruditiores, genuerunt ex legibus illis paucis alias novas, numero haud paulo plures, easque in literas retulerunt: quibus bono publico emendandis, illuſtrandis, explicandis, multiplicandis, ut prior, ita nec noſtra hæc poſterior ætas, ſegnīs vel imperita videri voluit. Idem videlicet quod patribus licuit, filiis licere quoque exiſtimabat. Libertas hæc patriis moribus ſubnixæ, nec Wladiflao Regi diſplicuit olim, qui Ordines Bojemos, quia liberi ſint, in leges ſuas, quod publice placuit, referendi, quod diſplicuit, antiquandi, habere ſemper poteſtatem, alicubi * eſt iudicio maturo teſtatus. At quia inutiles alioquin nec vim ullam habituræ fuiſſent hæc leges, niſi miniſtros illis & interpretes datos, ac erecta juri cum authoritate reddendo tribunalia intelligerent revererenturq; homines pravis affectibus ſuis, quam legibus, obſequentiores, ea propter occurſum malo iſti in

* *Wladif. Reg. Decision. ann. 1502.*

isti in Boemia est prudenter, magistratusque & judicia unicuique negotio sua, religioso videlicet religiosa, profano, profana, sunt constituta.

II. De religiosis, quæ opus videbantur, diximus jam ante: Profana seu politica distinguimus vulgo in superiora & inferiora. Superiora vocamus, coram quibus inprimis nobilitas: inferiora, coram quibus Cives plebsque promiscua convenitur. Utraque ex jure gentis patrio, illa quidem provinciali; hæc vero municipali de causis judicant; utraque moribus priscis approbatum ordinem processumque servant; utraque habentur apud omnes perquam venerabilia; utraque sunt vel ordinaria vel extraordinaria, dignitateque & autoritate alia aliis eminentiora. Latæ ab iis sententiæ, præsertim cum in rem judicatam transit, oblucri impune nemo potest; alioquin exsequutorialia decernentur statim, & contumax, prout meruit, vel mulcabitur, vel vinculis, aut, si casus id deponat, manu militari coërcebitur. Exercendis judiciis superioribus iudices, non nisi ex nobilitate, Inferioribus, non nisi ex civibus maxime idonei quique, & famæ integrioris viri alleguntur.

* *Supr. cap. 6. §. 15. 17. 18.*

guntur. * Locum ii in concilio tenent suo quisque ordine, illi ex ætatis familiaræque prærogativa, hi ex coryphæorum classis suæ assignatione. Vti omnes vestitu decoro, & incessu viris digno jumentur. [:] Superiorum res judicatæ ac decisiones, ratæ sunt & validæ absque provocatione omni: ab inferiorum sententia, nisi malefici nebulones, provocare nemo prohibetur. Cursus porro illorum, neque à Rege, neque ab ejus ministris impediri, nec homo quisquam, quo minus jus suum via legitima persequi audeat, absterreri mandatis ullis debet. Interruptus nihilo secius fuit cursus hic & conticuerunt leges pleræque omnes, ab Wenceslai Regis excessu totos octodecim, post Sigismundum è vivis sublatum, totos quatuordecim plus minus annos, verum iniquitas temporum illorum non incolarum truculentia ordinem hunc tunc conturbavit ac pervertit. Instauratus tamen is fuit, cum ab Imp. Sigismundo. (ann. 1437.) tum à Ladislao Regg. (ann. 1454.) simulac respirasse à turbis aliquantulum respublica visa. Sunt porro magistratus isti ac judicum subsellia, quæ dici superiora diximus,

* Comit. ann. 1575. Hagec. an. 1250.
[:] Comit. an. 1615.

ximus, proprie quædam Regia, quædam popularia seu terrestria; ideoque capiunt jurisdictionem, hæc quidem à populo, illa vero à Rege. Occurrentibus causis difficilibus, quæque altioris sunt indaginis & intricatæ, habent ad Magnum Regni Senatum, præsides cæterorum tribunalium omnes, in definiendis dubiis recursum, ex ejusque responsis, sententiam liti decidendæ ferunt. Regia judicia, pars ex Baronibus constant, pars ex Equitibus, eorumque numerus Regis arbitrio, major esse potest, vel minor; terrestrium, ut qui legibus est definitus, non potest. Certæ quoque sunt ac definitæ causæ, quas ab his vel illis cognosci majores voluerunt. Consulta utrorumque per consurgentes Barones concilii collegas duos Equitemque unum promulgari mos est; strictissimaque est ac perquam diligens hujus moris observatio.

III. Quoniam vero causas tam horum quam illorum cognitioni attributas, compertum est natura sua & qualitatibus, ut plurimum, alias ab aliis distare, neque Rex, neque populus, tribunalia iis disceptandis erecta, indistincta relinquere diu potuit. Discrevit igitur ea quoque, post maturam disquisitionem, cum Rex, tum populus opportune.

Vnde Regium iudicium duplex in hoc Regno habemus, prætorium nempe, si-
 ve, ut vulgus loquitur, Camerale, *Sand Komorni*, & Curiale seu clientelare,
Sand Duvorsky. Neutrum alibi, præter
 quam in Conclavi quod Viride vocatur,
 potest legitime peragi. * Onus functio-
 nis in utroque obeundæ, ab Rege de-
 mandatum defugere, nemini est inte-
 grum, nec nisi post exantlatos hujus lo-
 ci labores annuos, renuntiare muneri
 per leges collega quisquam potest. Et si
 vero Regi cooptare pro arbitrio in hoc
 cōcilium licet iudices ex nobilitate nunc
 plures, nunc pauciores, duodenario ta-
 men pauciores esse, & de lite, quæcunq;
 ea sit, nisi concilio frequenti & decem,
 ad minimum, collegarum præsentium
 suffragiis, pronuntiare vetantur. Præ-
 torio seu Camerali iudicio singulis annis
 definitum legibus est tempus certum,
 quater nempe anno unoquoq; per con-
 tinuos dies quatuordecim, primum ad
 sextum Calend. Februar. secundum po-
 stridie Misericordias, sic vocati, diei do-
 minici, tertium ad septimum Calend.
 Septemb. & quartū ad Eidus Novembr.
 Moderatur illi in omnibus, magnus præ-
 torii sive palatii Magister. Disceptantur
 in illo

* Comit. ann. 1575.

in illo actiones, de calumnia sive injuria
 verbali non contumeliosa, ex stipulatu
 pro dote repetenda, pro mutuo, de mul-
 ta, ei qui testimonium perhibere re-
 cusavit, aut ei per quem factum est quo-
 minus quis judicio sistatur, irroganda,
 de revocandis impetratis in aliorum frau-
 dem privilegiis vel vacantium bonorum
 ecclesiasticorum largitionibus, vi bono-
 rum raptorum, vi quavis privata, & si
 qua sunt similia. Consumptis porro in
 hujus generis litium cognitione quatuor-
 decim diebus illis, octiduum aliud su-
 peradditur, quo permotus supplicum
 precibus Rex, in causis moram non fe-
 rentibus, jus iis extra ordinem reddi
 jussit. Rex similiter ipse non raro liti-
 gantes, ex junctis regno provinciis,
 huic se judicio jubet sistere causamque
 dicere.* Vbi de disputatis ultro citro-
 que id genus controversiis, nomine &
 autoritate regia pronuntiari tandem
 consuevit, ac decerni. Haud absimiliter
 Curiale seu clientelare Regis judicium
 certa itidem, quibus peragatur, habet
 constituta tempora, quæ unoquoque
 anno duntaxat sunt utiles dies quatuor,
 utilis nempe quisque ante quatuordecim
 illos, qui habendo judicio Camerali sunt

Ff 2

solen-

* Comit. ann. 1575.

solennes, proximus. Causas in eo nullas mos est agitari alias, præterquam de quibus, aliis in locis coram Paribus curiæ experiri mos est, & quæ clientes regios, bonaque ac controversias feudales attingunt. Præsider huic tribunali, resq; ejus moderatur Iudex curiæ Regiæ supremus, in cujus custodia sunt tabulæ, quas aulicas seu Curiales vocant, feudorum descriptiones, investituræ monumentaq; & acta publica id genus omnia. Nostra adhuc memoria similibus in causis locus simili judicio fuit in Tachov arce, sed antiquavit id de Ordd. assensu Rudolphus Rex. *

IV. Regiis hisce judiciis æquipollent, vel in nonnullis fortasse quodammodo antecellunt terrestria, quæ vocant, five Regni dicasteria, à quibus nobilitas veterum Bojemorum omnis, non tantum ipsa sibi, nemine excepto, sed & principi, supremo magistratui suo, in maximis æque ac minutioribus negotiis quibusque, quæ absque fori strepitu compositionem respuerent, jus dici voluit, quæque potestate tanta atque autoritate armavit, ut nemo è regni incolis ei se per contumaciam eximere queat. Exemplo sunt Comites Slicchii, qui cum forum

* Comit. ann. 1608.

rum hoc declinare obstinatius olim (an. 1505.) pergerent, bello se difficili, incommodisq; gravibus involverunt. Primum inter illa est tribunal judiciorum Burggraviatus *Sand Burkrabsky*, quod & ipsum est geminum; prius Burggraviatus Pragensis supremi, posterius Burggraviatus in provincia Hradecensi. Sedent in hoc perinde ac in illo secundum concilii omnis moderatorem Burggravium, *συμβολῶνται* ex Equestri ordine ut minimum sex, cognoscuntque de quibusvis propositis in judicio, & ad formulam jure præscriptam conceptis litterarum contractibus, deque revocandis ex eorum contractuum genere natis satisfactionibus, de factis sub pæna voluntaria tabulisque hujus judicii insertis obligationibus, de confusis ac illegitimis arrestationibus, de compellendo post rem judicatam creditore ad rationes de nominibus cum debitore conferendas, deque cautionibus post solutionem factam dispungendis. In provincia Hradecensi, vel potius urbis dotalis primariae arce ipsa Regia, ob reginarum honorem, lites præterea quasdam alias disceptari, ac peculiari provinciae judicio finiri consuetudo est, cujus Iurisdictio quam late pateat, leges, ex quibus discamus, nullas dum scriptas vidi-

mus.* Optantur porro Iudices in hujus loci collegia, Pragæ quidem à Burggravio Pragensi supremo, (à quo similiter & ipse consilii præses arcis Pragensis Burggravius, qui minor cognominatur, legi solet) Hradecii vero à constituto per Reginam Burggravio provinciali. Iudicio huic neutri, contra quam in alijs observatur, tempus certum legibus est præfixum. Burggravii, utpote Præsidis, arbitrato id, quoties & quamdiu est opus frequentatur. Affine huic iudicio Burggraviatus Pragensis, est iudicium finium regundorum, *Saud meznj*, quod vetus equidem sed ambulatorium est, & ordinarium ex extraordinario demum ab Imp. Cæs. Rudolpho Rege an. 1600.) factum, pauloque post (ann. 1601.) ab Ordd. universis in publicis regni comitiis comprobatum. Regitur illud repetitis ex vetustissimo usu, similiterque nuper demum in ordinē à Iacobo Menssico redactis legibus singularibus, rigidiusculis sane illis & severioribus. Ei exercendo quoties opus est, & per anni tempus licet, [:] Magnus Regni Senatus ab eo cuius fines per vicinum turbantur interpellatus, Burggravium arcis Pragensis delegat, qui junctis sibi duobus ejusdem subsellii

* Com. an. 1600. [:] Com. an. 1585.

subsellii consiliariis, excitisque præterea ad diem, ex vicina Ordinis utriusque nobilitate viris idoneis duodecim, de finibus controversis præsens pro more cognoscat, terminosque vel veteres restituat, vel si illi non appareant, novos statuat. Cognitio in tentorio, quod in actoris agro finibus controversis proximo tendi lex jubet, haberi de lite solet.

V. Tribunal Iudiciorum terrestrium alterum est quod Minus, *Saud Zemsky mensßj*, vocatur. Vocatur autem minus, cum quod de minoris momenti causis cognoscit, tum quia Senatui Magno præsto, & inprimis Optimatum Regni iussis audiens esse tenetur. Sedent in illo omnes ex Equestribus, loco primo arcis Pragensis Burggravius, secundo Vice-Camerarius, tertio Pro-Prætor, seu Vice-Iudex, qui consiliis tribunalis hujus & actionibus omnibus moderatur, quarto Vice-Scriba, quinto Regina-Mandatarius, sexto Succamerarii-legatus. Adhibetur etiam consiliis, tabularum Regni minorum Scriba, qui propterea Scriba iudicii minoris solet audire, verum is locum habet in cathedra, non in subselliis: notat conscribitq; quæ aguntur pro tribunali, sententiam non dicit. Inauctorantur autem ii, & ad munus hoc admoventur, itemque exauctorantur, ex

Senatus magni sententia ab Regni Opti-
matib⁹ singulis singuli, Burggravius nem-
pe, sicut diximus, à Burggravio Pragensi
supremo, ViceCamerarius ab ArchiCa-
merario seu Admissionali magno, Pro-
prætor ab ArchiDicaſte, Vice-Scriba à
Proto-notario, eodemq; modo à cæteris
cæteri. Frequentes quidem illi in regni
tabulario officii cauſſa utilibus quibusq;
diebus eſſe, & occurrentia quotidie fere
varia interventorum negotia promovere
expedireque pro more tenentur; quia ta-
men multiplices quoque cauſſæ veniunt
hoc iudicio diſceptandæ, anniverſariis
illorum ſeſſionibus locum in Regni di-
caſterio, à parte Regii ſolii ſiniſtra, non
à dextra, lex designavit, diesque juri di-
cundo ſolennēs, temporibus certis di-
ſtinxit. Cognitioni actionum quibus
ageretur de debito ex alio quam litera-
rum contractu, quodque centum ſexage-
nas Pragenſes non excedit, vel de exhi-
bendis tabulis, fidei commiſſis, ſervis
mercenariisve fugitivis, de familia herci-
ſcunda, tutelæ adminiſtratione, eman-
cipationibus uſurpatis, venationibus ve-
titis, cæterisque rei vel pænæ perſequu-
toriis, dedit poſt Invocavit vulgo voca-
tum diem dominicum, Martis, Mercu-
rii, Iovisque; item poſt Pentecoſten,
Mercurii & Iovis dies proximos, ut &
pridie

pridie Calend. Octobr, Quoniam vero in jus quoque vocatur plerumque reus, ut actori, alius sane intra trimestre, alius intra mensem, alius intra diem quartum decimum se sistat, prætereaque multorum actiones exceptionibus exclusæ, quin & probationes permultas ad causas producendæ, à tribunali majore huc remittuntur, vacare horum omnium cognitioni jubentur * hujus subsellii iudices ex cujusque anni die septimo Ianuar. ad vigesimum, & ex die Iunii trigesimo ad Iulii tertium decimum. Examinandis porro post sententiam, quacunque in causâ, & quocunque sive regio, sive terrestri judicio latam, factis in litem expensis, statuendoque de iis parti victrici à parte victa refundendis modo, tabularum regni procurationi, & aliis cum primis multis, quæ consuetudine magis quam legibus nituntur, perficiendis, descripti sunt dies Mercurii post octavas Paschatis proximus, Iulii quartus decimus, Novembr. septimus, & Ianuarii primus & vicesimus. [:]

VI. Tertium terrestrium judiciorum Tribunal, & quidem amplitudine ac dignitate omnium princeps, est Iudicium

Ff § quod

* Comit. ann. 1596. [:] Hagecus in ann. 1321.

quod Majus vocatur. Vulgo *Sand Zemsky vvietsj*. Sedent in illo, Rex in solio Regio trabeatus, vel, (si quis est) regni gubernator, & ad alterutrius pedes, gerens majestatis insigne virgam, Burggravius Regni supremus, cincti ab latere utroque Optimatibus & magno Regni Senatu. Constabat autem magnus hic Senatus olim ex Baronibus tantum, ut qui soli in Regno essent patriæ patres & primores. Sed cum post Alberti Regis fata, simultates propterea ex invidia inter Barones Equitesque accensæ, flagrare non desinerent, quarum acerbitate rempub. jam tum plures quam quindecim annos concuti doluerunt boni cives, iis sopiendis primus Georgius Rex Equites aliquot, quorum Ordo antehac pro patria arma ferre jubebatur, in ordinem hunc allegissè, & Wladislaus postea, ut perpetuo octo allegerentur, lege nova diplomateque cavissè legitur. Pro tribunali igitur in magno hoc ArchiDicafterii Senatu, ab eo tempore solent sedere ad latus Regis sinistrum ex regni Optimatibus, Admissionalis Magnus, seu Archi-Camerarius, & ArchiDicafteres, qui Ordinis hujus loci est princeps, & actionum omnium arbiter. Assident illis, pars solio Regio dextri, pars sinistri, per Regem ex amplissimi concilii sententia in locum hunc

hunc cooperti regni Senatores & συμ-
 βουλῶται, Barones decem, itemque
 præter Regni Sub-Camerarium, Caro-
 losteinensemque & Hradecensem Burg-
 gravios, Equestres viri quinque, ætate
 omnes & gravitate spectatissimi. Palatii
 Magister magnus, Archi-Cancellarius,
 Curia Iudex supremus, Burggravius Ca-
 rolosteinenensis alter, quia ex Optimatibus
 regni sunt, locum pro munere quisque
 suo habent quoque in hoc Senatu, sed in
 ipsorum arbitrio est concilio intervenire
 excedereque. Regni Marescallus, Rege
 præfente, cum ense districto stat propter
 solium, absente proximus à magno pa-
 latii Magistro locum ad latus dextrum
 capit. Archigrammateus cum tabulis
 sedet in cathedra. Sessionibus in hoc ju-
 dicio habendis, causis que via juris disce-
 ptandis, dies statim, iique ter unoquoque
 anno, sunt constituti, primum à die
 Veneris post Invocavit, sic vocatum
 diem Dominicum, proximo, per dies
 quatuordecim continuos, secundum à
 proximo post Pentecosten similiter Ve-
 neris die, per dies totidem, tertium à
 Calendis ipsis usque ad pridie Ejdus O-
 ctobr. Post dies illos dari lex jussit sem-
 per pupillis viduisque dies quatuor pro-
 ximos in quibus solæ illorum causæ, ut
 quas nefas esset protelare, disceptentur

ac cognoscantur. Vendicant autem leges tribunali huic soli cognitionem, de nobilis cujusque capite, fama, & fortunis; de injuriis contumeliæ atrocis, termino moto, violètia quovis modo exorbitante, obligationibus hypothecariis, purgationibus à crimine, per supplicio ultimo affectos objecto; &, quod palmarium est, absolutam cognitionem de remissis à cæterorum judicum tribunaliis, quodvis genus litibus, sive ob Regis iter longinquum & à Regno absentiam, sive propter nodos difficulter solubiles, indecis. Senatus hujus consulum, de causâ quavis publica privatave semel factum, resque judicatæ omnes, neque sub incudem revocari, neque in concilio Regis privato vel alio, ullo modo retractari per leges possunt. *

VII. Restat adhuc ut post usitata hæc atque ordinaria regni judicia superiora, de extraordinario, quod unum est, & à cujus fere usu jam est recessum, verba breviter faciamus. Vocatur id, quia à provinciarum præfectis est peragendum, *Saud kragsskych Hegtmanuvv*. Duumvirale igitur saltem est, & nec locum illi ordinarium nec tempus certum, placuit designari. Convenitur eo vocatus in
jus,

* Comit. an. 1575.

jus, in alterutrius provincialis præfecti domo, parsque, quæ in causâ cecidit, quoties gravatam se ejus sententia arbitratur, * habet querelæ in Regio Cameræ judicio instituendæ potestatem, quod re plenius examinata, prout æquum videbitur, statuet. Subjiciuntur huic judicio, controversiæ non adeo multæ, quales sunt ob conjectum inique in vincula, neque petenti domino relaxatum, itemque ob quovis modo receptum fugitivum hominem, legibus irrogatæ multæ persecutio; [:] ob non exhibitum convictum de vetitis in agro Regio agitatæ venationibus, colonum rusticorum edita adversus dominum actio; ob negatum opificibus urbanis operæ pretium, vel mercenariis hostimentum conditio; exortæ propter fodinas minerales ob denegata post oblatum pretium justum apta ædificando ligna, inter fundi dominum fossioresque offensæ; & si quæ sunt similia, quæ coram provinciæ cujusque præfectis disceptari, diserta legum verba jubent.

VIII. Loquuti ergo hætenus de judicium tribunalibus superioribus, loquamur sub hujus loci finem, oratione breviter

* *Ius provinc. R. 16. [:] Ius provinc. R. 14. T. 2. X. 13. W. 4.*

viter repetita, de inferioribus, seu (utamur hoc verbo) de civitatensibus. Erigi illa cœperunt Mnatae principis ævo, * posteaque sensim cum civitatibus creverunt, & sicut olim dicebant, ita nunc quoque ordinis sui hominibus, ac plebi promiscuæ, quin & nobilitati quandoque, in casibus certis, jus dicunt. Vocantur autem in hoc iudicium, descriptoque legibus, & recepto ordine disceptantur ac deciduntur causæ sine discrimine quævis, cum civiles tum criminales, editur ab actore actio, decernuntur ab iudice processus necessarii, citatur ad tribunal adversarius, libellus producitur, litis fit contestatio, probationes à litigantibus causæque merita allegantur, disputantur, concluduntur, ultimoque tandem iudicium lata ab iudice sententia finitur. Tractantur autem hæc iudicia; Ordinaria quidem, passim in singulis Regni Urbibus, opidis, municipiis, ubi Consul cum Senatu suo itemque cæteri (qui Consulari collegio alicubi subordinantur,) subselliorum minorum iudices, in senaculo, consecrato nempe habendo senatui loco, frequentes, prout populosa est civitas, vel quotidie, vel alternis, vel singulis consuetudine loci sessionibus reservatis

* Hæc. ad an. 791. 836.

servatis uniuscujusque hebdomadæ diebus, tenentur justitiæ petentibus administrandæ advigilare: Ea vero quæ sunt extraordinaria in actoris, ut plurimum, peraguntur domicilio vel agro. De ordinariis, (præterquam de montensi, & mangonario, quod aliis scientioribus explicandum relinquo,) egimus jam ante loco alio; [:] extraordinaria quædam etiam in usu quamvis rariore, in usu tamen esse observamus qualia sunt *Saud hranczny*, seu judicium corrogatum; & *Saud Mlynarzsky*, judicium ripense. Iudicium corrogatum, ex eo vocamus, quod actor, cum adversario quem in potestate habet experturus, iudices ex diversis tribunalibus ad cognitionem privatim in domo sua instituendam corrogare consuevit. Et quamvis juri magis est consentaneum, ut coram ordinario tribunalis proximi iudice, jus suum actor ille persequatur, si tamen causas, quamobrem secus fieri oporteat, idoneas iudicibus rogatis demonstraverit, iudicesque juris reddendi causâ ad ejus domum convenerint, accurate est danda opera, ut & in disceptando cognoscendoq; processus legitimi servantur, * & quæ ab utraque parte pro causâ fuerint

[:] *Supra c. 13. §. 6. * Inscivit. A. 43.*

rint vel dicta vel producta, ordine describantur, legantur, expendantur, definiantur, custodiantur. Ius ripense cognomentum ex eo sortitur, quod in eo de fluminum eluvionibus, alluvionibus, molendinis, pontibus, aquæductibus, derivationibus, sepimentis, immisuris, operibusque aquaticis cæteris, in finitimorum injuriam factis, cognosci statuique consuetudo est. Adhibentur huic iudicio adstricti sacramento speciales, molitores Pragenses, & de causis id genus, ex opificii, quod tractant, disciplina, experientia, consuetudinario jure suo, & majorum judicatis, in loco ubi innovatum quid est, quod æquum videtur, pronuntiant. Sententia nihilominus iudiciorum cujusvis generis inferiorum lata de causâ non criminali, non transit in rem judicatam nisi litigantes ei vel verbis expressis, vel duorum & quadraginta dierum silentio acquiescant.

IX. Quoniam vero experientia docuit iudices horum locorum in definiendo nonnunquam per imprudentiam labi, ac propterea partem controvertentium, vel utramque vel alterutram eorum sententia gravari, ideo jam olim introducta consuetudine est, à iudicio uno ad aliud provocatio. Fuit itaque apud majores mos, ut ex civitatibus regni plerisque
omni-

omnibus, à domesticorum judicum sententia ad tribunal Senatus Pragæ Majoris appellaretur, paucæ tantummodo civitates, ut Litomierzicza, Launa, Slana, Nymburgum, Ostia cis-Albina, cum opidis vicinis, ad tribunal Scabinorum Magdeburgensium appellabant. Post cladem demum, quam belli Smalcaldici occasione Bojemia accepit, Ferdinandus Rex, ut Pragensium sive authoritati obrogaret, sive quemadmodum ajebat, fastum nimium retunderet, Appellationum tribunal (*ann. 1548.*) in Regia arce sua Pragensi, primus excitavit, ad quod non modo, ut antehac ad Senatum Pragensem, ex civitatibus illis plerisque, sed ex cunctis etiam unitis coronæ Boemicæ provinciis provocationes fierent. Collocavit in eo judices tres ex Baronum, tres ex Equestrium ordine, quatuor ex juris doctoribus, & quatuor ex Veteris Novæque Pragæ civibus. Est hæc in usu Ferdinanda isthæc sanctio, & sedent pro tribunali id genus provocationibus cognoscendis constituti judices, qui impugnatas à provocantibus sententias ad juris normam examinant, ac vel confirmant judicio suo, vel reformant. Provocare prohibenti, vel provocando judicibus convitium facienti, quinquaginta aureorum multa est

constituta. Valet autem Ferdinandi huius tribunalis iudicium & ratum est ubique, præterquam in iis causis, quibus de capite, fama, vel hæreditate agitur, in quibus ab hoc quoque tribunali permissæ cuique est supplicationis provocatoriæ Regi offerendæ, deque iudicii vel iniquitate vel nullitate modeste querendi licentia. Cui supplicationi cum delatum ab Rege est, remittitur ea cum causæ actis omnibus, ad tribunal Regii iudicii Camerale, ibique tandem post examen accuratum, decisione ultima finitur, exsequutioni à primo litis cognitore quam primum mandanda. Sola ripensium iudicum sententia cum iniqua parti damnatæ est visa, ad Minoris iudicii terrestris subsellia rejicitur. Evidentius igitur est quam ut possit negari, Boemiæ Regnum, sicut optimis legibus est institutum, ita esse iudiciorum cum æquitate, tum ordine accurato imprimis commendabile.

*De Opulentia & Potentia Regni
Bojemia.*

BOIEMIAE Regnum, si Re-
gnis cæteris in regionum,
provinciarum, ideoque ter-
rarum amplitudine confe-
ratur, modicum sane & ter-
minis angustis conclusum est. Negare
id neque possumus, neque volumus. In
angustia tamen loci hac tanta, tanta est
cum incolarum multitudo, tum opum
viriumque vis, ut longe lateque re-
gnantibus populis, admiratione multo-
quam contemptu fuerit semper visa di-
gnior. Eapropter ante hominum me-
moriæ omnem, maluerunt vicinæ gen-
tes, amicos semper quam hostes habere.
Reges nostros, cum Bojemisque officiis
potius quam armis certare. Rei huic ar-
gumento sunt percussa olim complurief-
que innovata nobiscum ab Ungaris, Po-
lonis, Bavaris, Saxonibus, fœdera æter-
na, & pacta hæreditaria: (ann. 1251.
1374. 1459.) quæ quamvis nonnun-
quam vel parum integre ab alia parte
custodiebantur, vel calamitatis causam
regno dabant, quia tamen verbo regio,
& bona populi omnis fide erant sancita,

violari illa vel rescindi, nomini gentis indecorum judicaverunt homines nostri hætenus. De cætero tempus ipsam rerumque magistra experientia, documenta dabit. Nunc cum de opibus patriæ viribusque, verba facere cogitamus, confitendum nobis esse videmus, avorum, patrumque & nostra memoria opibus comparandis, quam viribus exercendis augendæve potentiæ multo illam fuisse deditiorem. Nam quia Iagellonica Austriacæque stirpis Regum temporibus, bella intra Regni fines vel nulla gerebantur, vel brevissima erant, homines alias bellicosi abducti à militaribus laboribus ad otium, pace multa illa & profunda ad commoda privata abuti didicerunt. Belli interea & armotû cura elanguit omnis, & otium illud diuturnum partem maximam augendo patrimonio & rei familiaris impendebatur à plerisque omnibus. Reperti nihilominus interea quidam sunt, qui, quod rarum in nostra gente antehac fuit, excolendo literis mansuetioribus ingenio, condiscendisque artibus liberalibus, studio non vulgari incubuerunt, & magno inter doctos viro Haslensteinio nostro, scribendi causam dederunt, *Bojemos videlicet veteres à Græcis Romanisque, (ut quibus facile fuerit vincere non repugnantes,) studiis*

*studii literarum haftenus vinci esse solitos, suo tamen tempore nonnullorum doctrina factam esse victoriam nutantem.**

II. Opes igitur regni omnes, consistunt hîc propemodum in solis privatis incolarum fortunis. Thesaurarium Regni publicum, sicut ignotum majoribus nostris fuit, ita nec dum ullum haftenus est comparatum. Modica duntaxat, eaque ex viritim collatis Bernis, quas vocamus, corrasa quandoque pecunia à Triumviris ærarii publici curatoribus, ad inopinatos reipub. usus comparcitur. Etenim quia apud majores nemo reperiebatur, qui non, quoties casus ferret, ut vitam, ita facultates suas omnes pro patria impendere esset paratus, supervacaneum fuit visum, gazophylacii alicujus peculiaris habere curam. Nunc cum privata publicis anteferre, & in auro caritatibus domesticis, non reipub. congerendo, industrii esse plerique omnes ament, nemo tamen est, qui patriæ hac in parte penitus neglectæ necessitatibus, ob oculosque versanti inopiæ medicinam circumspiciat, nemo qui de rerum gerendarum nervo pecunia, quæ seculis illis aureis in expedito semper erat, unde

G g 3. dein-

* Bohusl. Baro de Hassen. epist. ad Rodericum Dubravium.

deinceps quoque ævo hoc degeneri sit
sumenda in medium consulat, ut nihil
mirum esse debeat, bello extremis Mar-
thiæ regis temporibus adversus religio-
nis hostes excitato, tam subito nostros
(*ann. 1618.*) ad conflandum æs alienum
confugere fuisse coactos. Vtut tamen
est, dum modo Regem habeamus ex
voto, vigilantemque, & Ordinibus Re-
gni bene inter se conveniat, qui uno
omnes animo, atque studiis concordi-
bus reipub. tuendæ manum admoveant,
nec pecunia res nostras destituet, nec cæ-
tera hosti, si quis irruerit, ab aris & fo-
cis arcendo necessaria, deesse comperie-
mus. Tempus hoc luctuosis nostris ca-
lamitatibus infame, ducit nos in rem
præsentem. Sextus decimus hic jam est
annus, ex quo cara patria nostra bello
portas aperuit invita, militisque malefe-
riati & harpyjarum ex variis orbis regio-
nibus convolantium libidini, prædæ, ra-
pinis, expilationibus continuis atque
acerbis patuit, cui tamen nunquam fa-
mes, nunquam annona gravis magnope-
re, nunquam reconditior nobilitatis arca
ære prorsus omni vacua reperta fuit. Si
sapere scissemus, & vim istam auri ar-
gentique, quæ tempore hoc toto in pere-
grinas oras per sceleratos prædones est
exportata, ad bellum semel pro religione
liber-

libertateque avita sumptum, ultro ac per
vices, majorum exemplo, * contulisse-
mus, remque omnem prudentia accura-
tiore administrassemus, nã hostis nul-
lus, nedum Episcopi Romani complices
ulli essent, qui de nobis nunc triumphar-
ent, & patriam dulcem servitio tam pu-
dendo premerent: Res namque est, quæ
vocari in dubium vix à quoquam de-
beat, permultos in nobilitate nostra ante
viginti annos proximos fuisse qui immo-
bilia bona sua plus quam ducentis, quos-
dam qui plusquam quam quingentis, imo
& nongentis sexagenarum monetæ no-
stratis millibus, supellectilem vero cære-
ram, cum pecunia signata & nominibus,
tantidem æstimare poterant, quosdam
similiter qui homines suos glebæ adscri-
ptitios, canonemq; annuum pendere so-
litos, plures quam bis, ter, quater, mille
numerabant. Vnde facilis est conjectura,
incolarum Regni omnium opes tempore
illo fuisse sane ingentes: quæ tamen si ra-
pinis tam immanibus & diuturnis, vehe-
menter nunc sunt attritæ, quia tamen
uberrimum hîc est, rerumque omnium
incredibiliter ferax terræ matris solum,
jactura hæc, si bellum domi nullum, &
Regem sapientem delegerit DEVS, intra

G g 4 homi-

* Haged. ad ann. 1336.

hominum ætatem unam creditur esse reparabilis, etiam si in publicos Regiosq; usus pecuniam quæ ex comitiorum decretis Maximiliano Regi quondam contribuebatur, conferri ab omnibus posthac quoque oporteat.

III. Virescentis domesticæ, non videntur sane viribus, quæ ante annum quintumdecimum erant, posse æquiparari. Populi namque multitudinem permagnam, partim flamma belli lachrymabilis, quæ accensa in hoc orbis angulo Germaniam jam totam pervasit, hodieque adhuc depascitur, misere absumpsit, partim religionis trāsformatio acerba exturbavit. Spes tamen bona est, & illas similiter posse recuperari. Nam quia juvenus generis Bojemici, quæ si ve intra, si ve extra patriam ubivis sub sole potuit inveniri, abducta nuper à studiis cæteris, ad arma est convocata, & pleraque omnis toto gliscentis hujus belli tempore militaris scientiæ exercitiis dedita, in castris vixit, alienum à ratione est existimare, eam, si animos posthac ad patriæ defensionem opera concordi conjunxerit, futuram vel bello inutilem, vel sustinendæ hostis externi potentiae ob paucitatem forte imparē. Illa nec castra aliud quam patriam, nec pugnam aliud quam victoriam ducet. Venera-

teranos quam tyrones in bello certius ac fortius in hostem ire, virosque sapius quam turbam hominum magnam vincere, usu longo est exploratum. Alexander Magnus* exercitum adversus hostes nunquam majorem duxit, quam adversus Persas. Constabat is peditum triginta duobus, equitum vero quatuor millibus & quingentis, navibusque centum octuaginta duabus. Darium tamen Regem bis adversum se cum quadringentis millibus peditum, & centum millibus equitum, ut & alios, quantumvis magnis cum exercitibus in aciem progressos, non modo aggredi ausus fuit, sed etiam fugavit feliciter ac debellavit. Bojemi veteres ante Wratislaum I. Regem externo milite nullo sunt usi. Ante Boleslai cognomento Sævi ætatem, adversus hostes & in primis Misnios, Noricosque grassatores, nunquam mille viris plures ad arma concurrisse, & tamen prohibendis illorum latrociniis semper pares fuisse leguntur. Armare viros pugnandi gnatos mille, genti tum infirmæ, radicesque in hac terra primum agere incipienti, operosus labor fuit.

IV. Temporibus posterioribus, cum jam & populus esset multiplicatus, &

G g 5 prin-

* *Justin. hist. lib. 11.*

principes haberet hostium vicinorum irruptionibus in provinciam crebris ac repentinis, factos eruditiores, sicut ab exercitiis militaribus armorumque cura & potentia domi firmanda, ita nec à cæteris colligendarum, augendarumque virium rationibus, unquam fuit cessatum. Comparabantur arma, principio defensionis, aliquanto vero post etiam offensionis servitura, juvenus corpore robusta manuque prompta legebatur, describebatur, bello præparabatur, immunitatum concessionibus variis animabatur, & ad omnes casus subitos expedita esse jubebatur, arces munitæ in limite excitabantur, & stationarii disponebantur, atque ita in ipsa etiam pace bellum populus noster meditabatur. Enituit prudentia hæc & vigilantia cum primis in Wogeno, Boleslao I. & II. inque Brzetislao pugnace ducibus; in Przemyslo utroque, Iohanne & Georgio, Regibus. Factum igitur hac via est, ut pro regionis modo, temporisque circumstantia, & vires reipub. magis magisque crescerent, & principes gentis, domestici militis virtute, victorias ex hostibus memorabiles per multas sempiternæ suæ cum laude reportarent. Sic, ut neque priscorum principum partas ex Impp. victorias (qualis Brzetislai I. *an.*

1040.) adversus Henticum ad Domazliceam, itemque Sobieslai senioris (*ann.* 1127.) adversus Lotharium ad Chlumecium fuit) neque bella civilia, quibus non raro vires populi communes inter se collidebantur, interim commemorentur, scimus Wratislaum Regem* adversus Vngaros armasse Bojemorum supra sex decies mille, scimus Wladislai I. Przemysli utriusque, & Iohannis Regum nostrorum vires bellicas, ob rerum gestarum magnitudinem Italis, Germanis, Vngaris, fuisse perquam formidabiles, Hussitarum similiter potentiam, & in bello felicitatem, vicinis regionibus terribilem, remotioribus admirabilem. Wladislaus (*ann.* 1158.) Friderico I. Przemyslus I. (*ann.* 1204.) Philippo, Iohannes (*ann.* 1316.) Ludovico IV. Imp. cum quinque vel sex suorum milibus ad victorias in Insubria, agro Aquileiensi Saxoniaque & Suevia, vel invictorum ipsorum confessione, plurimum attulerunt momenti. Przemyslus-Ottocarus mediocri cum manu Prussiam totam victor (*ann.* 1254.) perambulavit, militum Belæ Regis Vngari, ex gentibus barbaris collectorum, ducenta fere milia (*ann.* 1260.) partim cecidit, partim dissipavit.

* Hæc. ad *ann.* 1091.

diffipavit, à Rudolpho vero Imp. non nisi per astutiam, & proditus à suis atque desertus (*an. 1278.*) vinci potuit. [a] Iohanni Regi in subsidium adversus Austrios decies mille viri sunt à Pragensibus solis intra triduum armati.

V. Hussitæ ἀμυνόμενοι illi nunquam majores copias quam ad Budefinam Gorliciumq; coëgerant. [b] Fuisse enim eorum ferunt ad Vstam vicesquingies, ad Tachovum tricies, ad Gorlicium non multo pauciores quam quadragies mille. Sigismundus Imp. centum quinquaginta millibus bellatorum stipatus adversus illos (*an. 1420.*) ad Pragam venit. [c] Reiectus est gravi cum damno. Electores Principesque & Ordd. Imperii, cum ducentis armatorum millibus Zatecium obsederunt. Profligati sunt. (*an. 1421.*) [d] Vilelmus Landgravius Thuringiæ, Catharinæque Friderici Marchionis Misniæ uxor, ad Vstam obsidione liberandam virorum in armis supra septuagies mille adduxerunt. *ann. 1426.* Horum propter Przedlicen pagum, edita strage ingenti ad quinquagies, vel, sicut alii volunt,

[a] *Chron. aula Regia c. 20.* [b] *Anal. Budefinens. M. S.* [c] *Ioh. Durbav. hist. lib. 24.* [d] *Chron. Mansfeld. cap. 310.*

volunt, ad duodecies mille in prælio occubuit. [e] Martini decessoris premens vestigia Eugenius Papa, cum legato Iuliano Cardinale, sub Imperio Frederici Marchionis Brandenburgici, centum triginta militum millia in Bojemæ fines ex Bavaria immisit. Omnes illi sunt ad Tachovum (*ann.* 1431.) [f] in silvis salutem quærere, & amissa copiarum parte non exigua, impedimentisque cum instrumento omni bellico, multaue & pretiosa suppellectili, victori in prædam relictis, palantes diffugere coacti. Georgius Rex, quamvis distractum factionibus regnum & potentiores quosque ex proceribus adversarios habuit, subnixus tamen nobilitatis tenuioris & opidanorū viribus ad tuendam dignitatem domi utcunq; collectis, expeditiv se ex difficultatibus omnibus, conatibusque maximis concatenatas hostium molitiones quasque, magno animo contempsit, & prorsus fecit irritas. Etenim Paulus II. P. P. (*an.* 1465. 1466.) præter quam quod evibrarat in illum fulmina dirarum sua, regnum etiam, quod
nec

[e] (*Chron. Lantgr. Thuring. cap.* 162. *M. Daniel. Calend. ad* 16. *Iun.*)
 [f] *Silvius histor. Bojem. cap.* 48. *M. Daniel Calend. ad* 14. *Aug.*

nec dedit, nec dare potuit, ei abrogabat, & sollicitatis ad defectionem regni provinciarumque incolis, pervalidas cruce signatorum copias Zedeneco Sternbergio incentore ac duce, in Bojemiam immittebat. Vana fuit omnis hæc Pauli ira, & signati isti prædones, posteaquam crudelitate plus quam Scythica plebi miseræ, inermi, ac innoxia, tempore aliquanto graves fuissent, ad Negirzscum à regiis (*ann. 1468.*) sunt fusi ac profligati. Elatus Turcicis victoriis compluribus, & militari scientia clarissimus dux, Matthias Vngariæ Rex, tametsi gener, de Regno illum armis dejicere conabatur: præliis tamen aliquot levioribus (*ann. 1467. 1468. 1469.*) focer illum terruit ac fregit; ad Lavam vero, pugnam defugere, posteaque conclusum omni cum exercitu in Bojemia intra fetreorū montium fauces, vitam partim auro, partim indigna tanto bellatore impostura redimere: Silesos denique & Lusatos, quin & procures in Bojemia Moraviaq; contra datam fidem rebelles, ad officium redire, ac imperata facere, coëgit. Vnde colligi non absurde potest, siquidem oppugnati à parte suorum potentiore desertique Regis, tantæ nihilominus erant vires, quantæ futuræ fuissent, si concors populus Bojemorum omais, fideliter uni illi adhæsisset.

VI. Ab Georgii Regis obitu, Wladislai Ludovicique & cæterorum Regum temporibus, quia pax alta usque ad ætatem hanc nostram in regno semper fuit, nec, nisi bis vel ter, motus potius quidam bellici, quam bellum oriebatur, neglecta jacuerunt militiæ & armorum exercitia, ideoque quanto divitiarum opumque multitudine abundantior, & literarum studiis excultior evadebat respub., tanto reddebatur potentia infirmior, * & ad fortiter audendum remissior, adeo ut, nec populus Bojemus militiæ jam magnopere aptus, nec regni potentia vicinis metuenda videatur. Reviviscebant nihilo secius redibatq; aliquando in præcordia Czechicæ juventuti virtus avita, &, quod in submissis multoties in Vngariam copiis auxiliaribus, rerum periti animadverterunt, faciem hosti, non terga miles noster ostendebat, manumque cum eo, dum pugnandi fuit facta copia animo intrepido conferebat. Vires non prorsus nullas in Bojemia esse, repeririq; in ea viros bello gerendo non ineptos docuerunt superioris seculi milites nostri persæpe, cum alii, tum inprimis septies mille Bojemi illi qui Wladislao Regi adversus Imp. Cæs. Maximilianum

* Corait. ann. 1593.

num I. Albertumque Poloniae Regem, (ann. 1491. 1492.) * itemque illi qui, Bartholomæo Munsterbergensi & Bocze-
co Cunstato ducibus, adversus cruce-
signatos Leonis. X. Papæ, (ann. 1514.)
militabant. Viri similiter fuerunt illi qui,
tamen numero pauci, ac plurium tan-
tummodo prodromi in prælio Mohacensi
infelici ac luctuoso illo, Ludovico Regi
corporis custodes adstiterunt, cum eo-
que mortem (ann. 1526.) oppetiverunt.
Viriles animos promptasque manus ap-
probarunt Ferdinando Regi, conscripti
ex Bojemis milites illi, qui pro eo, sub
aliquot signis, prælio Toccajensi adver-
sus Iohannem de Zapolia (ann. 1537.)
dimicarunt, [:] itemque illi qui ad Exe-
chium sub Petro Rassinio duce strenuo,
Turcorum telis obruti occubuerunt.
Maximiliano regi operam similiter non
inutilem navarunt Bojemi milites ad-
versus Turcos, (ann. 1566,) cum in Te-
mesuvari defensione, tum in illa adver-
sus Solymannum arcem Zigethanam ob-
sidione arcta prementem, instructissima,
sed serius quam oportuit promota, ex-
peditione. Sub Rudolphi Regis signis
ex rebus præclare gestis nomē egregium
invene-

* Bonfin. decad. 5. lib. 2. [:] Paul.
Iovius histor. lib. 36.

invenerunt longe plurimi ad Hatvanum, Agriam, Albam regalem, Strigonium, Iaurinum, Budam, quales erant qui cum Wilelmo Trczka, Iohanne Wchynicio, Alberto Pietepescio, Iohanne Pernsteino, Petro Woco Rosensi, cumque aliis (ann. 1601.) in castris erant.

VII. Conscribebatur autem de Ordd. assensu subsidiarius hic miles à Regibus nostris, & in Vngariam mittebatur, numero prout periculi poscebat magnitudo, nunc major, nunc minor. Stipendium illi Ordines quoque dabant semper, quod tamen non nisi de populi omnis voluntate, & in comitiis decernebatur. Nam, præterquam quod sic est mos majorum priscus, nemo scire melius potest, quæ reipub. sint vires, quæ facultates, quod denique vicinis sive ex fædere, sive ex necessitate debitum officium, quam Senatus Regni, & populus universus. Ex quibus Ordinum decretis comitialibus, & potentia regni universi deque censu veteri, & ordinariis, populo non multum onerosis, ad bellum collationibus, iudicium ratiocinatione non inani ferre cuius est facile. Vsitatissimum nostris fuit, * mittere in Vngariam auxilia

Hh pedi-

* Comit. ann. 1553. 1565. 1567.
1571. 1596. 1598.

peditum sexies, equitum vero bis mille,
 quibus cogendis dari jubebatur, in sin-
 gulas bonorum soli quinquies mille sexa-
 genas nostrates, eques unus, & trigesi-
 mus quisque glebæ adscriptitius, armis
 necessariis accurate instructus. Si peri-
 culū domi sit, bellumque pro aris & focis
 geri oporteat, duplicatur ex more tam
 milites stipendiarius, quam pecuniarum
 collatio publica. Si Rex ipse in hostem
 proficiscitur, viritum nobilitas omnis,
 ex instituto gentis veteri, ad arma cum
 famulatio omni vocatur, Regemque se-
 quitur, ita tamen ut ad expeditionem
 ultra regni limitem cogi non possit. Ad
 necessitatem vero ultimam casusque ex-
 tremos, quintus quisque ex colonis ad-
 scriptitiis, & quartus ex Urbibus arma
 vel ipse corripere, vel mercenarium pro
 se idoneum adducere, jubetur, qui qua-
 tuor cæterorum stipendio Regi militet,
 Quo si quando descendere casus cogat,
 onusque majorum more ferant ex æquo
 universi, verisimile est Bojemiam pedi-
 tum supra tricies mille sub signis habi-
 turam. Equitum extrema in necessitate
 millia decem colligi posse creduntur.
 Optandum equidem est ut belli portæ
 claudantur, & sagum togæ cedat, neque
 delectus istos haberi oporteat, quia ta-
 men homines nunc sunt, quam olim,
 turba-

turbarum multo amantiore, vicini fortunæ & libertati invidentiores, alienique appetentiores, vigilantia magistratui attentissima virisque fortibus, qui ad occasiones omnes sint præsto, semper est opus. Ea propter optandus inprimis est regno nostro Rex, qui virtute armata æque ac togata præstet, quique priscorum illorum Boemiæ Regum revocato in memoriam exemplo, etiam in pace media bellum meditetur, gnatos rerum gerendarum duces atque magistros habeat descriptos, residesque jam dudum populi sui animos resuscitare, ac certaminum militarium simulacris, disciplinaque cætera hostibus cunctis terribiles facere sciat. Optanda denique est militibus nostris (qui quam olim fuerunt æq; nunc esse possunt pugnaces ac numerosi,) eadem quæ in majoribus quondam fuit, non sane consueta & damnata à bonis ad rapinam proclivitas, sed collaudata illa prudens tractandorum armorum scientia, eadem in præliis virtus & felicitas cum primis vero eadem in patriam Regemque fides, obsequium, & amor. Instructo his oportunitatibus regno, nec potentia, nec cæteræ conservandæ reipub. paci ac dignitati servientes rationes, mediaque deesse unquam poterunt.

CAP. XVII.

*De Re numaria, & computandi
ratione.*

I. **P**OLITICI prudentiores, majestatis jura, reipub. seu populi universitatis esse judicant usque adeo propria necessariaq; ut spiritum ejus vitalem, cor, & animam, in iis collocent; illis salvis remp. vivere, sublatis interire, censeant. Referunt autem inter hoc genus jura, etiam jus numismatis, in materia publice electa, valore ab aliis diverso percutiendi. Et merito. Ut enim linguæ idioma populum à populo, sic legum ac monetæ usus dispat, universitatem ab universitate, regnumque à regno discriminat, & vicissim; quemadmodum illius, ita & hujus sive confusio, sive perturbatio, populum cum populo, remp. cum reipub. confundit, & conversiones perniciosas secum trahit. Providere igitur cura pervigili debet populus omnis, cui cara est sua salus, & inprimis jurium majestatis dispensationi præfectus à populo princeps vel magistratus summus, ut linguam pariter & monetam, à majoribus in rempub. in-

pub. introductam, olimque publice usitatam, à depravatione, & cum peregrinis confusione omni, constanter tueatur, & sartam ac testam conservet. Attenti in eam curam præcipue quoque erant principes Bojemix veteres, populusque noster omnis, qui quamvis commercia cum Germanis, Moravis, Pannoniisque vicinis habere communia non abnuebat, numos tamen, suos & illorum, nec pretio, nec computandi ratione eosdem esse unquam voluit.

II. Variavit sane cum tempore non semel numus noster, signabaturque cum principis & regionis inscriptione in auro vel argento, bonitate, pondere, valore, alius ab alio diversus. Vetustior recentiore fere fuit melior. Homines gentis nostræ repperunt quidem in hac provincia aurum statim Croci junioris temporibus, & prius sane quam argentum, sed id tamen non statim ac inventum fuit, numo cudendo adhibuerunt. Ex quo vero jus numi cudendi usurparunt, ex puro vel auro vel argento fiebat pecunia principum Regumque nostrorum omnis, nec ante Iohannis Regis ætatem fere cupri quicquam auro vel argento miscere consuetudo fuit. Signavit autem apud nos argentum primus Przemyssus, aurum Libussa princeps. Argentei numi

fundebantur alii majores, alii minores, referebantque, illi quidem utrinque Przemysli solius, hi vero, una ex parte Przemysli, ex altera Libussæ in sella sedentis imaginem. * Majores illi, æquabant pondere singuli didrachmum, minores quinq; & viginti numero unciam unam. Aureus porro Libussæ numus, signabatur utrinque Libussæ ipsius in sella sedentis, columque ad manum habentis imagine. Valor ejus & pretium est in incerto, magni tamen unumquemque fuisse pretii, ex eo potest colligi, quod Libussæ, cum mortua humabatur, quinque tantum, ignoto Deo munus, à Przemysslo sunt in manus dati. Servata autem est constanter fundendi cudendique hoc Przemysslæo pondere numi ratio, atque lex, à posteriorum temporum principibus cunctis, usque ad ætatem Wenceslai hoc nomine Regis Bojemix secundi, nisi quod numi cudebantur, ut diximus, suorum quique

----*inscripti nomina Regum.*

III. Wenceslaus II. Rex, pondus numi in argento à patribus frequentatum, primus immutavit, & æccitis Florentia monetariis, [:] grossos, obolosque similiter

* Hagec. in an. 725. & 1040. [:] Hagec. ad ann. 1300. Sifrid. presbyt. Epitomes lib. 2. ad an. 1296.

liter absque omni æris cum argento temperatura cudi, ut pondere, ita & , forma nova præcepit. Grossus erat drachmalis, ex antica parte circulis parallelis tribus insignis, quorum in intimo, erat corona Regia, in medio literæ, WENCESLAVS SECVNDVS, in extimo, DEI GRATIA REX BOHEMIAE. in parte vero postica stabat Leo Regni insigne, & propterea quod veteri instituto Pragæ officina monetaria fuit, scriptum in orbem erat, GROSSI PRAGENSES. Vulgus *zmyzlyky* vocabat. Obolus porro erat grossi iltius pars duodecima, similiter Leonis insigni & Regis nomine expressio notatus. Pendebat itaque pondo sive libra numularia quæ Germanis *Marck*, nobis *Hrziuvna* dicitur, Pragenfes Grossos hosce sexaginta, obolos septingentos & viginti. Gener hujus Wenceslai Iohannes Rex, (ann. 1311.) æris paululum quiddam argento primus admiscuit, & grossos obolosque fecit socii grossis & obolis *πδ* *κέρμα* atque figura similes, sed cum bonitate, tum pondere, aliquanto inferiores. Quatuor & sexaginta ejus grossi, septingenti sexaginta octo oboli, pondo dabant. Cudebat etiam numos grandiores, qui singuli habebant pondus uncia duas partes tertias, ideoque li-

bræ pars duodecima erant. Cudebat præterea numos minuscuros, alios ex auro qui libræ argenti paulo plus quam sextantem leguntur valuisse, alios ex ære, expilandæ plebis multitudini exco- gitatos. Iohanne Rege (ann. 1377.) Ca- rolus filius paululo, Wenceslaus nepos, perquam multo deteriore fecit numum. Argenti namque libris centum Carolus miscebat æris duodecim libras: libram- que pendebant grossi ejus septuaginta, oboli octingenti quadraginta. Wence- slaus vero IV. (an. 1407.) miscuit gros- sis suis æris $\frac{16}{41}$, hoc est partes unas & quadagesimas sexdecim, obolis $\frac{3}{5}$. hoc est partes tres quintas, prout promul- gata eam in rem utriusque diplomata plenius docent.

IV. Sequuta postea sunt bella in no- stra gente civilia, horrida illa, & quam rerum gestarum, tam calamitatum ma- gnitudine memorabilia, quibus sævien- tibus numi publici arbitrium in Pragen- sium fuit potestate, & monetariorum fraudulentia, dietim fere longius recede- batur à veteri illa numi bonitate, donec post Alberti Regis excessum in interre- gno, signati Frider. Imp. caractere numi
pror-

* Chron. Aula Regia cap. 14. 19.

prorsus adulterini, (vulgus nostrum nigros vocabat) ex Austria in provinciam vi magna infusi, depravandæ confidentius moneræ domesticæ exemplum hominibus avaris dederunt. Regno tandem inauguratus Rex Georgius, motus coorta inde annonæ, cæterarumque rerum omnium caritate inaudita, manifestisque, nec minoribus quam quanta sub Iohanne olim fuerunt, populi ac regni totius damnis, & permotus Austriacorum procerum magnis hac in causâ de Cæsare querelis, numum Bojemicum (ann. 1460.) fecit paulo meliorem. Sed quia & hic quoque multum à veteri bonitate abesse fuit deprehensus, procereſque Bojemi qui Regem illum averſabantur, inter alias rebellionis suæ causas (ann. 1465.) ex conventu Viridemon-tano de imminutis ab se Regum prisco-rum legibus monetariis erant questi, co-actus ultimo fuit hac in re Wenceslai II. vestigia sequi, & numum ex argento drachmalem, obolosque quorum quatuor-decim numum illum valerent, (an. 1469. cudere, *Podvovognj*, vulgo vocabantur illi tum grossi tum oboli. At quoniam nec diu postea vixit Georgius, nec amplius tanta ut sub Wenceslao argenti erat copia, Wladislaus Rex numi. legem ad Georgii decessoris rationem illam prio-

rem revocavit. *Plechacz* illos hodieque appellamus. Nec is tamen perpetuo in hoc sibi potuit constare, quemadmodum clamores publici, & nata ex hac causa (ann. 1491.) caritas annonæ anno Regni ejus vigesimo deincepsque docuit. Ludovici porro Ferdinandique numismata, vicissim sunt, quam Wladislai, deteriora, quemadmodum ex eorum (passim enim in usu sunt hactenus) inter se comparatione peritis est obvium. Vnciales numi in regno nostro ante Ludovici Regis ævum non sunt signati. Sub Wladislao percussi, Ungarici sunt, non nostri: Æstimati autem apud nos fuerunt chalcis ducentis decem. Tamen si vero pondus bonitasque & pretium numi apud nos sic, ut diximus, non semel variavit, in forma tamen seu figura Wenceslao II. Regi usitata, ante bellum in Germania Smalcaldicum vocatum, nihil unquam fuit mutatum. Semper illa in parte numi antica coronam regiam, in postica Leonem, cum inscripto Regis Pragæque nomine referebat. Iohannes Baro Pernsteinius in Comitatu Cladschano (ann. 1540.) grossos regis æquivalentes, solus caractere peculiari signavit. Ferdinandus Rex post bellum illud, (ann. 1548.) imaginem suam ex una, & aquilam Romanam ex altera parte, numis nostro

nostro impressit. Causâ oculos non fugit. Percussit autem illum multiplicem, & cuique prout magnus vel parvus fuit, ex collatione cum Philippico, Hispanorum plusquam unciali numo, pretium vel auxit vel diminuit. Erant alii qui valebant Philippici tres partes quartas, alii qui octavas tres, alii qui unam. Minuta ejus moneta similiter fuit diversa, & non unius generis. Vna chalcus chalcus Wladislai accommodatus, qui sub Regis inscriptione constanter priscam Leonis imaginem retinuit, & apud Germanos nunc usitati numi uncialis erat pars ducentesima decima, *Czesky* vel *Welky* & *byly Peniz*; altera chalci semis, *Sfart* vel *kaczenka*, *maly Peniz*; tertia, grossus diobolaris cognomento albus, valens chalcos septem, & quarta grossus selterrius *Hubaczek* dictus, valens chalcos novem.

V. Ferdinandi filius Bojemæ Rex, Imp. Cæs. Maximilianus, ut cæteris quibusque in rebus, sic & in numi cudendi rationibus, gentis Bojemæ honorem utilitatemque quæsit vigileret. Ille igitur, quanquam in generibus monetæ figuraque quam pater usurpavit, solum genus quartum obolis (vulgus *Sedmaky* vocat) permutavit, meliorem tamen aliquanto quam pater nobis pecuniam dedidit;

dit; deque numi valore & signando tum auro, tum argento, leges exactiores, Ordd. universis * assentientibus, paulo ante quam de vita decederet, & prius quoque, in comitiis (ann. 1576.) tulit. Ex auri pondo Pragensi, caratas viginti tres & creinos octo pendente, signati iussit, vetusto Imp. Alexandri Severi, decessorumq; Bojemiae Principum more, ducatos, quos vocant, sive solidos $72\frac{3}{8}\frac{5}{4}$ Argento similiter definitam æris temperaturam constituit; partes nimirum sexagesimas quartas, talero septem, grosso diobolari triginta septem, obolo triginta novem, chalco dimidiato quinquaginta tres, chalco denique partes sedecimas undecim. Vnde temperati hac proportionem argenti libra Pragensis, *die Marck*, producebat illi taleros $8\frac{3}{4}$ grossos diobolares $126\frac{2}{7}$. Obolos 240. chalcos 659. Chalci-semisses 733. Leges ad istas signatis numis pretium quoque est ab hoc Rege decretum, [:] taleris oboli sexaginta, grossis ante bellum Smalcaldicum Pragæ signatis veteribusq; Austriacis chalci novem, diobolaribus recentioribus chalci septem, obolis chalci tres cum

* Comit. ann. 1572. [:] Comit. ann. 1573.

cum dimidio. Philippico $\frac{3}{4}$. $\frac{3}{8}$. $\frac{1}{8}$.
 proportione respondentes, & ante hoc
 tempus signati numi, etsi non remove-
 bantur ab usu, quia tamen computandi
 rationibus Germanicis, non nostris,
 erant apti, cautum lege est, ne posthac
 apud nos signentur.

VI. Has Maximiliani patris leges mo-
 netarias, quam studiose servavit Rudol-
 phus, tam negligenter habuit Matthias,
 cum alius post alium ei in Regno suc-
 cesserunt. Matthia videlicet Imp. & Re-
 ge, primum in Germania vicina, & mox
 apud nos quoque, tam licenter argen-
 teum numisma publicum, est deprava-
 tum, ut solo unciali numo excepto, si-
 gnata per id tempus pecunia omnis, du-
 plo quam Rudolphina evaserit deterior.
 Sublato è vivis Matthia Rege, quia bello
 Regnum ardebat, Ordines ipsi, reipub.
 cura delectis ex omni numero quibus-
 dam quasi Ephoris commendata, nu-
 mum publicum (ann. 1619.) (admixtis
 argento æris septem fere partibus sedeci-
 mis) veterum exemplo, corona Regia
 Leoneque coronato, insigniverunt. In
 hoc tamen sui sunt quasi obliti, quod
 peregrinum illi & à patribus sub Maxi-
 miliano, consensu publico vetitum, va-
 loré attribuerunt. Accomodarunt enim
 illum, non, ut veteres, ad chalcos, vel
 diobo-

diobolares Bojemicos, sed ad cruciatos Germanicos. Neque excusabilis in neglecto hoc majestatis jure majorumque exéplo, videtur ista inconsiderantia, quod quidam ajunt, propter stipendia militi danda, Germanis conformem numum domi tum habere fuisse necesse. Et Gallorum & Belgarum stipendia Germani solent merere, in eorum tamen gratiam, neque in Gallia neque in Belgio à veteri numi usu unquam est discessum. Vt tamen est, secabant Ordines pondo sic ut dixi commixti cum aëre argenti, vel in partes triginta, vel in sexaginta, statueruntq; pretium partibus illis primis cruciatos Germanicos quatuor & viginti, secundis duodecim. Retinuit in numo signando probatam populi silentio rationem novam istam similiter Fridericus Rex, nisi quod de ejus bonitate argenti fere semiunciam detraxit, & imaginem numo suam impressit; pondoq; præterea etiam in partes duodecim secare iussit. Valor cujusque id genus particulæ fuit, cruciati octo & quadraginta. Cudit similiter certa constituta aëri & argento proportionem, Bojemicos chalcos, obolos, itemque grossos diobolares sive albos, ita ut si pacare regnum turbatum potuisset, veteres Maximiliani leges monetarias restitutus crederetur. Quem
cum

cum armis de Regno deiecisset, & ferro sibi viam ad sceptrum Bojemica aperuisset Imp. Ferdinandus, tam procul est sub eo à majorum exemplo discessum, ut numi apud nos facti plerique omnes argenti plus quam parum haberent. Chalcus Wladislai Georgiique, Ferdinandico ejus temporis sestertio, bonitate antebat. Sestertii siquidem quales olim plus quam altera parte sua erant argentei, tum vix argenti: $\frac{3}{16}$ habere videbantur. Vulgus imperitum, fraudem istam an fucum dicam, non ante potuit deprehendere, quam argento fere omni fuit emunctum. At cum multo tempore post, magna rei familiaris jactura, cuncti essent facti eruditiores, admirabilem subito vidimus in commerciis confusionem. Etenim, annis (1621. 1622. 1623.) non sterilibus, decuplo quam antehac, pluris vendebant res omnes. Effluxit nobis in his vexati numi flagellis triennium totum, & experti tum demum credidimus, vere juxta & sapienter ab gentis nostræ principe Boleslao Leni, cum morti esset propinquus, dictum olim fuisse, * *neque pestem, neque bellum, neque hostiles in provinciam irruptiones, direptiones & incendia quantumvis atrocia, bonis tantum posse*

* Haged. in ann. 999.

posse nocere, quantum crebra numi variatio & attenuatio. Simples videlicet ad paupertatem extremam redigi id genus impostura.

VIII. Hæc igitur & domi percussit, & in usu olim nuperque adhuc habuit numorum genera gens Bojema. Propter necessaria tamen semperque frequentata cum exteris commercia, permisit quoque illa suis usum importati ex vicina Germania, Vngaria, Polonia, numi peregrini, cum aurei, tum argentei: valorem tamen ejus ad leges monetarias domesticas attemperavit. Hinc notum apud nos est monetæ non nostrum genus, floreni, taleri, decussēs, baci, sestertii, crucigeri, *Dudey*, *Sseštacy*, *Kralovvsky*, *Sfarapatky*, *trogncy*, *babky*, *halcy*. Et quemadmodum Hebræi siclis, Græci drachmis, Romani denariis, Germani florenis, cæteræque gentes sui quæque numismatis genere, pecuniam supputabant, sic & homines nostri aurum argentumque, eleboratum nec tamen signatum, libris numulariis, (non Romanis vel tabernariis) *na Hrzivvny*, librarumque quadrantibus, *na Fertony*: signatū vero, aurum quidem solidis sive ducatis, argentum grossis Pragensibus, grossos denique, si summa crescebat, sexagenis, *na kopy*, si decrescebat, chalcis, *na Penjze*

Penjze vvelke, supputabant, hæcenusque, quicunque non sunt à patribus generes, supputare amant. Grossi igitur nostri sexaginta, vocantur *Kopa*, qui prout tempora erant, Regique & populo placebat, constabant ab Regis Wenceslai II. ævo chalcis duodecim, vel quatuordecim obolo Maximiliani non plus quam una parte tertia deterioribus, nunc constant Maximiliani chalcis septem. Unde inconcinni sunt, qui cum in Annalibus nostris scribunt ante Wenceslai II. tempora * potuisse uno numo emptis panibus famem sedare ventres virorum sex, avenæque modium vñiisse aliquando numis quinq;, aliquando grosso uno, cæteraque omnia pretio consimili, pretium se vile putant dicere, habentque id instar miraculi, cum ipsi testentur, numum temporum illorum minutū fuisse argenteum, & uncia partem vigesimam quintam : sicut protervi vicissim sunt, qui contra, cum legunt ante ejusdem Wenceslai Regnum [:] frumenti modium pluris quam centum viginti numis, par ovorum numo uno emptum, annonam difficilem fuisse non credunt. Supputatio numi per florenos cruciatosque,

Ii quæ

* *Hagec. in ann. 1027. 1172. 1213.*

[:] *Hagec. in ann. 1263. 1281.*

quæ jam prisca illi à nostratibus præfer-
tur, est genti nostræ probrosa, & jam
pridem patrum iudicio repudiata, in qua
cohibenda neque magistratus summus
neque populus deberet tam esse securus.
At quia fieri non potest, ut vel nullo hîc
modo offendamus, vel ἐπέχῃ in qui-
busdam ipsi quoque desinamus, ideo
manum de tabula.

C A P. XVIII.

De Regiis Reditibus.

Vivere cum dignitate princeps
nemo potest, qui non sit fortu-
natus, hoc est qui non nervo
rerum gerendarum pecunia opi-
busque luculentis abundet. Etenim ut
virtute ad conservandam in statu felici
rempub. ita ad tuendam in splendore
majestatem, opibus illi est opus. His au-
tem honeste ac citra tyrannidem com-
parandis, redditus partim ordinarii, par-
tim extraordinarii magistratui summo
in repub. quavis, jure communiter re-
cepto, populi que omnis consensu tacito
solent permitti. Reges Bojermi similiter
neque mediis id genus sunt destituti, ne-
que à populo suo unquam usque adeo
deserti, ut dummodo ne sint prodigi vel
deco-

decoctores, de inopia aut ærarii tenuitate jure possint queri. Non alia fortasse de causâ ab ærario peculiari reipub. constituendo, populus noster hæcenus abstinuit, quam ut Reges, magistratum summum, haberet opulentiores. Opum ergo quærendarum vias omnes non iniquas, reditusque qui in Regno provenirent, illis reliquit solis. Qui tametsi magnitudine redditibus Regum regnis cæteris dominantium pares fortasse esse nequeunt, quia tamen in Regno nostro, non tam prodigiosas ut alibi, impensas facere est necesse, ob mediocritatem ii neque contemni debent, neque ad ditandum Reges nostros pro invalidis censerî. Wenceslaus II. & ejus nepos Carolus, Bojemix Regg. Regnum acceperunt valde perturbatum, exhaustum, atque prorsus exsæccum, recuperatis tamen postea redditibus à Regum usu alio jam pridem averfis, administrataq; prudenter re familiarî, opibus tantopere sunt aucti, ut hujus reditus ordinarii, cum aliquando legatis Imperii Electoralibus ob oculos ab illo essent positi, ipsorum judicio ac confessione, majores fuerint visi, quam essent quos Imperator ex toto Imperio Germanico caperet; *

Ii 2

illius

* Hagee. in ann. 1370.

illius vero fortunæ opesque, Alberro Lusco Imp. invidia tantum non illa ruperint. * Wenceslaus IV. cui Germani ignavo, nos ebrioso cognomentum damus, auri argentique vim permagnam ex redditibus suis corrasit, quam in arcibus, S. Wenceslai, Carolosteiniana, & Crzivocladena conditam, Sigismundus frater postea (ann. 1420.) intervertit & militibus divisit. De exorbitantibus Iohannis Regis extorsionibus, [:] quibus Regnum emungebat, & ut intra menses duos à populo Bojemico pecuniæ ad nonagies quinquies mille libras, exigere aliquando nihil pensi habebat, dicere hîc nec placet, nec expedit.

II. Sunt autem Ordinarii in Boemia Regum redditus alii ex cænobiorum Civitatumque liberarum canone annuo, alii ex auri argentique fodinis, alii ex vectigalibus, alii ex ditionibus cum fiscalibus, tum iis quæ de tabula vulgo, & quaternatæ à quibusdam dicuntur: quos ad aureorum Germanicorum millia quadringenta, hoc est grossorum nostratium sexagenas centies septuagies semel mille, quadringentas & triginta, ascendere curiosi quidam prodide-

* *Idem in ann. 1302. 1304. [:] Chron. Aula Reg. cap. 14.*

diderunt. [?] Canon annuus qui ex Cæ-
nobis penditur, non assurgit supra sexa-
genas quinquies mille trecentas, qui ex
Civitatibus ad quatuor mille trecentas.
Wladislai II. regis ævo, quia Praga urbs
æ alienum grande conflavit, ei dissol-
vendo fuit de plebis assensu imposita
Zythopoeis in urbe omnibus, tempora-
ria collatio, in singula videlicet cerevisiæ
dolia, grossus septem chalcorum unus.
Hunc Ferdinandus Rex à bello Smalcal-
dico, ex arbitrario uniusque Pragæ ur-
bis usibus ad tempus, voluntaria largi-
tione, à civibus decreto, ordinarium fe-
cit, &, sub cognomento grossi hæredi-
tarii, civitatibus omnibus extorsit. Un-
de reditus Regii quotannis plus minus
quindecies mille sexagenis sunt aucti.
Auri argentique fodinæ, quamvis non
semper æque feliciter, & multo quam
olim tenuiore copia proveniant, * pars
tamen illa emolumentorum vicesima,
quæ vi transactionis ab Rege Ferdinando
cum Ordd. olim (ann. 1534.) factæ)
Regi ex auro argentoque in nobilitatis
ditionibus eruto [:] debetur, ut & lu-
crum omne ex fodinis regiis quæsitum,

¶ 3. fisco

[?] Nicol. Bellus rerum politic. tomo I.

discur. 31. * Comit. ann. 1586.

[:] Ius Provinc. W. 2.

fisco regio haudquaquam est infructuosum. Vectigalia portoriaque, & in his institutum ab Iohanne Rege vectigal Pragæ passim in Urbibus, quod *Vngelt* dicitur, luculentam conficiunt pecuniæ summam. Reditus ex ditionibus cum quaternatis tum fiscalibus, præterquam quod mensam regi aulicoque ejus ministerio omni pro dignitate instruunt, & aulam Regio splendore nitidam præstant, grande æratio adjiciunt incrementum. * Nam ut demus ex piscinis, molendinis, Zythopoeiis, prædiis, silvis, quæ omnia permulta sunt & proventibus uberrima, post expensas quotidianas, raro aliquid superesse, canon annuus, quem coloni glebæ adscriptitii (universi illi in his ditionibus fere ter decies mille censentur) prout agri quisque plus minusve colit, vere & autumnò Regi pendunt, solus sexagenas grossorum circiter novies mille dabit. Regni onera, quemadmodum diximus, non tam sunt, ut alibi, impendiofa nec sumptus publice necessarij modum excedunt. Illis faciendis ferendisque, reddituum istorum ordinarij partem quintas quatuor, hoc est $\frac{5}{4}$ abunde esse judicant homines non imperiti, & annis singulis, ut minimum, sexagenarum

* Comit. ann. 1608.

rarum tricies quinquies mille in thesauros Regis recondi posse credunt.

III. Iam quod ad indictiones, contributionesque extraordinarias, quæ *Bernie* & *Zbjrky* à nobis vocantur, porro attinet, eæ & luculentæ & frequentes à populo omni Regibus solent conferri. Quoties enim cunque causa prægnans urget, Ordines Rex convocat ad diem, & in Comitibus frequentibus, propositis reipub. periculis, occurrentibusque per tempus rebus aliis necessariis, opem illos ac subsidia poscit. Esse regni sui cauponi, tributumque imperare pro arbitrio Regi nunquam licuit. Ordines ipsi post accuratam maturamque deliberationem, subsidium sententia communi, prout opus esse vident, alias majus, alias minus decernunt. Ejus colligendi ratio hominibus nostris non est ignota. Ferunt hoc onus, ut plurimum agricolæ, & Cives. Nobilitas non nisi rarius, & ultima fere tantum necessitate, pariter id cum colonis sustinet. Subeunt etiam parte aliquantula onus hoc Sculteti in Regno liberi, hoc est *Suvobodnicy*, *Diedinicy*, *Naprauvnicy*, & parochiarum pinguiorum sacerdotes, itemque opiliones & eorum magistri. Agricolaë glebæ adscriptitii, censentur in hoc Regno supra centies quinquagies; cives vero plus minus duodecies mille.

Sculteti ccc xxxviii. Parochæ cIo-
 ccc xl. Opilionum magistri cIo lxxviii.
 Opiliones cIo Io ccc lxxv. Vſitatiffi-
 ma contributionum extraordinariatum
 eſt, quæ caſis ruſticanis, & ædibus ci-
 vium Urbanis imponitur. Ruſticis illis
 glebæ adſcriptitiis in caſas ſingulas indi-
 cuntur, nunc deni, nunc quindenī, nunc
 viceni noſtrates groſſi annui; Civibus
 non ſane nova, ſed non video quam æ-
 quabili proportione, nunc triceni, nunc
 quini & quadrageni, nunc ſexageni. Vo-
 catur id genus indiſtio *Bernie Domovv-*
nj. Ex cujus inveterata atque hætenus
 obſervata proportione, quia omnis fere
 de conferendo inter nobilitatem & cives
 proportio ſumitur, dicere non inepte
 poſſumus, illam in hoc Regno conferen-
 darum Regi pecuniarum eſſe quaſi nor-
 mam quandam & cynoſuram. Conſcicit
 illa, quoties vicenum groſſorum eſt, *
 ſexagenas Bojemicas plus minus quin-
 quies & ſeptuagies mille. Accedunt ad
 indiſtionem iſtam contributiones aliæ
 genere multiplices, pro numero agre-
 ſtium, partim ex nobilitatis, partim ex
 colonorum, adeoque civium ſimiliter
 ipſorum oculis corradendæ, itemque ex
 uſurarum decimis, rotis molaribus, fu-
 mariis,

* Comit. ann. 1569.

mariis, aurea supellectile, unionibus, vino, frumento, pecoribus, piscibus, lana; mercibusque quibusdam aliis, Iudæorum deniq; capitibus cogédæ. Peculiaris præterea est contributio, quæ ab Ordd. universis in salaria ministrorum Regiæ aulæ, & dissolvendum creditoribus in Bojemia Regiis scenus usitatum, ex cerevisia præstatur. Vocatur vulgo *Posudne*, grossi nempe nostrates in singula dolia, quatuor, quinque vel sex. Ejus pars tertia in usuras, duæ reliquæ in salaria distribuuntur. Existimatur illa, quoties quaternum grossorum est, excedere sexagenas nostrates centies mille.

IV. Non legimus autem unquam majora Regi ab Ordd. subsidia fuisse decreta, quam (*ann. 1610.*) comitiis sub Rudolpho II. penultimis, & (*ann. 1614.*) sub Matthia primis. Supputant videlicet nonnulli, tam ad reddendum ab Rege conflatum æs alienum, quam ad usus privatos, obvenisse ex his Matthiæ Regi præter propter sexcenties sexagies, Rudolpho vero ex illis circiter septingenties octuagies bis mille Bojemicorum grossorum sexagenas. Excitato & magis magisque exundante in Vngaria bello Turcico, decretum fuit ab Ordd. * Rudol-

Ii 5

pho

* *Comit. an. 1593.*

pho Regi mediocre subsidium sunt tamen nihilominus qui id plusquam trecenties duodecies mille sexagenas grossorum nostratium produxisse testantur. Quisquis igitur omnia hæc attentus leget, cum redditibusque regnorum vel rerumpub. cæterarum ex adverso conferet, videbit usque adeo studiosam esse Regum suorum gentem Bojemam, ut non facile, hoc in genere, ab alia quavis possit superari. Nec libertas peræmpla, nec locorum quibus constringitur angustia facit, quominus magistratum suum summum ex fortunis suis, manu liberali juvare, eique quantum ad administrandum rempub. opus est, sumere consentiat. Amici in vicinia illi tantummodo sunt optandi qui non ἀντιπαθεῖς, ut hætenus, esse porro velint, quique bonis eam suis absq; molestia permittant frui, nec vel sedes ei à patribus acceptas, atque fortunam prosperiorē invideant, vel servitutem miserabilem excidiumve létum machinentur. Boni omnis largitor, regnorumque & rerumpub. conservator DEVS, quem Bojema gens, patriæ dulcis Statorem semper invocavit, nos vero ejus progenies, ingratitude scelerata ex Statore vindicem iratum fecimus, offensarum tandem cladiumque tot & tam acerbarum finem propitius faciat, & dispersis

persis immaniter nobis, fortunam statumque quem secundum sub Imp. Rege nostro Rudolpho II. experiebamur, læto quodam postliminio restituat!

CONFIRMA DEVS
BENE COGITATA!

Benevolo Lectori Ὠγαῖτεν!

HIs ita de Regno gentis mea compendio & minerva pinguiore dictis, (quoniam, quæ me fugerunt, non pauca esse est necesse,) monendus mihi es, Lector amice, & orandus. Monendus, ut ne sis nescius, me ob improbatos ritus in religione Romanos patria injuriose profligatum, latere certo oportunisque adminiculis compluribus destitutum, inter armorum strepitus & horrores bellicos, hæc qualiacunque sunt, esse meditatum. Orandus vero, ut quod tenuius quam oportuit, nec satis exacte, hic est descriptum, vel quod imprudentius forte excidit, ingenii imbecillitati potius, cujus mihi sum conscius, quam voluntati, temporum injuria, quam destitutiæ, imputare, excusatum habere, imo vero vel eorum in quibus hallucinor amice me commonescere, vel quod reipub. gentisque Bojema illustrationi plenius atque accuratius inserviat, cum hominibus rerum id genus cupidis & amantibus, communicare ipse velis. VALE.

INDEX RERVM, *In hoc Libro pracipuarum.*

A.



Gademia Pragensis Euangelicis eripitur.	296
Administratum religion. series.	290
Albertus Luscus Imp. Bojemia ejicitur.	349
Albertus Claudus Imp. & Rex.	357
Albertus Bavarus vocatur ad regnum.	ibid.
Albis 3. ejus fontes; ibid. ostia 4. navigabilis.	ibid.
Alta Myta.	30
Aluminis officinæ.	80
Appellationum tribunal Pragæ. 363. 465. ab eo provocatio.	466
Archiepiscopus Pragensis. 174. regem solet coronare. 178. eorum series.	283
Archiepiscopa Pragensis quomodo erecta.	278
Argentifodinæ.	33. 58. 78. 80. 86. 109
Arx Pragensis in suillo monte.	15
Aurum & argentum in Bojemia.	9. 485
Aurifodinæ. 9. ramenta.	51. 53. 58
Aureus Bojemicus.	492
Austria Stiriaque Bojemis adimuntur.	345

B.

Barones in Bojemia.	395. 400
Bechina arx.	37. 45
Bellum Smalcaldicum. 220. religiosum in Bojemia.	260. 272
Bellici motus in Bojemia.	355. 365
Berauna Vrbs. 48. unde dicta; ibid. fictilibus præstat.	ibid.
Bernie Bojem. 503. earum indicendarum conferendarumque ratio.	504
Bessovvca rivus.	4
Bilina amnis.	4. 74
Blanice amnis.	5. 51. 54
Blato piscina.	26
Bojemia 1. ejus situs, longitudoque & latitudo; ibid. insignia & figura; 2. Sudetis montibus cincta; ibid. limites ejus; ibid. non habet aquam peregrinam: ibid. habet thermas & aquas medicas: 6. lacus & piscine; frugum vinique ferax; 7. sale caret; 9. mineris gemmisque abundat; ibid. 10. ejus divisio vetus:	12. novæ;

INDEX RERVM:

12. nova; ibid. districtus octodecim; sit necne
feudum Germanicum, vel in Germania. 112,
114. 121. pensionem Cæss. pendeat. 116, 140,
321. olim valla & inculta. 126, 147. à Czechis
absque controversia occupata. ibid. Imper.
Germanico scæderata. 138. ducatus Germani-
co Imperio vetustior. 135. suis legibus mori-
busque semper usa. ibid. 138, 398. ejus inco-
læ veteres. 143. interregnum. 348. 355. 358.
bello concutitur. 355, 365. Duces non ha-
bet. 394

Bojemæ Reges archipincernæ imperii. 119. non
habent locum inter Ordd. Imperii. 137. sunt
liberi. ibid. eorum potestas limitata. 145.
eorum coronandorum ritus. 171. juramen-
tum. 179, 181. hæreditatene an electione re-
gnum adipiscantur. 185. ex Przemyſlo orti.
187. 213. eorum reditus. 498

Bojemi. 125. habent liberum regem. 137. linguæ
excolendæ negligentes. 149. eorum mores.
150. reguntur temperato unius imperio. 154.
quale id fuerit olim & nunc sit. 155. eorum
leges. 165. privilegia de regibus creandis.
189, 190, 214, 222. regibus dignitatem ab-
rogabant. 205, 318, 331, 334. dominos hæredi-
tarios natura averſantur. 209. *δδοδαμνο-*

νες. 247. religionem; non semel mutarunt.

247, 252, 255. gentiles. 248. Christiani. 252. in
sectas scissi. 256. edictis regiis terrentur. 267,
269. patria ejiciuntur. 275. regimen apud eos
ecclesiasticum. 278. inter pontificios; ibid. in-
ter Evangelicos. 286, 289. eorum foederati.
467. virtus bellica clanguit. 468. nullum ha-
bent publicum thesaurarium. 469, 498. bellica
virtute præstantes. 474, 475, 479. iis usitatus in
milite conscribendo mos. 481, 482. numus. 485.
numi usus & supputatio singularis. 492, 496,
497

Bojemici Senatus authoritas. 168. juramenta.

193

Boleslavia vetus. 97. nova. 99. ejus conditor.
ibid. basilica & presbyterio clara. 100

Boreca opidum cerevisia salubri nobile. 80

Borzislaus dynasta Caurtzmanus. 21

Borzivogius dux Christo dat nomen. 318

Bradavca amnis. 61

Braumovii conobium. 27. caussa belli Boj. 28

Broda Bojem. 25. unde dicta. ibid. libertatem

à Sigism. Imp. accepit. ibid. Teutonica. 35

Brzeu.

INDEX

Arzetiflans-Henricus in Boj. & Episcopus & Dux.	342
Bacquogius Comes.	35.45
Budiegovicæ urbs. 37. unde dicta. 38. religionis pontificiæ. ibid. celebris. ibid. salis emporium.	39
Burggraviatus Pragensis supremus. 419. ejus procuratio & administri.	ibid.
Burggraviatus Carolosteinensis. 423. ejus procuratio.	ibid.
Burggraviatus Hradecensis.	453
Burggravius Pragensis supremus.	174.409
Burggravi Carolosteiniani.	49
Burggravius Hradecensis.	454
Burggravius Pragensis Minor.	419
Bydzovum. 26, 29. ejus conditor.	ibid.

C.

CAdana. 71, 77. ejus conditor & religio.	ibid.
Cadburze amnis.	81
Calixtini.	253
Callis aureus.	56
Camerariatus regni supremus. 420. ejus procuratio & administri.	ibid.
Cancellariatus regni supremus. 421. ejus auctoritas ibid. procuratio.	436
Cancellaria regni. 435. ejus usus. 436 confessus ex Optimatib. 437. consilium diversimodum. ibid. expeditio alia Bojemica, alia Germanica. 440. 441. locus venerabilis.	443
Carolus Rex. 16. fundat Pragam novam. 17. ejus Bulla declaratoria. 190, 216, 217. gentis suæ amantissimus.	313
Carolosteina arx. 49. <i>κειμηλίον</i> regni conditorium.	ibid.
Cassei Plznennses.	60
Caurzima. 20. unde dicta. ibid. ejus conditores. ibid. conflagrat. 22. instauratur alio loco. 22. diripitur.	23
Cerevisiæ Bojemicæ.	8
Cives in Boemia. 395. urbes incolunt. ibid. mercaturæ officiorumque jura soli habent. ibid. utuntur suis institutis & jure. 398, 405.	
Cladscum urbs & propugnaculum. 103, 104. ejus fortuna. ibid. unde dicta.	105
Glatovia urbs. 61. unde dicta, & à quo condita. 64. principibus fidelis.	ibid.
Clemens PP. dat Bojemis de Regg. coronandis Bullam.	222
Colina urbs. 24. unde dicta.	ibid.
Comitia Bojemorum. 407. indicuntur à rege.	408. vel

R E R V M.

408. vel generalia vel nationalia. ibid. quo- modo celebrentur.	ibid.
Comitia Bojem. de rege creando. 206, 209, 211, 214. turbulenta.	350, 351, 356, 357, 358
Comites in Boemia.	394. 401
Compactata Basileensis. 263. antiquantur.	266
Confessio fidei Ordd. Bojem. 268. confirmatur.	270
Consilium regium augustum vel angustum.	437.
439. Cameræ seu fisci.	427
Consistorium regium.	435
Consistorium Evangelicorum Pragæ. 290. dissi- patur.	296
Consul. 431. ejus officium.	ibid. 462
Copa quid Bojemis.	497
Corkonosæ montes.	3
Cors Pragensis.	16
Chablovvca amnis.	4
Chalcus Bojem. 490, 491. ejus temperatura.	492
Chodovve. 67. unde oriundi.	ibid.
Chomutovia opidum cerevisiæ bonitate celebre.	79
Chrudina. 30. equis abundat.	32
Chrudinca amnis.	3
Crafnicus Caurzimæ dynasta. 23. Neclanum armis lacet. ibid. fugatur.	ibid.
Crocum Bojemicum.	8
Crocus præficitur rerum summæ. 157, 203. ejus posteritas hætenus superest.	204
Crumlovvia arx.	57
Cugeba homo stupidus.	31
Cunradus SStiekna.	258
Curie magisterium supremum, 419. ejus procu- ratio.	ibid.
Curie magister supremus.	427
Gutna urbs. 32. unde dicta. ibid. argenti cupri- que fodinis excellit. 33. ejus immunitates.	34
Cydina amnis.	3
Cyprianus Leovitins.	29
D. Cyrillus religionem apud Bojemos ordinat.	253. 286
Grzezomyllus princeps.	16
Crzivokladu arx 31. Burg-Leys Germanis. ibid. silvosa. ibid. carcer magnorum virorum.	82
Czassavia Urbs. 35. ejus conditor.	ibid.
Czechus in judicem electus.	202
Czechii, vide Bojemi & Bojemia.	
Czechi. 147. unde in Bojemiam venerint. ibid. ubi primum larem fixerint. ibid. unde se Bojemos vocent. 148. eorum lingua.	ibid.

INDEX

D.

D iecinum propugnaculum.	88
Diplomata regia. 440, 441. aliunde quam ex Cancellaria Bojemica non eduntur.	444
D istrictus, Pragensis. 13. Caurzimanus. 18. Hradecensis. 26. Chrudimensis. 30. Czallaviensis. 32. Bechinensis. 37. Vultaviensis. 47. Podbrdscensis. ibid. Prachensis 50. Plznensis. 61. Racovvnicensis. 80. Slanensis. 82. Zatecenensis. 69. Litomierzicensis. 85. & Bolellaviensis. 96. Item, Cladscanus. 102. Hebanus. 106. Cubitanus.	108
Dolifius Caurzimæ dynasta.	22
Domazlicæ urbs. 61. unde dictæ. 66. oppugnata & deditæ.	68
Ducum Bojemix series.	314
Duces inter Ordd. Bojem. nulli.	394
Ducatus seu solidus Bojemicus.	492
Dvvurum.	26, 30

E.

E piscopa Pragensis erecta.	256
E piscoporum Pragensium series.	280
E quester Ordo in Bojemia.	394, 402

F.

F erdinandus I. eligitur Rex 362. ejus de Bojemia protestatio. 125. Recognitio. 192, 208. Bojemos domat. 363. obit. ibid.	
F erdinand. II. Imp. jus suum in Bojem. gladio probat. 180, 272. in Regem Boj. assumi vult, non eligi. 367. regno à Bojemis destituitur. ibid. occupat regnum & Bojemos compescit. 369.	
F erri fodinæ.	10, 50
F eudorum origo.	136
F eudorum Germanicorum præfectura.	428
F idrolets silva.	20
F ratres Bojemi. 265, 291. Edictis terrentur. 266	
F ridericus Palatinus. 368. eligitur & coronatur Rex. ibid. facto prælio adverso profligatur. ibid. in Hollandiam evadit. ibid. moritur.	369

G.

G abreta silva.	2
G emmarum fodinæ.	87
G orgius Rex. 358. gessit bella varia. 359. privi-	

R E R V M.

- Vilegia regno obtinuit. ibid. dignitatem asse-
ruit. 477. obiit. 319
Germani gens gloriosa. 121. Bojemos infestant.
128. eorum scriptores plerique Bojemis ini-
qui. 120
Gizera amnis. 4, 100
Grossus Pragensis. 487. ejus forma. ibid. 489.
valor. 487, 492, 497
Grossus albus. 491. ejus valor. ibid. diobola-
ris. 491, 492

H.

- Hæredis vox homonyma. 212
Hebum seu Oegra urbs 107. conventibus &
medone celebris. 108
Henricus Carinthus Rex electus. 351, abdicat-
ur. 352
Horzeflaus Caurzimæ dynasta. 22
Hostivitus dux, primus cum Germanis foedus
icit. 317
Hradczana opidum. 15
Hradecium reginæ. 25. ejus conditor & situs. 28.
viduarum reginarum domicilium. 29. equis
præstat. 32
Hradecium Henrici. 43
Hussitæ. 260, 263. ἀμυνόμενοι. 476. eorum
victoriæ. ibid.

I.

- Interregnum in Bojemia. 348, 355, 358
S. Ivan cremita. 5
Iaromirus Dux Boj. 131, 323.
Iaromierza. 26. ejus situs & conditores. 29
Iesuvitæ. 58, 266
Ioachimi vallis opidum. 109
M. Iohannes Colonius Administrator. 24, 294
M. Ioh. Hussus. 57. Bethlehem a sacris. 259.
repurgator religionis. 260, 289, crematur. 260
M. Ioh. Miliczus. 258
Iohannes Rex. 352. occumbit; ibid.
Iohannes Zisca Hussit. belli dux. 35. 362. ejus
sepulcrum. 35
Iordanis piscina. 42
Iudices Bojemæ. 312
Iudicia apud Bojemos. 447. ordinaria vel ex-
traordinaria. ibid. eorum autoritas. 448.
regia quæ. 449. terreltria. 452. inferiora. 461
Iudiciū Burggraviatus. 453. ejus jurisdictio. ibid.
Iudicium Camerale. 450
Iudicium Curiale. 451

INDEX

Iudicium terrestre Minus. 455. ejus Senatores.	
456. jurisdictio. ibid. Majus. 458. ejus Senatus.	459
Iudicia extraordinaria.	460
Iudicia civitatum.	462
Iudicium corrogatum 463. ripense.	ibid.
Iudex Curiae supremus.	427
Ius Bojemorum aliud provinciale, aliud municipale.	398
Iura Bojemica à Germanis diversa. 445. unde sumpta. 446. Ordinum arbitrio figuntur resignanturque. ibid.	

L.

Ladislaus posthumus. 358. moritur inopinato. ibid.	
Lautsca frumenti feracissima.	70
Lauczna amnis.	3
Launa urbs 71, 76. ejus conditores. ibid. ci- ves seu incolae quales.	ibid.
Leslaus toparcha Caurzimanus..	23
Libra numularia Pragensis, seu pondo.	492
Libussa. 13. princeps creatur. 159. maritum legit. 160. numum signat.	485
D. Lidmila.	49
Litomierzicæ urbs. 88. ejus situs & conditor. 89. habet jus Stapulæ. 91. pontis sui incendium luget. ibid. vini copia & murinæ bonitate celebris. 91. religionum tenax.	92
Litomysilæ arx cum opido.	32
Loctum seu Gabitū urbs. 109. probe munita.	110
Lutsko.	70
Lucensis ducatus. ibid. ejus divisio. ibid.	
Lucenses quales. ibid.	
Ludovicus Rex. 360. ejus regnum turbulentum. 361. occumbit.	ibid.
Lunæ silva.	455
Lusatia. 11, 297. unde dicta. 305. superior & inferior. 307. utraque diversis paruit dominis. 308. à regno nuper alienatur. 309. 310.	
Luznicæ amnis. 5, 40, 41.	

M.

Malice amnis.	5
Marescallatus regni supremus. 420. ejus procuratio.	ibid.
Marchiæ Germaniæ limites.	124
Marobudus Moraviæ rex. 123. regni ejus fines.	144
Maru.	

R E R V M.

Martinus de Huerda. 52.	Euangelicorum perfe-
	quutor. <i>ibid.</i>
Matthias Rex & Imp. 366.	religionis turbas ne-
	gigit. <i>ibid.</i> arma in Bojemios expedit. 367.
	moritur. <i>ibid.</i>
M. Matthias Parisiensis.	258
Maximilianus Rex & Imp. 364.	pius & pacis le-
	ctator. <i>ibid.</i> moritur <i>ibid.</i>
Melnicum urbs. 95.	ejus situs & nomenclatura.
	<i>ibid.</i>
Metellicorum magisterium supremum. 427.	ejus
	procuratio. <i>ibid.</i>
P. Metudius Boj. Apostolus.	252, 287
Metuge annis.	3
Miza annis.	5, 65, 81
Mnata princeps. 15.	fundat Pragam Majorem.
	14. Moravos domat. 22
Monasterium Aulæ regiae. 50. S. Coronæ. 58.	
	Doxanense. 84. Ofecanum. 87. D. Procopii.
	19 Sedlecense. 37
Moneta publice recepta non mutanda. 484. Bo-	
	jemica. 486. ejus genera legesque. 491, 492.
	in Boj. adulterina. 488, 495. peregrina. 495
Mons Cunaci.	31
Mons Cunnæus.	32
Mons pinifer.	4
Mons suillus.	15
Moravia. 11, 297. ejus metropolis & insigne.	
	298. regnum. <i>ibid.</i> dilaceratur. 301. Bojemis
	acquiritur. <i>ibid.</i> 22
Moravi Bojemiam vastant. 22. eorum reges. 299	
Mosla urbs. 71, 74. unde dicta. <i>ibid.</i> religionis	
	in ea vicissitudines. 75
Mrlina annis.	3
Mstibogius dynasta Caurzimanus.	21, 23

N.

NObilitas Bojemica. 393.	removeretur ab arti-
	bis quæstuosis. 396. instituta habet inter se
	sua. 399. opulenta est. 471
Notarius regni supremus. 422.	ejus procura-
	tio. <i>ibid.</i>
Numus in Bojemia. 485.	uncialis in usu non ad-
	eo diu. 490. ejus valor. <i>ibid.</i>
Nymburgum urbs & propugnaculum. 97.	ejus
	conditor. 98

O.

OBoi Bojemorum	487, 491, 492
Osgra seu Ohrze annis.	4, 71, 84, 107
K k	Oeno-

INDEX

Oenoptæ munus.	498
Officia Ordd. Boj. publica. 416. quotuplicia.	
ibid. hæreditaria quæ. 417. dativa. ibid. eorum autoritas. 418. alia terrestria, alia regia. ibid. regia quæ. 426. inferiora 429. quamobrem & à quo instituantur. ibid.	
Opes Bojemix.	467, 469
Optimates regni apud Bojemos.	418
Ordines regni Boj. 389. politici tres. 392. eorum libertas. ibid. quæ cujusque prærogativa. 394. ager Bojemus eis distributus. 395. sua quisque habet instituta.	398
Otho M. Slavorum hostis.	130
Otho Brandeb. VVencellai tutor.	348

P.

Pardubicium arz cum opido.	37
Paulus Caichus primus sacrorum apud Bojemos minister.	286
Paulus Pauczecus vetustiss. Evangelicorum ædificulam diruit.	388
Peldrzimovum urbs. 42. unde dicta.	43
Peregrini quomodo inter regnicolas apud Bojemos recipiatur. 394. arcentur à repub. ibid.	
Pilsna urbs. 60. unde dicta. ibid. bene munita, & privilegiis ornata. 61. obsessa. ibid. expugnata.	62
Piseca urbs. 51. unde dicta. ibid. ejus clades. ibid.	
Plaucznice amnis.	74
Podiebradæ ditio regia.	26
Policzka urbs.	30
Pons Pragensis.	5
Populi Bojemi genera.	389
Prachaticæ urbs. 50, 55. salis emporium. 56. expugnatur. ibid.	
Praga. 4. regni caput. 13. unde dicta, & à quo condita. ibid.	14
Præfectura arcis Pragensis. 428. satellitii regii. ibid.	
Præfecturæ provinciales. 425. earum procuratio. ibid.	
Præses Cameræ. 427. ejus succenturiati. ibid.	
Prætura regni suprema. 421. ejus dignitas & procuratio. ibid.	
Prætura in civitatibus. 430. ejus officium. 432	
Presbyterium Catnense.	34
Primas civitatis.	431
ProCancellarius. 437; diplomata regia subscribit.	442
	From

R E R V M.

Pron Slavorum omnium Deaster. 249. ejus ius.
Provincia coronæ Bojemicæ unitæ. 297
Przemyslus. 13. vocatur ad principatum. 161.
 inauguratur. 162. leges Bojemis fert. ibid.
 dividit curas cum Optimatibus. 163. ejus
 posteritas continue apud Bojemos rerum sum-
 mæ præfuit. 187

Q.

Quæstura regni suprema. 424
Quatuor-Viri Evangelicis exstirpandis con-
 stituti. 274, 286

R.

Racovnicum urbs. 80. unde dicta. ibid. ce-
 revisia celebris. 82
Radslaus Moraviæ rex. 115
Regum in Bojemia origo. 165. potestas limita-
 ta. ibid. 407. eorum coronandorum ritus.
 171. juramentum 179, 181. hæreditatene an
 electione regnum adipiscantur. 185. ex Prze-
 myslo oriundi. 187. conferunt in regno suo
 beneficia ecclesiastica. 278, 283. eorum series.
 343. redditus. 498. mediocres. 499. ordinarii.
 500, 501. extraordinarii. 503
Rex Bojemicæ Elector. 191, 220
Regium diadema Bojem. Delila. 163
Reginæ Bojem. 371. earum dos. 26, 30, 37, 96.
 dos & prærogativæ. 372. habent suos mini-
 stros. 377. quæ cum quo principe vixerint.
 378.
Regum liberi. 383. non vocantur Bojemicæ prin-
 cipes. ibid. coluntur à Bojemis studiosissime.
 ibid. pecuniæ suppellectilisque paternæ hære-
 des. 384. à rege Bojem. coronato pro digni-
 tate opibus ornantur. 385. inquieti ac sedi-
 titiosi compescuntur. 388
Religionis in Boj. vices. 247, 252, 254, 257, 269,
 270, 273, 290.
Rokytana urbs. 61. unde dicta. 68
Rozhonius Caurzimanus homo inquietus. 21.
 Nezamyslum irritat. ibid. capitur & naso
 truncatur. ibid.
Rudolphi I. Imp. Attestatio. 191, 219
Rudolphus Dux Austriæ. 350. regnum occupat.
 ibid. moritur. 351
Rudolphus II. Rex & Imp. 364. bellum diutur-
 num cum Turco gerit. 365. Botscasianis &
 fraternis armis turbatur. ibid. regnis redit.
 & moritur. 366

Azipus mons.

INDEX

20, 85, 147

S.

S Almo piscis.	43, 91
Sazava amnis.	5
Sculteti apud Bojemos.	406
Senatus regni. 424. civitatum. 430. ejus jurisdictio. ibid.	431
Sestertius Ferdinandi.	491
Sigismund. Cæs. 355. coronam arripit. ibid. bello infelix. ibid. cum Bojemis paciscitur. 356. moritur.	ibid.
Slana urbs. 83. unde dicta. ibid. scommate notata, & cerevisiæ bonitate præstans. ibid.	ibid.
Slavicæ gentes magistratus sibi eligunt.	202
Silesia. 11. 297. ejus inigne & denominatio. 302. in Polonorum ditione. ibid. Bojemix inferitur.	303, 305, 349, 352
Sobieslai senioris Constitutio.	214
Stabuli magisterium.	429
Stranni fodinæ.	78, 86
Status in regno Boj. duo. 390. ecclesiasticus. ibid. politicus.	392
M. Stephanus de Colonia. 24 Bethlehemi à concionibus. ibid.	260
Straconicæ opidum.	59
Strzibrum urbs 61. ejus situs, conditores & nomenclatura. 65. cerevisiæ bonitate clara. ibid.	ibid.
SubCamerariatus regni. 422. ejus procuratio: ibid.	ibid.
Sudeti montes.	2, 85
Svevica lingua.	145
Sussice urbs.	51, 53
Svviet piscina:	44
Svvanto-VVjt Slavorum Deaster. 249. crematur.	250
Sumava silva.	1, 2
Syncretismus Bojemorum.	75

T.

T Aborum urbs. 37. ejus conditores: 39. unde dicta. 41. ejus fortunæ.	ibid.
Taboritæ.	264
Teplix h. e. thermæ Bojemicæ.	6, 111
Tribunalia judicum apud Boj. 445. superiora vel inferiora.	447
Tribuni plebis in urbibus. 432. eorum officium. ibid.	ibid.
Trutnovum.	26, 30
Trzebona propugnaculum. 43, 44: deditur.	48
Tyna ad Vultavam. 43. unde dicta.	ibid.
	Vldricus

R E R V M.

V.

Vldricus Dux Bojemiz. 432, 378
Vpa amnis. 3
Vsta urbs. 93. ejus conditores. ibid. unde dicta.
94.

V.

Venationis magisterium. 429
Vinum Boemicum. 7
Vires Bojemiz. 467, 472, 482
Vitri officina. 10, 32, 46
Vvaldi discipuli in Boemia. 255
Vvatava amnis. 5, 51, 58
Vvelvari opidum. 84
Vvenceflaus Dux & martyr. 320
Vvenceflaus II. Rex veneno sublatus. 204. sanctus. 394. numum publicum alterat. 486
Vvenceflaus III. Rex 349. necatur. 350
Vvenceflaus IV. Rex. 354. captus à suis bis. ibid. Imperio privatur. ibid. moritur. ibid.
Vvilelmus Rosenfis. 210
Vvindi ex Sarmatia. 145
V. Iadisslaus creatur Rex. 336
Vvladisslaus II. Rex 360. regno utilis. ibid. ejus de liberis Dispositio. 172, 208, 221
Vvlaltisslaus princeps Lucensis. 70
Vvodniana urbs. 51. ejus clades. 54
D. VVogeticus disciplina Græca imbutus. 287
VVoliti & vvytyi Krale opponuntur. 212
Vvorlice amnis. 3
Vvratisslaus II. princeps creatur Rex Boj. 164; 328.
Vvratisslaus princeps Lucensis. 70
Vvutava amnis. 4. 59. ejus fontes. 4
Vvydrziduch silva. 69
Vvysschradum arx. 13

Z.

ZAtecium urbs. 69, 70, unde dicta. 71. à quo confecta. ibid. religionis Evangelicæ tenacissima. ibid. cerevisiæ bonitate clara. 72. ejus clades. ibid.
Zbillaus princeps Lucensis obtruncatur. 70
Zvvicovum propugnaculum. 59

FINIS.

Summa Privilegii.

Illustrium & Prapotentium D. D. Ordinum faderatarum Belgia provinciarum decreto cautum est Bonaventuræ & Abrahamo Elseviriis, Academia Leydensis typographis, Ne quis præter illorum aut heredum voluntatem toto decennio proximo, his in regionibus excudat, aut alibi extra provincias excusum inferat vendatve librum hunc, cui titulus, Respublica Bojema. Quod si quis contempta auctoritate, directe vel indirecte, librum hunc, totum, vel partem ejus, hoc sive alio modo, extra dictum temporis intervallum typis mandare, vel impressum alibi in has oras inferre & vendere præsumserit: confiscatione exemplarium, multaque insuper sexcentorum florenorum damnas esto: uti latius patet in ipso privilegio, dato Hagæ in conventu D. D. Ordinum Generalium, xv Maji, MDCXXVI.

G. V. HERTEVELT Vt.

Ad mandatum Prapotentium D. D. Ordinum General. ff.

I. van Goch.

et
i,

Q.

